

Handwritten scribbles

LSM

opi


OBZ

Handwritten marks: a star-like symbol and the number 4

Lit. J. ord. V. num. 36

io

PITTS
 THEOLOGY
 LIBRARY




EMORY UNIVERSITY
 ATLANTA, GEORGIA 30322

Handwritten scribble

Handwritten mark

NECROLOGIVM
PONTIFICVM
A C
PSEVDOPONTIFICVM
ROMANORVM



24/6
NECROLOGIVM

Pontificum ac Pseudopontificum

ROMANORVM

CVM NOTIS.

AVCTORE

AVGVSTINO OLDOINO

SOCIETATIS IESV.

EMINENTISSIMO PRINCIPI

CARD. CAROLO

ROSSETTO

DEDICATVM.



ROMAE,

Typis, & Expensis Ignatij de Lazaris.

MDCCLXXI.

SVPERIORVM PERMISSV.

27022

5ms 4489

REGILOGIAM

monasterium de Pleschomontium

~~LFM
091
932~~

ROMANORVM

CVM NOTIS

1671
oldo

AVCTORE

AVGVSTINO OLDOINO

SOCIETATIS IESV.

EMINENTISSIMO PRINCIP

CARD. CAROLO

ROSSETTO

DEDICAVIM

ROMANORVM

EMINENTISSIMO

CAROLO CARD. ROSSETTO

AVGVSTINVS OLDOINVS SOC. IESV S.D.



INCIDVNT persæpè tem-
pora, quibus à debitis ob-
ligationum officijs recede-
re, nisi grauiissimo admisso
piaculo nemini liceat; &
ego is sum, qui eiusmodi
occasiones non facilè è manibus mihi elabi
finam, vt Orbi aperiam vniuerso qui-
bus cuiquam nominibus debeam. Vt au-
tem me Tibi deuinctum viuere Mortalium
neminem lateat, è sepulchris Mortuorum,
Cadauera Pontificum Romanorum, non
ad terrorem, sed ad eruditionem effodi,
vt Tibi in mearum obligationum argu-
mentum consecrarem. Hominum menti
insident altiùs, memoriaque retinent faci-
liùs Mortales, quæ Mortui ex pheretro,
quàm quæ viui è suggestu illis exponunt,
atque explicant. Abdita, & retrusa veri-
tas, non nisi subterraneas incolit domos,
animique nostri rarò Cælum contem-
plantur, nisi è Sepulchris, ad quæ Au-

† 4 la

9882

læ caligo, quæ mirum officit animis, vitiumque oculis maximum infert, ne percipiamus Mundi vanitates, non descendit, neque permeat. Lethum ab obliuione dictum volunt illi, qui vltronea, obliuione vita iam functos ab animo delent, & obliterant; ego tamen sub Francisco Suuertio has veritates edoctus, voluptati ducō Defunctorum decantatam fabulam, & imminentem nobis quotidie catastrophē audire, & legere sæpissimè, veterisque Præconis consuetudinem damno, Mortuorum recordatione prohibentis, imò laudo eos, qui, vel humati Epicuri imaginem, tum in Tabulis, cum in poculis, & annulis gratissimam habuere. Necrologium idcirco construxi hoc, in quo Pontificum, ac Pseudopontificum Romanorum extrema notatur dies, vt horum mors nobis imminens, nos erudiat, ac doceat splendidum illud mortalitatis nostræ documentum, fictiles nimirum esse homines omnes, bullasque momento temporis nascentes, atque euanescentes. Parcæ enim non parcunt linguæ, dum quotidie tacitæ ludum exercent suum non solum in gregarios, sed

in

in Viros etiam principes, ambitiosa quadam inuidia continenter ludunt. Optimè quidem scio nos in Orbe versari, in quo Mortales mortalitatis propriæ, propemodum obliterati, tam anxie, vt cum Tacito loquar, inter abruptam contumaciam, & deforme, obsequium per iter haud ambitione, & periculis vacuum ad honores grassantur, quare hi certè me insanire iudicabunt, dum è sepulchris cadauera Pontificum effodere perspicient, ad homines quotidie expirantes erudiendos. Verum fatear, non vt vnum, aut alterum ex multis, sed solum vt prudentes instituerem viros, hoc perfecit opus; non enim homines sunt, qui adspicere, & præferre talia recusant, nam ipsa natura humana docet Maiorum non obliuisci, & quibus possumus eos commendare ingenijs; neque certè obliterandi, vt ait Ambrosij Mediolanensis Antistitis verbis, à memoria nostra sunt illi, quorum non desisse hinc mortis euulsio fuit, sed in melius commutasse; viuunt certè in Deo illi omnes, qui in ipso sperarunt; quapropter officiosissimum esse iudicauit Sanctos imitari

viros

viros Ambrosium, Hieronymum, reli-
quosque, qui suis Epitaphia charis facun-
dissime condiderunt: Maiorum siquidem
exempla maxime conferunt ad presentis
vitae moderationem, praeteritaque cor-
rectionem ex Bernardo Clareuallensi.
Non igitur moestitiam nobis inferre pos-
sunt Maiorum sepulchra frequentata à
nobis, imò illam è cordibus proscribent
nostris, ex Suuertio, qui scriptis confi-
gnauit in Posterorum utilitatem. Si mœ-
rorem vis vincere, circui sepulchra, nam
ibi passionum inuenies remedium, &
maximas hominum fortunas vltèriùs ci-
nerem, videbis esse nihil. Quidquid
Planetarum Principi debemus, scripsit
alter, debemus & Defunctorum sepul-
chris; nam si ille ab oculis, hæc ab ani-
mis tenebras remouent, vt pericula eui-
tare valeamus ad salutem; si ille corpo-
ris exuberantes humores, hæc animi li-
bidines exsiccant; ille Cœlorum aspe-
ctum nobis reteggit ad contemplationem,
hæc eorundem fores expandunt ad frui-
tionem. Non igitur praetermittenda Maio-
rum facta, quæ ne temporum iniuria,
elanguent, Posterorum memoriam Ne-
crolo-

crologio hoc refricabo, quod Tibi di-
catum venit, & sub Eminentiae Tuæ au-
spicijs, Opus, licet non magnum, Maxi-
morum tamen Pontificum publicus Præ-
co, Mortalibus Mortis Trophæa diuul-
gat, vt de illis, quæ Praconis vox præ-
dicat, verum hi pretium faciant. Nec
vitio vertendum erit Auctori quòd nomen
CAROLI CARDINALIS ROSSETTI,
dignissimum vt scalpore sculpatur in si-
lice, scripserit in mortuorum puluere;
nam hic, instar Mathematicorum erudi-
tus æquè, ac immobilis, cum ima se-
de semper hæreat, ventosis follibus num-
quam agitur. benè igitur CAROLI
nomen etiam in puluere hoc exaratum,
stabit æternò. Si quis autem præclari
huius Cardinalis gesta percurrere exoptaret,
legat quæ in Additionibus Cia-
conianis de tanto viro, strictim tamen,
ne offensionem eius innatae modestiae esse-
mus, attigimus. Neque excludet Prin-
ceps noster oblata, quia exigua; nam
regium esse iuxta, ac benignum, capere
candido, & alacri animo exigua, atque
ingentia donare Artaxeris Persarum Re-
gis exemplo, optimè callet; non ex do-
ni

ni pretio, sed ex propenso corde dantis
munera pretium habent suum apud Prin-
cipes summos: ideò Lycurgus simpli-
cissimas hostias Spartaë præscripsit, vt
semper Deos ex ijs, quæ ad manus es-
sent, colere promptè, & facilè vale-
rent. Probabit, ni fallor, Orbis Ter-
rarum, probabis & Tu, humanissime
CAROLE, Auctoris consilium, quòd
dum Summorum Antistitum acta in ar-
cùm collecta publicæ luci commisit,
factum hoc voluerit sub Eminentiæ
Tuæ auspicijs, quam tantum amare,
tantumque amari à Pontificibus no-
uit. Vale. Romæ. Kalen. Ianuarij
MDCLXXI.

AD

A D

LECTOREM.



NIHIL antiquius apud S. R. E.
Præsules fuisse videtur quam
vt Christianorum illustrium
acta, & res præclarissimè ge-
stæ, perpetuæ memoriæ moni-
mentis consignarentur, ne pe-
rissent cum vita Auctoris. Cuius
rei egregiam nauatam operam primùm fuisse à
S. Clemente Pontifice testatum habetur in libro
de Romanis Pontificibus, sub Titulo Damasus,
qui est omnibus, sacris præcipuè Historicis,
notissimus. Clemens enim Urbem Romæ
in septem regiones diuisit, vnicuique Nota-
rium, probatæ fidei virum adscribendo, qui
gesta Martyrum sollicitè, & curiosè, vnusquis-
que in propria regione perquireret. Eandem
Urbem ob Martyrum multitudinem in XIV.
regiones distribuit Fabianus successor, sin-
gulis Diaconum, seu Subdiaconum cum
Notario, qui gesta Martyrum in integrum
colligeret, & ipse assignauit. Ad Ecclesiæ
Romanæ imitationem, aliæ etiam Transmari-
næ idem opus aggressæ sunt, natalesque aduo-
tarunt dies, sic enim appellare consueverunt
transitum Martyrum, vt per singulos annos
eodem

eadem recurrente die in eiusdem S. Martyris memoria Deo offerretur sacrificium laudis, & acta publicè legerentur in Conuentibus Fidelium. At cum in immensum ob SS. Martyrum copiam creuissent, vt apud Fideles eorum memoria vigeret, inuentæ sunt, Ecclesiasticæ Tabulæ, quibus Martyrum primò, deinde aliorum etiam virorum sanctitate illustrium natalitia indicata habebantur, quæ Fasti, seu Censuræ, aut Menologia, vel Martyrologia fuere appellatæ. Talem Ecclesiæ ritum imitati Monachi, suorum obitum ac gesta adnotare consueuerant in volumine nuncupato Necrologium; Nos Monachorum, vestigijs inhærentes Pontificum ac Pseudopontificum defunctorum Necrologium extruximus, in quo notatus apparet dies obitus, & acta præcipua vniuscuiusque, vt memoria vigeat in æuum Virorum tantorum, qui Ecclesiam Catholicam dictis, factisque illustrarunt. Notas addidimus, quia in antiquis multa obscura, & multa dubia. Authores etiam indicauimus pro illis, qui singulorum acta minutatim inuestigare percuperent. Si opus tibi arridet, accipe donum, sin minus, rei gratiam accipe, & Vale.

IOANNES PAVLVS OLIVA

Præpositus Generalis
Societatis Iesu.

CVM Opus, cui titulus Necrologium Pontificum, ac Pseudopontificum Romanorum à P. Augustino Oldoino nostræ Societatis Sacerdote conscriptum, aliquot eiusdem Societatis Theologi recognouerint. & in lucem edi posse probauerint, potestatem facimus, vt typis mandetur, si ijs ad quos pertinet, ita videbitur. Dat. Romæ 30. Decembris 1670.

Ioannes Paulus Oliva.



Imprimatur .

Si videbitur Reuerendissimo P. Mag. Sac.
Pal. Apostol.

I. de Ang. Archiep. Vrbin. Vicesg.



Imprimatur ,

Fr. Hyacinthus Libellus Sac. Palat.
Apost. Magist.



IANVA-

IANVARIVS.

1.	Kal.	
2.	iv. Non	
3.	iii.	S. Antherus.
4.	Prid.	
5.	Nonis.	S. Thelesphorus.
6.	viii. Id.	
7.	vii.	Ioannes VI. Anacletus II. Pseudopontifex Caëstinus III. Innocentius X.
8.	vi.	
9.	v.	
10.	iv.	Vigilius. } S. Agatho. }
11.	iii.	S. Hyginus. } Gregorius X. }
12.	Prid.	
13.	Idib.	Felix IV. dictus V. Pseudopontifex
14.	xix. Kal	
15.	xviii.	
16.	xvii.	S. Marcellus.
17.	xvi.	Paschalis I. Pseudopontifex.
18.	xv.	Constantinus Marinus.
19.	xiv.	
20.	xiii.	S. Fabianus.
21.	xii.	Paschalis II.
22.	xi.	
23.	x.	Valentinus.
24.	ix.	Benedictus IX. seu X. Pseudopont.

††

Ste-

IANVARIVS .

25. VIII.	Stephanus V. } Gregorius IV. }
26. VII.	
27. VI.	S. Vitalianus .
28. V.	Paulus V.
29. IV.	Gelasius II.
30. III.	
31. Prid.	Stephanus IV.

FEBRVARIVS.

1. Kal.	
2. iv. Non	
3. III.	
4. Prid.	
5. Nonis.	
6. viii. Id.	
7. VII.	
8. VI.	Pelagius II.
9. V.	Siluester IV. Pseudopontifex .
10. IV.	Ioannes XV.
11. III.	Constantinus . } Gregorius II. }
12. Prid.	Vrsicinus Pseudopontifex .
13. Idib.	
14. xvi. K.	
15. xv.	
16. xiv.	Honorius II.
17. xiii.	
18. xii.	Gregorius V,
19. xi.	Sabinianus.

20. X.

FEBRVARIVS.

20. X.	
21. IX.	Martinus III. alijs V. } Iulius II. }
22. VIII.	Syricius .
23. VII.	Eugenius IV.
24. VI.	
25. V.	S. Felix III. } Lucius II. }
26. IV.	Benedictus III.
27. III.	
28. Prid.	

MARTIVS.

1. Kal.	
2. vi. Non	S. Simplicius . } Pelagius I. }
3. V.	
4. IV.	S. Lucius .
5. III.	
6. Prid.	
7. Nonis.	Clemens VIII.
8. viii. Id.	
9. VII.	Cælestinus II.
10. VI.	
11. V.	Siluester III. Pseudopontifex.
12. IV.	S. Gregorius Magnus.
13. xiii.	
14. Prid.	
15. Idib.	S. Zacharias .
16. xvii. K.	Ioannes XIV.

†† 2 Leo

MARTIVS.

17. XVI.	Leo VIII. Pseudopontifex .
18. XV.	Honorius III.
19. XIV.	
20. XIII.	
21. XII.	
22. XI.	
23. X.	Julius III.
24. IX.	Stephanus VII. } Nicolaus V. }
25. VIII.	Clemens III.
26. VII.	
27. VI.	Gregorius XI.
28. V.	S. Sixtus III.
29. IV.	Stephanus X. } Martinus II. alijs IV. }
30. III.	Benedictus VII. dictus VI.
31. Prid.	Stephanus II.

APRILIS.

1. Kal.	
2. iv. Non	Eulalius Pseudopontifex .
3. III.	Honorius IV.
4. Prid.	Nicolaus IV.
5. Nonis.	
6. viii. Id.	S. Sixtus I. } S. Cælestinus II. }
7. VII.	Ioannes X.
8. VI.	Benedictus IV.
9. V.	Sergius III.
10. IV.	Gregorius XIII.

APRILIS.

11. III.	S. Leo I. } Donus I. }
12. Pridie.	S. Iulius I. } Sergius II. }
13. Idibus.	Honorius II. } Victor IV. } Pseudopontifex.
14. xviii. K.	
15. xvii.	
16. xvi.	S. Leo IX.
17. xv.	S. Anicetus .
18. xiv.	
19. xiii.	
20. xii.	Clemens V.
21. xi.	
22. x.	S. Concordius Soter . } S. Caius . }
	Alexander II. }
23. ix.	Theophylactus Pseudopontifex.
24. viii.	Ioannes Pseudopontifex .
25. vii.	Benedictus XI. alijs XII.
26. vi.	S. Cletus . } S. Marcellinus . }
	Stephanus III. }
27. v.	S. Anastasius . } Leo XI. }
28. iv.	
29. iii.	
30. Pridie .	Marcellus II.

M A I V S.

1. Kal.	Benedictus VIII. alijs IX. } Pius V.
2. vi. Non.	S. Alexander I. } Alexander V. }
3. v.	
4. iv.	
5. iii.	Leo VII.
6. Prid.	
7. Nonis.	Hadrianus III.
8. viii. Id.	
9. vii.	
10. vi.	Siluefter II.
11. v.	
12. iv.	
13. iii.	Theodorus I. } Paschalis I. }
14. Prid.	
15. Idibus.	S. Benedictus II. } Marinus II. }
16. xvii. Kal	Ioannes XX. dictus XXI.
17. xvi.	S. Cælestinus V.
18. xv.	
19. xiv.	
20. xiii.	Agapetus I. } Stephanus VI. }
21. xii.	
22. xi.	Alexander VII.
23. x.	Benedictus XII. dictus XIII. Pseudop.

Leo

M A I V S.

24. ix.	Leo V.
25. viii.	Urbanus I. } Bonifacius IV. } Gregorius VII. } Alexander IV. }
26. vii.	Abundius Eleutherius.
27. vi.	S. Ioannes I.
28. v.	Zinzinus Pseudopontifex.
29. iv.	Sergius IV.
30. iii.	S. Felix I.
31. Prid.	

I V N I V S.

1. Kal.	S. Eugenius I.
2. iv. Non.	
3. iii.	
4. Prid.	Ioannes XVII. Pseudopontifex.
5. Nonis.	Anastafius III.
6. viii. Id.	
7. vii.	
8. vi.	
9. v.	Benedictus VII. Pseudopontifex.
10. iv.	
11. iii.	
12. Prid.	Leo III.
13. Idibus.	
14. xviii. Kal	
15. xvii.	
16. xvi.	
17. xv.	

†† 4

18. xiv.

I V N I V S.

18.	XIV.	
19.	XIII.	
20.	XII.	S. Siluerius.
21.	XI.	
22.	X.	Innocentius V.
23.	IX.	
24.	VIII.	
25.	VII.	
26.	VI.	Ioannes II. } Adeodatus I. }
27.	V.	
28.	IV.	S. Leo II. } S. Paulus I. }
29.	III.	S. Petrus Apostolus.
30.	Prid.	

I V L I V S.

1.	Kal.	Philippus Pseudopontifex.
2.	VI. Non.	
3.	v.	Nicolaus II.
4.	IV.	Benedictus V. dictus VI. } Gregorius IV. }
5.	III.	
6.	Prid.	
7.	Nonis.	Benedictus X. dictus XI.
8.	VIII. Id.	Gregorius XV.
9.	VII.	Eugenius III.
10.	VI.	Benedictus VIII. dictus VII.
11.	v.	S. Pius I.
12.	IV.	

S. Ana-

I V L I V S.

13.	III.	S. Anacletus I. } Ioannes III. }
14.	Prid.	
15.	Idibus.	
16.	XVII. Kal	
17.	XVI.	
18.	XV.	Ioannes XVIII.
19.	XIV.	S. Symmachus.
20.	XIII.	Innocentius III.
21.	XII.	Bonifacius VII.
22.	XI.	
23.	X.	
24.	IX.	
25.	VIII.	Innocentius VIII.
26.	VII.	Clemens VIII. Pseudopontifex.
27.	VI.	S. Leo IV.
28.	v.	S. Victor I. } S. Innocentius I. } Victor II. } Paulus II. }
29.	IV.	Urbanus II. } Urbanus VIII. }
30.	III.	
31.	Prid.	Benedictus I.

A V G V S T V S.

1.	Kal.	
2.	IV. Non.	S. Stephanus I. } Seuerinus I. }
3.	III.	Ioannes V.

4. Prid.

AUGVSTVS.

4.	Prid.	
5.	Nonis.	
6.	viii.Id.	S. Sixtus II. } S. Hormisda . } Callistus III. }
7.	vii.	
8.	vi.	
9.	v.	
10.	iv.	Damasus II.
11.	iii.	
12.	Pridie.	Sixtus IV.
13.	Idibus.	
14.	xix. Kal	
15.	xviii.	Constantinus Pseudopontifex.
16.	xvii.	Pius II.
17.	xvi.	S. Hilarus .
18.	xv.	Alexander VI. } Paulus IV. } Romanus . }
19.	xiv.	
20.	xiii.	
21.	xii.	Hadrianus V.
22.	xi.	Gregorius IX. } Nicolaus III. }
23.	x.	
24.	ix.	Paschalis III. Pseudopontifex .
25.	viii.	Ioannes XVI. } Nicolaus V. Pseudopontifex. }
26.	vii.	S. Zephyrinus .
27.	vi.	Alexander III. } Sixtus V. }
28.	v.	

Calli-

SEPTEMBER.

29.	iv.	Callistus III. Pseudopontifex .
30.	iii.	
31.	Prid.	

SEPTEMBER.

1.	Kal.	Hadrianus IV.
2.	iv.Non.	Clemens III. Pseudopontifex .
3.	iii.	
4.	Prid.	
5.	Nonis.	
6.	viii.Id.	Ioannes XIII.
7.	vii.	Petrus Romanus Pseudopontifex.
8.	vi.	Theodorus II.
9.	v.	S. Sergius I.
10.	iv.	
11.	iii.	
12.	Pridie.	Innocentius VI.
13.	Idibus.	
14.	xviii.Kal	S. Cornelius .
15.	xvii.	Nouatianus Pseudopontifex .
16.	xvi.	Victor III. } Clemens VII. Antipapa. }
17.	xv.	
18.	xiv.	
19.	xiii.	
20.	xii.	
21.	xi.	Conon .
22.	x.	
23.	ix.	S. Linus . } Ioannes IX. }

S. Li-

SEPTEMBER.

24. VIII.	S. Liberius I.
	Innocentius II. }
	Hadrianus VI. }
25. VII.	Clemens VII.
26. VI.	S. Eusebius I.
27. V.	Urbanus VII.
28. IV.	
29. III.	Anastasius III. Pseudo pontifex.
30. Prid.	

OCTOBER.

1. Kal.	Bonifacius IX.
2. vi. Non.	Urbanus IV.
3. v.	
4. iv.	
5. III.	
6. Prid.	
7. Nonis.	S. Marcus.
8. VIII. Id.	Cælestinus IV.
9. VII.	
10. VI.	
11. V.	Bonifacius VIII.
12. IV.	Felix III. alij IV.
13. III.	Honorius I. }
	Ioannes IV. }
14. Prid.	S. Callistus I.
15. Idibus.	Clemens II. }
	Urbanus VI. }
	Gregorius XIV. }
16. XVII. Kal.	

OCTOBER.

17. XVI.	Bonifacius II. }
	Ioannes VII. }
18. XV.	Pius III.
19. XIV.	Urbanus III.
20. XIII.	
21. XII.	Stephanus IX. dictus VIII.
22. XI.	Theodorus Pseudopontifex.
23. X.	Leo VI.
24. IX.	
25. VIII.	S. Bonifacius I. }
	Bonifacius V. }
	Ioannes XI. }
26. VII.	S. Euaristus.
27. VI.	
28. V.	
29. IV.	
30. III.	
31. Pridie.	Ioannes XVII.

NOVEMBER.

1. Kal.	
2. iv. Non.	
3. III.	
4. Prid.	
5. Nonis.	
6. VIII. Id.	Sisinius.
	Innocentius VII. }
7. VII.	
8. VI.	S. Deusdedit. }
	Ioannes XIX. }

NOVEMBER.

9.	v.	
10.	iv.	Paulus III.
11.	iii.	Felix II.
12.	Prid.	Dioscorus Pseudopontifex. } Bonifacius III. } S. Martinus I. } Nicolaus I. }
13.	Idibus.	
14.	xviii. Kal.	
15.	xvii.	
16.	xvi.	
17.	xv.	
18.	xiv.	
19.	xiii.	S. Pontianus. } Anastasius II. }
20.	xii.	
21.	xi.	S. Gelasius I.
22.	x.	
23.	ix.	S. Clemens I.
24.	viii.	
25.	vii.	Lucius III.
26.	vi.	
27.	v.	
28.	iv.	S. Gregorius III. Clemens IV.
29.	iii.	
30.	Prid.	

DECEMBER.

1.	Kal.	Leo X.
2.	iv. Non.	
3.	iii.	Anastasius IV.

4. Prid.

DECEMBER.

4.	Prid.	
5.	Nonis.	Ioannes XXI. dictus XXII.
6.	viii. Id.	Clemens VI.
7.	vii.	
8.	vi.	S. Eutychianus. Stephanus VIII. dictus VII. } Caelestinus II. }
9.	v.	Pius IV. } Clemens IX. }
10.	iv.	S. Miltiades.
11.	iii.	S. Damasus I.
12.	Prid.	Eugenius II.
13.	Idibus.	Callistus II. } Innocentius IV. }
14.	xix. Kal.	Formosus.
15.	xviii.	Ioannes VIII. } Gregorius VIII. }
16.	xvii.	Gregorius VIII. Pseudopontifex.
17.	xvi.	
18.	xv.	
19.	xiv.	Donus II. } Urbanus V. }
20.	xiii.	Gregorius VI.
21.	xii.	
22.	xi.	Ioannes XXII. dictus XXIII.
23.	x.	
24.	ix.	Christophorus I.
25.	viii.	
26.	vii.	S. Dionysius. } S. Zosimus. } Hadrianus I. }

Agape.

DECEMBER.

27. VI.

Agapetus II.

28. V.

Landus.

29. IV.

Innocentius IX.

30. III.

S. Siluefter I.

31. Prid.

Cœlius Laurentius Pseudopont.

Bonifacius VI.

Gregorius Pseudopontifex.

Apostolicus Pseudopontifex.

IANVARIVS.

III. NONAS IANVARII.

Romæ via Appia natalis S. Anteri Papæ in ordine 20. è Magna græcia, patria Petilianus, qui sub Iulio Maximino cum rexisset Ecclesiam mense tantum vno, diebus 24. seu ex alijs mense solum vno, habita Ordinatione vnus Episcopi, capite cæsus Martyrium in Vrbe passus est, anno post Christum natum 238. id vnum in vltimo agone exoptans, plures scilicet animas habere, vt plures per mortes Deo bonum se probaret Pastorem; cuius constantiam Christiani pariter, eorumque hostes admirati maximè sunt. Corpus in Cœmeterio Callisti postea dicto sepultum, inde translatum ad ticulum Tigridis, in quo nostra hac ætate iacet. Diuersorum tamen Pontificum dono Ecclesiæ aliæ, nempe S. Siluestri in Campo Martio, & Neapolitana S. Mariæ Sanitatis possident ossa aliqua tanti Pontificis, post cuius obitum vacauit Sedes per dies XIII.

Notæ 3. Ianuarij

Anteri Papæ successit Pontiano. In actis quibusdam S. Ursula post Pontianum Cyriacus quidam Romanus Pontifex fingitur perperam. Ab alijs Pontiano datur successor, non Anterus, sed Fabianus; Indices tamen Vaticanæ, ac Scriptores antiqui ferè omnes post Pontianum Anterum sedisse breui quidem tem-

A

pore

pore in Petri Ctahedra affirmant. Creatus in Sarda-
nia Insula xi. Kal. Decembris anno salutis 238.
qua monasticam, seu solitariam duxerat vitam, vnde
ab aliquibus natione Sardus, patria Calaritanus
dicitur.

Meminere Anteri Pontificis Martyrologium Ro-
manum, Baronius in Notis & in Annalibus; lib.
de Romanis Pontificibus qui fertur sub nomine De-
masi, Optatus Mileuitanus lib. 2. contra Parmeni-
num, Augustinus Epistola 165. ad Generosum, Euse-
bius in Chronico & in hist. Nicephorus Episcopus
in Chronico, Panuinius, Ciaconius cum suis Au-
ctarijs, Amedeus Placentinus, Augustinus Tola-
Ioannes Lepaige, Nigraualle, Ferdinandus Vghe-
lius in Italia sacra, Ioannes Vasæus in Chronico
Aloysius Lipomanus, Baptista Platina, Philippus
Ferrarius in Catalogo SS. Italiae, Petrus Galefinus
Beda, Vsuardus, Ado, Bellinus, Maurolicus in
Martyrolog. Io: Giacchettus in hist. Ecclesiae S. Sil-
stri de capite, Ludouicus Iacobus à S. Carolo in Bi-
bliotheca Pontificia, alijque omnes qui contexerunt
historiam Ecclesiasticam, ac descripserunt vitas Ro-
manorum Pontificum.

NONIS IANVARII.

Romæ S. Thelesphori Papæ noni, patria
Thuriensis in Calabria, qui sub Antonino Pio
vt muneri satisfaceret suo post multos labores
pro confessione Christi illustre martyrium capi-
tis abscissione subiit anno Domini 150. cum
sedis.

sedisset annos x. Menses 8. dies 27. habitis or-
dinationibus quatuor, quibus Episcopos trede-
cim, Presbyteros duodecim, Diaconos octo sa-
cro perunxit oleo. Sepultus post martyrium
in Vaticano, vacauit Sedes per dies septem.

Notæ 5. Ianuarij.

S. Thelesphori, Anachoreta filius, alijs ex Ana-
choreta euulgatus Pontifex.

Hunc Canonici Regulares & Carmelita inter suos
recensent.

Clemens VIII. Pont. Max. hac die Thelesphori fes-
tum restituit.

Sunt qui in plures annos huius Pontificis Sedem
protrahunt.

Celebrant Sanctum istum Antistitem Martyrolo-
gium Romanum, Baronius in Notis, & in Annal.
Beda, Vsuardus, Ado, liber Romanorum Pontifi-
cum, Irenæus aduersus hæres. lib. 3. Eusebius in
Chronico, & in hist. Optatus, Augustinus locis cit.
Nicephorus Episcopus in Chronico, Platina, Panui-
nius, Ciaconius, eiusdemque Auctarij in Vita;
Sanderus de visibili Ecclesiae Monarchia, Genebrar-
dus in Chronico, Lepaige, Nigraualle, Rogerius,
Paulus de Coira, Breuiarium Carmelitanorum,
Carolus Tapia, Philippus Metius, Io: Carthagena,
Caccinns, Bacchot, Radolphus, Binius, Lezana,
Io: Bollandus, tomo 1. Vit. SS. Ludouicus Iacobus
à S. Carolo in Bibliotheca Pontificia, alijque quam-
plures.

VII. IDVS IANVARII.

Romæ obitus Ioannis huius nuncupationis sexti, ordine octogefimi sexti, genere Græci, qui cum sedisset annos tres, menses duos, dies duodecim in Petri Cathedra, vnamque Episcoporum 15. Presbyterum 9. & Diaconorum 2. ordinationem habuisset, inter Christianæ religionis hostes fortis athleta è vita migravit anno Christi 705. sepultus ad Catacumbas S. Sebastiani Via Appia, seu ex alijs in Vaticano; Vacauit post eius obitum Sedes per Mensem & dies duodeuiginti.

Ibidem anno 1138. ex hac vita diuulsus Petrus, Petri Leonis nobilis Romani filius, Presbyter Cardinalis S. Mariæ Transtiberim, qui Petri solium sub nomine Anacleti II. inuaserat, & occupauerat per annos septem, menses vndecim, & dies 22. contra Innocentium II. quo tempore Pseudocardinales XII. euulgauit; sacraque interdixit omnibus sibi contradicentibus; cuius corpus in latebris sine pompa sepultum.

Anno vero ab orbe redempto 1198. in Patriarchio Lateranensi obiit Cœlestinus III. Pontifex in ordine centesimus septuagesimus septimus, patria Romanus, annosus senex, qui annis quinque & sexaginta amplissimis muneribus in Ecclesia, & Pontificatu sex, mensibus nouem, diebus vndecim functus, duodecim enuntiavit Cardinales, Vbaldum Episcopum Eugubinum,

& Ioan-

& Ioannem Gualbertum Monachorum Vallis vmbrosæ Institutorem Sanctis adscripsit. Corpus in proxima Basilica conditum; vacauit Sedes per diem vnum, vel duos.

Ibidem è Quirinali Anno seculi decimi septimi, quinto supra quinquagesimum ad meliorem vitam euolauit Innocentius X. patria Romanus, Eugubio in Vmbria oriundus, ex gente nobili Pamphilia, qui Ecclesia Romana per annos decem, Menses tres, diesque viginti & tres, summa prudentia, iustitiaque administrata, Cardinales quadraginta, enuntiationibus octo euulgauit; Iubilæum celebravit, Cornelij Iansenij Episcopi Iprensis Propositiones aliquas damnauit, Ecclesiam S. Agnetis à fundamentis restituit, Circum Agonalem, Vaticanam, ac Lateranensem Basilicas ornauit, Catholicosque Hiberniæ fouit; In Vaticano sepulchro temporario traditus, donec à suis construatur honorificum in Ecclesia S. Agnetis. Vacauit post eius obitum Sedes per Menses tres.

Notæ . 7. Ianuarij.

Ioannis VI. Martyrio affectum Ioannem occubuisse volunt aliqui, cuius obitum Panuinius Idibus, Baronius 4. Idus Ianuarij euenisse scribunt. De Ioanne tractant præter laudatos, Platina, Ciaconius cum Auctarijs, Andreas Saussay de mysticis Gallia Scriptoribus, Raimundus, Petrus Ricordatus, & alij.

Anacletus. *Huic viro nobili fauebant Procerum Romanorum quamplurimi. Vide Panuinium, Platinam, Ciaconium, Baronium, & alios apud illos.*

Cœlestinus. *Hyacinthus vocatus, nobili familia de Bubonibus, Regionis Arenulæ, ex Diacono creatus Pontifex, Octogenarius, ex alijs nonagenarius obiit, dicunt enim hi electum Pontificem anno ætatis 84.*

De Cœlestino agunt Petrus Blesensis in Epist. Abbas Urspergensis, Cencius Camerarius, Genebrardus, Rogerius in Annal. S. Antoninus in Chronico, Baronius & Spondanus in Annal. Panuinius, Platina, Ciaconius, eiusdemque Auctarij in Vita, Ferdinandus Vghellius in Italia sacra. Hippolytus Marraccius in Pont. Marianis, Ioannes Stella, & alij plures.

Innocentius. *Io: Baptista Pamphilius ante Pontificatum nuncupatus Presb. Card. S. Eusebij, Camilli ex Flaminia de Bubalis Cancellarijs filius, Hieronymi eiusdem agnominis Cardinalis nepos.*

Celebrant Innocentium Antonius Bagata, Auctarij Ciaconij, Fr. Lucas Vvadingus, Theodorus Amydenus in Vita. Comes Vbaldinus in Oratione funebri, Aloysius Manzinus in Panegyrica, Athanasius Kircherius in Obelisco Pamphiliano & alij multi.

IV. IDVS IANVARII.

Syraculis anno Christi 556. Vigilius nobilissimo

fimo

fimo genere natus, Papa in ordine sexagesimus, Constantinopoli Romam rediens, moritur, habitis Ordinationibus duabus Episcoporum 81. Presbyterorum 16. totidemque Diaconorum. Corpus ad Urbem deductum, sepultum Via Salaria in Sacello S. Marcelli. Sedit annos 18. Menses 7. dies 15. cum infulis, quas procurauerat, spinas colligens acutissimas, quas neque fuga declinare valuit. Eo mortuo vacauit Sedes per dies quinque supra Menses tres.

Eadem die Anno Christi 682. Romæ obiit Agatho huius nominis primus, ordine octogesimus Pontifex, natione Siculus, patria Panormitanus, qui tantæ sanctitatis fuit, vt leprosum obuiam factum, osculo sanauerit, tantæque mansuetudinis, & humanitatis vt neminem à se vniquam tristem toto sui Pontificatus tempore, annorum scilicet duorum, Mensium sex, dimiserit. Vnam habuit Ordinationem Episcoporum 18. Presbyterorum x. Diaconorum 3. Sepultus ad S. Petrum; Vacauit post eius obitum Sedes Mensibus septem.

Notæ. 10. Ianuarij.

Vigilius. *huius ingressus in Pontificatum parum legitimus fuit, nam Siluerio viuente per vim illum inuasit, erat enim Ioannis Consul filius. Post Siluerij obitum vltro occupatum imperium dimisit, eundemque paulò post legitimis Comitij recepit.*

A 4

ptinus

ptius ductus Constantinopolim, Theodora Augusta iussu, à qua paulò post libertate donatus, cum Urbem repeteret, calculi morbo è viuis abiit. Corpus primùm in Via Salaria, deinde in Vaticano conditum.

De Vigilio scripsere Marius Episcopus in Chronico, Auctor Appendicis ad Marcellini Chronicon, Baronius in Annal. Procopius lib. 3. de bello Gothorum, Photius epist. ad Michaëlem Bulgariae Principem, Platina, Panuinius, Ciacomus cum Auctarijs in Vita, & alij multi.

Agatho. in Castro Vallis ulterioris Aprutij, natum alij dicunt. Est Panormi Patronus, cuius festus dies colitur 9. Iulij. quatuor annos sedisse Rocchus Pyrrhus scribit; Panuinius ad sextum eiusdem Pontificatum protrahit.

S. Agathonis meminere Martyrologia, Romanum Galefina, Græcorum 20. Februarij, Maurolyci Germanici. præterea Baronius in Notis, & in Annal. Hugo Floriacensis Abbas in Chronico Virdunensi, Paulus Diaconus de gestis Longobardorum, Io: Bollandus Tomo 1. Vita Sanctorum Carthusiani Colonienses in Addit. ad Vsuardum, Hugo Menardus, Arnoldus Vuion, Dorganus Octavianus Caëtanus in SS. Siculorum Vitis, Philippus Ferrarius, Franciscus Scortius, Platina, Panuinius, Ciacomus cum Auctarijs in Vita, & quam plures alij apud eosdem.

III. IDVS IANVARIJ.

Romæ anno Domini 154. S. Hygini Papæ numero decimi, natione Græci, in persecutione Antonini Martyrium passi, cum Ordinationes tres celebrasset, quibus Episcopus sex, Presbyteros quindecim, Diaconos quinque, annorum trium, Mensium vndecim, dierumque duodeviginti spatio creauerat, Sepultus in Vaticano iuxta corpus B. Petri; plauserunt Angeli Hygini funeri, høs hodie rariùs audimus, quia aures nostræ Sirenum sibilis occupatæ, Angelis non patent. Vacauit post huius Sancti obitum, Sedes dies tantùm tres.

Eadem die anno salutis 1276. Aretij in Etruria obitus Gregorij X. Pontificis in ordine centesimi octogesimi sexti, qui ante Pontificatum dictus Theobaldus Vicecomes, Ciuis Placentinus, claruit in omni vita, prudentia, rerum gerendarum, animique constantia, & post obitum miraculis, quare Mortuo Angeli & homines cecinere Lesum. Sedit in Petri Cathedra, ad quam promotus absens, annis quatuor, totidem mensibus, ac decem diebus, quo tempore septem euulgauit Cardinales. Corpus iacet in Cathedrali Aretina; vacauit Sedes per dies decem.

Notæ 11. Ianuarij.

S. Hygini. è numero Martyrum Hyginum nonnulli

nulli excludunt, ea sola ratione quod Antoninus Pius fuerit Christianis æquissimus. Undecim vixisse annos in Pontificatu illum scribunt, alij supra duodecim, Menses tres, & dies sex, & alij ad decimum sextum peruenisse volunt.

Huius Sancti memoria antiquitus 3. Kal. Februarij celebrabatur.

Memineret Hygini Pontificis Martyrologium Romanum, Baronius in Notis, & in Annal. Bedæ sub die 10. Ianuarij; liber Romanorum Pontificum; Irenæus lib. 3. cap. 3. Epiphanius in Panar. hæres. 27. Eusebius in Chron. & in hist. Optatus lib. 2. contra Parmen. Augustinus epist. 74. Cyprianus, Platina, Panuinius, Ciaconius cum Auctarijs, Ioannes Bollandus in Vita, Molanus, & alij.

Gregorij. Cum Comitibus non sine maximo totius Reipublice Christiane malo, & incommodo in longum protraherentur, hanc deligendi Pontificis rationem Cardinales inierunt, ut compromissum in sex eorum ea lege fieret, ut intra triduum quinque, vnum ex sex, vel omnes alienum quempiam vel intra, vel extra Collegium Pontificem renuntiarent; suasu igitur S. Bonauenturae Ordinis Minorum Generalis Ministri acclamatus est Pontifex Theobaldus seu Theobaldus Vicecomes absens, erat enim trans mare in Syria apud Ptolemaidem, cum Eduardo primogenito Regis Anglorum in obsequium fidei Christiane. Sunt qui menses tantum duos supra quadriennium cum decem diebus, Gregorio tribuunt in Petri Sede.

Affirmant nonnulli diuinos honores Gregorio miracu-

raculis claro tribuisse Innocentium V. successorem in Pontificatu, cuius imagines tum Placentiæ, cum Aretij diademate ornatae publicè sunt expositæ.

De Gregorio scripsere Anonymus Auctor, Siluester Petrasancta, Petrus Maria Campi, Ciaconius, eiusdemque Auctarij, Io: Bollandus in Vita, Io: Franciscus Panuinius in relatione Canonizationis, Ferdinandus Vghellius in Italia sacra, Io: Molanus de Sanctis Belgij, Prolomæus Lucensis, Henricus Spondanus in Annal. Eccl. Eberardus Archiepiscopus Ratisbonensis in Chronico, Matthæus Westmonasteriensis, & alij omnes, qui historias tum sacras, eum prophanas illius seculi enarrarunt.

IDIBVS IANVARIJ.

Laufanis anno salutis 1450. Felix IV. dictus V. Sabaudus abdicato prius Pontificatu, quem in Schismate rexerat per annos nouem, Menses quinque, dies 7. cum enunciatione Cardinalium 26. Episcopus Cardinalis Sabinus, Collegij Cardinalium Decanus, & perpetuus totius Germaniæ legatus, sanctitate illustris beato sine quieuit, ibique in Cathedrali sepultus.

Notæ 13. Ianuarij.

Felix. Amedeus primus dux Sabaudia, Amedei Comitibus filius absens à Patribus Concilij Basileensis contra Eugenium IV. electus, pacis amator Pontificatum abd. cauit tumultus ex aliquibus Ripaliæ. de illo

illo *Acta Concilij Basileensis, Annales Ecclesiastici, Romanorum Pontificum Vitarum Auctores, & Historici omnes, qui res seculi decimi quinti pertraxerunt.*

XVII. KAL. FEBRVARII.

Romæ memoria S. Marcelli Papæ in ordine trigesimi primi, patria Romani, anno nostræ salutis 310., seu 309. sub Maxentio Tyranno in seruitio non animalium, sed Dei, quem inter animalia inuenit propitium, defuncti, cum præsuisset Ecclesiæ annos quinque, Menses sex, dies vnum & viginti, cumque Episcopos 21. Presbyteros 25. Diaconos 2. euulgasset. cuius Corpus à B. Lucina sepultum in Cœmeterio Priscillæ via Salaria, post cuius obitum vacauit Sedes per dies viginti.

Notæ 16. Ianuarij.

S. Marcelli. *Benedicti filius de regione septima via latæ ex Presbytero Cardinali renuntiatus Pontifex, cui S. Damasus Epitaphium concinnauit. ex Cœmeterio Priscillæ huius Sancti Corpus deductum ad Urbem sub Paschali I. conditum in Ecclesia suo nomini sacra. Sunt, qui dicunt, translatum in Hispaniam. Ascetæ Altimontenses iuxta Malbadium oppidum ad Sabim flunium in Belgio, huius Pontificis ossa à mille circiter annis possidere gloriantur; fortasse illorum partem concedentibus Romanis Pontificibus ad vtramque Prouinciã transuetam.*

Cele-

Celebrant Marcellum Martyrologium Romanum, Baronius in Notis, & in Annalibus, Beda, Græci in Menologio, qui eum cum Marcellino confundunt, liber Romanorum Pontificum inscriptus Damasus, Optatus Mileuitanus lib. 2. contra Parmen. Augustinus epist. 165. Petrus Mauriacenus cognomento Venerabilis Aruernus, Vrsio Abbas Altimontensis, Panuinius, Platina, Ciaconius cum Auctarijs, Ioannes Bollandus, Andreas Duchesnius, Andreas Saussay, Franciscus Castillioneus Abbas Cluniacensis in Vita, Ludouicus Iacobus à S. Carolo in Bibliotheca Pontificia, & alij.

XVI. KAL. FEBRVARII.

Anno salutis 689. Paschalis ex S. R. E. Archidiacono Pseudopontifex, magices accusatus, & conuictus, vt sacrilegus non modò dignitate, quam iniuste vsurpauerat, sed etiam Archidiaconatu spoliatus, in Monasterium pœnitentiæ causa detruditur, in quo post quinquennium eadem pertinacia vsus, moritur.

Notæ. 17. Ianuarij.

Paschalis. *contra Sergium I. Pontificem, & Theodorum Pseudopapam stetit. De hoc tractant Ciaconius, Panuinius, Baronius, & alij in actis Sergij.*

XV. KAL.

XV. KAL. FEBRVARII.

Romæ anno salutis humanæ 884. Constantini Marini, Pontificis in ordine centesimi decimi, natione Falisci, obitus; cum Comitum Tusculanorum potentia fretus rexisset Ecclesiam Catholicam vnus tantum anni, vniusque mensis spatio. Corpus sepulturæ datum in Vaticano, vacat post eius obitum Sedes per dies duos.

Notæ 18-Iannarij.

Constantini Marini. *malè alij Martinum natione Gallum legunt; ex Diacono Cardinali malis artibus Summum Pontificatum adeptum dixerè Platina, & Genebrardus; ab alijs tamen, quia contra Phorium stetit, laudatur.*

S. Antoninus supra annum Manses 4. Panuinius 2. huius Sedi tribuunt. de illo Baronius in Annalibus, Auctor Romæ subterraneæ, Historiæ Briani, & Doglioni, Faustus Verdellius de success. Eccl. Ferdinandus Vghellius in Italia sacra; Annales Fuldenses, Stephanus Papa in literis ad Basilium Imp. Ciaconius eiusdemque Auctarij, ac alij plures tractarunt.

XIII. KAL. FEBRVARII.

Romæ natalis S. Fabiani, alijs Fabij, seu Flauij Papæ in ordine vigesimi primi, qui tempore Decij, anno videlicet Christi 253. martyrium

passus est, habitis quinque Mense Decembris ordinationibus. quidus Episcopos XI. Presbyteros XXIII. Diaconos VIII. consecrauit spatio annorum 15. ac dierum 4. quo Petri nauiculam rexit, huius nomen Romani ad Decium pietatis hostem delaturi, hæc accusationis capita habuere, templa quotidie frequentare Christianorum, publicè exercere magistratum, eloquentiaque corrumpere populares. Corpus sepultum in Cœmeterio Callisti via Appia, tertio ab Vrbe milliario. vacauit Sedes post huius obitum per dies 4. supra annum vnum.

Notæ. 20-Ianuarij.

S. Fabiani. *fuit Fabij Romani filius, & S. R. E. Presbyter Cardinalis, occubuit martyrio coronatus, certò tamen non scimus mortis genus. Sedit ex Baronio, Ciaconio, Panuino, & alijs annis 15. diebus 4. ex Beda, & Adone annos 14. Menses 11. dies 2. ex Eusebio, Vsuuardo Menses 11. ex Luitprando mensem vnum, dies 11. supra annum 13. ex Rabano verò Notkero, & alijs annos 25. sed mala computatione.*

Corpus è Cœmeterio Callisti à Sergio iuniorè Pontifice translatum voluit aliqui ad Titulum Equitij.

Præter laudatos celebrant Fabianum. Martyrologium Romanum, Menologium Græcorum, liber Romanorum Pontificum inscriptus, Damascus, Opus Milenitanus lib. 2. contra Parmen. Augustinus Epist.

Epist. 165. Nicephorus Episcopus in Chronico, Cedrenus, Zonaras, Ruffinus, Lepaige, Nigraualle, Galesinus, Ferrarius, Petrus de Natalibus, Io: Bollandus & alij plures.

XII. KAL. FEBRVARII.

Romæ anno à partu Virginis 1118. obitus Paschalis huius nominis II. in ordine centesimi sexagesimi secundi Pontificis, natione Itali, qui Ecclesiam per annos duodeuiginti, menses quinque, dies nouem, forti pectore rexit, eandemque enuntiatione nonaginta trium Cardinalium, & celebratione plurium Conciliorum stabiliiuit ac sepfit contra inuasores. Sepultus in Basilica Constantiniana, & per triduum vacauit post eius obitum Sedes.

Notæ. 21. Ianuarij.

Paschalis. ante Pontificatum Renatus, seu Raynerius in Tuscia, alijs in Emilia, nobili familia genitus. Triateste Ciaconio, duo ex Panuinio tempore Quadragesimæ in Basilica Constantiniana celebrauit Concilia, & interfuit Guastanallensi.

Meminere Paschalis Baronius in Annalibus, Dominico in Vita Mathildis, Vvillhelmus Tyrinus de bello sacro, Iuo Carnotensis in Epist. Illescas, Panuinius, Ciaconius cum Auctarijs in Vita. Romanus Canonicus in descriptione Basilicæ Vaticanæ, Paulus de Angelis ibidem, Ioannes Stella,

S. An-

S. Antoninus, Historia Ecclesie S. Siluestri Auctor, & Historici omnes qui res seculi duodecimi enarrarunt.

X. KAL. FEBRVARII.

Anno Christi 828. quadragesimo Pontificatus die, Romæ moritur Valentinus, patria Romanus, Leontij filius, in ordine Pontifex centesimus secundus. sepultus post obitum in Basilica Vaticana, conquerentibus omnibus tantum Pontificem intempestiuè sublatum, quo stante labefactari Romana libertas, & Christiana Religio vix poterat. vacauit Sedes per tres dies.

Notæ. 23. Ianuarij.

Valentinus. ex Archidiacono S. R. E. renuntiatu Pontifex, Leontij, seu Petri Leontij filius, de regione uicinate 30. seu 40. ab electione die mortem oppetiit, erat magnæ sanctitatis vir, quem celebrant Panuinius, Anastasius Bibliothecarius, Ciaconius cum Auctarijs, Baronius in Annalibus, qui scribit obiisse anno 827. & alij.

IX. KAL. FEBRVARII.

Benedictus IX. dictus X. patria Romanus, qui Petri Cathedram laicorum opera inuaserat, cum per menses 9. & dies 20. Ecclesiam oppressisset, hac die anno Domini 1060. ad Nicolaum II. legitimum Pontificem accedens, præteritorum veniam suppliciter petens, absolutio-

B

nem

nem obtinuit, animi tamen mœrore confectus, paulò post apud Basilicam Liberianam moritur.

Notæ . 24. Ianuarij .

Benedictus. Velitris oriundus, ante occupatum Pontificatum Ioannes Mincius vocatus, Episcopus Veliternus, & Cardinalis, Patrem habuit Guidonem ex Tusculanis & Galerie Comitibus, primarium in Vrbe hominem.

Meminere Benedicti Petrus Damianus in Epist. Lambertus Schafnabergensis, Hermannus Contractus, Leo Ostiensis in hist. Cassinen. Baronius in Annalibus, Panuinius, Ciaconius, alijque apud eodem.

VIII. KAL. FEBRVARII.

Romæ anno post Christum natum 817. obitus Stephani Pontificis, huius nominis quinti, in ordine nonagesimi noni, Marini filij, nobili genere nati, qui sub sanctissimo viro Hadriano educatus, rationem bene, ac beatè viuendi didicerat, quique in regimine Ecclesiæ per menses sex, diesque 23. vnica Ordinatione Episcopus 5. Presbyteros 9. Diaconos 4. sacro inunxerat oleo. Sepultus in Vaticano, vacauit Sedes per dies duos.

Ibidem anno salutis 843. è vita migravit Gregorius huius nuncupationis quartus, in ordine centesimus tertius Pontifex, ex Monacho Monasterij Fostænouæ sub Regula S. Benedicti, doctrina

Strina & pietate præstans singulari, qui spatio sexdecim annorum, Petri nauim ad salutis portum direxit, celebratis ordinationibus quinque, institutoque. Omnium Sanctorum, ac Sanctissimæ Trinitatis festo. Sepultus in Vaticano vacauit Sedes dies 15.

Notæ . 25. Ianuarij .

Stephani. ex Diacono Cardinali à Leone III. euulgato, renuntiatus Pontifex, ut Ludovicum Imperatorem de more consecraret, post duos à sua electione Menses, itineri se dedit Galliam versùs. at Mense Februarij, tertio postquam Romam redierat, nondum transacto, obiit.

De Stephano scribunt Panuinius, Ciaconius eisdemque Auctarij in Vita, Baronius in Annalibus, Anastasius Bibliothecarius, Theganus Treuirensis. Corepiscopus, alijque quàmplures.

Gregorius. Sunt, qui volunt Gregorium, supremum diem obiisse anno salutis 844. sed malè; si enim eo anno ad Superos euolasset, non sexdecim, sed decem & septem vixisset in Pontificatu annis.

A' veritate quidem aberrant illi, qui Gregorium dicunt, III. mandasse festum omnium Sanctorum celebrari. Huic, uti etiam Bonifacio IV. Epitaphium commune posuit Bonifatius VIII.

Laudant Gregorium Theganus de gestis Ludouici Pij, Nithardus in historia, Rabanus, Anastasius Bibliothecarius, Adamus Bremensis, Albertus Crantzius, Binus, Baronius in Annal. Panuinius,

nius, Ciaconius cum Auctarijs in Vita, Ludovicus Iacobus à S. Carolo in Bibliotheca Pontificia, Gaulterius in Tabul. Chronolog. & alij plures.

VI. KAL. FEBRVARII,

Romæ anno à partu Virginis 672. felix exitus S. Vitaliani, natione Itali, patria Signini, qui in virtutis premium infula pontificia ornatus, septuagesimus septimus Vicarius Christi, per annos quatuordecim Menses quinque, diesque 29. Rempublicam Christianam sanctissime administrauerat, habitis Ordinationibus quatuor, Episcoporum 97. Presbyterorum 22. Diaconorum decem. Sepultus post obitum in Vaticano, vacauit Sedes per Menses duos, diesque 14.

Notæ. 27. Ianuarij.

S. Vitaliani, natum aliqui dicunt in Suernia Castro Aprutij, ac sedisse menses tres, diesque 27 supra annum decimum quartum, ac obiisse anno 670. aberrant proysus à veritate illi, qui tantum annos nouem, menses sex, ac dies 21. Vitaliani Sedi tribuunt. huius nomen à sacris diplomatis Hæreticorum opera erasum, restituit Sacra Synodus.

Est Vitaliani mentio apud Martyrologia, Romanum, Galefii, Ferrarij, Bedæ, Vsuardi, Cassij, ac Coloniense; insuper apud Baronium in Notis, & in Annalibus, apud librum Romanum

rum Pontificum, Genebrardum in Chronico, Binium in Conciliorum notis, Ciaconium, eiusdemque Auctarios, Panuinium, Bollandum in Vita, & alios plures.

V. KAL. FEBRVARII.

Anno seculi decimi septimi vigesimo primo, Romæ Paulus V. ante Pontificatum dictus Camillus Burghesius, patria Romanus, in ordine Pontifex ducentessimus trigessimus septimus, perpetua vitæ innocentia, ac spectata virtute insignis, cum Urbem magnificentissimis ædificijs adornasset, sacramque purpuram Viris sexaginta tradidisset, Sanctis Carolum Cardinalem, & Franciscam Viduam Romanam, Beatissimè verò Peregrinum Seruitam, Ignatium Soc. Iesu Fundatorem, ac Franciscum Sauerium Indiarum Apostolum adscripsisset, per annos 15. Menses 8. & dies 13. Ecclesiæ vniuersali præfuisse, omnium dolore è mortalibus raptus, iacet in Basilica Liberiana, apud Virginem Mariam quam viuens semper coluerat, & in eius honorem perpulchrum Sacellum erexerat. Vacauit post eius obitum Sedes per dies 12.

Notæ. 28. Ianuarij.

Paulus V. Romanus Senis oriundus, obiit ex alijs die 22. huius Mensis.

De Paulo tractant Bzonius, Lucas Vvadingus, Ferdinandus Carolus, Auctarij Ciaconij in Vita.

Ioannes Coluillus in eius inauguratione, Petrus Coucier Soc. Iesu in Opere Mariano ad annum 1621. Henricus Spondanus in Annalibus, Leo Allatius de edificijs Pauli, Marcellus Pallonius in Oratione funebri, Paulus de Angelis in descriptionibus Basilicarum Vaticanæ ac Liberianæ, Panuinius, Ludouicus Iacobus à S. Carolo in Bibliotheca Pontificia, Henricus Chiffelius, Hippolytus Marzaccius in Pont. Marianis, & in Bibl. Guido Cardinalis Bentiuolus in Memorijs historicis, & alij plures.

IV. KAL. FEBRVARII.

In Monasterio Cluniacensi anno à Christi natiuitate 1119. iuxta normam monasticam, & pietatem Christianam strato terræ corpore, spiritu Cælum petijt Gelasius II. Pontifex ordine sexagesimus tertius supra centesimum, patria Caietanus, Monachus Cassinas, vir omni laude dignus, Schismaticis inuisus, à quibus ab Vrbe eiectus, cum rexisset Ecclesiam per dies quatuor supra annum vnum, sacroque Cardinalium Collegio vnum tantum Diaconum adiunxisset. iacet ibidem in marmoreo sepulchro.

Notæ. 29. Ianuarij.

Gelasius. non II. sed III. hunc aliqui nominant, quòd Pelagium I. Gelasium II. male appellassent. à Paschali II. ex Monacho Diaconus Cardinalis ennunciatus, Gallias ad euitandas Schismaticorum

corum insidias petijt, at in iuuere pleuritide correptus, lectica se Cluniacum perferri iussit, ubi extinctus. Petrus Pictauiensis præsens Epitaphia tum, vincta, tum soluta oratione illi sanxit, ac dicit non absoluisse in Pontificatu annum.

De Gelasio cum laude agunt Pandulphus Pisanus, Papyrius Massonus, Ioannes Stella, Panuinius, Ciaconius cum Auctarijs, Platina in Vita, Guillelmus Tyrius in historia Belli sacri, Conradus Abbas Vispergensis, Franciscus Ioannettus, Genebrardus, Martyrologium Benedictinorum, Nicolaus Rosellus Card. in Regist. rerum Pontificiarum, Petrus Diaconus de Viris illust. Monasterij Cassinensis, Arnoldus Vvion in Ligno vite, Ioannes Trithemius de viris illustribus, & alij plures.

PRIDIE KAL. FEBRVARII.

Romæ hac die Stephanus huius nuncupationis quartus, alijs Tertius, numero nonagesimus sextus, verus Petri successor, ac Christi imitator, ordinatione vna Mense Decembri facta Episcoporum aliquot, Presbyterorum, quinque, Diaconorum quatuor, cum sedisset in Petri Cathedra annos tres, Menses quinque, dies 27. anno salutis 772. obiit. Sepultus ad Sanctum Petrum, vacauit Sedes per dies 8.

Notæ 31. Ianuarij.

Stephanus. natus in Tossina Castro Vallis Siciliana in vltiori Aprutij Prouincia, patre Olybio Rosamirano, ex alijs Syracusis, seu Roma, oriundus ex Aprutio, fuit Monachus, & Abbas S. Benedicti Congregationis Cassinensis, coacta Synodo legem tulit, vt quolibet die Dominico à septem Episcopis Cardinalibus Missarum solemniam super altare B. Petri peragerentur. obiit aliquorum sententia ipsis Kalendis Februarij.

De illo Fredegarius Scholasticus in Chronico, Anastasius Bibliothecarius, Eginhardus, Baronius in Annalibus; Theganus de gestis Ludouici Pij, Annales Fuldenfes, S. Antoninus, Panuinius, Ciaconius cum Auctarijs, alijque omnes, qui de Romanis Pontificibus tractarunt.



VI. IDVS FEBRVARII.

Pelagius iunior, seu secundus, in ordine Pontifex sexagesimus quartus, patria Romanus, genere Gothus, cum sedisset Menses duos, diesque 27. supra annos duodecim, cumque duabus Ordinationibus Episcopos 48. Presbyteros 82. Diaconos 8. consecrasset, anno salutis 90. ex peste in Vrbe periit. Sepultus ad S. Petrum, vacauit Sedes per Menses sex, & dies 27.

Notæ. 8. Februarij.

Pelagius. electus inconsulto Imperatore studuit radicitus euellere schisma in Occidente ortum, ob damnationem trium Capitulorum. sunt in errore illi, qui huius Pontificis sedi annos dumtaxat decem, vt etiam illi, qui quatuordecim tribuunt.

Est huiusce Pontificis mentio apud Baronium in Annalibus, Panuinium, Ciaconium, eiusdemque Auctarios in Vita; apud Euagrium, S. Gregorium in Epist. & in Dialog. Gregorium Turonensem in hist. S. Antoninum in Chron. Sigebertum, Petrum Ricordatum in historia Monastica, & apud illos omnes, qui historiam Ecclesiasticam, aut Pontificiam compilarunt.

V. IDVS FEBRVARII.

Anno à partu Virginis 1103. Silvester IV. Pseudopontifex à Paschali II. Pontifice ab occupata Sede exactus, bonisque omnibus publicatis, haud ita longè moltò post graui morbo decubuit, & animi dolore affectus, morte sua finem longo, & periculoso schismati in Ecclesia Romana attulit.

Notæ. 9 Februarij.

Silvester. Maginulphus antea vocatus Abbas Farfensis.

De illo Ciaconius, Panuinius, Baronius, & alij.

IV. IDVS FEBRVARII.

Hac die Romæ anno salutis 995. obitus Ioannis huius nominis 15. ordine centesimi, quadragesimi primi Pontificis, patria Romani, ex legitimo matrimonio, Leonis Presbyteri filij, virtutumque omnium ex asse hæredis, qui Rempublicam Christianam fame, ac peste afflictam, per annos nouem, menses sex, dies decem sanctissimè, sed non sine æmulis rexerat. Sepultus ad S. Petrum, vacat Sedes per diem vnum.

Notæ

Notæ. 10. Februarij.

Ioannis. huiusce Pontificis obitum ad nonas Maij anni 996. referunt aliqui, ac sedisse volunt in Petri Cathedra Menses aliquot, supra annum decimum.

Hic omnium primus fuit qui Affinibus Ecclesiæ bona sit largitus, quare à Clericis odio habitus.

De illo tractant Panuinius, S. Antoninus, Baronius in Annal. Ciaconius, eiusdemque Auctarij, Ioannes Stella, Leo Ostiensis in Chronico Cassinensi, alijque omnes, qui historias seculi decimi elucubrarunt.

III. IDVS FEBRVARII.

Romæ anno à partu Virginis 716. è vita excessit Constantinus huius nuncupationis primus, ordine Pontifex octogesimus nonus, natione Syrus, Ioannis filius, qui licet throno emineret, omnium tamen semper se humillimum gessit, & in annonæ charitate nihil prætermisit officij in pauperibus, quos vnicè diligebat, subleuandis. Præfuit Ecclesiæ per mensem vnum, diesque 20. supra octauum annum, vnaque ordinatione Episcopos 64. Presbyteros 10. Diaconos aliquot euulgauit. post obitum sepultus ad S. Petrum, vacauit Sedes Menses vno, diebus decem.

Ibidem anno 731. supremum diem explicuit Gregorius II. patria Romanus, Marcelli filius,

filius, ex Monacho S. Benedicti, Diaconus Cardinalis, atque ex Diacono Pontifex ordine nonagesimus, Constantini superioris successor, postquam rexisset Ecclesiam per annos 14. Menses 10. dies 21. promotus ad Episcopatum ex Platina, 147. ex Panuino 149. ad Presbyteratum 35. & ad Diaconatum 14. hic ne incerta mortis hora illum falleret, omnem credebatur diem sibi diluxisse supremum. Tumultus in Vaticano, vacavit Sedes per dies 21.

Notæ. 11. Februarij.

Constantinus. *sedit ex Panuino mensem unum, & dies 20. non supra octauum ut diximus, sed supra septimum annum, ex Baronio verò Mensem, & diem unum, supra sextum.*

Constantini acta referunt Anastasius Bibliothecarius, Sigebertus, Genebrardus in Chronico, Ciaconius & Auctarij, Hieronymus Rubeus in hist. Rauenne, Platina, Andreas Duchesnius, Iacobus Sauerius, Ioannes Stella, & reliqui omnes, qui de Romanis Pontificibus scripserunt.

Gregorius. *Martyrologium Romanum Idibus Februarij huius Pontificis memoriam celebrat; Sedit ex Panuino annos 15. Menses 10. dies 21. seu ex S. Antonino, annos 17. Menses 9. vel affirmante Baronio, Menses 8. dies 20. supra annum 16.*

De illo Beda, Ado, Hadrianus Papa epist. ad Carolum Magnum, Acta Concilij Nicani secundi, acta

acta S. Bonifacij apud Surium, Tomo 3. Panuinius, Platina, Ciaconius cum Auctarijs, Anastasius, & alij plures, qui tum de Sanctis, cum de Romanis Pontificibus scripserunt.

PRIDIE IDVS FEBRVARII.

Anno salutis 387. è viuis excessit Vrsicinus Romanus, non virtutibus quas numquam de facie agnouit, sed vitijs sibi familiaribus notissimus, qui pluries Ecclesiam turbauerat, contra Damasum scilicet, & Siricium successorem, Pontifices legitimos, contra quos, nonnullorum Seditiosorum opera Petri Cathedram inuaserat.

Notæ. 12. Februarij.

Vrsicinus. *ex Diacono Cardinali in Schismate euulgatus Pontifex. de quo Panuinius, Ciaconus, cum Auctarijs, & alij plures.*

XIV. KAL. MARTII.

Anno salutis humanæ 1130. Honorius II. ordine centesimus sexagesimus quintus Pontifex, patria Bononiensis ex nobili familia Fagnana, seu Scanabecca natus, cum per mensem unum, diesque decem & septem, supra quinquennium Ecclesiam rexisset, tribusque enuntiationibus Cardinales 25. euulgasset, apud Monasterium Sanctorum Andree, & Gregorij

gorij ad Clivum Scauri viam vniuersæ carnis ingressus est. in Lateranensi Basilica marmoreo pilo sepultus. Vacauit Sedes per diem vnum.

Notæ. 16. Februarij.

Honorius. Ante Pontificatum Lambertus Fagnanus nuncupatus.

Errat Franciscus Cauazxonius in sua Tabula Pontificum, & Cardinalium Bononicensium, in qua dicit, Honorium hunc electum fuisse Pontificem anno 1099. ac mortuum 1130. consequeretur ex ipsius dictis, sedisse annos triginta & vnum. Baronius scribit non hac die, sed 16. Kal. Martij anno 1130. Honorium decessisse.

Meminere huiusce S. Antoninus, Ioannes Stella, Carolus Sigonius, Ferdinandus Vghellius, Pandolphus Pisanus, Ciaconius cum Auctarijs, Panuinius, Platina & alij plures. ad illum sunt S. Bernardi Clarauallensi, Hugonis Episcopi Gratianopolitani, Hildeberti Archiepiscopi Turonensis, Stephani Abbatis Cisterciensis, literæ.

XII. KAL. MARTII.

Anno à partu Virginis 998. è vita excessit Gregorius huius nuncupationis V. in ordine 143. Pontifex Romanus, natione Saxo, Othonis Saxonæ & Sueviæ Ducis filius, qui Othonem Casarem, & Mariam coniugem imperiali diademate in Vaticano de more cinxit, Ecclesiæque

siæque iura forti pectore contra Pseudopontificem sustinuit spatio annorum duorum, mensium quinque, & dierum quatuor & viginti, quo Petri nauiculam rexit. post obitum sepultus in Vaticano iuxta sepulchrum B. Gregorij. Vacauit Sedes dies 15.

Notæ. 18. Februarij.

Gregorius. Cum Crescentij Tyrannidem sustinere nequirit, Vrbe egressus, in Etruriam primo, deinde in Germaniam se recepit, iniurias apud Casarem deploratum opemque afflictis Ecclesiæ rebus petitum. Venit Otho Casar cum exercitu, Romam expugnauit, & Gregorium Vrbi restituit, qui non, ut scribit Panuinius, Menses tantum septem, & dies 25. neque annos duos, Menses septem, dies 18. ut refert Ciaconius, sed ut diximus superius, annos duos, Menses 5. dies 24. præfuit Ecclesiæ, tot enim Anni, Menses, & dies nec plures, nec pauciores intercessere ab electione ad obitum illius, post quem vacauit Sedes ex Panuinio Menses 8 dies 10.

Meminere Gregorij Martinus Pelonus, Io: Stella, Io: de Columna, Guillelmus Bibliothecarius, Ptolomeus Lucensis, Franciscus Petrarca, Platina, Simoneta, Niemus, Ciaconius cum Auctarijs, Panuinius in Vita. Baronius in Annal. S. Antoninus in Chronico, Marraccius in Pontif. Marianis, & Historici omnes, qui seculi decimi res attigerunt.

XI.KAL. MARTII.

Romæ apud Lateranum anno à Christo nato 605. obitus Sabiniani Pontificis, ordine sexagesimi sexti, natione Tusci, patria Blerani, à D. Gregorio decessore, quia post trinam admonitionem non cessabat à calumnijs, in capite percussus, cum per Menses quinque, diesque vndeiginti in Petri Cathedra sedisset, ac vnicam ordinationem Episcoporum 26. celebrasset. post obitum sepultus in Porticu Vaticanæ Basilicæ, vacauit Sedes vno tantum die.

Notæ. 19. Februarij.

Sabiniani. *Sunt qui eiusdem funus ad 27. huius Mensis diem referunt.*

Agunt de Sabiniano Baronius in Annalibus, Panninius, Ioannes Stella, Ciaconius cum Auctarijs, Platina, Romanus Canonicus in Descriptione Basilicæ Vaticanæ, Brandus in Chronologia Romanorum Pontificum, S. Antoninus, & alij omnes qui Vitas, seu Catalogos Summorum Pontificum contulerunt.

IX.KAL. MARTII.

Romæ anno salutis 1431. è mortali vita discessit Martinus III. dictus V. patria Romanus, Agapeti Columnæ Reguli filius, suorum temporum felicitatis, Pontifex ordine ducentessimus

simus decimus, electus in Constantiensi Concilio, nationum omnium suffragio, sublatis tribus Schismatis teterrimi capitibus, Ecclesiæ pace data, euulgatis viginti tribus Cardinalibus, Pontificatus sui anno 13. mense 3. die 12. ætatis 63. sepultus in Basilica Constantiniana, ante capita Apostolorum, vacauit Sedes per dies decem.

Eadem die anno 1513. in Vaticano decubuit Iulius II. Pontifex in ordine ducentessimus vigesimus, domi, forisque clarissimus, septuagenario maior, natione Ligur, patria Saonenfis, cum præfuisset Christianæ Reipublicæ annorum nouem, mensium trium, dierum 21. spatio, ac septem supra viginti præstantes viros, sex ordinationibus inter Cardinales cooptasset: cuius corpus iacet in Vaticano, licet habeat sepulchrum nobilissimum in Titulo Eudoxiæ. Vacat post eius obitum Sedes dies 10. alijs 18. vel 23.

Notæ. 21. Februarij.

Martinus. 28. Cardinalium, & 30. Prælatorum, nationum quinque suffragijs, Otho de Columna Diaconus Cardinalis renuntiatus Pontifex, dictus Martinus, quia euulgatus die S. Martino Episcopo Turonensi sacra, Iubilæum celebravit, Arces multas à Tyrannis occupatas expugnauit. *Defunctum Martinum alij volunt 7. Kal. Martij.*

Meminere huius Pontificis Gobelinus in hist. Baptista Fulgosius, Platina, Panninius, Ciaconius,

eiusdemque Auctarij, Felix Contelorius in Vita, Henricus Spondanus in Annal. Bzouius, S. Antoninus, Hippolytus Marraccius in Pont. Marianis, Ferdinandus Vghellius in Cardinalibus Columnensibus, Acta Concilij Constantiensis, & historici omnes seculi decimi quinti.

Iulius II. ante Pontificatum Iulianus de Ruvere, Raphaëlis filius nuncupatus, omnium primus contra decessorum usum barbam aluit. Morti proximus Cardinalibus commendauit electionem boni Pontificis, vique Iulianus dixit Cardinalibus schismaticis parco, ut Iulius iustitia rationem habendam esse iudico. Decessisse alij volunt 10. alij 8. Kalen. Martij.

De hoc Pontifice tractant Hadrianus Presbyter Cardinalis S. Chrysogoni in Carmine, Foliotta in Elogijs, Panuinius, Ciaconius cum Auctarijs in Vita, Henricus Spondanus in Annal. Eccl. Rodolphus Tracinh. de gestis Iulij, Petrus Bizarus in bist. Genuensi, Ludouicus Iacobus à S. Carolo in Bibliotheca Pontificia, Franciscus Maria Torrigius de Basilica Vaticana, Paulus de Angelis de Liberiana, Petrus Bembus, Magnus, M. Antonius Casanova in carmine, Leonardus de Porto, & historici omnes eiusdem seculi.

VIII. KAL. MARTII.

Romæ Anno Christi 398. ex mortali ad immortalem migravit vitam Siricius, patria Romanus, Tiburtij filius, Pontifex Maximus in ordi-

ordine vndequagesimus, sanctitate, & doctrina illustris, qui spatio annorum tredecim, Mensis vnus, & dierum 14. quo Rempublicam Christianam administravit, quinquies Ordinationes habuit, quibus creauit Presbyteros vnum & triginta, Diaconos vndeuiginti, Episcopos duos supra triginta. Sepultus in Cæmeterio Priscillæ via Salaria, vacauit Sedes per dies 20.

Notæ. 22. Februarij.

Siricius, electus Pontifex ex Presbytero Cardinali S. Pudentiana, non sine tumultu Vrsicini Schismatici.

Beda & Molanus dicunt, Siricium obiisse die 26. Nouembris.

Aliqui huius Pontificis Sedi annos quindecim tribuunt.

De hoc Anastasius Bibliothecarius, Ciaconius, eiusdemque Auctarij, Platina, Panuinius, Niemus, Franciscus Petrarca, Ptolomæus Lucensis, Ioannes de Columna, Martinus Polonus in Vita, Baronius in Annal. Eccl. Io. Vasaus in Chronico Hispanico, Belarminus contra Calvinum, Gretserus contra Morneum, & alij multi.

VII. KAL. MARTII.

Anno salutis humanæ 1447. Pontificatus 16. vitæ 64. Eugenius IV. Papa in ordine ducentissimus vndecimus, patria Venetus, Romæ in

Palatio Vaticano, die Iouis, hora octaua noctis præcedentis, rebus humanis excessit, ingenio & rebus gestis insignis, & in Pontificatu varius, quem administravit per annos quindecim, menses 11. dies 21. quo tempore Cardinales tres supra triginta enuntiauit; vir fuit aspectu ferius, veneratione dignus, grauis in dicendo potiùs quàm eloquens, modicæ literaturæ, multæ cognitionis, historiæ præsertim, liberalis in omnes, tum vel maximè in literatos, & Religiosos, quorum familiaritate delectabatur. Mortuus sepultus in Vaticano, inde post plures annos Canonorum S. Georgij in Alga, inter quos vixerat, opera translatus ad Claustrum S. Saluatoris in Lauro. Vacauit Sedes per dies decem.

Notæ. 23. Februarij.

Eugenius. ante Pontificatum Gabriel Condulmerius Presbyter Cardinalis S. Clementis, Senensis ab ea Ecclesia, quam regebat, vulgò vocatus.

De hoc Pontifice agunt Platina, Ioannes Cochleus in historia Hussitarum, Panuinius, Ciaccius cum Auctarijs, Felix Contelorius in Elenchi Cardinalium, Iacobus Philippus Thomasinus in Annalibus Canonorum Secularium, Vvadingus in Minorum, Ferdinandus Vghellius in Italia sacra, Franciscus Sansouinus in hist. Veneta, Henricus Spondanus in Annalibus Eccl. Acta Concilij Basileensis, Mutius Pansa in descript. Bibliotheca Vaticana, & alij quàm plures cum Malatesta & Car-

dina-

dinali Bononiensi, qui in eius funere publicè orarunt.

V.KAL. MARTII.

Romæ natalis S. Felicis huius nominis III. in ordine Papæ vndequinquagesimi, Magni Gregorij Atau, qui post obitum Sanctæ Tharsillæ nepti apparet, illam ad cœlestia regna vocauit. obiit anno post Christum natum, 492. cum Rempublicam Christianam administrasset per menses xi. diesque duodeuiginti supra annum octauum, & Concilium in Vrbe celebrasset, habitis duabus ordinationibus, in quibus Presbyteros 28. Diaconos 5. Episcopus vero 31. sacro perunxit oleo. Sepultus in Basilica S. Pauli via Ostiensi, cessauit eius Episcopatus per dies quinque.

Ibidem in Monasterio Sanctorum Andrea, & Gregorij in Cliuo Scauri, anno à Christo nato 1145. obitus Lucij II. Pontificis in ordine centesimi sexagesimi octau, patria Bononiensis, qui decem, aut vndecim euulgatis Cardinalibus spatio Mensium vndecim, dierum quatuordecim, quibus sedit in Petri Cathedra, Canonicos Regulares, inter quos ante Cardinalatum sanctissimè vixerat, ad arctiorem viuendi normam iuxta S. Augustini regulam impulit. post obitum sepultus in Laterano, ex alijs verò in Vaticano, vacauit Sedes per diem vnum.

¶ 3

Notæ.

Notæ . 25. Februarij.

S. Felicis III. ab aliquibus II. dictus, patria Romanus, de nobilissima domo Anicia, quæ postea de Fregepanis cognominata est.

Anastasius supra annum octauum, Menses 11. & dies 23. Felicis Sedi tribuit; Genebrardus vero Menses 11. diesque 17. supra annum sextum.

Sunt qui dicunt, Felicem ad superos euolasse die 30. Ianuarij.

Meminit Felicis Martyrologium Romanum, Baronius in Notis, & in Annalibus, S. Gregorius homilia 38. in Euangelium, & libro 4. Dialogorum, Ioannes Diaconus in Vita S. Gregorij, Leo Ostiensis in Chronico Cassinensi, Platina, Panuinius, Ciaconius cum Auctarijs, Binius, Ioannettus, Panciro- lus, & alij plures.

Lucij II. Gerardus Caccianemicus ante Pontificatum dicebatur, patre Alberto nobili Bononiensi natus, nihil prætermisit, quod ad expeditionem Hierosolymitanam iudicauit necessarium. In tumultu Populi lapidis ictu percussus ex hac vita migravit.

De Lucio tractant Panuinius, Pennottus, Sigonius, Ghirardaccius, Io: Nicolaus Alidosius, Gerardus Vaseus, Ciaconius eiusdemque Auctarij, Ioannes Stella, & alij omnes, qui historiam Pontificiam contexuerunt.

IV. KAL.

IV. KAL. MARTII.

Romæ anno salutis 858. obiit Benedictus huius nominis III. in ordine Pontifex sextus supra centesimum, patria Romanus, qui ob sanctitatem vitæ, mortuo Leone IV. solus Pontificis defuncti successor omnium votis acclamatus est, ad quem concurrentes omnes, tamquam ad vnicum & benignissimum sydus terræ datum, eum Pontificem decreuerunt, qui flens, Deum & Sanctos in testes vocans, se nequaquam dignum esse dicebat, qui tantæ Sedi præficeretur, quærensque se à propria quiete auelli, acclamantibus omnibus, & electionem approbantibus, præcantibusque ut tantam, quam ei Deus obtulerat dignitatem, accipere haud recusaret, inuitus tandem Pontificium munus suscepit, & administrauit per annos duos, Menses sex, & dies 25. vnica ordinatione consecratis Episcopis 20. Presbyteris sex, Diacono vno. Sepultus in Vaticano prope argenteam portam. vacauit Sedes per dies quindecim.

Notæ . 26. Februarij.

Benedictus. Petri filius ex Canonico Regulari Presbyter Cardinalis S. Mariae Transyberinæ à Leone IV. renuntiatus, sedit ex alijs Menses octo, diesque 16. seu Menses 6. dies 10. vel Men-

C 4 ses

ses quinque supra biennium.

Celebrant Benedictum Anastasius Bibliothecarius, Martinus Polonus, S. Antoninus, Niemus, Platina, Simonetta, Panuinius, Franciscus Petrarca, Ptolomæus Lucensis, Io: de Columna, Ciaconius, eiusdemque Auctarij in Vita, Baronius in Annalibus Eccl. Paulus Morosinus in hist. Veneta, & alij plures.



MAR-

MARTIVS.

VI. NONAS MARTII.

Romæ memoria Sancti Simplicij, patria Tiburtini, Papæ in ordine duodequingagesimi, qui anno à Christo nato 483. cum præfuisset Ecclesiæ per menses quinque, & dies decem supra annum quintum decimum, habitis pluribus Ordinationibus, quibus Presbyteros 58. Diaconos 11. Episcopos 36. consecrauit, ad Superos sanctitate illustris euolauit. Sepultus in Vaticano, progressu tamen temporis cinerum, pars translata Tibur, cuius Episcopatus cessauit per sex tantum dies.

Ibidem anno salutis 558. vitam sanctissimè terminauit Pelagius huius nominis primus, in ordine sexagesimus primus Pontifex, patria Romanus, qui rexerat Christianam Rempublicam omnium plausu, charus ob eximias doctes, & virtutes, quibus præditus erat omnibus, per menses decem, diesque duodeuiginti supra quartum annum, duabus vicibus ordinatis Presbyteris 25. Diaconis 9. & Episcopis 49. Post obitum sepulchrum habuit in Vaticano, ac vacauit Sedes Menses tres, diesque 25.

Notæ. 2. Martij.

S. Simplicij. Castini, seu Castoris filius, cuius natalis solemnitas Tiburi præsertim agitur. Sunt qui

qui dicunt, sedisse Menses 7. totidemque dies, alij Mensem tantum vnum, & dies 8. supra annum 15.

Celebrant *Simplicium Martyrologia Romanum*, Bede, Adonis, & aliorum; Baronius in *Notis* & in *Annalibus*, Anastasius *Bibliothecarius*, Platina, Panuinius, Ciaconius cum *Auctarijs*, Seuerinus Binius in *Notis Conciliorum*, Martinus Polonus, Io: de Columna, Ptolomeus Lucensis, Franciscus Petrarca, Simonetta in *Vita*, & alij plures.

Pelagius. Ioannis Vicariani filius, quintam Synodum recepit, & approbauit, curauitque ut Occidentales Episcopi eam admitterent. Vaticanam Basilicam ornauit, & claruit sanctitate; à veritate aberrant illi, qui huius Pontificis Sedi annos decem, vel undecim tribuunt, mortuumque dicunt anno 559.

Est Pelagij mentio apud omnes, qui de Romanis Pontificibus scripserunt, vide Ciaconium, aliofque superius laudatos, nec non Baronium in *Annalibus*.

IV. NONAS MARTII.

Romæ anno salutis 258. via Appia martyrium S. Lucij Papæ, in ordine vigelimi tertij, patria Romani, qui primò in persecutione Valeriani ob Christi fidem exilio mulctatus, postmodum ad Ecclesiam redire diuino nuru permittus, illam rexit per annum vnum, menses 4. & dies 23. ac bis dandis sacris Ordinibus vacauit, Episcopos septem, Presbyteros quatuor, totidemque Diaconos consecrando, aduersus
Noua-

Nouatianos multum laborauit, compleuitque martyrium capitis obruncatione. Corpus arenario viæ Appiæ traditum, ex quo ad Vaticanum translatum dicunt: vacauit tum Romana Sedes dies quinque supra mensem.

Notæ . 4. Martij.

S. Lucij. Porphyrij filius, exulauerat etiam ob Christi fidem ante Pontificatum apud Centumcellas. Præfuit Ecclesiæ ex aliquibus menses tantum octo, ex alijs quinque. sunt qui huius Sedi tribuunt annos tres, totidemque menses, alij annos duos, menses tres, dies 13. cuius corpus apud S. Cæciliam, nonnulli apud S. Siluestrum de Capite reponunt.

Summis laudibus S. Lucium celebrarunt S. Cyprianus, *Martyrologium Romanum*, Beda, Vsuardus, Ado, Baronius in *Notis* & in *Annal.* Optatus contra Parmen. Augustinus epist. 165. liber Romanorum Pontificum inscriptus Damalus, Martinus Polonus, Ioannes de Columna, Ptolomeus Lucensis, Franciscus Petrarca, Niemus, Platina, Simonetta, Panuinius, Ciaconius cum *Auctarijs* in *Vita*, Eusebius in *Chronico*, Philippus Ferrarius in *Catalogo Sanctorum Italiae*, Contarenus, Giachettus & alij.

NONIS MARTII.

Anno post Christum natum 1605. Romæ obiit Clemens VIII. Pontifex Maximus in ordine ducentessimus trigessimus quintus, patria
Floren-

Florentinus, ex Aldobrandina familia, post Romanæ Rotæ iudicium, & Datarie Præfecturam purpura donatus, maiorisque Pœnitentiarij munere auctus, post sedactas in Polonica legatione inter Sigismundum Regem & Austriacam, domum ortas in Comitij Regni discordias, ad Pontificatus apicem euectus, Patriarcha Alexandrino, & Ruthenis Episcopis à Schismate in Romanæ Ecclesiæ complexum admissis, Henrico IV. Rege Apottolica charitate recepto, Galliarum Regno cum magno Religionis bono post diuturna bella pacato, inter eundem Regem, & Sabaudie Ducem pace firmata, seculari anno iubilæi miræ pietatis documentis cumulado, Pontificia maiestate vbique constanter asserta, annorum xii. Mensis vnus, ac dierum quatuor spatio, quo sedit in Petri Cathedra, euulgatis 53. Cardinalibus, ac Sanctis adscriptis ex Ordine Prædicatorum Hyacintho Polono, & Raymundo de Pegnaforte, & Beatis Agnete Virgine Politiana. Corpus è temporario Vaticani tumulo ad Basilicam Liberianam anno 1646. translatum. vacauit Sedes per dies 23.

Notæ. 7. Martij.

Clemens VIII. Hippolytus Aldobrandinus ante Pontificatum dictus, Fani natus, Florentia oriundus, obiit ex alijs 19. Februarij, ex alijs verò die 4. vel 3. seu 13. Mensis Martij, ex sepulchrali elogio scimus excessisse die 7. vt superius indicauimus.

Cle-

Clementem debitis laudibus exornant Auctarij Ciaconij, Casar Baronius in Annalibus, Petramellarius, Angelus Rocca, Pompeus Vizanus in hist. Bononiensi, Paulus de Angelis in descriptione Basilicæ Liberianæ, Cardinales Perronius in literis, Bentiuolus in memorijs historicis, Henricus Spondanus in Annal. Eccl. Ludouicus Iacobus à S. Carolo in Bibliotheca Pontificia, Ferdinandus Vghellius in Italia sacra, Hippolytus Marraccius in Pontif. ac in Bibliotheca Mariana, Io: Rhò in historia virtutum & vitiorum, Henricus Caterinus Dauila in hist. Franciæ, Seuerinus Binius tomo vltimo Conciliorum, & alij plures.

VII. IDVS MARTII.

Romæ anno reparatæ salutis 1144. obiit Cœlestinus huius nuncupationis secundus, in ordine Pontifex centesimus sexagesimus septimus, natione Tuscus, de Castro Sanctæ Felicitatis prope Tiphernum, post menses quinque, dieque tredecim ab accepto Pontificatu, quem illustrem reddidit purpura duodecim virorum, illustrium; hac in re præcipue felix ob temporis breuitatem, quòd nullis seditionibus vexatus fuerit; sepultus in Lateranensi Basilica, vacauit Sedes per dies duos.

Notæ. 9 Martij.

Cœlestinus. Magister Guido de Castello nuncupatus

patus, omnium primus sine Populi interuentu summum Pontificatum adeptus est. Ad hunc Pontificem sunt Petri Cluniacensis, ac Bernardi Claraualensis Epistola.

De hoc tractant Baronius in *Annal.* Pandulphus Pisanus, Martinus Polonus, Io: de Columna, Ptolomæus Lucensis, Franciscus Petrarca, Niemus, Platina, Simonetta, Panuinius, Ciaconius, eiusdemque Auctarij; Benedictus Canonicus Vaticanus in Vita, Abbas Vrspergensis, S. Antoninus, Nauclerus, Iacobus Philippus Bergomas, & alij plures.

V. IDVS MARTII.

Anno post Christum natum 1045. Silvester III. natione Italus, patria Romanus, ex Episcopo Sabinensi malis artibus, pecunia nempe, ad Petri Sedem ascensum sibi parauit, contra Benedictum VIII. alijs IX. & post mensem vnum, & dies vndetriginta ab ipso Benedicto Pontificatu exactus est.

Notæ. 11. Martij.

Silvester III. Ioannis Laurentij filius.

De quo Ciaconius, Panuinius, & alij plures, cum Baronio in *Anal. bus Eccles.*

IV. IDVS MARTII.

Romæ memoria S. Gregorij Pontificis in ordine

dine sexagesimi quinti, Ecclesiæ Doctoris, Gordiani Senatoris, & Siluiæ sanctissimæ Matronæ filij, qui ob res præclare gestas, atque Anglos ad Christi fidem conuersos, Magnus est cognominatus, & Anglorum Apostolus. hic inter primas curas habuit medicinam gregi suo quærere, quem pestilentia, tota passim Italia, sed Romæ potissimum lacerabat. morte igitur grassante, ad Matrem viuentium confugit, cuius effigiem cum tota Vrbe supplicabundus circumtulisset, Angelum vidit, qui iratum ensen vaginæ reddebat, & aërem noxium purgabat, grantibus vocibus Cœli Reginae victoriam dicentem. ad huius etiam preces Angelorum panis in carnem abiit, & hæsitanti sceminæ fidem myfteriorum fecit. in sede Annorum 13. Mensium 6. dierum 8. Ordinationes duas habuit Episcoporum 62. Presbyterorum 39. & Diaconorum 15. obiit, sed immortalis viuet in suis libris, anno Dominicæ Natiuitatis 604. Corpus in extrema Porticu ante Basilicam S. Petri prope Secretarium conditum est. inde à Gregorio IV. intra Basilicam translatum; vacauit Sedes per Menses 5. dies 19.

Notæ. 12. Martij.

S. Gregorij. magno Italia, & totius Orbis Christiani cum dolore vitam reliquit sub Phoca Imperatore, cum eximia doctrina ac pietate Ecclesiam Catholicam administrasset, quare merito in

nume-

unmerum Sanctorum Confessorum, ac Doctorum est
relatus.

Corpus huius Sancti in Templo S. Andrea in
Caelio Monte, alij in Hispania iacere dicunt, cum
re vera sit in Vaticano. in Ecclesia S. Andrea est bra-
chium, & fortasse in Hispania membrum aliud, apud
Patres Oratorij in Vrbe est capitis pars nobilis, ar-
gentea theca, inclusa. Olim cum tempore Quadra-
gesime, Sanctorum natalitia minimè celebrarentur,
translata erat huius diei solemnitas in diem, qua fuerat
ordinatus.

De illo tractant Martyrologia omnia, Græcorum
Menologia, Authores, qui Romanorum Pontificum,
vel Sanctorum Vitas descripserunt, seu historiam
Ecclesiasticam enarrarunt. Omnium primi huiusc
Sancti acta euulgarunt Paulus Monachus Cassinensis,
Ioannes Diaconus, Gregorius Turonensis, Isidorus
de Viris illustribus S. Eldetphonsus, Beda in hist.
Anglica, Paulus Diaconus de gestis Longobardorum,
Leo Ostiensis in Chronico Cassinensi, Lucas Tuden-
sis, & alij plures.

IDIBVS MARTII.

Romæ S. Zacchariæ Papæ in ordine nonage-
simi secundi natalis, Siberenæ magnæ Græciæ,
nunc Calabriae dictæ, nati, qui Ecclesiam Dei
summa vigilantia per menses tres, diesque sex-
decim supra decennium gubernauit, tribus hæ-
bitis ordinationibus Episcoporum 85. Presbyte-
rorum 30. Diaconorum 5. anno salutis 752.

cla-

clarus meritis quieuit in pace. Sepultus ad S. Pe-
trum, vacauit Sedes dies 8. seu ex alijs 12.

Notæ. 15. Martij.

S. Zacchariæ. Policronij Pontinij filius ex Mo-
nacho S. Benedicti Presbyter Cardinalis primò,
deinde Pontifex, obiit ex alijs pridie huius diei.

De illo Martyrologium Romanum, Baronius in
Notis, & in Annalibus, Beda, Anastasius Biblio-
thecarius in Vita notis adaucta à Binio, Ciaconius
cum Auclarijs, Panuinius & alij omnes, qui Ponti-
ficum Romanorum vitas descripserunt.

XVII. KAL. APRILIS.

Hac die Romæ anno salutis humanæ 985. obi-
tus Ioannis huius nuncupationis decimi quarti,
in ordine centesimi quadragesimi Romani Pon-
tificis, patria Papiensis, doctissimi, & multo-
rum librorum Authoris, qui contra Bonifa-
cium VI. Pseudopontificem rem publicam Chri-
stianam per menses octo administravit. Corpus
apud S. Petrum sepulchro traditum, vacauit Se-
des dies decem.

Notæ. 16. Martij.

Ioannis. Petrus à Canena noua ante Pontifica-
tum nuncupatus, ex Episcopo Papiensi, & Archi-
cancellario Othonis Imperatoris, summum Principa-

D

tum

tum Ecclesiæ obtinuit, & carcerem opera Bonifacii Pseudopontificis per plures menses passus est. hunc aliqui excludunt à numero Pontificum; quia uiuente Benedicto VII. dicto VIII. in Schismate electus est.

De Ioanne tractant Ciaconius cum Auctarijs, Baronius in Annalibus, Panuinius, Guillelmus Bibliothecarius, Martinus Polonus, Ioannes de Columna, Ptolomæus Lucensis, Franciscus Petrarca, Platina, Simonetta, Niemus, Stella, & alij multi.

XVI. KAL. APRILIS.

Anno à natiuitate Christi 965. in Vrbe defuit Leo VIII. ex statu laicali Pseudopontifex, qui per annum vnum, menses tres, dies 12. contra Ioannem XII. & Benedictum VI. Petri Cathedralis occupauerat. post obitum sepultus apud S. Petrum in Vaticano.

Notæ. 17. Martij.

Leo. licet schismaticus Papa fuerit, tamen eius nominis nota rationem habent Historici in recensendis alijs Pontificibus, qui Leonis nomine sunt vocati. hic eligendi Romanum Pontificem auctoritatem Clero Romano ad Imperatorem transtulit.

Est Leonis mentio apud Baronium in Annalibus Ciaconium, eiusdemque Auctarios, Vanuinium, Platina, Guillelmum Bibliothecarium, Martinum Polonum, Ptolomæum Lucensem, Franciscum Petrarca, Niemum, Simonettam, S. Antoninum, & alios.

XV. KAL.

XV. KAL. APRILIS.

Anno Dominicæ Natiuitatis 1227. vitam terminauit Honorius III. Pontifex Maximus, in ordine centesimus septuagesimus nonus, Pontificatus sui anno decimo, menseque octauo, patria Romanus, cum vitam egisset, vt bonum decebat Patrorem, duorum Imperatorum Orientis & Occidentis capita coronasset, Bohemos in Ecclesiæ gremium recepisset, confirmasset sacros Ordines Prædicatorum, ac Minorum, nec non Vallis scholarium, S. Mariæ de Mercede, seu de Misericordia Redemptionis Captiuorum, Carmelitarum sub Regula B. Alberti Patriarchæ Hierosolymitani, Equitumque Calatruæ, ac quatuor Creationibus Cardinales vndecim euulgasset, Guillelmum Episcopum Bituricensem, Laurentium Præsulem Dublini, nec non Gertrudem Virginem, sororem S. Beggæ viduæ Sanctis adscripsisset. Vacauit Sedes per diem tantum vnum; sepultus ante aram Præsepis ad Basilicam Liberianam.

Notæ. 18. Martij.

Honorius. Cencius Sabellus Presbyter Cardinalis SS. Io: & Pauli S. R. E. Camerarius, seu Cancellarius ante Pontificatum dictus, à cuius sedis tempore superius indicato Brouius dies aliquot remouet.

Laudant Honorium S. Antoninus, Paulus Cortesius, Panuinius, Platina, Ciaconius cum Auctarijs,

D 2

Oderi-

Odericus, Bzouius, Spondanus, Baronius in Annalibus Ecclesiasticis, Conradus Abbas Urspergensis, Albertus Stadensis in Chronicis, Historiæ Dominicanorum, Minorum, Carmelitarum, Hippolytus Marraccius de Pont. Marianis, Auctor Nomenclatoris Cardinalium, & alij plures.

X. KAL. APRILIS.

Anno reparatæ salutis 1555. in Vaticano ab humanis decessit Iulius III. Pontifex Maximus, in ordine ducentessimus vigesimus quintus, natus Romæ 4. Idus Septembris anno 1487. Aretio oriundus, qui celebrato Iubilæo, Concilio Tridentum reuocato, benignissimè recepto Simeone Sulaka, Orientis vniuersi trans Euphratem ad Iodos vsque Metropolita, confirmato in Regno Neapolitano Philippo II. Hispaniarum Rege, euulgatis 20. Cardinalibus, per annos quinque, mensem vnum, ac dies 13. Rempublicam Christianam forti pectore rexerat. Sepultus post obitum in Vaticano, vacauit Sedes per dies 18.

Notæ. 23. Martij.

Iulius. Io: Maria in Baptismate vocatus, filius Vincentij de Monte iurisconsulti egregij, à natali loco, oppido scilicet Montis S. Sabini, quod est in agro Aretino recens familiæ nomen de Monte traxerunt; cuius corpus nostra hac ætate iacet in Crypta Vaticanis.

De

De Iulio tractant Henricus Spondanus, & Odericus in Annalibus Eccles. Ludouicus Iacobus à S. Carolo in Bibliotheca Pontificia, Antonius Franciscus Rainerius, Ianus Vitalis, Faustus Sabæus in carmine, Auberius, Ciaconius cum Auctarijs, Panuinius in Vita, Paulus de Angelis in descriptione Basilicæ Liberianæ, Hippolytus Marraccius in Pontif. Marianis, Iacobus Philippus Thomasinus in Annalibus Canonorum secularium, Sfortia Cardinalis Pallauicinus in historia Concilij Tridentini, & alij plures.

IX. KAL. APRILIS.

Romæ hac die anno à partu Virginis 900. obitus Stephani VII. dicti VI. Pontificis, in ordine centesimi decimi quinti, patria Romani, qui celebrato in Vrbe Concilio contra Formosum decessorem, præfuit Ecclesiæ Catholicæ per annos quatuor. & menses nonnullos. vacauit Sedes per huius obitum, dies tres.

Ibidem anno Christi 1495. Nicolaus V. Pontifex, in ordine duodecimus supra ducentissimum, patria Sarzanensis, Pontificatus sui anno 8. die vndeuigesima post captam Constantinopolim, siue tædio animi, siue feбри, & podagra, qua potissimum vexabatur, euulgatis per quatuor vices Cardinalibus duodecim, celebratoque anno 1450. Iubilæo, ac Sanctis adscripto Bernardino Senensi Ordinis Minorum, vitam migravit, maximè commendatus liberalitate, qua in omnes, & præcipuè in doctrina præ-

D 3

tan-

tantes viros vsus est. Post obitum sepultus in Vaticano, vacauit Sedes diebus duodecim.

Notæ. 24. Martij.

Stephani. *Ioannis Presbyteri ex legitimo matrimonio filius, Episcopus Anagninus in Formosi decessoris cadaver inaudito facinore inseuit. Seditque ex alijs mensibus tantum aliquot supra annum unum, & obiit anno 898.*

Meminerere Stephani Acta Concilij Romani habiti sub Ioanne IX. Baronius in Annal. Guillelmus Bibliothecarius, Martinus Polonus, Ioannes de Columna, Ptolomæus Lucensis, Franciscus Petrarca, Baptista Platina, Bonifacius Simonetta, Ciaconius cum Auctarijs, Panuinius in Vita, Luitprandus, S. Antoninus in Chronico, & alijs lares.

Nicolaus. *Thomas Parentucellus Bartholomæi professione Medici, & Andreola Calderinæ filius, pacis amator, bellique inimicus.*

Sunt qui scribunt, decessisse anno 1454. quæ si vera essent, affirmandum nobis esset, non sedisse in Petri Cathedræ nisi annis septem, & duodeviginti diebus.

Est Nicolai mentio apud Platinam, Panuinium, Simonettam, Ciaconium, eiusdemque Auctarios, Ferdinandum Vghellium in Italia sacra, Bronium, Odericum, Spondanum in Annalibus Eccl. Vbertum Felietam in Elogijs Ligurum, Paulum de Angelis in descriptione Basilicæ Liberianæ, Hippolytum Marraccium in Pontif. Marianis, Horatium Turfelinum in hist. Lauræana, Ludonicum Iacobum à S. Ca-

rolo,

rolo, Raphaëlem Sopranum in suis Bibliothecis, & alios multos.

VIII. KAL. APRILIS.

Anno Dominicæ Natiuitatis 1191. Romæ in Palatio Lateranensi Clemens III. Pontifex Maximus, in ordine centesimus septuagesimus sextus, patria Romanus cum sedisset in Petri Cathedra menses duos, diesque viginti supra annum tertium; ac sex & viginti renuntiasset Cardinales, Sanctisque adscripsisset Othonem, vegetæ licet ætatis, rebus humanis excessit, nos erudiens, in fœlicitatibus nostræ regionis statim post gratulationes & plausus Epitaphium & nœniam parandam esse. in Basilica Constantiniana ante antiquum Canoniorum Chorum pilo vetusto sigillis ornato sepultus, vacauit Sedes per tres dies.

Notæ. 25. Martij.

Clemens. *Paulus Scholaris Ioannis nobilis Romani filius, ab alijs Paulinus nuncupatus ob staturam humilem.*

Clementis III. nomine insignitus alius fuit Pseudopontifex, patria Parmensis, qui in Schismate anni 1084. ad thronum euectus per viginti ferè Annos Apostolicam Sedem occupauit.

De Clemente legitimo Pontifice tractant Io: de Columna, Franciscus Petrarca, Niemus, Platiua, Simonetta, Ciaconius cum Auctarijs in Vita, Baronius

D 4 in

in Annal. Eccl. Rogerius in Anglicis, S. Antoninus, Gaulterius, Antonius Dauroultius, Hippolytus Marraccius in Pontif. Marianis, & alij.

VI. KAL. APRILIS.

Anno à Christo nato 1378. animam emisit Gregorius huius nominis XI. in ordine ducentifimus tertius Pontifex, Clementis VI. ex fratre nepos, qui Romanæ Vrbi Pontificatum restituit, Catharina Senensi Virgine inter alios suadente, illumque prudentissimè, omnium plausu administravit per menses duos, diesque vnde triginta supra septennium, quo tempore duos & viginti enuntiauit Cardinales. Huic in Gallia nato, Romæ verò denato Populus Romanus lacrymis parentavit, & sepulchrum Cineribus proprio aere extruxit in Diaconia S. Mariæ antiquæ, cuius ante Pontificatum Diaconus extiterat. Vacavit Sedes per dies duodecim ab eius obitu.

Notæ. 27. Martij.

Gregorius. Petrus Rogerius Monstrius, seu Petrus Comes Bellifontis antea dictus, olim Baldi egregij I. C. discipulus.

Anno 6. Pontificatus è portu Massilia soluens, Genuam primò, inde Cornetum, demum terrestri itinere Romam venit. hoc iter vincita oratione descripsit Petrus Amelius Augustinianus, Episcopus Senogallie.

Huius

Huius Pontificis obitum ad diem 26. alii ad 28. huius mensis, & alii ad Kal. Aprilis referunt; ex monumentis Vaticanis tamen scimus ex calculi dolore circa secundam horam noctis diei 27. Martii excessisse.

Luxerunt eum Romani tanto gemitu, quanto neminem Pontificum, quòd Urbem ingentibus beneficiis exornasset, quare beneficii memores Sepulchrum in Diaconia S. Mariæ novæ ornatissimum extruxerunt.

De tanto Pontifice tractant Ciaconius, eiusdemque Auctarii, Niemus, Platina, Panuinius, Simonetta in Vita, Frossardus in Gallia, Spondanus, Bzouius, Odericus in Eccl. Annalibus, Ægidius Viterbiensis in hist. S. Antoninus, in Chronico, Petrus Frizonius in Gallia purpurata, Illescas in hist. Eccl. Io: Baptista Egnatius in Exempl. Hieronymus Garimbertus, Stephanus Baluze in Antifrizonio, Marraccius de Pontif. Marianis, & alii plures.

V. KAL. APRILIS.

Romæ memoria S. Sixti Papæ huius nuncupationis III. in ordine quarti supra quadragesimum, patria Romani, qui spatio annorum octo, minus diebus 30. quo Rempublicam Christianam administravit, quatuor Ordinationibus Episcopos 52. Presbyteros 22. Diaconos 12. consecravit, Basilicam Liberianam à fundamentis restituit, vitiumque quod suæ famæ Anicius Bassus fecerat, in publico Episcoporum

con-

conuentu, ne sub larua Christianum Orbem falleret, purgavit. Sepultus via Tiburtina ad S. Laurentium extra muros in Crypta, iuxta corpus eiusdem Sancti. Vacauit Sedes dies sexdecim, supra mensem.

Notæ. 28. Martij.

S. Sixti. Sixti filius sedit ex aliis mense tantum vno supra septennium, obiitque 3. Kal. Aprilis quæ incidunt in 30. Martij. anno 439. seu 440.

Hac die eius memoriam colit Martyrologium Romanum, cum Beda, Adone, & aliis; eiusdem memoriam Baronius in Annal. Eccl. & in Notis, Anastasius Bibliothecarius, Martinus Polonus, Io. de Columna, Ptolomæus Lucensis, Franciscus Petrarca, Niemus, Platina, Panuinius, Simonetta, Ciaconius cum Auctariis in Vita. Augustinus in Epist. Gennadius de viris illustribus, Ludonicus Iacobus à S. Carolo, & alii plurimi apud eosdem.

IV. KAL. APRILIS.

Florentiæ anno Dominicæ Natiuitatis 1058. mortuus est Srephanus X. dictus IX. Pontifex Maximus, in ordine centesimus quinquagesimus sextus, Gozzelonis Ducis Lotharingiæ filius, regio Francorum sanguine oriundus, per vim domo extractus, atque in Pontificem omnium plausu Friderico solum repugnante & contradicente lectus; qui Synodo in Laterano

con-

congregata, vitijs omnibus bellum indixit, et que nouis legibus, & constitutionibus à Catholicorum Urbibus proscripsit; inter consanguineos pacem curauit, nuptias tamen prohibuit; Clericos amauit castos, atque à simoniaca labe alienos, septem euulgauit Cardinales, quæ omnia perfecit spatio septem mensium, ac die-rum 27. quo præfuit Ecclesiæ. Corpus ibidem in Cathedrali S. Reparata sacra sepul-tum. vacauit Sedes per dies duodetriginta.

Eadem die anno 1285. Perusiæ in Umbria ad superos euolauit Martinus II. dictus IV. Pon-tifex Maximus, in ordine centesimus nonagesi-mus primus, natione Gallus, Pontificatus sui anno quarto, Mense primo, die septima, qui vitæ sanctitate, & miraculis clarus, Petrum Aragoniæ Regem grauibus seditionum fluctibus Ecclesiæ nauim turbantem, à fidelium commu-nione disiunxit, & Noruergiæ Principem, qui pecuniam in Terræ Sanctæ subsidium collectam è Regno efferi recusabat, seuerè redarguit; Cum autem septem præstantes viros Cardinalium Col-legio adiunxisset, Minorum habitu ornatus tumu-latus in Cathedrali S. Laurentio sacra. Vacauit Sedes dies tantum quatuor.

Notæ. 29. Martij.

Stephanus. Fridericus antea vocatus Monachus, & Abbas Cassinensis, per vim à Populo ad Titulum Eudoxiæ deductus salutatur Pontifex 4. Nonas Angu-sti,

sti, quo die memoria S. Stephani Pontificis & Martyris colitur, ideo Stephani nomen assumpsit.

Decumbenti ad mortem affuit Hugo Cœnobiarcha Cluniacensis, qui Dæmonem Stephano infestum sua præsentia fugauit.

De hoc Pontifice agunt Leo Ostiensis in Chronico, Panuinius in Epit. Ioannes Stella, Guill. Imus Bibliothecarius, Martinus Polonus, Io: de Columna, Ptolomæus Lucensis, Franciscus Petrarca, Platina, Simonetta, Niemus, Ciaconius, eiusdemque Auctarii in Vita, Baronius in Annal. Eccl. Petrus Damiani in Epist. Petrus Frizonius in Gallia purpurata, & alii multi.

Martinus. Simon de Bria ab oppido Campania diæcesis Senonensis ante Pontificatum dictus, vir haud ignobili genere ortus, sed doctrina, rerum gerendarum experientia, animi magnitudine, morum & vitæ sanctitate insignis, Martinus, Martini Turonensis Episcopi memoria nuncupatus.

Est huiusce Pontificis mentio apud Eberardum in Chronico, Io: Trithemium, Genebrardum, Seuerinum Biniuum, Egidium Viterbiensem, Papium Massonum, Petrum Frizonium, Vasburgium Virdunensem Archidiaconum, Odericum, Vvadingum, Bzonium, Andream Quercetanum, Ciaconium & Auctarios, nec non apud omnes, qui historiam Pontificum Romanorum descripserunt.

III. KAL. APRILIS.

Romæ in Hadriani mole anno à partu Virginis

ginis 974. Benedictus VII. dictus VI. in ordine Pontifex centesimus trigessimus septimus, cum sedisset in Petri Cathedra annum vnum, menses tres, diesque nonnullos, seu fame, seu strangulatus Cynthij Romani Ciuis, Romanorum tamen Pontificum aduersarij imperio miserè periit, cuius pijs manibus Cynthus impius morte sua parentauit. Cadauer in Basilica Vaticana sepulchro conditum, vacauit Sedes dies decem.

Notæ. 30. Martij.

Benedictus. Hildebrandi filius, Auctore Francone, qui ei in Pontificatu successit prius in carcerem inclusus, deinde occisus per Cynthium Theodora filium, cum sedisset ex alijs supra annum vnum, Menses sex, obiit 6. Idus Iulij.

Acta Benedicti referunt Baronius in Annal. Guill. Imus Bibliothecarius, Martinus Polonus, Io: Stella, Bonifacius Simonetta, Platina, Panuinius, Niemus, Ptolomæus Lucensis, Io: de Columna, Petrarca, Ciaconius cum Auctariis in Vita, S. Antonius in Chronico, & alij plures.

PRIDIE KAL. APRILIS.

Anno Domini 752. Romæ ante adeptam consecrationem, quarta die Pontificatus subita morte correptus est Stephanus huius nominis II. in ordine nonagesimus tertius, patria Romanus, cuius casum assidue meminisse iuuabit.

bit. vacauit post huius obitum Sedes per diem
vnum.

Notæ. 31. Martij.

Stephanus. *Hunc Scriptorum multi in Pontifi-
cum numerum non reponunt & Tertium re vera,
secundum nominant, quod haud rectè factum est, cum
& legitime creatus fuerit, & vir ingentis spiritus &
animi existimatus fuerit; cuius obitum ad v. Kal. Apri-
lis alii referunt.*

*Meminere Stephani Ciacontus, eiusdemque Au-
clarii.*



IV. NONAS APRILIS.

HAc die anno salutis 419. occupatæ Sedis
mense tertio, dieque decima quinta Eu-
lalius Pseudopontifex, euulgatus in schisma-
te contra Bonifacium I. Imperatoris Honorij
imperio occupatam dignitatem abdicauit, fa-
ctus à Bonifacio Episcopus in Campania;
multum profunt Ecclesiæ pij Cæsares, Regesque
propitij.

Notæ. 2. Aprilis.

*Eulalius. electus a Presbyteris in Basilica Late-
ranensi.*

*Vide acta Bonifacii apud Baronium, Panuinium,
& Ciaconium.*

III. NONAS APRILIS.

Romæ apud S. Sabinam in Monte Auentino
anno Dominicæ Natiuitatis 1287. spiritum emi-
sit Honorius IV. Pontifex Maximus, in ordine
centesimus nonagesimus secundus, patria Ro-
manus, gente Sabella, patre Luca, viro in Vr-
be primario natus, qui in omni vita probatissi-
mus, & Christianæ Religionis cultor egregius,
viros doctos & probos dilexit, Monialibus Præ-
nestinis Cœnobium S. Siluestri in Campo Mar-
tio assignauit, Monasterium in solo paterno pro

Religiosis viris Albani excitauit, Iacobi Aragonij acta detestatus, illum anathemate percussit, & spatio duorum annorum, vniuersique diei, quo vixit in Pontificatu, vnum tantum renuntiavit Cardinalem. Sepultus post obitum apud S. Petrum, ex qua Basilica sub Paulo III. eius ossa translata ad Ædem Aracellanam. Vacauit Sedes dies duodeuiginti supra mensem decimum.

Notæ. 3. Aprilis.

Honorius. *Iacobus Sabellus dictus, sub quo Pandulphus frater Senatoriam dignitatem in Vrbe gessit.*

A veritate toto coelo aberrant illi, qui scribunt Honorium decessisse Nonis Aprilis, cum ex monumentis Vaticanis habeamus mortem Honorii accidisse 3. Nonas Aprilis.

Summis laudibus Pontificem hunc extollunt Chronici Hirsaugiensis Auctor, Genebrardus, Martinus Polonus, Ægidius Viterbiensis, Platina, Pandulphus Pisanus, Ciaconius, cum Auctariis, Odericus in Annal. Bernardus in Chronico Rom. Pontif. Ptolemaeus Lucensis in hist. Eccles. S. Antoninus, Io. Giacchettus in hist. Monasterii & Ecclesie S. Siluestri de Capite, Ferdinandus Vgbellius in Italia sacra, Auctor Romæ subterraneæ, & alii plures.

PRIDIE NONAS APRILIS.

Romæ apud Patriarchium S. Mariæ Maioris
anno

anno reparatæ salutis 1292. excessit Nicolaus IV. Pontifex Maximus, in ordine centesimus nonagesimus tertius, patria Asculanus, professione Franciscanus, qui annorum 4. Mensis vnius, & dierum 14. spatio quo sedit in Petri Cathedra pacem inter Reges Aragoniæ, & Sicilia firmavit, Carolum vtriusque Sicilia Regem coronauit, Montis Pessulani gymnasium erexit, Vlyssipponensem Academiam priuilegijs exornauit, propagandæ fidei cupidus, Quæsitores multis in Prouincijs constituit, & vnica Cardinalium creatione Cardinales septem enuntiauit. Sepultus in eadem Basilica, apud quam spiritum reddiderat. vacauit Sedes per annos duos, menses tres, & dies 2.

Notæ. 4. Aprilis.

Nicolaus. *Hieronymus Asculanus ante Pontificatum dictus, humili genere in Picentibus ortus, ex Generali Minorum Ministro Presbyter Card. S. Pudentiane à Nicolao III. creatus.*

Huius Pontificis ossa, iussa, & impensis Fr. Felicis Peretti eiusdem Ordinis Cardinalis, qui postea sub nomine Sixti V. Rempublicam Christianam administravit, in monumento egregijs, & discoloribus distincto lapidibus in eadem Basilica erecto, collocata sunt.

Nicolaum debitis laudibus extollunt Spondanus, Odericus, Henricus Monachus, Bzonius, Vvadingus in suis Annalibus, Ægidius Viterbiensis in hist.

*Chronici Hirsaugiensis Auctor, nec non Salisburgen-
sis, Pancirolus de Thesauris, Pompeus Vgonius de
Station. Urbis, Ciaconius cum Auclarijs, Platina,
Panuinius, Petrarca, Simonetta, Garimbertus, &
alij in Vita.*

VIII. IDVS APRILIS.

Romæ anno Domini 139. natalis Beati Sixti,
huius nominis primi, in ordine octavi Pontifi-
cis & Martyris, qui temporibus Hadriani Impe-
ratoris, per annos nouem, menses decem, ac
dies 14. sanctissimè publicas Christianorum res
administrans, cum tres habuisset ordinationes
Episcoporum 4. Presbyterorum 11. Diacono-
rum 3. sub Antonino Pio, vt sibi Christum
lucrifaceret, libenter sustinuit mortem tempora-
lem. Corpus in Vaticano sepulchro traditum,
vacauit Romana Sedes biduum tantum.

Ibidem anno 432. transitus S. Cœlestini Pa-
pæ item primi, in ordine quadragesimi quarti,
qui Nestorium Constantinopolitanum Episco-
pum damnauit, Pelagium fugauit, & cuius au-
ctoritate Sancta vniuersalis Synodus Ephesina
aduersus eundem Nestorium celebrata est, nec
non in sacris ordinationibus ter in Vrbe habitis,
Presbyteri 32. Diaconi 12. Episcopi 62. consecra-
ti. Sepultus via Salaria, cum sedisset annos 8.
Menses 10. dies 12. Vacauit Sedes per diem vnum
& viginti.

Notæ.

Notæ. 6. Aprilis.

Sixti. Pastoris filius, patria Romanus, cuius
Corpus, seu illius pars Roma ad Alatrinam Ciuita-
tem deuecta, in primario templo condita anno 1584.
& pars alia in Titulo Tigridis recondita. præfuit ex
Platina Ecclesiæ annis 10. Mensibus tribus, diebus
11. ac vacauit ex alijs Sedes per dies 4.

De hoc Sancto agunt Martyrologia, Romanum,
Beda, Adonis, Vsuardi, & aliorum, Baronius in
Notis, & in Annal. liber de Rom. Pontificibus inscri-
ptus Damasus, Irenæus aduersus hæres. Eusebius in
Chronico, & in hist. Optatus contra Parmen. Epi-
phanus, Augustinus Epist. 165. Nicephorus in Chro-
nico, Platina, Panuinius, Ciaconius cum Auclari-
ijs in Vita, Egnatius Dantes Episcopus Alatri-
nus in narratione translationis Cinerum, & alij recen-
tiores.

S. Cœlestini. Prisci filius, patria Romanus,
cuius corpus è via Salaria ad Ecclesiam S. Praxe-
dis in Montibus deductum esse scribit Pancirolus.
Sedit ex alijs Menses 5. diesque 3. supra annum
octauum, seu mensem vnum, & dies nouem supra
nonum, vel decem menses, ac dies septem supra
octauum.

Celebrant Cœlestinum Martyrologium Romanum,
Beda, ac reliqui superius laudati, cum Genebrardo,
Prospero Aquitano, Marcellino Comite, Socrate,
Euogrio, & alijs plurimis.

E 2

VII. IDVS

PONTIFICVM
VII.IDVS APRILIS.

Romæ anno Christi 928. Ioannes X. Pontifex Maximus, in ordine centesimus vigesimus quintus, patria Rauennas, Vidonis Tusciæ Comititis, ac Marociæ vxoris fraudibus captus, & in carcerem coniectus, de loco quidem, ac munere, sed non perinde de constantia deiectus, cervicali super os imposito suffocatus est, cum rexisset Ecclesiam per Menses duos, & dies sexdecim supra annum decimum quartum. Post turpem mortem sepultus in Laterano, vacauit Sedes dies duos.

Notæ. 7. Aprilis

Ioannes. ante Pontificatum Cynthius cognominatus, Ioannis filius, Opera Alberti Marchionis, Cleti suffragijs electus, sedit ex alijs Menses aliquot supra decimum quintum annum.

Marocia notissima fœmina, quietis inimica, Urbis principatum ambiens, Vidonem Maritum impulit ad mortem Ioannis Pontificis, cuius meminere Guillelmus Bibliothecarius, Martinus Polonus, Io: de Columna, Ptolomæus Lucensis, Franciscus Petrarca, Niemus, Platina, Panuinius, Simonetta, Ciacconius cum Auctarijs in Vita, Baronius in Annal. Luitprandus, Flodoardus, Chronicon Cassinense, & alij.

VI.IDVS

VI.IDVS APRILIS.

Romæ anno salutis 903. morte ereptus est Benedictus IV. in ordine centesimus decimus nonus Pontifex Maximus, patria Romanus, qui annorum trium spatio, Mensium sex, dierum quindecim, quibus Rempublicam Christianam moderatus est, clementissimus, & humanissimus, idcirco Populo gratissimus, inter illius seculi Pontifices tanquam lucidissimum sydus reluxit. Mortuus traditus sepulturæ iu Vaticano, vacauit Sedes per dies sex.

Notæ. 8. Aprilis.

Benedictus. Mameli filius, Canonicorum Regularium S. Augustini institutum sequutus fuerat à puero.

Tractant de Benedicto S. Antoninus, Panuinius, Guillelmus Bibliothecarius, Martinus Polonus, Io: de Columna, & reliqui superiùs laudati.

V. IDVS APRILIS.

Anno Dominicæ Incarnationis 910. Romæ viuere desijt Sergius III. Pseudopontifex ex Comitibus Tusculanis, qui per triennium contra Leonem V. legitimum Petri successorem inuafam Sedem occupauerat; mortuus sepulchrum habuit in Vaticano.

E 3

Notæ

Notæ . 9. Aprilis .

Sergius . *Benedicti Comitis Tusculani filius, suorum fretus potentia Sedem inuasit, quam per septennium occupasse volunt aliqui, & sepultum in Basilica Lateranensi, quam instaurauerat.*

De Sergio, præter Baronium in Annalibus, Auctorem Romæ subterraneæ, & Octavianum Pancirolum de Theſauris Urbis, superius laudati Auctores scripsere.

IV. IDVS APRILIS.

Romæ in Palatio Vaticano è vita migravit Gregorius huius nominis XIII. in ordine ducentessimus trigessimus Pontifex verè Maximus, patria Bononiensis, anno salutis 1585. ætatis 84. Pontificatus 12. Mense decimo, die duodetrigesimo, qui celebrato de more Iubilæo, viginti tribus Collegijs in varijs Orbis Christiani regionibus, pro Iuuenum institutione in literis, ac pietate, de nouo erectis; legatis Iaponicis ad obedientiam Sedi Apostolicæ ex ultimis noui Orbis Insulis Romam venientibus benignissimè exceptis, exornata Vrbe, octingentis sextertijs in Panperes distributis, farina vectigali sublato, Ordinationibus octo in Cardinalium Collegium quatuor supra triginta præstantissimis Viris adlectis, horreis in Diocletiani Thermis ædificatis, Aqua Virgine in Vrbe deducta, repressis Genuensium discordijs,

restau-

restaurato Calendario, armato Henrico Galliarum Regi centum & quadraginta aureorum milibus contra Hereticos suppeditatis, faustum, æternumque Gregorij nomen Reipublicæ Christianæ reddidit. Cadauer ad Basilicam Vaticanam in Sacello à se in honorem S. Gregorij Nazianzeni erecto, post obitum conditum. Vacauit Sedes biduo tantum.

Notæ . 10. Aprilis.

Gregorius . *Hugo Boncompagnus ante Pontificatum vocatus, litterarum studia si quando per negotia licebat, nunquam intermisit, dicereque fuit solitus, nullum magis decere plura scire, quàm Pontificem Romanum.*

De hoc plura Auctarij Ciaconij, Abrahamus Bzouius, Ignatius Bomplanus, in Vita, Ascanius Valentia, Laurentius Fizolius in descriptione Sacelli Gregorijani, Ludouicus Iacobus à S. Carolo in Bibl. Pontificia, Annales M. SS. de eius Pontificatu, Pappyrus Massonus, Marcus Antonius Ciappus, Principius Fabritij, de gestis Gregorij XIII. Henricus Spondanus in Annal. Eccl. Vbertus Folietta de sa cro fœdere, Ludouicus Donius Dattichy in hist. Cardinalium, Andreas Saussay de mysticis Gallie Scriptoribus, Laurentius Surius in Commentarijs, & Historici omnes seculi decimi sexti.

E 4

III. IDVS

III. IDVS APRILIS.

Romæ memoria S. Leonis cognomento Magni, dignitate Maximi, natione Tusci, Pontificis in ordine quadragesimi sexti, qui virtutum meritis Orbi Christiano illuxit, cum multa sanxisset, ac luculenter scripsisset de Sancta Dei Ecclesia, & vniuerso grege Dominico Pastor bonus, optimèque meritis, per legatos in Synodo Chalcedonensi damnato Eutichete, quatuor vicibus consecratis Episcopis 185. Presbyteris 81, Diaconis 31. hac die anno salutis humanæ 461. Pontificatus Mense decimo, dieque duodetrigesimo supra vigesimum annum in pace quieuit, rerum gestarum magnitudine, Pontificia sanctitate, Apostolica facundia, modestia Christiana, omnique virtute admirabilis. Sepultus in Basilica Vaticana, vacauit Sedes per dies duodeviginti.

Ibidem anno 678. peste in Vrbe grassante, obiit Donus, seu Domnus, patria Romanus, in ordine Pontifex vndeoctogesimus, cuius eloquentiæ Episcopus Rauennæ Romanorum Pontificum æmulus se illis spontè submisserat, vnica Ordinatione consecratis Episcopis sex, Presbyteris decem, Diaconis quinque, spatio Mensium quinque, dierum decem supra annum vnum, quo Ecclesiam rexit. Sepultus ad S. Petrum, vacauit Sedes per Menses duos, diesque duodeviginti.

Notæ.

Notæ. 11. Aprilis.

S. Leonis. *Quinctiani filius sedit ex alijs Mensum vnum, diesque 26. supra annum vigesimum primum, ordinavitque Episcopos 186. alijs 185. cuius ossa in nouam Basilicam translata, cum illis SS. Leonum II. III. & IV. in superiori Sacello, quod meridiem respicit, collocata.*

De Leone scripsere Martyrologia, Romanum, Bedæ, & aliorum, Baronius in Notis, & in Annal. Anastasius Bibliothecarius, Panuinius, Genebrardus, Robertus Card. Bellarminus de Rom. Pontif. & de Script, Binius, Ciaconius cum suis Auctarijs, Idatius Episcopus, Prosper Aquitanus in Chronico, & reliqui omnes qui historiam Ecclesiasticam, Pontificiam, & Sanctam explicarunt.

Donus. *Mauritij filius sedit ex alijs annos duos, menses quinque, dies x. dictus etiam Domnon, Conus, vel Cunon.*

Est huiusce mentio apud Anastasium Bibliot. Martinum Pelonum, Ioannem de Columna, Ptolemaem Lucensem, S. Antoninum, Panuinium, Franciscum Petrarcam, Niemium, Platinam, Simonetam, Stellam, Ciaconium eiusdemque Auctarios, & alios plures.

PRIDIE IDVS APRILIS.

Romæ anno Domini 352. obitus S. Iulij Papæ, in ordine trigesimi sexti, patria Romani, qui

qui aduersus Arianos pro fide Catholica multum laborauit, multaque praclare gessit, tribus ordinationibus Episcopis 1x. Presbyteris xvi. Diaconis vero 111. consecratis per annos quindecim, menses quinque, & dies septem supra decem, Petri nauim inter procellas sanctissime rexit. Sepultus Via Aurelia in Coemeterio Callepodij, tertio ab Vrbe lapide. Vacauit Sedes per dies 25.

Ibidem anno 847. Sergius huius nuncupationis secundus, in ordine centesimus quartus Pontifex Maximus, patria Romanus, ordinatione vna celebrata Episcoporum 23. Presbyterorum 8. Diaconorum 3. reque ecclesiastica per annos tres, Menses duos, dies tres bene administrata, ex dolore vastationis Vrbe a Saracenis factae, decessit. sepultus in Vaticano, non vacauit neque per diem Sedes etenim eodem, quo obiit, euulgatus est successor.

Notæ. 12. Aprilis.

S. Iulij. Rustico patre hic natus, sedit ex alijs annos 11. Menses 2. dies 7. seu annos 15. menses 2. dies 6. vel Menses 5. diesque 16. supra annos sexdecim. Exurbatos ab Arianis Episcopos Romae benignissime recepit, numquam exilium ille passus est, nam Ecclesia Catholica in Occidente summa fruebatur tranquillitate, ita vt sua auctoritate Synodum Sardicensem aduersus Arianos congregare valuerit, ex qua extorres & exules Catholici Episcopi postlimi-

liminio ad propria redierunt.

Corpus e Coemeterio Callepodij, in quo primo conditum, vt diximus, iussu Gregorij IV. ad Basilicam S. Mariae Translyberim translatum, iacet sub ara maxima.

Agunt de Iulio Martyrologium Romanum, Baronius in Notis, & in Annal. Beda, Vsuardus, Ado, Anastasius, Platina, Panuinius, Genebrardus, Io: Stella, Martinus Polonus, Io: de Columna, Ptolemaeus Lucensis, Petrarca, Niemus, Simonetta, Ciaconius cum Auctarijs in Vita, & alij plures.

Sergius. Sergij filius de regione quarta, ante Pontificatum Sergius, seu ex alijs Octavianus nuncupatus, sedit annos 3. Menses 1. seu 2. totidemque dies.

Meminere Sergij, Anastasius, Ciaconius cum suis Auctarijs, ac reliqui omnes, qui Vitae Romanorum Pontificum descripserunt, praeter Baronium in Annal. Flodoardum in historia Remensi, Annalium Francorum Auctores, & alios plures.

IDIBVS APRILIS.

Mantuae in Synodo anno Domini 1064. Cadolus Pallaucinus Episcopus Parmensis, qui absens in Conuentu Basilicensi ab Episcopis & nonnullis Cardinalibus Henrici Caesaris fautoribus euulgatus Pseudopontifex sub nomine Honorij II. Ecclesiam Romanam armis infestabat contra Alexandrum II. Pontificatu priuatur.

Anno vero post Christum natum 1164. Luca

in Etruria è vita excessit Victor IV. Antipapa, quinto suæ sedis anno. sepultus extra Ciuitatem, nam Canonici maioris Ecclesiæ, & Regulares S. Fridiani defuncto sepulchrum denegarunt apud se. Alexander tamen Pontifex, alter Dauid persecutorem suum desleuit extinctum, & Cardinales de morte illius exultantes durius increpauit.

Notæ. 13. Aprilis.

Cadaolus. speliatus Pontificatu vixit in regimine Ecclesiæ Parmensis.

De illo Auctores omnes tractant, qui vitam Alexandri II. explicarunt, præter Baronium in Annal. & Vghehlium in Italia sacra.

Victor. Octavianus de Monticello antea dictus, patria Romanus, nobilissimo genere natus.

De quo agunt Otho Murena, Panuinius, Ciaconius cum Auctarijs, Baronius, & alij plures.

XVI. KAL. MAII.

Anno Dominicæ natiuitatis 1054. Pontificatus 4. Mense 2. die 8. animam Deo reddidit Leo huius nuncupationis IX. in ordine centesimus quinquagesimus quartus, natione Gallus, qui dum Romæ vixit, tertio quoque die à Laterano in Vaticanum nudis pedibus, tribus tantum Clericis comitatus in silentio noctis procedere pfallendo, atque orando solitus fuit. clauit autem hic Pontifex pietate, innocentia, & hospi-

hospitalitate, ita vt eius domus peregrinis & egenis semper patuerit; quæ sibi gratissima fuisse sequenti euenru demonstrauit Deus; nam cum aliquando leprosum ante fores Laterani offendisset, eum in lectulo suo collocauit, hic mane non inuentus Christus fuisse existimatus est. in Synodo Romana Gerardum Tullensem Episcopum Sanctis, & quatuor supra viginti viros doctrina præstantes Cardinalium Senatui adscripsit. Sepultus post obitum apud S. Petrum in Vaticano, insignia edidit miracula. Vacauit Sedes Menses vndecim, & dies 24.

Notæ. 16. Aprilis.

Leo. Bruno antea vocatus, Hugonis Comitis Daspurgenfis filius. cuius dies festus celebratur singulis annis in Ecclesia Romana 19. Aprilis.

De hoc præter Martyrologia tractant Baronius in Annalibus, & in Notis ad Martyrologium Romanum, Ciaconius cum Auctarijs, Panuinius, Leo Ostiensis, Petrus Frizonius in Gallia purpurata, & alij apud eosdem.

XV. KAL. MAII.

Romæ S. Aniceti Papæ, in ordine duodecimi, natione Syri, qui in persecutione Marci Aurelij Antonini, & Lucij Veri, cum ordinationes quinque, Episcoporum 9. Presbyterorum 17. Diaconorum 4. spatio nouem annorum, minus men-

mensibus tribus, & diebus septem, quibus rexit Ecclesiam, celebraſſet, martyrij palmam accepit anno Chriſti 175. Corpus via Appia in Cœmeterio poſtea Calliſti nuncupato, ad Catacumbas ſecundo ab Vrbe lapide ſepultum; inde ſub Clemente VIII. extractum, conſeſſum Ioanni Angelo Duci ab Altemps, illud in domo ſacello horrorificè reſoſuit. Vacauit poſt eius obitum Pontificia Sedes per dies 17.

Notæ. 17. Aprilis.

S. Aniceti. Ioannis filius, cui Beda annos XI. in Pontificatu tribuit, Damasus verò ſupra annos XI. Menſes 4. diesque 3. Auctor vitæ annos 9. & Menſes tres, Petrus de Natalibus Menſes 4. & dies 4. Panuinius Menſes 8. & dies 14. ſupra nouennium, demum Ludovicus Iacobus à S. Carolo annos ſex, menſes octo & dies duodeſiginta.

Occaſione translationis Offium huius Sancti, idem Io: Angelus Dux ab Altemps Vitam euulgauit cum narratione translationis.

De Aniceto præter laudatos tractant Martyrologia Romanum, Bedæ, Vſuardi, Adonis & aliorum; inſuper Baronius in Notis & in Annal. Irenæus, Optatus, Epiphanius - Eufebius, Nicephori ambo, Auguſtinus Epist. 165. Panuinius, Ciaconius cum Auctarijs, & reliqui omnes, qui tum Pontificiam tum Eccleſiaſticam hiftoriam deſcripſerunt.

XII. KAL.

XII. KAL. MAII.

In Rocca Maula ſuper amnem Rhodanum in Prouincia Narbonenſi, anno poſt Chriſtum natum 1314. dum Auenione Burdegalam peteret, obiit Clemens huius nominis V. in ordine centeſimus nonageſimus ſeptimus Pontifex Maximus, natione Gallus, qui omnium primus ad Gallos Petri Sedem tranſtulit, Templariorum, Ordinem abrogauit, Hieroſolymitanam expeditionem promouit, Henricum Cæſarem per legatos Romæ, Auenione verò ſuis manibus Robertum Ducem Calabria, Regem Neapolis coronauit, Petrum Moronum, alijs Cœleſtinum V. Sanctis annumerauit, ſeptem, & viginti præſtantes Viros ſacra purpura ornauit, ſpatio octo annorum, Menſium decem, dierum ſexdecim, quibus ſedit in Apoſtolica Sede. Corpus in ædícula B. Mariæ de Vzelta, Villulæ ignobilis Vaſatenſis Diœceſis ipſo mandante ſepultum; Vacauit Sedes per Menſes tres, diesque 17. ſupra biennium.

Notæ. 20. Aprilis.

Clemens. Bertrudus Archiepiſcopus Burdegalenſis extra Cardinalium Collegium, & abſens electus Pontifex, præſuit Eccleſiæ ex I. latina, & Bernardo dies quindecim, ex Genebrardo dies decem, ex Sanderò verò Menſes tantum decem ſupra annos octo.

Meminere Clementis Ægidius Cardinalis Viterbien-

biensis, Odericus, Spondanus, Bzouius, Zurita, Belforestius, Nicolaus Ægidius, Mariana in suis Annalibus, Arnaldus Vasatensis, Westmonasteriensis, Petrus Frizonius in Gallia purpurata, Ciaconius cum Auctarijs, Auctores Gallie Christianae, ac reliqui omnes, qui Ecclesiasticam & prophanam historiam seculi decimi quarti enarrant.

X. KAL. MAII.

Romæ via Appia natalis S. Concordij Soteris Martyris Papæ, in ordine decimi tertij, patria Fundani, qui Ordinationibus sex, Episcopos xi. Presbyteros xviii. Diaconos ix. annorum septem, Mensium vndecim, dierum decem & septem spatio, quo res Ecclesiæ prudentissimè, sanctissimèque administravit, sacro perunxit oleo, obdormiuit in Domino anno salutis 182. Corpus è Cœmeterio, in quo primò conditum; ad Equitij, alij ad Tigridis Titulum translatum volunt. vacauit Sedes per diem vnum supra vigesimum.

Ibidem anno post Christum natum 296. sub Diocletiano Imperatore Martyrium S. Caij Papæ, in ordine vndetrigesimi, natione Dalmatæ, patria Salonitani, qui regiones Vrbs Diaconis assignauit, Ordinesque in Ecclesia distinxit, nec non Episcopos 5. Presbyteros 25. Diaconos 8. consecrauit per annos xii. Menses iv. dies vi. quibus præfuit Reipublicæ Christianæ. Sepultus in Cœmeterio Via Appia, tertio ab Vrbe milliaro.

rio. vacauit Sedes per dies 15.

Anno verò 1073. ibidem senio confectus decessit Alexander huius nominis II. in ordine centesimus quinquagesimus octauus, patria Mediolanensis, qui contra Cadaolum inuasorem, Sedis Pontificiæ sub nomine Honorij II. Concilium Mantuanum, & Lateranensia duo contra Simoniacos celebrauit, atque ad Cardinalatum supra triginta præstantes viros promouit, spatio vndecim annorum, Mensium sex, dierum 22. quibus Christianam Rempublicam moderatus est; Corpus Terræ datum in Basilica Constantiana, eademque sui obitus die electus in Pontificatu successor.

Notæ. 22. Aprilis.

Concordij Soteris. *Concordij filius sedit ex Bardonio annos 4. minus 12. diebus, ex Damaso verò Menses 7. diesque 22. supra nouennium. Ossa cuius nostra ætate iacent in Titulis Tigridis, & Equitij, & in Ecclesia Toletana.*

De S. Sotero tractant Martyrologia omnia, nec non Irenæus, Eusebius in Chronico & in hist. Optatus, Augustinus epist. 165. Ciaconius cum Auctarijs, Ioannes Tamagus de Salazar in Martyrologio Hispanico, & alij omnes, qui Pontificum Romanorum Vitas descripserunt.

S. Caij. *Caij Maximi filius, Romanam moderatus est Ecclesiam per Menses 4. dies 12. supra biennium ex aliquibus, ex alijs verò Menses 4. dies 11. supra*

noeuennium, vel demum aliorum testimonio per annos 15.

Huius cineres iacent Nouellaria ex dono Gregorij XV. seu in Vaticano, vel Bambergæ in Germania, aut in ipsa Vrbe apud eadem S. Caio sacram. Vnaquaque harum Ecclesiarum gloriatur habere huius Sancti Corpus, seu partem illius.

De S. Caio est memoria in Martyrologijs Romano, Bedæ, Adonis, & Vsuardi; item apud Baronium, in Notis, & in Annal. apud Eusebium in Chronico, & in hist. Optatum, Augustinum, Nicephorum, apud Auctores actorum SS. Sebastiani, & Susannæ, apud Ciaconium & reliquos, qui historiam Ecclesiasticam, vel Pontificiam exararunt.

Alexander. Anselmus de Bedagio, Episcopus Lucensis, Anselmi nobilis Mediolanensis filius, vixerat Canonicus in Lateranensi Basilica: Lucensem Ecclesiam parte corporis S. Alexandri I. Pontificis donauit.

Celebrant nostrum Alexandrum Leo Ostiensis in Chronico Cassinensi, Baronius in Annal. Pandolphus Pisanus, Martinus Polonus, Io: de Columna, Ptolomæus Lucensis, Petrarca, Niemus, Platina, Panuinius, Simonetta, Stella, Ciaconius cum Auctarijs, & alij plures.

IX. KAL. MAII.

Anno Dominicæ Natiuitatis 757. cum morti proximus esset Stephanus huius nominis Tertius, aliqui habitis Comitijs Theophylactum quem-

quemdam Archidiaconum, alij verò Paulum, Stephani fratrem Pontificem proclamarunt. post mensem præualuere, qui Paulum nominarunt, illi autem, qui pro Theophylacto stabant, dispersi, ansam Theophylacto dederunt descendendi è Throno, quem iniuste occupauerat.

Notæ. 23. Aprilis.

Theophylactus. huiusce genus ignotum, non enim Scriptores nisi nudum nomen proferrunt.

Vide acta Pauli I. apud Baronium, Panuinium, Ciaconium, & alios.

VIII. KAL. MAII.

Anno salutis 1045. Ioannes quidam à factiosis hominibus electus Pseudopontifex apud Basilicam Liberianam, sedi cessit, ne Ecclesiæ pacem & quietem perturbaret.

Notæ. 24. Aprilis.

Ioannes. Tres eodem tempore inuaserant Cathedram Petri, Benedictus, Siluester, & Ioannes, qui omnes cesserunt, suasu Ioannis Gratiani Petri Leonis, Cardinalis S. Ioannis ante Portam Latinam.

De Ioanne Pseudopontifice, vide Ciaconium, Baronium, & Panuinium.

PONTIFICVM
VII. KAL. MAII.

Auenione anno salutis 1342. in Palatio Apostolico, quod fabricauerat, decessit Benedictus XI. dictus XII. in ordine centesimus nonagesimus nonus Pontifex Maximus, sanctissimis moribus, & scientia illustris, Ordinis Cisterciensis, Galliaque clarum lumen, Theologiae Doctor eximius, virorum bonorum, nec non doctorum valde studiosus, qui multa praecleara statuit, tum ad morum, cum ad Ecclesiasticae disciplinae instaurationem spectantia. Sedit in Pontificatu annos septem, menses quatuor, diesque sex, vnica tantum habita sex, aut septem Cardinalium creatione. Sepultus in Cathedrali S. Mariae de Donis. vacauit Sedes dies vndecim.

Notæ. 25. Aprilis.

Benedictus. *Fr. Iacobus Furnerius, natione Gallus, in oppido Sauarduno Prouincia Tolosana, ignobili genere, & obscuris parentibus natus, Franciscum Petrarcam vnicè dilexit.*

Andreas Saussay in Martyrologio Gallicano scribit, Benedicti corpus Tolosæ quiescere. Auenione tamen est illius sepulchrum cum Epigraphæ.

Benedictum laudant Ciaconius cum Auctarijs, Panuinius, Platina, in Vita, Genebrardus, Sanderus de visibili Monarch. Eccles. Ægidius Cardinalis Viterbiensis, Odericus in Annal. Eccles. Bosquetus,

us, S. Antoninus, Ptolomæus Lucensis, Frizonius in Gallia purpurata, Marraccius de Pontif. Marianis, Paulus Iouius de Viris illust. Guillelmus Eisingrenius in Catal. Scriptorum Orthodoxorum, Carolus de Visch in Bibliot. Cisterciensi, & alij plures.

VI. KAL. MAII.

Romæ natalis B. Cleti Papæ, patria Romani, qui secundus post Apostolum Petrum per annos XII. Menses 7. dies 2. Romanam rexit Ecclesiam, & in persecutione Domitiani anno salutis 92. martyrio coronatus est. Corpus in Vaticano iuxta memorias Sanctorum Petri, & Lini decessorum sepultum; vacauit Sedes per dies 20.

Ibidem mors Sancti Marcellini patria Romani, in ordine Pontificum trigesimali, qui sub Maximiano pro fide Christi, cum administrasset Christianam Rempublicam per annos septem, menses 9. dies 27. duabus habitis ordinationibus, quibus Episcopos V. Presbyteros IV. Diaconos II. consecrauit capite damnatus anno Domini 304. martyrium subiit. Corpus cum iacuisset via publica insepultum per dies 36. Petri Apostoli iussu sepultum via Salaria, tertio ab Vrbe lapide in Cœmeterio Priscillæ postea dicto. vacauit Sedes post huius obitum menses sex, dies 25.

Anno verò 757. eadem in Vrbe decessit Stephanus huius nuncupationis III. alijs II. in

ordine Pontifex nonagesimus quartus, patria Romanus, vir cum cæteris virtutibus inclytus, tum aucta Exarchatus, Pentapolisque ditione Ecclesia, facillè cum Gregorio Magno, qui Spoletanum Ducatum adeptus, conferendus, primus Pontificum qui Alpes transgressus, per annos quinque, diesque vndetriginta, vnica habita ordinatione Episcoporum 4. Presbyterorum 2. totidemque Diaconorum Petri nauim, sanctissimè rexit. post obitum sepultus in Vaticano, vacauit Sedes per mensem vnum & dies 2.

Notæ. 26. Aprilis.

B. Cleti. *Æmiliani de Vico Patricij filius, Clytus ab alijs dictus.*

Beda Cleti martyrium 3. Kal. aut Nonis Maij, Frizonius 7. Kal. Septembris adscribunt.

De illo Martyrologia Romanum, Vsuardi, Adonis, Baronius in Notis, & in Annal. liber de Roman. Pontificibus, S. Hieronymus de Scrip. Ecol. Panninius, Platina, Ciaconius cum Auctarijs, & alijs plures.

S. Marcellini. Proiecti filius sedit ex libro Damasus prenotato, annos 9. ex Platina 6. & menses 2. cum diebus 16. ex Maurolyco menses 4. supra nouennium, ex alijs verò annos 8. Menses 11. dies 22.

Huius Pontificis cineres è Cœmeterio ad Vaticanum, è Vaticano ad Ecclesiam SS. Petri & Marcellini deducti. Caput asservatur in Basilica Liberiana.

Rotho-

Rothomagi in Canobio S. Andani Fideles venerantur ossium aliqua ex Martyrologio Gallicano.

De S. Marcellino agunt Martyrologia omnia, Baronius in Notis, & in Annal. Ciaconius cum Auctarijs, & reliqui omnes indicati superius.

Stephanus. Constantini filius, dictus II. cum reuera fuerit tertius huius nominis Pontifex Maximus. in Gallias se conferens à Pipino Rege summis honoribus exceptus est.

De Stephano est mentio apud Baronium in Annal. apud Ciaconium, eiusdemque Auctarios, Platinam, Panninium, Anastasium Biblioth. Io: de Columna, Ptolomaum Lucensem, Petrarcam, Niemum, Martinum Polonum, Simonettam, Stellam, Binium, & Auctores illos, qui Pipini acta euulgarunt.

V. KAL. MAII.

Romæ depositio Beati Anastasij Papæ, in ordine quadragesimi, patria Romanus, viri dignissimæ paupertatis, & Apostolicæ sollicitudinis, quem, vt ait S. Hieronymus, diù Romæ habere non meruit, ne Orbis caput sub tali Episcopo truncaretur; nam haud multò post eius obitum Roma à Gothis capta, atque direpta fuit. cum sedisset annos quatuor, mensem vnum, dies 13. ordinatis duabus vicibus Episcopis x. Presbyteris 8. Diaconis 5. anno Domini 402. obdormiuit in Domino titulo sanctitatis insignis, relatusque in Sanctorum Catalogum aniuersaria memoria celebrandus.

F 4

duſ. Sepultus in Cœmeterio ſuo ad Vrſum pileatum, via Portuenſi, vacauit Sedes per dies 20. ſeu 21.

Ibidem anno ſeculi decimi ſeptimi quinto, Leo huius nominis XI. in ordine trigeſimus ſextus ſupra ducentefimum Pontifex Maximus, patria Florentinus, deceſſit, qui ne vnum quidem in Pontificatu menſem expleuit, nam creatus Kalendis Aprilis, eſſe deſijt 27. eiufdem menſis die, conſummatus licet in breui, expleuit tempora multa. ægrotans ſuaſionibus plurimorum adduci non potuit, vt Nepotem ſuum, modetiſſimum adoleſcentem, quem penes ſe educauerat, & vnice diligebat, crearet Cardinalem; Confeſſarium verò iſta ingerentem longè longiùs repulit, & ad ſe accedere impoſſerum vetuit, vt quem magis indulgere affectui Coniunctorum, quàm animæ ſuæ ſaluti conſulere cognouiſſet. demortui Leonis corpus ad Baſilicam Vaticanam deuectum in ea iacet in per-nobili ſepulchro. Vacauit Sedes per dies vnde- uiginti.

Notæ. 27. Aprilis.

B. Anaſtaſij. Maximi filius, ſedit ex Anaſtaſio annos duos, & dies 24. ex Platina Annos 3. dies 10. ex Panuiniſ annos 3. & dies 21. Huius corpus ex Cœmeterio, in quo primùm conditum fuit, deductum ad Titulum Equitiſ; cuius partem in S. Praxede reponit Pancirolus.

Agunt de S. Anaſtaſio Martyrologium Romanum,

num, Beda, Vſuardus, Ado, Proſper in Chronico Sozomenus, Baronius in Annal. & in Notis, Ciaconius cum ſuis Auſtarijs, alijsque omnes, qui hiftoriam Pontificiam deſcripſerunt.

Leo XI. Octauiani Medicei filius, cui Robertus Cardinalis Vbalдинus ex Sorore pronepos tumulum in Vaticano excitauit.

Laudatus eſt tantus hic vir à Baronio in Gregorio VIII. à Ciaconiſ Auſtarijs, ab Henrico Spondano in Annal. Eccleſ. à Franciſco Bocchio, à Laurentio Berlinck, à Petramellario, ab Antonio Vipereſcho in oratione funebri, à Ioanne Hemelario, à Tolomeo, à Vincentio Borghino, & alijs.

PRIDIE KAL. MAII.

Romæ anno à partu Virginis 1555. apoplexia vitam amiſit Marcellus II. in ordine ducentefimus vigefimus ſextus Pontifex Maximus, patria Politianus, vir integerrimus, omni laude cumulatus, & Pontificio muneri omnium opinione par, ſed illi non præfuit, niſi per dies 21. Cadauer in Baſilica Vaticana ſepulchrum habuit, & poſt eius obitum vacauit Sedes dies 22.

Notæ. 30. Aprilis.

Marcellus. Richardi Ceruini filius, Marcellus à ſacris vndis nuncupatus, antiquum nomen in breui Pontificatu retinuit.

De Marcello tractant Ciaconius cum Auſtarijs, Iulius

Julius Poggianus, Panuinius, Acta Concilij Tridentini, Sfortia Cardin. Pallavicinus in hist. Concilij Tridentini, Sadoletus, Bembus, Paulus Manutius, Latinus Latini in Epistolis, Marcellus Cervinus pronepos in oratione funebri, Robertus Card. Bellarminus, Robertus Nobilis Cardinalis, Hippolytus Marraccius in Pontif. Marianis, Ludouicus Donius d'Attichy in hist. Cardinalium, Brounius, Spondanus, in Annal. Eccles. Ferdinandus Vghellius in Italia sacra, & Historici ferè omnes seculi decimi sexti.



MAIUS

M A I V S.

KAL. MAII.

Romæ annò à partu Virginis 1045. cum rexisset Christianam Rempublicam per menses 4. & dies 20. supra annos duodecim, spontè Pontificatum abdicauit Benedictus VIII. dictus IX. Benedicti VIII. alijs VII. & Ioannis XIX. ex fratre nepos. Vexabant Romanam Ecclesiam Siluester III. & Gregorius VI. Pseudopontifices, Benedictus cum se omnium odio, ac contemptu haberi videret, nec satis roboris ad tantam procellam sustinendam haberet, honore se vltro hac die abdicauit,

Ibidem anno 1572. ætatis 68. Pontificatus 7. omnium mœrore incredibili terris ereptus est Pius huius nominis V. in ordine ducentessimis vndetrigesimus Pontifex Maximus, Boschi in Liguria natus, omnium virtutum exemplar, qui antiquos Sanctos Pontifices æmulatus, Catholicam fidem propagauit, Ecclesiasticam disciplinam restituit, Selinum Turcarum Imperatorem, Christianis extrema minitantem, non tam armis, quàm precibus repressit, Galliam contra Hæreticos defendit, Regique Regnum cum religione restituit placatum. Cardinalium Collegium viginti & vno Cardinali auxit, Ecclesiæ quatuor Doctoribus, S. Thomam Aquinatem quintum annumerauit. Post obitum in Vaticano sepultus, inde à Sixto V. successore ad S. Mariæ

riæ Maioris Basilicam, sacramque ædem siue Sacellum à se regia structura & impensa ædificatum, solemnè pompa translatus fuit. Vacauit Sedes per dies 12.

Notæ . 1. Maij .

Benedictus. *Theophylactus*, antea vocatus, *Alberici ex Comitibus Tusculanis filius*.

De quo tractant Leo Ostiensis, Glaber, acta S. Bartholomæi Abbatis Cryptæ Ferratæ, Panuinius, Platina, Baronius, Ciaconius cum Auctarijs, & alij multi.

Pius. *ex familia Ghisleria, Pauli filius, Ordinis Predicatorum Alumnus, Fr. Michaël ante Pontificatum nuncupatus.*

De Pio sanctissimo Pontifice tractant Auctarij Ciaconij, Panuinius, Gabutijs, Carraccia in Vita, Henricus Spondanus in Annal. Eccles. Antonius à Fontemaiori in Vita Hispanicè descripta, M. Antonius Muretus in oratione funebri, Vbertus Folietta libro de sacro fœdere, Ludouicus Iacobus à S. Carolo in Bibl. Pontificia, Marcellus Palonius in Carmine, Hieronymus Catena, Hippolytus Marraccius in Pont. & in Bibl. Mariana, Petrus Courtier S. I. in Opere Mariano, & alij omnes, qui seculi præteriti historias euulgarunt.

V. NONAS MAII.

Romæ anno salutis 129. sub Hadriano Principe,

cipe, & Aureliano iudice, via Numentana post vincula, carceres, equuleum, vngulas, & ignes, punctis creberrimis per tota membra confossus ac peremptus est Alexander huius nominis primus, in ordine septimus Pontifex, patria Romanus de Vico Caput Tauri, cum præfuisset Ecclesiæ per menses quinque, & dies 21. supra decennium, cuius corpus religiosa Matrona eodem in loco, honorificè sepeliuit. Vacauit Sedes per dies 35.

Bononiæ verò anno post Christum natum, 1410. Alexander V. Pontifex in ordine ducentissimus octauus, patria dubia, insignis Orator, Theologus magni nominis, vir integerrimus, Pontificatus sui post mensem octauum, die octaua decessit. Sepultus ibidem apud Minores, quorum institutum à puero professus fuerat. Vacauit eo mortuo Romana Sedes per dies 14.

Notæ . 3. Maij .

Alexander . *morti traditus ex alijs anno 132, 4. vel 3 Nonas, seu Nonis Maij, ac sedit Menses tantum quinque supra decennium.*

Venerantur huius Sancti reliquias Iustinopolitani, Parmenses, Lucenses, Salmonenses, & alij in suis Ecclesijs.

Meminere S. Alexandri Martyrologium Romanum, Baronius in Notis, & in Annal. Beda, Acta apud Surium Tomo 3. Irenæus, Eusebius, Augustinus Epist. 165. Ciaconius cum suis Auctarijs,
Ranu-

Ranuius Picus, Mutius Iustinopolitanus, Franciottus, Galestinus, S. Antoninus, & alij omnes, qui historiam Pontificiam, vel Ecclesiasticam contulerunt.

Alexander V. Petrus Philargus ante Pontificatus dictus, incerto stirpe, & patria. Excludunt hunc à numero Pontificum aliqui, quia à Concilio Pisano contra legitimum Pontificem enulgatus, alij tamen ut legitimum agnoscunt.

Mulè Hæreticorum plures Alexandrum tractant; Catholici verò eundem summis laudibus extollunt. Vide Ciaconium, eiusdemque Auctarios, Panuinium, Platinam, Bzonium, Henricum Spondanum, Odericum in Annal. Eccles. Petrum Rodolphum, Lucam Vvadingum, Genebrardum, Sande- rum, Papyrium Massonum, Fulgosium, Ægidium Viterbensem, S. Antonium, Severinum Binium, Bartholomæum Pisanum, Ludovicum Iacobum à S. Carolo in Pontificia, Marraccium in Mariana Bibliotheca, & alios plures.

PRIDIE NONAS MAII.

Anno salutis humanæ 939. Romæ decessit LEO VII. in ordine Pontifex centesimus vnderigesimus, patria Romanus, qui annorum trium, Mensium sex, & dierum decem spatium, quo præfuit Ecclesiæ, Ciues adhuc tumultuantes ad concordiam renocavit, res Italas composuit, externos hostes placavit, ac Barbaros ab Italia propulsavit. Sepul-
tus

tus ad S. Petrum, Vacavit Sedes per mensem unum.

Notæ. 6. Maij.

Leo. natione Italus & patria Romanus, ut diximus, sed incerto genere.

Agunt de illo Edoardus, Baronius in Annal. S. Antoninus, Panuinius, Ciaconius cum Auctarijs, Ioannes Stella, Guillelmus Bibliothecarius, Martinus Polonus, Io: de Columna, Ptolomæus Lucensis, Franciscus Petrarca, Niemus, Simonetta, Auctor Romæ subterranea, Ludovicus Iacobus à S. Carolo in Biblioth. Pontificia, alijque quamplures.

VII. IDVS MAII.

In villa quæ Vvilczachara nuncupatur ad Scultinium fluvium in Æmilia anno Dominicæ natiuitatis 885. Hadrianus III. in ordine vndecimus supra centesimum Pontifex Maximus, patria Romanus, de quo Clerus, Populusque Romanus magnam spem conceperat, ob eius virtutem, & animi magnitudinem, decessit è vita, postquam annum unum, menses tres, & dies vndeuginti in Pontificatu vixerat. Sepultus in Basilica S. Petri, collacrymantibus omnibus, atque ingemiscantibus tantum parentem, tam repente sibi ablatum. Vacavit Sedes biduo.

Notæ.

Notæ . 9. Maij .

Hadrianus . *Benedicti filius , Agapitus antea vocatus , de regione via lata , Comitum Tusculanorum suffragante factione electus .*

Laudant Hadrianum S. Antoninus , Baronius in Annal. Gualterius in tabula Chronol. Guillelmus Bibliothec. Simonetta , Platina , Ciaconius , & alij alijs laudati .

PRIDIE IDVS MAII .

Romæ anno Dominicæ Incarnationis 647. seu 649. è vita migravit Theodorus huius nominis primus , in ordine septuagesimus quartus Pontifex Maximus , natione Græcus , Hierosolymis natus , qui Synodum Romanam contra Paulum Patriarcham Constantinopolitanum , hæreticum conuocauit , Ordinationemque vnam Episcoporum 46. Presbyterorum 22. Diaconorum aliquorum habuit , spatio annorum sex , mensium quinque , dierum vndeuginti , quibus præfuit Ecclesiæ Romanæ , semper in Pauperes benignus , in omnes munificus , vt bonum decet Pastorem . Sepultus in Vaticano , Vacauit Sedes per dies 21. supra mensem .

Ibidem anno post Christum 824. viuere desijt Paschalis I. Pontifex , in ordine centesimus , qui Lotharium Imperatorem , & Regem Italiæ à Pipino euulgatum , ipso Paschatis Resurrectionis

tionis die in Vaticano Regem & Cæsarem inuinxit , imposita de more corona , & in Synodo 30. Episcoporum coniecturis , rationibus , & iuramento à morte Theodori Primicerij , & Leonis Nomenclatoris se purgavit , seditque Menses tres , dies 17. supra septennium , quo tempore duabus Ordinationibus Episcopos 15. Presbyteros 7. totidemque Diaconos consecrauit . Mortuus sepultus in Basilica S. Petri in tumulo , quem ipse viuens fidi fieri curauerat ; vacauit Sedes per dies 4.

Anno verò 964. extra Urbem decessit Ioannes XII. in ordine Pontifex centesimus trigessimus tertius , patria Romanus , priuatus , sed iniuste Pontificatu , Pseudosynodi Romanæ potentia , & armis Leonis VIII. Antipapæ . vixit hic modò exul , modò à suis vexatus in regimine Ecclesiæ Menses quatuor , totidemque dies supra annum octauum . post obitum sepultus in Lateranensi Basilica , non vacauit Sedes , nam ipso die Ioannis obitus , electus est Benedictus V. dictus VI.

Notæ . 14. Maij .

Theodorus . *Theodori Episcopi ex legitimo matrimonio filius ; quidquid , vt refert S. Antoninus habere poterat , expendebat in Pauperes , & redimendos captiuos ; sedit ex Baronio annos 7. Menses 5. dies 20.*

Meminere Theodori præter recensitos Auctores , Anastasius Bibl. Martinus Polonus , Bonifacius Simonet-

monetta, Platina, Panuinius, Niemus, Ptolomeus Lucensis, Io: de Columna, Ciaconius cum Auctarijs, & alij.

Paschalis. Maximi Bonosi filius, Monachus Benedictinus.

Theodorus, & Leo in Lateranensi Basilica, seu Palatio confossis oculis necati fuerant; non deerant, qui tantum crimen in Paschalem reijcerent, ille à calumnia in Synodo se purgavit.

Sunt qui volunt Paschalis corpus iacere in Titulo S. Praxedis.

De Paschali præter Auctores illos, qui Pontificiam & Ecclesiasticam historiam descripserunt, tractant Eginhardus in Annal. Theganus de gestis, & Anonymus in Vita Ludouici Imperatoris, alijque multi.

Ioannes. Octavianus ante Pontificatum vocatus ex Comitibus Tusculanis, Alberici filius, de regione via lata, Ioannis XI. & Sergij III. pronepos.

Ioannem à calumnijs defendunt Petrus Guillelmus in Vita, & Ioseph Maria Suaresius Episcopus Vastionensis in Diatriba.

Agunt de illo S. Antoninus, Baronius, Ioannes Stella, Panuinius, Ciaconius, cum Auctarijs, Frodoardus in Chronico, Annales Fuldens, alijque quamplures.

IDIBVS MAII.

Romæ anno Christi 685. Pontificatus sui mense x. die xii. obiit Benedictus II. patria Romanus,

manus, Pontifex Maximus, in ordine secundus supra octogesium, cuius tanta fuit opinio sanctitatis, vt Heraclius Constantinus Imperator vsurpatam à Prædecessoribus suis auctoritatem, in Romanorum Pontificum electione, pecuniam impartiri solitam omnino eius sanctitatis causa remiserit. sepultus ad S. Petrum. inter Sanctos relatus ab Ecclesia Catholica septima huius mensis die eius natalis recolitur. vacauit Sedes per dies nouem supra menses duos.

Ibidem anno 946. è vita excessit Marinus iunior, seu secundus dictus, patria Romanus, in ordine Pontifex, centesimus trigessimus primus, pacis amator, ac religioni addictus, qui templa vetustate collapsa instaurauit, pauperes elemosynis pauit, Clerique ac Monachorum reformationi maxime studuit. Sedit annos tres, menses sex, dies 14. sepultus in Basilica S. Petri; per tres tantum dies Sedes Romana vacauit.

Notæ. 15. Maij.

Benedictus. genitus teste Sansouino ex nobili Sabellorum familia, præfuit Ecclesiæ ex Baronio menses 3. dies 27. ex alijs dies duos, vel decem supra decimum mensem.

De Benedicto plura habent Martyrologium Romanum, Baronius in Notis & in Annal. Beda, Ado, Anastasius Biblioth. Panuinius, Platina, Simonetta, Niemius, Petrarca, Io: de Columna, Ptolomeus Lu-

ensis, Martinus Polonus.

Marinus. *pacem inter Christianos Principes composuit, & claruit prophetiæ spiritu, Vdalrico enim nobili genere nato Episcopatum Augustanum post mortem Adalberonis prædixit.*

Celebrant Marinum, alijs Martinum, Ioannes Stella, S. Antoninus, Leo Ostiensis, Iacobus Gualterius, Auctor Romæ subtereaneæ, præter alias laudatos.

XVII. KAL. IVNII.

Anno reparatæ salutis 1277. Viterbij repentina cubiculi recens constructi ruina, cum dormiret, oppressus est Ioannes XX. dictus XXI. natione Lusitanus, in ordine Pontifex Maximus centesimus octogesimus nonus. inter ligna & lapides inuentus, septima die acceptis omnibus Ecclesiæ Sacramentis, Pontificatus sui mense octavo, & die 8. vno tantum euulgato Cardinale, vita excessit, vir admodum literatus, & literatorum Patronus munificentissimus. Sepultus in Cathedrali eiusdem Urbis, vacavit Sedes per menses sex, & dies nouem.

Notæ. 16. Maij.

Ioannes. Iuliani filius, patria Vlyssipponensis, professione Medicus, Ioannes Petrus ante Pontificatum nuncupatus.

Siffridus male hunc Pontificem tractat in suis scriptis hæresibus multis refertis. nec minus arguendi ineptia-

ineptiarum illi, qui inter cætera opprobria quæ in Ioannem iaciunt, Magum fuisse depingunt, quæ calumnia ex eo nasci potuit, quod cum scientijs omnibus, & maxime Mathematicis artibus instructissimus esset, quadam euulgaret, quæ ignavis & imperitis stuporem iniicerent.

Est huiusce Pontificis mentio apud Bzouium, Odericum in Annal. Eccles. apud Auctorem Annalium Victorianorum, S. Antoninum, Antonium Brandanum in hist. Lusitanica, Nangium, Iordanum, Ciaconium, & reliquos, qui de Romanis Pontificibus scripserunt.

XIV. KAL. IVNII.

In Fumonis arce anno salutis 1296. ætatis 87. beato fine quieuit S. Petrus de Morono, qui ex Anachoreta Summus Pontifex renuntiatus sub nomine Cœlestini V. in ordine centesimus nonagesimus quartus, sedit menses quinque, diesque septem, & euulgavit tredecim Cardinales; postea exemplo raro antehac viso, postea nunquam repetito, sponte summo se abdicans Pontificatu, in solitudine reliquum vitæ in oratione perduxit. quare virtutibus, & miraculis clarus relatus est in numerum Sanctorum à Clemente V. anno 1313. tali honore dignissimus, etsi sola abdicatione inclaruisset. Corpus ex arce Fumonis ad Ecclesiam B. Antonij Ferentinatis summo cum honore deductum est. ex qua primò ad Ecclesiam S. Agathæ eiusdem Urbis, deinde ad sui Ordinis Cœnobium Aquilanum translatum. va-

cavit post eius abdicationem Romana Ecclesia per paucos dies.

Notæ . 19. Maij .

Cœlestini . qui cum vir sanctissimus esset, vivebat in Eremito sibi, & Deo, quare eius creatio diuina potius quàm humana fuit . hanc ob causam multa hominum millia ex tota Italia ad eius coronationem confluxerunt, ut à tanto Pontifice benedicerentur .

Extant eius res gestæ conscriptæ à Petro de Aliaco Cardinali Cameracensi, descripsere easdem Surius, Iacobus Stephaneschus, Mattheus Vegius, Paulus Regius, Baronius, Bzouius, Odericus in Annal. Eberhardus, Genebrardus, S. Antoninus in Chronico, Agidius Viterbiensis, Martyrologia omnia, Ciaconius, eiusdemque Auctarij, cum alijs multis .

XII. KAL. IVNII.

Constantinopoli anno post Christum natum 536. ad præmia æterna vocatus est Agapetus huius nominis I. in ordine duodesagesimus Pontifex Maximus, patria Romanus, dictus Vas Catholicum, Euangelij tuba, præco iustitiæ, qui Constantinopolim contra Anthimum Patriarcham hæreticum, quem damnauit, se contulerat ad fidem Catholicam sustentandam, quare Iustiniano Cæsari minanti dixit, ad Iustinianum Principem Christianissimum venisse
puta-

putabam, sed Diocletianum inueni. verecundatus Imperator hac libertate loquendi, Deique nutu permotus, eius monitis acquiescens, ad Catholicæ fidei confessionem cum multis, qui simul desipiebant, reuersus est. Sedit in Petri Cathedra Menses XI. & dies 19. quo tempore breui, vnica ordinatione Episcopos 11. Diaconos 4. consecrauit. Corpus loculo plumbeo translatum Romam, conditum in Vaticano. vacauit Sedes per dies 30.

Eadem die anno 891. Romæ migravit è vita Stephanus VI. dictus VII. patria Romanus, in ordine Pontifex duodecimus supra centesimum, qui per annos sex, diesque 9. quibus rexit Petri nauim, ad prandium quotidie Orphanos nonnullos aduocabat, & dum cibo corpus alebat, sacrorum librorum lectione animum recreabat. Photium execratus, Basilium Imperatorem suis literis redarguit, quòd pro Photio, homine penitus laico, cui sacra toties fuerant interdicta, tantopere laborans, eum defendendo aduersus Romanos Pontifices, ipsam Ecclesiam adeò afficeret contumelijs & iniurijs. post obitum sepultus apud S. Petrum. vacauit Sedes per dies quinque .

Notæ . 21. Maij .

Agapetus. alijs Rusticus Agapetus, Gordiani Presbyteri Cardinalis SS. Io: & Pauli ex legitimo matrimonio filius, sedit ex Ioanne de Columna, an-

nos 11. ex Panuino annum unum, & menses decem, diesque 20. qui etiam eidem diem & annum obitus ab indicato diuersos assignant.

De Agapeto sanctitate illustri scripsere Baronijs in Annalibus, Anastasius Bibliothecarius, Martinus Polonus, Ptolomæus Lucensis, Petrarca, Niemus, S. Antoninus, Platina, Simonetta, Ciaconius, eiusdemque Auctarij, & alij multi.

Stephanus. Basilius antea vocatus, Hadriani filius de regione via lata, cuius acta ob Scriptorum inopiam desiderantur.

Vide Guillclmum Bibliothecarium, cum reliquis in Agapeto superius laudatis, qui omnes paucis verbis Stephani Pontificatum explicant.

XI. KAL. IVNII.

Anno seculi decimi septimi, sexagesimo septimo à partu Virginis, Romæ decessit Alexander, huius nuncupationis VII. in ordine ducentessimus quadragesimus primus Pontifex Maximus, patria Senensis, ex nobili Chistorum familia, qui spatio annorum XII. Mensis vnus, dierumque 15. quibus Petri nauim prudentissimè rexit, Urbem à pestilentia vindicauit, templam quamplurima ornauit, Gymnasij publici ædificationem absoluit, Bibliothecam instituit; Quirinale Palatium ampliauit, Urbis nitorem procurauit, Sanctorum numerum auxit, Christianam Sueciæ Reginam ad Catholicam fidem venientem, benignissimè excepit, Venetis con-

tra

tra Turcas, Casimiro Poloniae Regi contra hæreticos, Cæsari contra nominis Christiani hostes larga manu subuenit, Clerum Gallicanum suis literis ad Ecclesiæ iura, dignitatemque sustinendam confirmauit, & inter Cardinales octo supra triginta selectissimos viros cooptauit. post obitum sepultus in Vaticano, vacauit Sedes per dies duodetriginta.

Notæ. 22. Maij.

Alexander. Flauij filius, Fabius ante Pontificatum nuncupatus.

De quo tractant Auctarij Ciaconij, Antonius Bagatta in Vita, Carolus Thomasius in Schemate festi-uo, & in Epist. Ferdinandus Vghellius in Italia sacra, Gaspar Aluerus in sua Roma, Antoninus Diana in resolut. moral. part. 12. Demetrius Phalereus Tract. de anima, Franciscus Vekenus in Disp. de Deo trino & vno, Io: Baptista Cancellottus in Annal. Marianis, Sfortia Card. Pallavicinus in hist. Concilij Tridentini, Alexander Pollinus, Ioseph Maria Suaresius Episcopus Vasionensis, Iacobus Albanus Gibbesius in Carm. & alij plures.

X. KAL. IVNII.

Penischolæ in oppido Regni Valentiaë munitissimo, Diocesis Dertucensis octogenario maior, anno salutis 1423. veneno extinctus est Benedictus XII. dictus XIII. Pseudopontifex, natione

tione Hispanus, qui per annos triginta Sedem occupauerat, semper vsque ad extremum vitæ spiritum in obstinatione permanens, euulgatis septem supra viginti Pseudocardinalibus. ibique cadauer sepultum, inde Igleucam Aragoniæ oppidum translatum.

Notæ. 23. Maij.

Benedictus. Petrus de Luna antea dictus, nobilis Aragonensis, Ioannis Martinez de Luna filius, obiit ex alijs anno 1424.

De illo Ciaconius, Panuinius, Io: Mariana in hist. Hispanica, Acta Conciliorum Pisani, ac Constantiensis, S. Antoninus, & alijs plures.

IX. KAL. IVNII.

Anno Christi 907. Leo V. è villa Priapi agri Ardeatini, in ordine Pontifex, centesimus vigesimus post mensẽ vnum & dies decem suæ administrationis, Christophori Presbyteri S. Laurentij in Damaso familiaris suasu, abdicato Pontificatu vitam monasticam, quam antea professus fuerat, reassumpsit.

Notæ. 20. Maij.

Leo V. ex Monacho S. Benedicti euulgatus Cardinalis, teste S. Antonino patria Aretinus.

De

De hoc tractant Baronius in Annal. Panuinius, Ciaconius, cum Auctarijs, & alijs.

VIII. KAL. IVNII.

Romæ via Numentana natalis B. Urbani Papæ in ordine duodeuigesimi, patria Romani, cuius exhortatione, & doctrina multi, inter quos Tiburtius, & Valerianus, Christi fidem susceperunt, & pro ea martyrium subierunt. ipse quoque in persecutione Alexandri Seueri anno Christi 233. cum præfuisset Ecclesiæ annos sex, menses septem dies 4. pro Christo multa passus, tandem ceruicibus abscissis martyrio coronatus est, celebratis ordinationibus quinque, Episcoporum octo, Presbyterorum nouem, & Diaconorum quinque. sepultus via Appia in Cœmeterio, Callisti dicto, ex quo à Paschali I. eius ossa deducta ad Titulum S. Cæcilie. Vacauit Sedes Pontificia per dies 30.

Eadem die ibidem anno salutis 614. decessit Bonifacius huius nominis IV. in ordine duodeuagesimus Pontifex Maximus, natione Marsus, qui annorum sex, mensum octo, dierum 12. spatio quo præfuit Ecclesiæ, duplici ordinatione Episcopos 36. Presbyteros aliquot, & Diaconos 9. consecrauit, Pantheon in honorem B. Mariæ dedicauit, paternam domum in Monasterium redegit, & fundos suos Monasterio adscripsit in Monachorum usum. Sepultus ad S. Petrum, vacauit eius morte Sedes per menses 5. & dies 12.

Anno

Anno verò post Christum natum 1085. Salerni in Campania depositio B. Gregorij huius nominis VII. in ordine Pontificum centesimi quinquagesimi noni, Etrusci, Ecclesiasticæ libertatis propugnatoris, ac defensoris acerrimi, qui Salerni, quò ad Henrici IV. Imperatoris furorem declinandum, se receperat, morti proximus Cardinales & Episcopos præsentés, quorum duos supra viginti ipse euulgauerat, hortatus est, vt in sui locum Pontificem crearent Desiderium Abbatem Cassinensem, quem si non potuissent flectere, Othonem Ostiensem, siue Anselmum Episcopum Lucensem, viros sanctissimos substituerent. Sedit in Petri Cathedra per mensem vnum supra annos duodecim. sepultus in Basilica S. Matthæi, quam diuino cultui ante obitum consecrauerat. Vacauit Romana Sedes per menses quatuor, & dies 27. supra annum vnum.

Eadem die anno à partu Virginis 1261. Viterbij Faliscorum, quò se ex Anagnia receperat. pacem inter Venetos & Genuenses compositurus, è vita migravit Alexander IV. Pontifex Maximus in ordine centesimus octogessimus tertius, Sessæ Vrbe Campaniæ felicis, Philippo ab Anagni patre natus, Pauperum Pater, Hæreticorum Osor qui Italiæ Tyrannos persequutus est, Præfuitque Ecclesiæ per menses quinque, totidemque dies supra annum quintum, vnumque solum euulgauit Cardinalem, ac Sanctis Claram Virginem Afissinatam adscripsit; cuius corpus in Cathedrali Viterbiensi Sancto Laurentio sacra,
hono-

honorificè sepultum. vacauit Sedes menses tres circiter.

Notæ. 25. Maij.

B. Urbani. Pontiani filius, senex renuntiatus Pontifex, multa passus est pro Christi nomine, cuius corporis pars data à Nicclao I. legatis Caroli Calui, in Gallijs miraculis coruscat.

Celebrant Urbanum Martyrologia Romanum, & Gallcanum, Baronius in notis, & in Annalibus, Beda, Vsuarius, Ado, Eusebius in Chronico, & in hist. Optatus, Augustinus epist. 165. Nicephorus in Chronico. Acta S. Cæciliæ apud Metaphrastem, Ciaccontus cum Auctarijs, alijque omnes, qui Romanorum Pontificum vitas euulgarunt.

Bonifatius. Ioannis Medicei filius, & Monachus S. Sebastiani extra Urbem, cuius sanctitatem veneratur Martyrologia, Romanum, Maurolyci, & aliorum; Petrus de Natalibus, Anastasius, S. Antoninus, Nauclerus, Ciaconius cum Auctarijs, Platina, Panuinius, Petrarca, Stella, Martinus Polonus, & alij omnes, qui Pontificiam, seu Ecclesiasticam historiam scriptis pertraxerunt.

B. Gregorij. Hilprandus antea dictus, patria Soanensis, Bonicij filius, inuitus ex Archidiacono, consentientibus omnibus electus Romanus Pontifex, obiit ex alijs pridie huius diei, 24. videlicet mensis Maij die.

Sanctissimi huiusce Pontificis gloriam conati sunt Hæretici obscurare; sed longè clarior & illustrior est reddita ipsorum etiam scriptis, & Catholicorum,
nempe

nempe Lamberti, Mariani Scoti, Desiderij Abbatis Cassinensis, Petri Diaconi, Domnizonis in Vita Mathildis, Leonis Ostiensis, Baronij, Ciaconij, & aliorum.

Alexander IV. Raynaldus ante Pontificatum nuncupatus, non Gerardi, sed Philippi filius, ex Comitibus Signie oriundus.

De Alexandro tractant Matthæus Parisius in hist. Anglicana, Abrahamus Brounus, Baronius, Odericus in Annal. Eccl. Matthæus Westmonasteriensis, Nangius, Ptolomeus Lucensis, Ciaconius cum Auctarijs, & reliqui alijs laudati.

VII. KAL. IVNII.

Romæ anno Domini 195. martyrio affectus est Abundius Eleutherius, natione Græcus, Pontifex, in ordine decimus quartus, qui nobiles quamplures Romanos ad Christi fidem perduxit, & Sanctos Damianum & Fugatium in Britanniam misit, qui Lucium Regem vna cum vxore, alijsque multis, sacro fonte abluit. Sedit in Petri Cathedra per annos 15. & 23. dies, tribusque Ordinationibus Episcopos xv. Presbyteros xii. & Diaconos viii. consecrauit. Sepultus in Vaticano apud B. Petri corpus; vacauit Sedes per dies quinque.

Notæ. 26. Maij.

Abundius Eleutherius. Abundij filius patria
Nico-

Nicopolitanus. est autem Nicopolis Vrbs Epiri, ad Promontorium Actium in Ambriaco sinu sita, nunc vulgò Preuesa. Sedit ex alijs annos 13. totidemque dies.

Britannia etiam si redacta in Prouinciam, suos habebat Reges, multis id enim Prouincijs concesserant Romani.

Meminere Eleutherij Martyrologium Romanum sub hac die, Baronius in Notis, & in Annal. Bedæ pridie huius diei, Irenæus, Opatus Milenitanus, Augustinus epist. 165. Eusebius in Chronico, & in hist. Ado in Chronico, Marianus Scotus in sex ætatibus anno 177. S. Hieronymus, Io: Lepaige, Nigraualle in Biblioth. Præmonst. Ciaconius cum suis Auctarijs, Platina, Panuinius, & alijs.

VI. KAL. IVNII.

Natalis S. Ioannis Papæ, in ordine quarti supra quinquagesimum, natione Tusci, qui à Theodorico Italiæ Rege Ariano Rauennam euocatus, ibique propter Orthodoxam fidem in vinculis, diu detentus, anno Christi 527. miraculis clarus habitis de more pluribus sacris Ordinationibus, excessit è vita, cum præfuisset Ecclesiæ annos duos, menses nouem, dies sexdecim. Corpus Rauenna Roma delatum, sepultum in Vaticano, vacat Sedes mensem vnum, & dies duodeviginti.

Notæ.

Notæ . 27. Maij .

Ioannis Papæ . *Constantij hic filius, sedit ex alijs menses octo, & dies 22. vel solum menses octo supra biennium. à veritate omnino aberrant illi, qui huius Sedi annos undecim, menses nouem, & dies sexdecim tribuunt.*

Beda, & Ado non hac, sed sequenti die huius Sancti memoriam celebrant, sunt qui volunt eum obiisse anno 526.

De quo vide Martyrologium Romanum, Baronium in Notis, & in Annal. Vsuardum, Anastasium Bibliothecarium, Platinam, Panuinium, Genebrardum in Chronico, Ioannettum, Stellam, Io:de Columna, Simonettam, Niemum, Martinum Polonum, Ptolomæum Lucensem, Ciaconium, & Auctarios, aliosque omnes, qui historiam Pontificiam descripserunt.

V. KAL. IVNII.

Anno salutis 854. Zinzinus patria Romanus ex Presbytero Cardinali à Plebe in seditione electus Pontifex, post aliquot dies coactus abdicauit ad fauorem Eugenij II.

Notæ . 28. Maij .

Zinzinus. huius genus ignotum, fuit hoc duodecimum in Romana Ecclesia Schisma.

De hoc agunt Baronius in Annalibus Panuinius, Ciaconius, & alij in Eugenio II.

IV. KAL.

IV. KAL. IVNII.

Romæ anno decimo tertio supra millesimum à Christo nato. decessit ex contagij morbo, Sergius huius nominis quartus, in ordine centesimus quadragesimus septimus Pontifex Maximus, nobilis Romanus, qui Rempublicam Christianam rexit per annos duos, menses nouem, & dies 12. Saracenos Christiani nominis infensissimos hostes è Sicilia expulit, & Hungariæ accessione Ecclesiam Romanam ampliorem reddidit. Sepultus in Laterano, vacauit post eius obitum Sedes per dies octo.

Notæ . 29. Maij .

Sergij. Petri Martini filius, Buccaporci cognominatus, obiit ex alijs anno duodecimo laudari seculi.

Celebrant Sergium Ditmarus, Baronius in Annal. Platina, Panuinius, Ciaconius cum Auctarijs, Ludouicus Iacobus à S. Carolo in Bibl. Pont. S. Antoninus, Iacobus Gaulterius in Tabul. Chronol. Io: Stella, Guillelmus Biblioth. Petrarca, Io:de Columna, Simonetta, Niemus, Ptolomæus Lucensis in Vita, Martinus Polonus, & alij plures.

III. KAL. IVNII.

Romæ via Aurelia natalis S. Felicis Papæ, in
H ordi-

ordine septimi & vigesimi, patria Romani, qui cum administrasset per annos duos, menses quinque, vno minùs die rem publicam Christianam, habuissetque de more Ordinationes duas, & creasset Episcopos v. Presbyteros ix. Diaconos v. decreuit ad honorem SS. Martyrum, vt quotannis eorum nomine dies festus celebraretur, nèue diuinum sacrificium Missæ alibi, à Sacerdotibus ageretur, præterquam, in locis ritè consecratis, nisi necessitas aliud suaderet; demum anno post Christum natum 275. sub Aureliano Principe martyrio coronatus est. Corpus milliario ab Vrbe secundo sepultum in Basilica, quam ipse in honorem Dei condiderat. Vacauit post eius obitum Sedes Pontificia per dies quinque.

Notæ . 30. Maij .

S. Felicis . Constantij filius, Felix quoque ante Pontificatum nuncupatus, passus est martyrium ex alijs sub Claudio, & sedit annos 4. totidemque menses . seu annos 5. vel duos, & menses x. cuius Corpus ad Titulum Tigridis deductum volunt plures .

Huius Sancti acta indicant Martyrologium Romanum, Baronius in Notis, & in Annal. Bedæ, Vsuardus, Ado, Petrus de Natalibus, Platina, Panuinius, Anastasius Bibliothecarius, Marianus Scottus, Eusebius in Chronico, & in hist. Optatus, Augustinus epist. 165. Ludouicus Iacobus à S. Carolo in Biblioth. Pontif. Ciaconius cum Auctarijs, & alij multi.

IVNIVS

IVNIVS.

IV. NONAS IVNII.

Roma memoria S. Eugenij Pontificis, in ordine sexti supra septuagesimum, patria Romani, de regione prima Auentina, viri summa religione, ac pietate in Deum, liberalitate in suos, qui in absentia S. Martini decessoris, duorum annorum spatio vicaria præfectura Ecclesiæ præuerat vniuersæ, accedente post Martini obitum, Cleri consensu, sedit in Petri Cathedra Vicarius Christi menses sex, diesque 23. sepultus ad Sanctum Petrum anno à Christi natiuitate 657. vacauit sedes per mensem vnum, & dies 28.

Notæ . 2. Iunij .

S. Eugenij . Ruffiniani filius sedit ex illis, qui ab exilio Martini principium Pontificatus Eugenij firmant, annos duos & menses 4. vel octo, seu nouem, aut demum annum vnum, menses 4. & dies aliquot. at nonnisi à Martini morte Pontifex legitime sedit in Petri Cathedra.

Est Eugenij memoria in Martyrologio Romano, apud Baronium in Notis, & in Annal. Anastasium Biblioth. Martinum Polonum, Ioan. de Columna, Ptolomeum Lucensem, Petrarcam, Nieinum, Platinam, Panuinium, Ioannettum, Stellam, Simonettam, Ciaconium, eiusdemque Auctarios, & alios plures.

H 2

III. NO-

III. NONAS IUNII.

Anno 997. oculis orbatus Romæ extinctus est Ioannes Pseudopontifex, natione Calaber, patria Rossanenſis, qui Crescentij Numentani Romanorum tyranni opera Sedem Petri occupauerat per menses decem contra Gregorium V. Pontificem, à qua ab Othone Cæsare eiectus, & Crescentius occisus.

Notæ. 3. Iunij.

Ioannes. Ioannes Adeobaldus, alijs Arnulphus nuncupatus ex Monacho Cassino Episcopus Placentinus, tum Archiepiscopus Mediolanensis obiit ex alijs in Germania.

De illo Baronius, Panuinius, Ciaconius & alij apud eosdem.

PRIDIE NONAS IUNII.

Romæ anno post Christum natum 912. supremum diem obiit Anastasius huius nuncupationis tertius, in ordine Pontifex centesimus vigesimus tertius, patria Romanus, quem probum, & sanè prudentem virum fuisse illius temporis Annales tradunt, etenim modestiam vitæ, & integritatem maximè amavit, ita vt in memoria viuorum posita sit recordatio eius. rexit Petri nauim, per mensem vnum, dies 22. supra biennium. sepul-

sepultus ad Sanctum Petrum, vacauit Sedes per dies duos.

Notæ. 4. Iunij.

Anastasius. Luciani filius, sedit ex alijs annos duos, ac totidem menses, quem obiisse volunt anno 913.

De hoc agit Baronius in Annal. S. Antoninus, Iacobus Gaulterus in Tabula Chronol. Romæ subterraneæ Auctor, Ciaconius cum Auctarijs, ac reliqui omnes alijs laudati, qui Pontificum Romanorum acta eulogizant.

IV. IDVS IUNII.

Anno Christi 985. de medio sublatus Benedictus VII. qui post obitum Ioannis XIV. Pontificis per menses quatuor Petri Cathedram occupauerat.

Notæ. 10. Iunij.

Benedictus. mense Decembri anni 985. è Sede exturbatus ex alijs.

Vide Ciaconium, Baronium, & reliquos.

PRIDIE IDVS IUNII.

Romæ anno reparatæ salutis 816. plenus dierum in senectute bona, primo ac vigesimo sui Pontificatus anno ad superos euolauit Leo III. in ordine octauus supra nonagesimum, patria

H 3

Roma-

Romanus, quem Maiores vti sanctitate illustrem pijs animis coluerunt; multa enim passus à Paschali Primicerio & alijs, fugit ad Carolum Magnum, quem Imperatorem Occidentis nominauerat, in cuius conspectum cum venisset, non alia protulit verba nisi, *Gloria in Excelsis Deo, & in Terra pax hominibus bonæ voluntatis*, ac si diceret, adsum licet multis affectus iniurijs, non tamen bellorum, sed pacis nuncijs; huius Imperatoris opera Romani redijt cum honore. Suidbertum Episcopum Vverdensem, Saxonum, Frisiæque Apostolum in Sanctorum Catalogum solemnè pompâ retulit; Ædem Sanctissimæ Virginis Aquisgrani consecrauit; Basilicas Urbis donis multis auxit; Ordinationes tres, Episcoporum 126. Presbyterorum 30. Diaconorum 10. celebrauit. sepultus post obitum ad S. Petrum, vacauit Sedes per dies 20.

Notæ. 12. Iunij.

Leo III. *Azzupij filius, Monachus S. Benedicti, sedit Menses 5. dies 18., seu Menses 3. & dies 10. supra annos 20. obiitque ex alijs die 17. huius mensis.*

Paschalis Primicerius, & Campulus Sacellarius, Vin in Vrbe primarij odio in Leonem exarserant, quod eorum vitæ sordes insectaretur, quare cum Pontifex ab Æde S. Laurentij in Lucina ad illam S. Georgij Magni cuius natalitia agebantur, supplex cum Clero pergeret, apud S. Siluestrum

in

in Campo Martio impetu factio, Leonem corripuerunt, & in terram deiectum sacris vestibus exuerunt, pugnis, calcibus verberarunt. tractum deinde vi ad proximam ædem ante clare vulneribus affecerunt, & mox sanguine madentem ac semianimem in Monasterium S. Erasmi arctæ custodiæ tradiderunt, à qua liberatus piorum hominum opera.

Celebrant Leonem Annales Francorum, Theophanes in Chronographia, Constantinus Manasses, Frodoardus in Chronico, Eginhardus, Baronius in Annal. Monachus Englisimensis, nec non Sangallensis, & Poeta Saxonicus in vita Caroli Magni, Zonaras, Theophanes, Albinus Flaccus, Alemanus de Parietinis Lateranen. Anastasius Bibliothecarius, Ciaconius cum Auctarijs, & alij plures apud eosdem.

XII. KAL. IVLII.

In Insula Pontia, seu Palmaria proxima, contra Circium Montem anno reparatæ salutis 540. Sedis suæ quarto inchoato, martyrij gloria sublimis in Cælum assumptus est Cælius Siluerius Pontifex in ordine vndesagesimus, Hormisdæ de Frusnone Papæ ex legitimo thoro natus, qui cum Anthimium Episcopum hæreticum ab Agapito prædecesore suo depositum restituere nolisset, agente impia Theodora Augusta à Belisario in exilium pulsus, falso subiectis testibus, qui dicerent, Siluerium Gothicis Urbem tradere voluisse, ibidem pro fide

H 4

Catho-

Catholica multis ærumnis confectus, defuit, cuius perenni memoriæ perseuerat in Ecclesia Romana natalis dies singulis annis rediuuius. Vacauit Sedes per dies quinque.

Notæ. 20. Iunij.

Siluerius. vix elapso anno in exilio decessisse scribunt aliqui. vel tertium non com̄ leuasse. Alij tamen volunt coactum sese Pontificatu abdicasse, atque Monachorum Cœnobium ingressum, in eo omnium opinione sanctissimum è vita migrasse.

Exulauit Patara in Licia, sed loci illius Episcopo apud Instinianum agente, Romam reuerti iussus, detinetur ab Aduersarijs in Palmaria Insula, ubi inedia extinctus est.

De Siluerio agunt Martyrologium Romanum, Baronius in Notis, & in Annalibus, Bedæ, Vsuardus, Ado, Gualterius in Tabula Chronograph. S. Antoninus, Ciaconius cum Auctarijs, & reliqui omnes, qui vitas Romanorum Pontificum descripserunt.

X. KAL. IVLII.

Anno Dominicæ natiuitatis 1276. Romæ in Patriarchio Lateranensi, post coronationem Rodulphi Imperatoris mortuus est Innocentius V. natione Burgundus, in ordine Pontifex centesimus octogesima septimus, Ordinis Prædicatorum, vir eximia probitate, & sacrarum literarum peritissimus, de quo Fideles spes magnas in Eccle-

Ecclesiæ commodum conceperant. breui tamen tempore, quo vixit in Pontificatu, nam per menses tantum quinque, & dies duos sedit in Petri Cathedra, collapsas in Palæstina Christianorum res restaurare vti decreuerat, non potuit. Sepultus in Basilica eidem Patriarchio proxima; vacauit Sedes per dies vndeuginti.

Notæ. 22. Iunij.

Innocentius. Petrus Tarentasiensis antea dictus, primus ex Prædicatorum Ordine ad Summum Pontificatum promotus, quem aliqui Longobardum faciunt, sedit ex alijs menses sex, & dies 2. aberrant tamen à veritate illi, qui scribunt Innocentium Viterbij decessisse, ibidemque iacere.

Vacauit post illius obitum Sedes ex Genebrardo, & Panuinio per dies tantum nouem.

Summis laudibus Innocentium extolunt Bernardus Guido in Chronico, Petrus Frizonius in Gallia purpurata, Ludouicus Iacobus à S. Carolo in Biblioth. Pontificia, Marraccius in Mariana, Odericus in Annal. Villanus in hist. Ciaconius cum Auctarijs, & reliquis omnibus, qui de Romanis Pontificibus ex professo scripserunt.

VI. KAL. IVLIIAS.

Romæ anno à partu Virginis 535. obitus Ioannis II. in ordine quinquagesimi septimi Pon-

Pontificis Maximi, patria Romani, de Regione Cælij Montis, qui annorum trium, nonnullorumque Mensium spatio, quo Rempubli-
cam Christianam rexit, Anthemio Episcopo Ar-
riano damnato, vnam tantum habuit ordinatio-
nem Episcoporum 21. Presbyterorum 15. & Dia-
conorum 10. Sepultus ad Vaticanum, vacauit
Sedes per dies sex.

Ibidem anno 676. excessit Adeodatus, seu
Deodatus Pontifex, in ordine octauus supra
septuagesimum, patria Romanus, è Monaste-
rio ad Pontificatum vocatus, qui summa chari-
tate & beneficentia in Pauperes, in reos mitis,
catholicæ veritatis studiosissimus Monachos om-
nes, Nestorij sectatores ab Vrbe expulit, ne
alios falsa doctrina inficerent. Præfuit Ecclesiæ
annos septem, menses duos, dies decem & se-
ptem, vnica tantum habita ordinatione Episcopo-
rum 46. Presbyterorum 14. Diaconorum xi. sepul-
tus ad S. Petrum, vacauit Sedes per dies sex su-
pra mensem quartum.

Notæ. 26. Iunij.

Ioannis II. ante Pontificatum Ioannes cognomen-
to Mercurius, Proiecti filius, sedit ex alijs Menses 4.
dies 6. supra biennium, & obiit xi. Kal. Iunij an-
no 534.

Celebrant Ioannem Concilium Carthaginense,
Baronius in Annal. Eccles. Cassiodorus in literis,
Anastasius Biblioth. Martinus Polonus, Io: Stel-
la,

la, Io: Celumna, Ptolomæus Lucensis, Petrar-
ca, Niemus, Panuinius, Platina, Simonetta,
Ioannettus, Ciaconius, eiusdemque Auctarij, cum
alijs multis.

Adeodatus. ex Monacho S. Erasmi in Cælio
Monte assumptus ad Pontificatum sedit, ex alijs men-
ses 5. dies 16. supra annos quatuor.

Tractant de Adeodato præter laudatos superius,
S. Antoninus, Ludouicus Iacobus à S. Carolo,
Papyrius Massonus, Seuerinus Binius in Notis ad
Concilia, Ioannes Mariana in hist. Hispan. Ciaco-
nius, & alj.

IV. KAL. IVLII.

Romæ celebratur memoria S. Leonis Papæ II.
in ordine octogesimi primi, ex Cedella Vallis
Sicilianæ in Prouincia vltioris Aprutij, mori-
bus à superioribus suis nequaquam dissimilis,
græcè latinèque doctissimi, musicè instructi, qui
vsum pacis Populo dandæ in celebratione insti-
tuit, sextam Synodum confirmavit, Præsulum
Rauennatum audaciam fregit, vetuit Archiepi-
scopos pro vsu pallij, aliorumque officiorum
quidquam pecuniæ persolvere, cuius Pontifica-
tus licet breuis, non enim vixit in illo nisi per
menses nouem, & dies vndeuginti, tantam illi
peperit gloriam, vt diu vixisse videatur. Cor-
pus in Basilicæ Principis Apostolorum sepultum
est anno 683. collacrymantibus omnibus, tan-
quam publico parente orbatis. Vacauit Sedes,
eius

eius morte Menses xi. dies 21.

Ibidem anno salutis 767. sanctitate illustris ad superos euolauit Paulus Apostolici nominis, & zeli pariter Apostolici hæres, in ordine Pontifex nonagesimus quintus, patria Romanus, qui beneficia in eos libentiùs contulit, à quibus iniurijs laceffitus antea fuerat; noctu ad Pauperes ægrotantes accedere solitus, eos elemosynis adiuuabat, eandemque operam nauabat ijs, qui aere alieno oppressi in custodia detinebantur. Constantinum per legatos admonuit, vt sacras imagines restitueret, Republicaque Christiana per mensem vnum supra decennium administrata, habitaque Romæ Synodo, ordinatione vnica Episcopos tres, Presbyteros duodecim, & Diaconos vndecim consecrauit. Sepultus in Basilica S. Pauli via Ostiensi, apud quam obierat, verùm post tres menses in Vaticanum translatus, honorificè conditus in Oratorio, quod ipse ad aram maximam extruxerat. Vacauit Sedes mensem vnum, diesque septem supra annum vnum.

Notæ . 28. Iunij.

S. Leonis . *Pauli Menei Medici filius, quem aliqui Aydonensem, alij Herbitensem, vel Rheginum patria faciunt.*

De hoc tractant Martyrologia Romanum, Bedæ, Vsuardi, Adonis, nec non Baronius in Annal. & in Notis, Binius tomo 3. Concil. Anastasius Bibliothecarius,

bliothecarius, Ciaconius cum Auctarijs, & reliqui omnes, qui vitas Pontificum Romanorum, vel Sanctorum euulgarunt.

Paulus. *Constantini filius, Stephani iunioris Papæ germanus frater, perfecit Ecclesiam, & Monasterium à fratre incceptum in paternis ædibus, sub Titulo S. Stephani Papæ & Martyris, nec non Syluestri item Papæ.*

Celebrant Paulum Martyrologium Romanum, Baronius in Notis, & in Annal. Franciscus Maurolycus, Petrus Galestinus, Petrus de Natalibus, Canisius, Anastasius, Platina, Ciaconius, Auctarij eiusdem, & alij plures.

III. KAL. IVLII.

Romæ natalis S. Petri Galilæi, qui sub Nerone Imperatore capite ad terram verso Cruci affixus in Ianiculo, anno post Christum natum octauo supra sexagesimum, cum pro Christo in terris rem Christianam administrasset per annos xxxvi. mensesque duos, quæ ad ignem peccauerat nocte, singulis diebus oculorum imbre, catenis, ac demum sanguine deleuit. in vincula datus ab Herode, exemptus est ab Angelo; morbos passim omnes vel umbra fugauit; præstigitorem Simonem in Cælos volentem, humi præcipitem suis precibus dedit, quare Neronis iram effugiens, Christum via Appia obuium habuit, cuius oratione confirmatus, statim ad Urbem reuersus, constantissimè ad martyrium properauit.

uit. Post obitum sepultus in Vaticano iuxta
viam triumphalem totius Orbi Christiani vene-
ratione colitur.

Notæ. 29. Iunij .

S. Petri. ex Bethsaida, quæ Vrbs distabat ab
Hierusalem 75. millia passuum, sedit primum Antio-
chia, tum Romæ, hic per annos 24. Menses 3. & dies 12.
alibi per menses 10. & dies duodeviginti supra annum
undecimum.

De Petro Apostolo tractant omnes historici sacri,
tum Græci, tum Latini, Sancti Patres vtriusque na-
tionis, Hegesippus iunior de excidio Hierosolymæ,
Linus Papa in actis passionis eiusdem; Baronius in
Annal. Ciacionius cum Auctarijs, & reliqui, quos ipsi
proferunt.



IULIVS.

KALENDIS IULII,

ANno à partu Virginis 767. Philippus pa-
tria Romanus, professione Monachus, di-
gnitate Abbas S. Viti, nec non S. R. E. Pre-
sbyter Cardinalis in schismate contra Constan-
tinum renuntiatus Papa, post quintum diem,
seu ex Panuinio post annum, à Christopho-
ro Primicerio coactus Pontificatu se abdicauit,
atque ad antiquum suum Monasterium re-
uersus est.

Notæ. 1. Iulij.

Philippus. Valdeperti Presbyteri Longobardi ope-
ra à paucis electus.

De illo Baronius, Panuinius, Ciacionius, &
alij apud eosdem.

V. NONAS IULII.

Florentiæ, ex alijs Romæ anno post Chri-
stum natum 1061. optimè de Ecclesia Romana
meritus piè quieuit Nicolaus II. in ordine cen-
tesimus quinquagesimus septimus Pontifex Ma-
ximus natione Allobrox, qui annorum duorum,
& mensium sex spatio, quò præfuit Ecclesiæ,
nullum prætermisit diem, quin pedes duodecim
Pauperum ablueret; Concilia Melphienſe, Su-
trinum, & Romanum celebravit; pro Ducatu

Afu-

Apuliæ, & Calabriæ, fidelitatis iusiurandum à Roberto Guiscardo recepit, septem viros doctrina præstantes Cardinalium Senatui adiunxit, Episcopos Simoniacos deposuit, Canonicos Regulares ad antiquam obseruantiam redegit; Berengarium malè de sacra Eucharistia sentientem, doctrina sua conuictum, ac fufum, ab errore reuocauit; ac Henricum III. corona Imperij donauit. sepultus in Cathedrali Florentina seu ex alijs in Vaticano iuxta portam iudicij, vacauit Sedes propter Schisma Menses duos, diesque 26.

Notæ. 3. Iulij.

Nicolaus. Gerardus Allobrox, cognomento Burgundio, Episcopus Florentinus ante Pontificatum, quem Episcopatum etiam Pontifex administrauit. Contra Nicolaum hunc in schismate sedit Benedictus IX. dictus X.

De Nicolao tractant Ferdinandus Vghellius in Italia sacra, Petrus Frizonius in Gallia Purpurata, Leo Ostiensis in Chronico, Paulus de Angelis in descriptione Basilicæ Vaticanæ, Panuinius, Ioannes Stella, Pandulphus Pisanus, Ciaconius cum Antetarijs, & alij omnes, qui de Romanis Pontificibus scripserunt.

IV. NONAS IVLII.

Apud Namburgum ab Othone Imperatore relegatus hac die anno salutis 965. in pacem quic-

quieuit Benedictus V. dictus VI. in ordine Pontifex trigesimus quartus supra centesimum, vir sanctitate illustris, literis ornatus, & Apostolica Sede dignus, cuius memoria in Saxonia Catholica celebrabatur singulis annis. Ossa, Othonis III. Imperatoris auctoritate ad Urbem translata, condita sunt in Vaticano. vacauit Sedes per dies 22. supra menses octo.

Hac eadem die anno salutis 1415. Gregorius XII. in ordine septimus supra ducentesimum Pontifex Maximus, patria Venetus, per Carolum Malatestam Arimini Domicellum Procuratorem electum pro bono pacis, schismateque euertendo, in Concilio Constantiensi eam ob causam congregato, Pontificatu se abdicauit, cum sedisset in Petri Cathedra annos octo, menses septem, dies quinque, & euulgasset Cardinales quatuordecim. Obijt Recineti post biennium, anno scilicet 1417. Episcopus Cardinalis Tusculanus, Collegijque Decanus, ac Piceni perpetuus legatus, cuius corpus iacet in Cathedrali Recinetsi.

Notæ. 4. Iulij.

Benedictus. habuit aduersarium in Cathedra Leonem VIII.

Laudant Benedictum Luitprandus, Ditmarus, Genebrardus, Ciaconius, Panuinius, Baronius, Philippus Ferrarius in Catalogo Sanctorum, qui non sunt in Martyrologio Romano, Adamus Bremensis,

sis, & alij plures.

Gregorius XII. Angelus Corarius ante & post Pontificatum vocatus, ea lege Cathedram ascendit, vt primo quoque tempore se Pontificatu abdicaret, si Benedictus XIII. Pseudopontifex, quemadmodum se facturum iurauerat, idem prestuisset.

De Gregorio cum laude tractant S. Antoninus, Historia Concilij Constantiensis, Hieronymus Garimbertus, Blondus, Nauclerus, Antonius de Petro in Diarijs, Henricus Spondanus in Annal. Platina, Panuinius, Ciaconius, eiusque Auctarij, ac reliqui omnes, qui de Romanis Pontificibus scripserunt.

NONAS IULII.

Perusij in Vmbria anno à partu Virginis 1304. mense octauo ac die sexto suæ Sedis, tribus euulgatis Cardinalibus, malis artibus, vt ferunt, extinctus est Benedictus X. dictus XI. in ordine Pontifex centesimus nonagesimus sextus, in Vico S. Bartholomæi Taruisij Venetiarum natus, cuius vitæ sanctitatis, doctrinæ & prudentiæ fama cum ad Bonifacij VIII. aures peruenisset, illum in Gallia peregrinantem Ordinis Prædicatorum, quem à puero professus fuerat, censura intentum, Presbyterum Cardinalem S. Sabine dixerat. Hic statim Sciarram, aliosque in Ecclesiam coniuratos grauissimo anathemate damnauit, Philippum Galliæ Regem, ac Cardinales Columnenses à decessore sacris interdictos, absoluit; tandem ad Italiam pacandam se conuertit.

tit eo consilio, vt ea pacata Christianis in Asia dimicantibus adiumento, esse posset. Ibidem sepultus apud S. Herculanium Prædicatorum, cuius sanctitatis argumento sunt miracula, quæ ægrotis curatis, Dæmonibus expulsis, ad eius sepulchrum visa sunt. Vacauit Sedes per menses decem, & dies duodeciginta.

Notæ. 7. Iulij.

Benedictus. Nicolaus Bocasinus ante Pontificatum dictus, sui Ordinis Magister Generalis, ex Episcopo Ostiensi renuntiatus Pontifex veneno periit, ac sedit ex alijs Menses 9. vel 10. & dies 28. aut 17. vel 16. Vacauit Sedes ex Genebrardo, & Platina annum vnum, & mensem vnum, ex Sanderò verò dies sexdecim supra mensem octauum.

Laudant Benedictum præter recensitos Auctores Ægidius Viterbiensis in hist. 20. secul. Panuinius in Chronico, S. Antoninus, Volterrianus, Odericus, Brouius in Annal. Bartholomæus Burchelatus, Georgius Lazarus in Vita, Bernardus in Chronico, Ciaconius cum Auctarijs, alijque omnes, qui de Romanis Pontificibus tractarunt.

VIII. IDVS IULII.

Romæ anno seculi decimi septimi tertio supra vigesimum, spiritum emisit in Quirinali Gregorius XV. in ordine Pontifex, ducentesimus duodequadragesimus, patria Bononiensis, qui

I 2 breui

breui annorum duorum, mensium 4. dierum, vndetriginta imperio, Romam pietate, Cardinalium Senatum vndecim selectissimis viris, Aras Sanctis adauxit; Sanctorum enim ordini Isidorum Agricolam, Ignatium Societatis Iesu Fundatorem, Franciscum Xauerium Indiarum Apostolum, Philippum Nerium Oratorij Romani Institutorem, & Theresiam Virginem Carmelitici Ordinis reparatricem, Beatorum verò Ioannem è Capistrano Minoritam, & Aloysium Gonzagam è Societate Iesu adscripsit. Congregationem propagandæ fidei instituit, Hæreticos ab Italia reiecit, ac diplomata de creatione Pontificis, nec non Imperatoris edidit. fecisset plura, ni fato abreptus præpropere lugentibus omnibus Cælum petijset. Cadauer cum iacuisset in Vaticano per breue tempus, translatum ad Templum S. Ignatio à Ludouico Cardinali Ludouifio nepote sacratum. vacauit Sedes per dies 20.

Notæ. 8. Iulij.

Gregorius. *Alexander, Pompei Ludouifij, & Camillæ Blanchinæ filius, Archiepiscopus Bononiensis ante Pontificatum.*

Meminere Gregorij Michaël Nauclerus in Monarchia, Iacobus Accarifius Episcopus Vestanus in Vita, Henricus Spondanus in Annal. Eccles. Io: Rhò in exemplis virtutum, Hippolytus Marraccius in Pontificibus Marianis, Hannibal Adamus in Pallade purpu-

purpurata, Ludouicus Iacobus à S. Carolo in Bibliot. Pontif. Ferdinandus Vgbellius in Italia sacra, Cæsar Cardinalis Rasponus de Basilica Lateranensi, Auētarij Ciaconij, Virginius Casarinus, in carmine, & alij plures.

VII. IDVS IVLII.

Tibure anno salutis 1153. è vita migravit Eugenius huius nominis tertius, in ordine centesimus sexagesimus nonus Pontifex Maximus, natione Tuscus, Monachus Cisterciensis, ætate, gratia, & sanctitate venerabilis, qui spatio annorum octo, mensium 4. ac dierum 12. quo Rempublicam Christianam administrauerat, Terracinam, Setia, Narniam & Arcem Fumonis à dominio D. Petri iam diù alienata, recuperauit, Ludouicum Regem ad ultramarinam expeditionem animauit, Noruegiam ad borealem plagam sitam, per suos Nuncios ad Christi fidem traduxit, Romanos tumultibus agitados placauit, Cardinalium Collegium, viginti quatuor selectissimis viris auxit. Corpus Romam relatum media Vrbe in Basilicam Vaticanam illatum ante aram maximam conditum est. Vacauit Sedes per dies tantum duos.

Notæ. 9. Iulij.

Eugenius. *Petrus Bernardus Abbas SS. Vincentij & Anastasij ad aquas Saluias, in oppido agri Pisani,*

cui Montis magni nomen est, natus, extra Collegium creatus Pontifex.

Multos Cardinalatu non insignitos ad supremum D. Petri solium ascendisse ex monumentis antiquis exploratum est, hi autem sunt Gregorius videlicet V. Saxo, Imperatoris Sacerdos à Sacello, anno 995. Silvester II. Archiepiscopus Rauennas 998. Clemens II. Saxo Episcopus Bambergensis 1047. Damasus II. Episcopus Brixienfis 1048. Leo IX. Episcopus Tullensis 1049. Victor II. Suenus Episcopus Eistatensis 1055. Nicolaus II. Episcopus Florentinus 1058. Alexander II. Episcopus Lucensis 1061. Callistus II. Archiepiscopus Viennensis 1119. Urbanus IV. Patriarcha Hierosolymitanus 1261. Gregorius X. Archidiaconus Leodiensis 1271. Cælestinus V. Eremita cultor & Abbas 1294. Clemens V. Archiepiscopus Burdegalensis 1305. Urbanus V. Abbas S. Victoris Massiliae 1362. Urbanus VI. Archiepiscopus Barensis 1378. præter Amedeum, & alios electos in schismate, ac præter nonnullos antiquiores.

Laudant Eugenium Baronius in Annal. Otho Frisingensis Episcopus, Petrus Manlius in Opusc. sac. hist. Momalbus in hist. Cisterciensi, Chrysothomus Henriquez in fasciculo SS. Cisterciensium, S. Bernardus Abbas in Epist. & in lib. de consideratione, S. Antoninus, Ioannes Saresberiensis, Hugo Ostiensis in epist. de eius obitu, Ciaconius cum Aretarijs, & reliquis, qui historiam Pontificalem prosequuti sunt.

VI. IDVS IVLII.

Anno post Christum natum 984. Pontificatus mense primo, dieque decimo supra nouennium excessit Benedictus VIII. dictus VII. Pontifex in ordine centesimus vndequadragesimus, patria Romanus, vir magni animi & spiritus, qui singularis doctrinæ, iustitiæ, caritatis laude commendatus, quietam, tranquillamque Urbem reddidit ob comprehensos, & graui pœna multatos viarum grassatores; Arnulphum Episcopum Remensem seditione quorundam pulsum, habita Synodo in integrum restituit, Clericorumque mores corruptos restaurauit. sepultus ad S. Crucem in Hierusalem, quam Basilicam cum Monasterio proximo vetustate collabentem reparauerat. Vacauit Sedes per dies quinque.

Notæ. 10. Iulij.

Benedictus. Deusdedit antea dictus, ex Comitibus Tusculanis, Alberici Consulis Romani filius, sedit ex alijs Menses quinque supra octennium, obiitque in exilio; alijs in Vrbe post exilium.

Est nostri Benedicti mentio apud Ditmarum, Baronium in Annal. Henricum Ludouicum Rupipozem in Nomenclatore Cardinalium, Ciaconium, Panuinium, Platinam, Stellam, & reliquos omnes.

Romæ Beati Pij Papæ vndecimi & Martyris, patria Aquileiensis memoria, qui edixit fidelibus, vt Pascha die dominico celebrarent, pœnas item ijs imposuit, qui negligenter Christi corpus attrectantes elabi sinerent, quique in persecutione Marci Aurelij Antonini anno Domini 165. cum sedisset Menses quinque, ac dies 27. supra annum vndecimum, & quinque Ordinationibus consecrasset Episcopos XII. Presbyteros XVI. Diaconos XXI. martyrio coronatus est. Corpus in Vaticano sepultum, vacauit Sedes per dies 13.

Notæ. 11. Iulij.

Pij, fuit Ruffini filius, & administrauit ex alij Christianam Rempublicam annos nouem, menses sex minus tribus diebus. Liber Romanorum Pontificum inscriptus Damasus eidem annos nouemdecim, menses quatuor, diesque tres tribuit, & Eusebius annos 15.

Est Pij mentio apud Martyrologium Romanum, Bedam, Vsuardum, Adonem, Baronium in Notis, & in Annal. S. Irenæum, Epiphanius, Optatum, Augustinum Epist. 165. Nicephorum Episc. in Chronico, Martinum Polonum, Io: de Columna, Ptolomæum Lucensem, Franciscum Petrarcam, Nicemium, Platinam, Simonettam, Ciaconium, eiusdemque Auctarios, & alios plures.

III. IDVS

Romæ S. Anacleti Papæ & Martyris natione Græci, patria Atheniensis memoria, qui post S. Petrum quartus, Ecclesiam Dei regens per menses duos, diesque duodetriginta supra nouennium, eam glorioso certamine hac die anno Christi 112. inito decorauit, cum semel Episcopos sex, Presbyteros quinque ac Diaconos tres ordinasset. Vtuit hic religiosus viris comam & barbam nutrire, Episcopum non nisi à tribus alijs Episcopis consecrari debere, ac Clericos non clam, sed publicè ad sacros Ordines admitti. Eius corpus iuxta B. Petri in Vaticano reconditum. Vacauit Romana Sedes per dies tredecim.

Ibidem anno 574. vbi sedisset annos 13. diesque 16. extinctus est Ioannes huius nominis Tertius, in ordine Pontifex sexagesimus secundus, patria Romanus, qui ampliauit, & restaurauit Cœmeterium SS. Martyrum, ac perfecit Ecclesiam SS. Apostolorum à decessore Pelagio inchoatam; Narserem Romanis infensum placauit, Armenos ad Christi fidem accedentes, benignissimè excepit, & ordinauit Episcopos 61. Presbyteros 38. Diaconos 13. post obitum sepultus ad Vaticanum in Secretario; vacauit Sedes dies tres, & Menses decem.

Notæ.

Notæ . 13. Iulij .

S. Anacleti . *Antiochi filius , Martyrium subijt ex alijs anno 110. 6. Kal. Maij. Græci cum Cleto Anacletum confundunt , ex duobus unum facientes .*

Celebrant Anacletum Martyrologia omnia tum græca , tum latina , S. Ignatius M. Epist. ad Mariam Cassablitern , Irenæus , Eusebius in Chronico , Nicephorus Episcopus , Optatus , Augustinus epist. 165. Baronius in Notis , & in Annal. Platina , Panuinius , Ciaconius , eiusdemque Auctarij , Stella , Gonsalvus Illescas in hist. Pont. & alij plures .

Ioannes . cognomento Catellinus Anastasi filius sedit Panuinio affirmante annos 10. & dies 15. ex Baronio verò annos 13. minus 14. diebus .

De quo Ciaconius cum Auctarijs in Vita , Anastasius Bibliothecarius , Binius in Notis ad Concilia , Paulus de Angelis in descriptione Basilicæ Vaticanæ , & reliqui alijs laudati , qui Pontificiam historiam descripserunt .

XV. KAL. AVGVSTI.

Romæ anno post Christum natum 1009. è vita migravit Ioannes huius nuncupationis duodeagesimus , in ordine quadragesimus sextus supra centesimum Pontifex , patria Romanus , qui Episcopatus Bambergensem in Germania superiori , & Senensem in Etruria crexit , ali-

quot-

quotque Urbis Ecclesias vetustate corruentes reparavit , ac sedit Menses septem diesque vndetriginta supra quinquennium . Sepultus Laterani ; vacavit Sedes per dies triginta .

Notæ . 18. Iulij .

Ioannes . *Ioannes Fasanus , seu Fanassus de Vico Porta Methodij ante Pontificatum dictus . Platina XX. alij XIX. hunc Ioannem nominant , sed in diplomatibus extantibus XVIII. dicitur . Sepultus Panuinio affirmante in Vaticano .*

Huius Pontificis acta recitant Ditmarus , S. Antoninus , Io: Stella , Iacobus Gaulterus , Guillelmus Biblioth. Martinus Polonus , Io: de Columna , Prolomeus Lucensis , Ferrarca , Niemus , Simonetta , Baronius , Ciaconius cum Auctarijs , & alij plures .

XIV. KAL. AVGVSTI.

Romæ anno à partu Virginis 514, Symmachus Papa , in ordine quinquagesimus secundus natione Sarduus , Schismaticorum & Hæreticorum factione diutius fatigatus , sanctitate vitæ conspicuus , cum sedisset annos quindecim , Menses septem , & dies duodeviginti , migravit ad Dominum . Plures hic Urbis Ecclesias exornavit , Synodum Ravennatensem , & Romanam quintam contra Schismaticos celebravit , sacro que oleo unxit Episcopos 117. alijs 132. Presbyteros 92. Diaconos 16. Episcopis in Sardi-

Sardinia Catholicae fidei causa exulantibus, vestitum, & rem nummariam dum vixit suppeditavit; Captiuos plurimos à diuersis locis redemit, & instituit, vt diebus festiuis *Gloria in excelsis Deo*, caneretur in Templis. Post obitum sepultus in Vaticano, cessauit eius Episcopatus per dies septem.

Notæ . 19. Iulij .

Symmachus . alijs Cælius Symmachus , Fortunati filius , sedit ex Anastasio Menses 8. diesque 26. ex Platina verò Menses 6. & dies 22. supra annos 15.

De hoc Sancto Pontifice plura habent Baronius in Notis ad Martyrologium Romanum, & in Annal. Iacobus Gretserus in Exam. Myst. Pless. Binius in Notis ad Concilia, S. Antoninus, Ciaconius cum Auctarijs, & alij omnes, qui euulgarunt historiam seu sanctam, seu Pontificiam.

XIII. KAL. AVGVSTI.

Anno post partum Virginis 1216. Innocentius III. Pontifex, in ordine septuagesimus octauus supra centesimum, Comitum Signiæ genere, Anagninæ in Campania natus, cum Pisani, & Genuenses maritimo & terrestri bello decertarent, tollendæ discordiæ causa, Roma discedens, per Perusium transiens, morbo correptus ibidem moritur Mense sexto, dieque nono

nono supra annum duodeuigesimum sui Pontificatus, doctrina & moribus insignis, qui in Vrbe celebrato apud Lateranum Concilio, cui interfuerunt Archiepiscopi septuaginta, quadringenti circiter Episcopi, octingenti Abbates, legati fere omnium Principum Catholicorum, cum Patriarchis, Constantinopolitano, & Hierosolymitano, Xenodochia duo erexit, alterum in Monte Cælio, alterum in Ciuitate Leonina, primum Religiosis Sanctissimæ Trinitatis Redemptionis Captiuorum, secundum Clericis S. Spiritus à se institutis, commisit. Sanctis Homobonum Cremonensem adscripsit, Othonem V. coronauit, bellum Asiaticum, promouit, multisque ordinationibus quamplures Cardinales euulgauit, quorum quadraginta duorum tantum memoria extat. Corpus in Cathedrali eiusdem Urbis sepultum; vacauit Sedes per diem vnum.

Notæ . 20. Iulij .

Innocentius . Lotharius ante Pontificatum nuncupatus, Trasimundi filius, sedit Platina auctore Menses 7. diesque 18. supra annum duodeuigesimum; obijitque teste Panuinio 17. Kal. Augusti.

Huius Pontificis acta referunt Conradus Urspergensis Abbas, Ioannes Trithemius, Nicetas, S. Bonauentura in Vita S. Francisci Assisnatis, Mathaus Parisius in Anglia, Odericus, & Ezonius in Ecclesiasticis Annal. Auctor Nomenclatoris Cardina-

dinalium, Auberus Miræus, Ciaconius cum Auctarijs, & alij omnes, qui de Romanis Pontificibus tractarunt.

XII. KAL. AVGVSTI.

Anno Dominicæ natiuitatis 987. subita morte raptus est Bonifacius VII. in ordine Pontifex centesimus trigefimus octauus, qui cum Romanam Sedem inuasisset, coactus à Benedicto Cardinali, Roma discedens Constantinopolim fugit, magno assumpto thesauro ab Urbis Ecclesijs, quas ornamentis omnibus expoliavit. Imperatoris Constantinopolitani fauore Romam repetens, Ioannem Cardinalem magnæ auctoritatis virum oculis priuauit, & Ioannem XIV. Pontificem vinculis alligatum detrussit in carcerem, quare omnibus exosus, mortuus fuit ad pedes ligato in platea Lateranensi per aliquot dies inhumatus iacuit; opera tamen nonnullorum Clericorum noctu sepulturæ datus in Laterano; vacauit Sedes per dies decem.

Notæ. 21. Iulij.

Bonifacius. cognomento Franco, Ferrutij filius, cuius patria ignota, inter Pontifices legitimos ab aliquibus, ab alijs verò inter spurios connumeratur.

Vide Baronium, Bellarminum, Leonem Ostiensem, S. Antoninum, Iacobum Gualterium in Tabula Chro-

Chronolog. Ciaconium, eiusdemque Auctarios, Panuinium, Io: Stellam & alios, qui de Romanis Pontificibus scripserunt.

VIII. KAL. AVGVSTI.

Romæ in Vaticano hora noctis quinta, anno salutis 1492 ætatis 62. Pontificatus 7. Mense 10. die 27. excessit Innocentius huius nominis VIII. in ordine ducentesimus decimus septimus Pontifex Maximus, patria Genuensis, clara gente natus, qui Basilicam Vaticanam ferro hastæ, quod latus Domini pendentis in Cruce perfoderat, à Baiazete Turcarum Imperatore in donum accepto, ditauit; Collegium Cardinalium tredecim præstantissimis viris auxit; cum Sanctis Leopoldum Marchionem Austriae adnumerauit; Principes Christianos sæpius iteratis nuncijs ad concordiam, ac proinde ad expeditionem Turcicam hortatus est, Sicarios, & grassatores sustulit; annonam auxit; Boccalinum Auximorum Tyrannum domuit; Carlottæ Cypri Reginae in Vrbe defunctæ parentauit; plures Urbis Basilicas restaurauit; Zizimum Bajazetis fratrem cum honore excepit: Romanis inter se reconciliatis antiqua priuilegia firmavit. Corpus in Basilica Vaticana sepultum aereo in monumento. Vacauit Sedes per dies sexdecim.

Notæ.

Notæ. 25. Iulij.

Innocentius. Io: Baptista Cybo ante Pontificatum nuncupatus, Genuæ, Liguria Metropoli, Aarone patre genitus, cuius Maiores ex nobili, antiquissimaque gente in Græcia nati, ante quingentos annos Neapoli, & Genuæ, Urbibus Italiae clarissimis condecorant.

Celebrant Innocentium Angelus Politianus, Matthæus Bossius Veronensis in Epist. Leonellus in Oratione funebri; Vbertus Folietta in Elogijs Ligurum Hippolytus Marraccius in Pontif. nec non in Biblioth. Mariana, Hieronymus Garimbertus, Io: Maria Vailardus in Vita Italicè descripta, Panuinius, Ciaconius cum Auctarijs, & reliquis, qui historiam Pontificiam euulgarunt.

VII. KAL. AVGVSTI.

Anno salutis 1429. Pontificatus sui quinto, coactus ab Alfonso Rege Aragoniæ, seu ex alijs spontè, depositis vestibibus, de Sede descendens, verbo & scripto Pontificatus nuncium remisit Clemens VIII. qui Sedis Apostolicæ auctoritate, & gratia ordinatus est Episcopus Maioritensis. hic in Schismate contra Martinum III. alijs V. à duobus, vel tribus Cardinalibus Peninsulæ oppido Regni Valentia munitissimo, studio Regis Aragoniæ, Martino Pontifici infensi, electus fuerat ex Canonico Ecclesiæ Barcinonensis.

nonensis Pseudopontifex, & quinque renuntiaverat Pseudo Cardinales.

Notæ. 28. Iulij.

Clemens. Egidius Sanctij Munionis, alias Mugnotius dictus, natione Hispanus.

De hoc tractant Henricus Spondanus in Eccles. Annal. Balthassar Porregius in Elogijs Cardinalium Hispanorum, Felix Contelorius in Elencho, Monumenta Archiuij Molis Adrianae, Ciaconius cum Auctarijs, & alij multi.

VI. KAL. AVGVSTI.

Hac die, Romæ anno post Christum natum, 855. Pontificatus sui octavo, Mense tertio, dieque pariter tertio, habitis duabus Ordinationibus Episcoporum 63. Presbyterorum 19. Diaconorum 8. ad superos euolauit Leo huius nuncupationis IV. in ordine centesimus quintus Pontifex Maximus, patria Romanus, vir sanctissimus, & optimè de Ecclesia Dei, deque Vrbe Roma, ac nomine Christiano meritis, consilio, auctoritate, diligentia, doctrina, magnificentia præclarorum operum clarus. Creditum est, huius præcibus Classem Saracenorum, post depopulatam, vexatamque Italiam in mari perijisse. eo orante Serpens, qui multos veneno necauerat, ex Ecclesia S. Lucia in Orphea, in qua latebat, eicitur. Incendium quoddam

apud S. Petrum excitatum, signo Crucis extinxit, Vaticano muros circumduxit, quem locum Ciuitatem Leoninam de suo nomine appellauit. Fores argenteas S. Petri ab Agarenis direptas, restituit, Concilium septem & quadraginta Episcoporum in Vrbe vocauit; Ostiam à Saracenis vastatam, & prope ad solitudinem redactam, Sardis, & Coris, incolendam dedit; Angliæ Insulam Ecclesiæ vectigalem, Alidolphi Regis pietate factam Pontificum prius vidit. Accusatus, quòd omne imperium penès Constantinopolitanos transferre curaret, ita sese apud Lotharium purgauit, vt improbos delatores pœnas dare coegerit. Post obitum sepultus ad S. Petrum, vacauit Sedes vsque ad electionem Successoris per dies sex. Huius in Sanctorum numerum relati natalis dies annua commemoratione recolitur 16. Kal. Augusti.

Notæ. 27. Iulij.

Leo. Rodulphi filius, ante Pontificatum Leo etiam dictus, sedit ex alijs Menses sex, totidemque dies, seu Menses tres, dies 5. supra annos octo. Corpus iacet in Vaticano, cuius pars translata in Gallias, ad Ecclesiam Monasterij S. Petri Condomiensis.

Res ab hoc Pontifice præclarè gestas descripsere Anastasius Bibliothecarius, Baronius in Annal. & in Notis ad Martyrologium Romanum, Petrus in Catal. Auctoz Romæ subterraneæ, Panuinius, Platina, Ciaco-

Ciaconius, cum Auctarijs, alijque omnes Historici tum sacri, tum prophani.

V. KAL. AVGVSTI.

Romæ anno salutis humanæ 203. martyrio gloriose occubuit Victor I. in ordine Pontifex decimus quintus, natione Afer, qui per mensem vnum, diesque 26. supra nouennium Ecclesiæ nauim summa prudentia, ac sanctitate regens, Theodotum Byzantinum, qui Christum, Deum esse negabat, è fidelium numero seiunxit, comprobauitque, vt Paschæ solemne sacrum die Dominico ex Eleutherij sententia celebraretur. Corpus sepultum in Vaticano, vacauit Sedes per dies vndecim.

Ibidem anno Christi 417. cum sedisset annos 15. Menses 2. dies 10. & quatuor ordinationibus consecrasset Episcopos 54. Presbyteros 30. Diaconos 15. sanctitate illustris ad Superos euolauit Innocentius I. in ordine Pontifex quadragesimus primus, patriam Albanam, qui Pelagianam hæresim damnauit, & Cataphrygas hæreticos Vrbe expulit. hic alter iustus Loth, occulta Dei prouidentia subtractus fuit, vt peccatoris Populi non videret excidium, apud Rauennam positus, quando Roma à Gothis capta & direpta fuit. Corpus conditum ad Vrsam pileatum apud S. Bibianam, inde translatum ad titulum Equitij. vacauit Sedes per dies 22.

Eadem die anno 1057. Florentiæ in Etruria decessit Victor II. in ordine Pontifex quinquagesimus quintus supra centesimum, natione Germanus, qui tantæ tolerantia in perferendis iniurijs, quæ sibi passim à Romanis inferebantur, vt quoties aliquid molestiæ ab eis paterebatur, dicere solitus fuerit, Quod fecit Saulus, Paulum pati necesse est, neque ad vindictam ultra accendebatur. Synodum Florentiæ celebravit, vbi Episcopos complures tum Simoniacos, tum ob turpem vitam Episcopatu priuauit, & Clericis viuendi rationes præscripsit, eosque pœna deterruit, si qui ab Ecclesiæ legibus desicerent. Sedit per Menses tres, diesque 15. supra biennium. Corpus in Ecclesia S. Reparata sepultum, vacauit Sedes per dies quatuor.

Anno verò 1471. Pontificatus 6. Mense 10. apoplexia suffocatus mortuus est Paulus II. in ordine Pontifex ducentesimus decimus quintus, patria Venetus, è vetusta Barborum familia, præclaris naturæ dotibus Auunculo Eugenio IV. non inferior, iustitiæ, pietatis, diuinarumque cœremoniarum cultor religiosissimus, Ecclesiasticæ libertatis, maiestatisque defensor constantissimus, in Iudices seuerus, in Principes munificus, in Pauperes misericordia insignis, qui annonæ copiam in Vrbe conseruauit, Populorum errores benignissimè correxit, Cardinalibus purpuratas vestes dedit, eorundemque Senatui duodecim selectissimos viros de nouo adscripsit; Fridericum Cæsarem, & Borsonem primum

primum Ducem Ferrariæ Romam venientes, apparatussuscepit; Vngaros & Germanos in Georgium Bohemiæ Regem, perfidum hominem commouit. Ædes ad S. Marcum, & in Vaticano magnificentissimas ædificauit, & suos audaces nimium, & insolentes non tulit. Tumultus post obitum in Vaticano; vacauit Sedes per dies quatuordecim.

Nota. 28. Iulij.

Victor I. Felicis filius, cuius acta, iropia Scriptorum ad nos non peruenerunt. Theodotum Byzantinum, opificem Corinthium, Coriarium arte, multa tamen eruditionis, ac doctrina, impium Apostatam damnauit.

De Victore hoc agunt Baronius in Annal. & in Notis ad Martyrologium Rom. Eusebius in Chronico, Optatus Miluitanus, Augustinus epist. 165. Recordatus Malaspina in hist. Nigraualles, Ciaconius cum Auctarijs, & reliquis historicis de Romanis Pontificibus.

Innocentius. Innocentij filius sedit ex Anastasio dies 20. ex Platina 25. ex Panuino 21. supra annos 15. & Menses 2. Baronius verò Mensem unum & dies 10. supra annum indicatum eidem tribuit. Obijt non 5. sed 6. Kal. Augusti.

Innocentij acta digessit Ciaconius, eiusdemque Auctarij, præter laudatos auctores, & alios multos.

Victor II. Eberardus Episcopus Aistatensis, Arduigi

duigi filius ex Comitibus Calbensibus, propinquo sanguine Imperatores tangentibus natus.

De Victore præter alios laudatos Auctores historia Pontificiæ, tractant Leo Ostiensis in Chronico, Petrus Damiani in Epist. Iacobus Gaultierius in Tabul. Chronograph. S. Antoninus, & alij plures.

Paulus II. Petrus Barbus ante Pontificatum nuncupatus, obiit ex Contelorio 7. ex alijs 8. Kal. Augusti anno ætatis 54. quare aberrant illi, qui Paulum octogenario maiorem Petri Cathedram ascendisse credunt.

Paulum celebrant Ægidius Cardinalis Viterbiensis in hist. 20. secul. Cardinalis Papiensis in literis; Raphaël Volaterranus, Hippolytus Marraccus in Pontif. & in Biblioth. Mariana; Ferdinandus Vghelius in Italia sacra, Iacobus Gretserus, Hieronymus Garimbertus, Ciaconius cum Auctarijs, Platina, alijsque omnes, qui historiam Pontificiam prosequuti sunt.

IV. KAL. AVGVSTI.

Anno post Christum natum 1099, Romæ in Palatio Petri Leonis viri nobilissimi & potentissimi, prope S. Nicolai in carcere ædem sacram, de Romana Sede optimè meritis beato sine quieuit Vrbanus huius nominis II. in ordine Pontifex, centesimus sexagesimus primus, natione Gallus, patria Remensis, Auctor expeditionis in Infideles, Synodi Barenfis in Apulia,

Pla-

Placentinæ in Gallia Cisalpina, & Claromontanæ in Gallia, quibus interfuit, qui sedit annos vndecim, Menses tres, dies 18. Clementis III. Pseudopontificis sectatoribus insectanter semper inuisus, quare in Insula Lycaonia Tyberis per menses plures latuit, Romanarum Matronarum benignitate sustentatus, inter Cardinales, viros quadraginta & vnum cooptavit, cuius Corpus per Transtyberinam regionem ad vitandas inimicorum insidias, qui etiam mortuum lædere conabantur, ad S. Petrum in Vaticano delatum, ibi honorificentissimè marmoreo sepulchro conditum. Vacavit Sedes per dies quatuordecim.

Ibidem eadem die, anno salutis 1644. ætatis 77. post expletos in Pontificatu vnum & viginti annos, octo diebus exceptis, piè mortuus est in Quirinali Vrbanus VIII. in ordine ducentesimus vndequadagesimus Pontifex Maximus, patria Florentinus, Barberina gente natus, vir magni ingenij, & prudentiæ singularis, humanissimus, ac in familiares munificus, qui ditionem Ecclesiasticam Munimentis firmavit, Armamentarijs instruxit, Opificijs ac Prouincijs auxit, Urbem ædificijs illustravit, ac mœnibus cinxit, eandemque contagij morbo immunem sua vigilantia seruavit, Iubilæum celebravit, Ansanum Calastatum Piratam Thyrreni maris infensissimum extrinxit, Aris Sanctos, Cardinalibus Eminentiam, septuaginta quatuor selectissimis viris sacram purpuram concessit. sua-

K 4 rum

rum Apum aculeum solum in perduelles viurpans, mel retinuit pro reliquis. Post obitum, in Tumulo Vaticano, quod sibi viuens parauerat, appositus est. Vacauit Sedes per mensem vnum, & dies 17.

Notæ. 29. Iulij.

Vrbanus II. Otho ante Pontificatum vocatus Monachus Cluniacensis, & Episcopus Ostiensis, à Gregorio VII. decessore morti proximo dignus tanta dignitate pronuntiatus, sedit ex alijs menses quatuor, diesque duodeviginti supra annum undecimum, cuius memoria vti viri sancti colitur in Martyrologio Monastico, & apud Philippum Ferrarium in Catalogo Sanctorum, qui non sunt in Martyrologio Romano.

Huius acta sunt apud Petrum Diaconum in hist. Cassinensi, Guillelmum Tyrium de bello sacro, Amoinum, Augustinum Vvichmans in Sabbatismo Mariano, Arnoldum Vvion in Ligno vite, Honorium Augustodunensem, S. Antoninum, Genebrardum, Marraccium in Pontificibus Marianis, & in Biblioth. Petrum Frizonium in Gallia purpurata, Gubertum Abbatem in hist. Hierosolymitana, Annales Cisterciensium, Baronium in Annal. Trithemium, Radulphum Tungrensem, Vincentium in Speculo, Ciaconium eiusque Auctarios, & alios omnes, qui Romanorum Pontificum Vitae descripserunt.

Vrbanus VIII. Maphæus Barberinus ante Pontificatum

catum nuncupatus, Antonij ex Camilla Barbadora uxore filius, Sanctis Elisabetham Lusitania Reginam, Andream Corsinum Episcopum Fesulanum, & Martyres plures Iapponenses, nec non Beatis Mariam, Magdalenam de Pazzis Virginem Florentinam, & Franciscum Borgiam Ducem Gaudie, ac III. Præpositum Generalem Societatis Iesu adscripsit.

Huius Pontificis vitam euulgarunt Fr. Lucas Vvadingus, Franciscus Thomasuccius, Auctarij Ciaconij, Theodorus Amydenus, eiusdemque virtutes explicarunt Hippolytus Marraccius in Pontificibus Marianis, Io: Baptista Vrsus in Inscriptionibus, Hieronymus Ghillinus in Teatro, Io: Imperialis in Museo, Guido Cardinalis Bentiuclius in hist. Belgica, & in memorijs historicis, Ferdinandus Vghellius in Italia sacra, Sfortia Pallauicinus, Franciscus Alterius in Idilio; Hieronymus Locadellus, Atilius Marcellinus, Aurelius Vrsus, Matthias Sarbinius in Carminibus, & Historici omnes nostra ætatis.

PRIDIE KAL. AVGVSTI.

Anno Domini 579. cum sedisset annos 4. Mensem 1. diesque duodeviginti, sollicitudine, & dolore, quem in calamitatibus Urbis Romæ, ac Italiæ conceperat ex incursionibus Longobardorum, mortuus est Benedictus primus, patria Romanus, Pontifex in ordine sexagesimus tertius, qui Italiam fame, & inædia laborantem, magna frumenti copia ex Ægypto aduecta, sub-

lena-

leuauerat, vnicaque ordinatione Episcopos vnum & viginti, Presbyteros quindecim, Diaconos tres consecrauerat. Sepultus in Secretario Basilicæ Vaticanæ. Vacauit Sedes per menses tres & dies x.

Notæ. 31. Iulij.

Benedictus. cognomento Bonofus ex Patre Bonifacio, sedit ex Panuino Menses duos, & dies quindecim supra triennium, seu ex Baronio Mensem vnum, dies 28. supra quartum annum.

Est Benedicti mentio apud Petrum Ricordatum in historia Monastica, Platinam, Ciaconium, eiusdemque Auclarios, & reliquos, qui de Romanis Pontificibus scripserunt, quorum aliqui hunc cum Benedicto II. confundunt.



AVGV-

Romæ in Cœmeterio Callisti natalis S. Stephani Papæ huius nominis primi, in ordine vigesimi quarti, patria Romani, qui vetitone Sacerdotes & Leuitæ vestibus uterentur sacris, præterquam in sacris celebrandis, in persecutione Valeriani, anno salutis humanæ 260. dum Missæ sacrificium perageret, superuenientibus Militibus, ante altare intrepidus, & immobilis cœpta mysteria perficiens, Pontificatus anno 3. Mense 3. die 26. securi percussus est cum bis Episcopos tres, Presbyteros sex, Diaconos quinque creasset; cuius Corpus ex Callisti Cœmeterio, in quo primò conditum, Paulus huius nominis primus Pontifex in nouo Templo, quod Romæ in domo paterna à fundamentis in huius, nec non Siluetri honorem extruxerat ad Campum Martium, condidit. Vacauit Sedes post Stephani obitum per dies 22.

Ibidem anno 638. dolore concepto ob prædatos Ecclesiæ Thesauros extinctus est Severinus, huius nuncupationis primus, in ordine Pontifex septuagesimus secundus, patria Romanus, Pontificatus sui post annum primum, mense secundo, die tertia, vir singularis pietatis, & religionis, amator Pauperum, in calamitosos benignus, in omnes munificus, in reparandis

Ten-

Templis splendidus, vna tantum habita Ordinatione Episcoporum nouem. Sepultus ad Sanctum Petrum, vacauit Romana Sedes, vsque ad nouam consecrationem Menses 4. dies 22.

Nota. 2. Augusti.

Stephanus. alijs Iulius Stephanus, Iulij filius, de cuius Sedis annis diuersæ sunt sententiæ, verior est illa, quam superius indicauimus. Huius acta sincera & indubitata ex Notarijs explicarunt Ado, Vsuardus, Beda, atque ex illis Simeon Metaphrastes, Baronius in Annalibus, & in Notis ad Martyrologium Romanum, Eusebius in Chronico, Cyprianus, Optatus, Augustinus, Nicephorus, Ciaconius, eiusdemque Auctarij, ac reliqui omnes, qui de Romanis Pontificibus tractarunt.

Seuerinus. Labieni filius, alijs Seuerianus, cuius Sedi Panuinius annos duos, menses quatuor, Anastasius dies 4. supra menses undecim tribuunt.

Mauritius Carthularius Tribunus Militum Isacii Exarchi, cum Ministris Imperatoris diripuerat Lateranensem Thesaurum opulentissimum, ad eam diem intactum.

Celebrant Seuerinum præter alijs laudatos Auctores, Hieronymus Rubeus in hist. Rauenna, Bellarminus, Baronius in Annal. Ciaconius cum Auctarijs, & alij.

III. NONAS AVGVSTI.

Romæ anno à partu Virginis 686. longa & graui

gravi infirmitate correptus, vir tamen eximia religione, & probitate, obiit Ioannes V. Pontifex Maximus in ordine octogesimus tertius, consecratus sine Imperatoris Constantinopolitani assensu, natione Syrus, vnica tantum habita ordinatione Episcoporum 13. cum sedisset in Petri Cathedra dies nouem supra annum vnum, vacauit Sedes post huius obitum menses duos, diesque duodeuiginti.

Nota. 3. Augusti.

Ioannes. Cyriaci filius sedit ex Baronio dies undecim, ex S. Antonino dies octo supra annum vnum; ex qua diuersitate, plures variant in assignanda die obitus, quorum aliqui 4. Nonas, alij 8. Idus Augusti euenisse affirmant.

Meminere Ioannis, Panuinius, Platina, Baronius, Ciaconius, eiusdemque Auctarij, & reliqui omnes, qui historiam pontificiam elucubrarunt.

VIII. IDVS AVGVSTI.

Romæ via Appia in Cœmeterio Callisti natalis B. Xixti huius nominis secundi, in ordine vigesimi quinti Papæ, & Martyris, natione Græci, patria Atheniensis, qui anno Dominicæ Natiuitatis 261. in persecutione Valeriani gladio animaduersus, martyrij coronam accepit, cum ordinasset Episcopos duos, Presbyteros quatuor, Diaconos septem, atque in Pontificatu

haud

haud integrum exegisset annum. Corpus, è Cœmeterio Callisti ad Ecclesiam suo nomini erectam via Appia, iuxta Piscinam publicam, Tigridis Titulum dictam, deductum scimus. Vacauit post illius martyrium Sedes per mensem vnum, & dies quinque.

Ibidem eadem die anno Christi 523. obdormiuit in Domino, S. Hormisda Papa, in ordine tertius supra quinquagesimum, natione Campanus, patria Venafrinus, qui præfuit Ecclesiæ per annos nouem, ac dies vndecim, & prouincialem Synodum in Vrbe habuit, omniumque assensu Eutychanos iam antea improbatos damnauit, & accepit à Christianissimo Clodoueo Rege coronam auream cum gemmis, Regnum deinde nuncapatam, quo Romani Pontifices successores vsi sunt in solemnioribus diebus. de more creauit Episcopos 55. Presbyteros 21. Diaconos 10. Corpus in Basilica S. Petri ad Vaticanum conditum. vacauit post eius obitum Sedes Romana per dies sex.

Anno verò 1458. Romæ in Palatio Vaticano, octogenario maior mortuus est Callistus III. Pontifex, in ordine decimus tertius supra ducentessimum, natione Hispanus, patria Valentinus, qui post coronationem votum vouit aduersus Turcas, quare bellum illis indixit. breui tamen Pontificatu, nam non sedit nisi annos tres, & menses quatuor, quæ mente conceperat, perficere non valuit; Claruit scientia iuris, & multarum rerum experientia. Inter San-

ctos

ctos retulit Osmundum Anglum Episcopum, & Vincentium Ferrerium, Hispanum, Ordinis Prædicatorum, qui Pontificatum multis ab hinc annis ei prædixerat, ac Cardinalium Senatuum nouem viris selectissimis auxit, quorum duo successerunt in suprema dignitate. Contentiones Romæ exortas inter Vrfinorum factionem, & Comitem Anguillariæ, cui fauebant Columenses, sua auctoritate sedauit; instituit, vt ad ictum Campanæ, in meridie fideles ad Deum conuersi suos ardentibus precibus iuuarent, qui cum Turcis dimicabant; in Pauperes liberalissimum, victu continentissimum fuisse tradunt; facilem cuiuis ad se aditum præbebat, nec varijs occupationibus circumuentus, diuinarum & humanarum rerum studia intermisit. Corpus sepultum ad Vaticanum in Templo dicto *Rocundum*, S. Mariæ de Febribus. Vacauit Sedes eo mortuo per dies duodecim.

Notæ. 6. Augusti.

Sixtus. *Philosophi filius, doctissimus ex Philosopho, Christi discipulus, sedit Authore Damaso annos duos, totidem menses, & dies sex, cuius corpus Philippi Ferrarij sententia Derthonæ in Insubria iacet. Caput tamen ac brachium in Gallia esse Andreas Saussay in Martyrologio Gallico affirmat.*

Prudentius Xistum cruci affixum tradit.

Laudant tantum virum Latini in Martyrologio, Græci in Menologio 4. Nonas Augusti, Platina,

Pannu-

Panuinius, Maphæus Cardinalis Barberinus in Car-
mine, Gretserus contra Plessum, Ciaconius cum
Auctarijs, Baronius in Annalibus, & in Notis, &
reliqui omnes, qui historiam sanctam, aut pontificiam
enulgarunt.

Hormisdæ. alijs Cælius Hormisdæ filius Iusti de
Frusinone, unde Frusinas creditus, obiit ex alijs an-
no 522.

Huius acta digessit in Annalibus Baronius, Pla-
tina, Panuinius, Anastasius, Ciaconius & alij ea-
dem referunt.

Callistus III. Alphonsus Borgia ante Pontifica-
tum nuncupatus, Ioanne patre, & Francisca genitus,
Crucem aduersus Turcas indixit.

De Callisto Pius II. in Commentarijs, Panui-
nius, Cochleus in hist. Hussitarum, Ægidius Viter-
biensis, Carolus Sigonius de Episcopis Bononiensibus,
Philippus, Garimbertus, S. Antoninus, Gene-
brardus, Ianus Vitalis, Felix Contulorius in Elen-
cho, Hippolytus Marraccius in Pontificibus Maria-
nis, Arnoldus Vvion in Ligno vitæ, Mutius Par-
sa in Bibliotheca Vaticana, Ciaconius cum Aucta-
rijs, & alij omnes, qui de Romanis Pontificibus
scripserunt.

IV. IDVS AVGVSTI.

Anno Dominicæ Natiuitatis 1048. Præneste,
quò se animi causa ad fugiendos vrbanos æltus
contulerat, mortuus est Damasus II. Pontifex
in ordine centesimus quinquagesimus tertius,
natio.

natione Bauarus, vir ingeniosus, & negotiorum
tractandorum dexter, qui per diestantum vi-
ginti tres præfuit Romanæ Ecclesiæ. Ferunt
nonnulli vsum gentiliciorum insignium Dama-
sum hunc in Sedem Apostolicam inuexisse.
Corpus Romam relatum, in Basilica S. Lauren-
tij extra muros conditum. Vacauit Romana
Sedes per Menses sex, & dies quindecim.

Notæ. 10. Augusti.

Damasus. Popo Baginarius antea vocatus Epi-
scopus Brixienfis, & Patriarcha Aquileiensis, Im-
peratoris Cancellarius, dictus ex alijs Bobbo, vel
Stephanus, aut Fridericus Baginarij filius.

Huius acta referunt Baronius in Annal. Ferdi-
nandus Vghellius in Italia sacra, Ciaconius cum
Auctarijs, Panuinius, Platina, Ioannes Sulla,
S. Antoninus, Iacobus Gaulterius in Tabul. Chro-
nolog. Albertus Crantzius in sua Metropoli, & alij
plures.

PRIDIE IDVS AVGVSTI.

Romæ anno Christi 1484. hora ab occasu
quinta, die Veneris in Vaticano, animi dolore
ob pacem à Ludouico Sfortia se infcio, & ne-
glecto Veneris datam, & podagra extinctus est
Sixtus huius nominis quartus, in ordine Ponti-
fex decimus sextus supra ducentesimum, natio-
ne Ligur, patria Saouonensis ex Ordine Mino-
rum,

rum, doctrina, & animi magnitudine omnis memoriz Princeps, qui Turcis Italia summotis, Sedis Apostolicæ auctoritate aucta, Vrbe instaurata, eademque ornata Templis, Ponte, Foro, Vijs, Bibliotheca, celebrato Iubilæo, euulgatis octo vicibus Cardinalibus quatuor aut quinque supra triginta, Bonauentura Episcopo Albanensi inter Sanctos relato, liberale hospitium præbuit Paleologo Peloponnensi Domino, Despotæ Epiri, Reginis Cypri, ac Bossinæ, qui Turcarum armis profugi, patrijsque bonis spoliati sese omnes eò contulerunt; idem quoque officium exhibuit Crispiano Danorum Regi, idem Ferdinando, idem & Calabria Duci, & Saxoniz, qui Romam pietatis studio venerant; Sacris solemnibus dies Conceptionis ac Præsentationis B. Virginis, S. Annæ, S. Ioseph & Francisci adscripsit. Catholici Regis nomen Ferdinando, & Isabellæ tribuit; Inquisitionis Officium in Hispania collocavit; primus venalia habuit Curiz officia, quæ omnia perfecit solo annorum tredecim & dierum quatuor spatio, semper inter fulgura, terræmotus, Solis lunæque defectus, Tyberis inundationes, inter bella Italiz, inter intestinas discordias, & perpetuam annonæ caritatem, nihil tamen quod publico decori & commoditati esse censeret, quin perficeret, vniquam omisit. Post obitum conditus in Vaticano, vacavit Sedes per dies 16

Notæ. 12. Augusti.

Sixtus. Mag. Franciscus de Ruvere ante Pontificatum dictus, non solum benigne ad se confugientes excepit; sed etiam eosdem auro subleuauit.

Tanti Pontificis acta explicarunt Nicolaus Roccius, Ægidius Viterbiensis, Panuinius, Henricus Spondanus in Annal. Hippolytus Marraccius in Pontif. Marianis, Fr. Lucas Vvadingus in Annal. Minorum, Vbertus Folietta in Elogijs Ligurum, Hieronymus Garimbertus, Mutius Pansa in descript. Biblioth. Vaticana, Ambrosius Coranus Prior generalis Eremitarum S. Augustini, Guillelmus Ferrerius Auditor Rote Romana in Oratione funebri, Ciaconius cum Auctarijs, & alij plures apud eosdem.

XVIII. KAL. SEPTEMBRIS.

Anno Christi 768. cum per mensem vnum & dies nouem supra annum iniuste Pontificis Romani munus exercuisset, ac ordinasset Episcopos octo, totidemque Presbyteros, & Diaconos quatuor, Constantinus Nepesini Ducis filius, ex laico contra sacros Canones, fratrum potentia creatus Pseudopontifex, ab Vrbe à Longobardis expulsus, fugam arripuit, & incognitus reliquum vitæ inter Monachos duxit.

Notæ. 15. Augusti.

Constantinus. de quo Baronius in *Annalibus Eccles. Panvinius, Ciaconius, & alij.*

XVII. KAL. SEPTEMBRIS.

Anconæ anno post Christum natum 1464 Pontificatus sexto, minus tribus diebus, ætatis vnde sexagesimo decessit Pius II. Pontifex Maximus, in ordine decimus quartus supra ducentissimum, natione Etruscus, patria Senensis, cultor iustitiæ, & religionis, qui Catarinam Senensem inter Sanctas retulit, Pragmaticam in Gallia abrogavit, Ferdinandum Aragonum in Regnum Siciliae cis fretum restituit, rem Ecclesiasticam pro sua parte auxit; Fodinas inuenti alumnis apud Tolpham instituit, bellum Turcis indixit, inter Cardinales quatuordecim viros alti spiritus cooptavit, Caput S. Andreae Apostoli ad se ex Peloponneso aduectum in Vaticano collocavit; belli incendium à Piccinino in Umbria excitatum suppressit, Mantuanum Concilium indixit, Sigismundum Malatestam censuris, & armis cohibuit, foedus iniit cum Rege Vngariæ, Burgundiæ Duce, Venetisque pro bello Orientis, Episcopum Moguntinum non rectè de fide sentientem dignitate spoliavit, Sigismundum Austriæ Ducem, quòd Cardinalem in vincula coniecisset, anathemate damnauit,

uit, Ludouico Gallia Regi de Ecclesiastica libertate detrahenti audacter restitit, Borsiumque Estensem Ducem acriter verbis castigauit, quòd rebus Gallia & Sigismundo Malatesta Ecclesie hosti faueret. Corpus ad Urbem delatum conditum in Vaticano apud altare S. Andreae; inde ad Ecclesiam S. Andreae de Valle nostra ætate translatum. vacauit Sedes per sexdecim dies.

Notæ. 16. Augusti.

Pius II. *Aeneas Syluius Piccolomineus ante Pontificatum nuncupatus, obiit teste Panuino 19. Kal. Septembris, hora inter secundam & tertiam sequentis noctis, Virginalis Assumptionis die.*

Summis, sed debitis laudibus extollunt Pium Lilius Gregorius Gyraldus de Claris Poëtis, Io: Baptista Egnatius in Exemplis, Hippolytus Marracius in Pontif. Marianis, Egidius Vuerbiensis, Augustinus Patritius de ritibus Ecclesie, Henricus Spondanus in Annal. Eccles. Iacobus Gaddius de Script. non Eccles. Carolus Cartharius in Syllabo Aduocatorum Consistorialium, Hippolytus Donismundius in hist. Mantuana, Robertus Bellarminus de Script. Eccles. Ludou. Iacobus à S. Carolo in Biblioth. Pontif. Antonius Sanderus in Elogijs, Antonius Campanus, Ciaconius, & alij in Vita.

XVI. KAL. SEPTEMBRIS.

Romæ anno salutis humanæ 467. animam

Deo reddidit B. Hilarus natione Sarduſ, patria Calaritanuſ, Pontifex in ordine quadageſimus ſeptimur, qui Cyclum Paſchalem curauit, Romanam Synodum conuocauit, Urbis Baſilicas ornauit, duas Bibliothecas ad Lateranum erexit, tribuſque vicibuſ Episcopos 22. Presbyteroſ 25. Diaconoſ 6. conſecrauit ſpatio annorum ſex, Menſium trium, dierum x. quibuſ Rempublicam Chriſtianam adminiſtrauit. Sepultuſ poſt obituſ ad S. Laurentiuſ iuxta corpus B. Sixti. Vacauit Romana Sedes per dieſ decem.

Notæ . 17. Auguſti .

B. Hilaruſ. *Criſpini filiuſ ſedit ex Baronio menſeſ 10. minus duobuſ diebuſ, ex S. Antonino verò, menſeſ treſ, ex alijs Menſeſ 9. ac dieſ duodeciginta ſupra annum ſextum, demum ex alijs annoſ ſex miniſ vno menſe, & duobuſ diebuſ, obiitque 4. Iduſ Septembris.*

De hoc meminit Martyrologiuſ Romanuſ ſub die 10. Septembris, Beda, Vſuarduſ, Ado, Baroniuſ in Notis, & in Annal. Panuiniuſ, Anaſtaſiuſ, Giaconiuſ cum Auctarijſ, & reliqui omneſ, qui hiſtoriam Pontificiam deſcripſerunt.

XV. KAL. SEPTEMBRIS.

Romæ in Vaticano anno poſt Chriſtum natuſ 1503. ætatiſ ſuæ circiter altero & ſeptuageſimo,

geſimo, Pontificatuſ vero vndecimo, die octaua extinguituſ eſt Alexander, huiuſ nuncupationiſ ſextuſ, in ordine ducenteſimuſ duodeuigeſimuſ Pontifex Maximuſ, natione Hiſpanuſ, patria Valentinuſ, gente Borgia, Calliſti III. nepoſ, qui initio Pontificatuſ nonnulloſ elegit, qui carceres aſſiduè adirent, inuiſerentque, nouem vicibuſ Cardinaleſ 45. euulgauit, Baſilicæ Liberianæ tectum auro Romam ex Indijs primuſ tranſmiſſo perfudit; Carolo Galliaruſ Regi Imperiuſ Conſtantinopolitanuſ tribuit, Magnum Lithuanie Ducem ad Sanctæ Matris gremium conſugientem excepit, Annuſ Iubilæi magni ſeptimuſ celebrauit, ſeſe vnus omnium animiſ accomodando cum iucundiſ de remiſſione, cum ſeueriſ de diſciplina, cum Patribuſ de re publica ferè ſemper loquutuſ, aduerſarioſ lenitate, & patientia, Principeſ ferè omneſ humanitate, æmuloſ beneficijſ ſibi coniunxit. Poſt obituſ in Sacello Calliſti III. patruſ, condituſ in Vaticano; inde anno 1610. cum oſſibuſ eiuſdem Calliſti tranſlatuſ ad Templuſ S. Mariæ de Monteferrato. Vacauit Sedes per dieſ duoſ ſupra menſem.

Ibidem anno 1559. ætatiſ 83. Menſe primo, die 22. cum Eccleſiam Dei per menſeſ duoſ dieſque 24. ſupra annum quartuſ inſigni religioniſ zelo reſtituendæ ac firmandæ diſciplinæ ardore, gubernaret, deceſſit Pauluſ IV. Pontifex, in ordine duecenteſimuſ vigeſimuſ ſeptimuſ. patria Neapolitanuſ, è gente Caraffa, eloquentia,

ria, doctrina, innocentia, liberalitate illustris, qui scelera omnia maximè hæresis, forti pectore vindicauit, & Catholicam fidem semper sustinuit. Iudæos certa Urbis regione circumsepsit, & vt ab alijs secernerentur, pileo eos glauco vti voluit. Urbini Ducem Præfectum, Urbis constituit, Clericorum mores, & vestium vsus correxit, Conseruatorum iura ampliauit, Populi Romani priuilegia confirmauit & extendit. Clericos Regulares cum B. Caietano ad Ecclesiæ Romanæ ornatum, & adiumentum instituit, Purpuratorum Collegium vndeuiginti Cardinalibus auxit, Christianus Cicero, Latinus Chrysostronus vna omnium voce nuncupatus, cuius suprema morientis vox fuit, lætatus sum in his quæ dicta sunt mihi in domum Domini ibimus. Cadauer in Vaticana Basilica conditum, à Pio V. ad Ecclesiã S. Mariæ super Mineruam translatum, e pulcherrimo marmoreo sepulchro cohonestatum fuit. Vacauit Sedes dies septem supra Menses quatuor.

Notæ. 18. Augusti.

Alexander VI. Rodericus Borgia Lenzolius ante Pontificatum dictus, Iofredi Lenzolij Equitis, & Ioannæ Callisti III. Sororis filius.

De Alexandro agunt Panuinius, Garimbertus, Egidius Viterbiensis, Henricus Spondanus, Brounius in Annal. Laurentius Surius in Commentarijs, Paulus Iouius, Platina, Hippolytus Marraccius in
Ponci-

Pontificibus Marianis, Polydorus Virgilius in Anglicana, Ioannes Mariana in Hispanica, Paulus Oforius in Lusitanica, Iacobus Naldi in Florentina, Thomas Costus in Neapolitana historia Ciaconius cum Auctarijs, & alij plures apud eundem.

Paulus IV. Io: Petrus Caraffa ante Pontificatum dictus, Diomedis Matalunæ Comitis filius, mortis proximus indui vestibus pontificijs petijt, non enim decere aiebat, Principem maximè Ecclesiasticum decumbendo mori, sed victus morbi vi surgere non potuit.

Meminerè Pauli Antonius Caracciolus in Vita, Panuinius in Elogio, Ferdinandus Vghellius in Italia sacra, Hippolitus Marraccius in Pontificibus Marianis, Franciscus Robertellus, Hieronymus Maggins, Io: Baptista Castaldus, Ciaconius cum Auctarijs in Vita, Io: Baptista Tufus, nec non Ioseph Silos in Historia Clericorum Regularium, Ludovicus Donius Dattichy in hist. Cardinalium, Bartholomæus Chioccarellas in Catalogo Antistitum Neapolitanorum, Antonius Tabo, Io: Franciscus Firmannus, & alij plures.

XIV. KAL. SEPTEMBRIS.

Romæ anno Dominicæ Natiuitatis 901. Pontificatus Mense quinto nondum completa decessit Romanus, Pontifex Maximus, in ordine centesimus decimus sextus Pontifex, patria Gallefinus, Constantini Marini fratris filius, qui
For-

Formosi acta à Stephano decessore abrogata; confirmavit. Sepultus ad S. Petrum; Vacavit Sedes diem tantum vnum.

Notæ. 19. Augusti.

Romanus. Hunc nomine Romanum Panuinius Gallum, S. Antoninus verò Hispanum facit, cum vera Gallesinus fuerit. Obijt ex alijs hac die anno 897. vel 898. aut 900. die 23. supra mensem quartum sui Pontificatus.

Celebrant Romanum Guillelmus Bibliothecarius, Martinus Polonus, Ioannes de Columna, Ptolemaeus Lucensis, Franciscus Petrarca, Theodoricus à Niem, Platina, Simonetta, Ciaconius cum Auctarijs, Auctor Romæ subterraneæ, Iacobus Gualterius in Tabula, & alij multi.

XII. KAL. SEPTEMBRIS.

Viterbij anno post Christum natum 1276. obijt Hadrianus V. ex familia Flisca Comitum Lauaniæ, Innocentij IV. ex fratre nepos, in ordine Pontifex centesimus octogessimus octauus, patria Genuensis; ante consecrationem cum sedisset dies septem supra mensem vnum. Sepultus ibidem apud Minores; vacavit Sedes per dies 25.

Notæ. 21. Augusti.

Hadrianus. Ottobonus Fliscus antea dictus, nulla publi-

publica munia exercuit in Pontificatu, nam statim renuntiatus Pontifex in Vrbe, Viterbium venit, timebat Caroli Siciliae Regis, & Senatoris potentiam, ibidem defunctus.

Est tamen huius Pontificis mentio apud Ciaconium & Auctarios, Genebrardum, Odericum, Bzonium in Annal. Foliettam in Elogijs Ligurum, Iacobum Gretserum, Ioannem Acton in Commentarijs, Ioannem Villanum, Ricordanum Malaspinam in histor. & alios plures.

XI. KAL. SEPTEMBRIS.

Romæ anno redemptionis humanæ 1241. Pontificatus 13. Mense 5. die 4. post eclipsem Solis mortuus est Gregorius IX. Pontifex in ordine centesimus octogessimus, natus Capuæ Ciuitate Campaniæ felicis ex Comitibus Signiæ, Innocentij III. nepos, constantia, animi magnitudine, & vitæ sanctitate clarissimus; iuris Ecclesiastici constantissimus assertor, cumque esset humani, diuiniq; iuris consultissimus; Decretalium librum disposuit; Reges Francorum, Vngariæ, Siciliae, sub protectione Apostolicæ Sedis recepit; Cardinalium Senatam quatuordecim viris illustribus auxit; contra Hereticos leges promulgauit; Urbis Basilicas ornauit, Xenodochia extruxit; Sanctorum albo adiecit Virgilium Archiepiscopum Salisburgensem, Odonem Nouariensem Carthusianum, Franciscum Minorum, Dominicum Prædicato-

rum

rum Instructores, Antonium Vlyssipponensem, Patauinum cognominatum, Elisabetham Regis Vngariæ filiam, Lantgrauij Thuringiæ relictam, Synodumque in Laterano indixit. Corpus in Templo Vaticano conditum; vacauit Sedes per mensem vnum.

Anno verò 1280. eadem die apud Surianum, septimo à Viterbio lapide Vicum, cœli clementia, & aquarum amenitate celebrem, apoplexia tactus excessit è vita Nicolaus III. Pontifex in ordine centesimus nonagesimus, patria Romanus, è nobili Vrsinorum familia, cuius mortem Tiberim in immensum auctum, & Vrbem inuadentem indicasse ferunt. Hic Palatium Vaticanum angustum, & vetustate collabens amplificatum restituit; Basilicas SS. Petri & Pauli temporis iniuria deformes, & inclinantes renouauit; Canonorum numerum in prima decennarium ad 30. amplificauit; Sancta Sanctorum dirutum refecit, contra Catharos, Patarenos, aliosque Hæreticos propagandæ fidei studiosissimus Constitutionem edidit, iussitque vt Iudæorum conuersioni; Ordinis Prædicatorum, Concionatores in Vrbe vacarent, & duorum annorum, Mensium octo, ac dierum vnderiginta spatio, quò sedit, vnica tantum ordinatione Cardinales nouem euulgauit; Magistratus publicos, & alia ad rem publicam spectantia in meliorem formam redegit; fuit enim summi consilij Princeps, vitæ, & morum integritate plurimum laudatus, literatorum amantissimus. Corpus

pus Romam delatum in Sacello S. Nicolai ad Vaticanum erecto, tumulo marmoreo, emblematis ornato sepelitur. vacauit Sedes per Menses sex.

Notæ . 22. Augusti.

Gregorius IX. *Hugolinus Tristenij Anagnini filius, ex Episcopo Ostiensi renuntiatus Pontifex, sedit ex alijs annos 14. Menses 5. dies 10. ex Platina verò menses tres supra annum 14.*

Gregorium laudant Incertus Auctor in Vaticana Basilica Tabulario, Abbas Vrspergensis, Matthæus Parisius in Angliæ, Fr. Lucas Vvadingus in Minorum, Bzouius in Ecclesiasticis Annalibus. Historiæ Mediolanenses Coirij, Siciliæ Bonfilij, Genuenses Bizari, Hispanica Mariana & Gomesij, Bononiensis, Ghirardaccij; præterea Ciaconius cum Auctarijs, & reliqui omnes, qui de Romanis Pontificibus scripserunt.

Nicolaus III. *Ioannes Vrsinus ante Pontificatum dictus, Matthæi filius, cui infansulo Pontificatum prædixerat Franciscus Assisius Minorum Instructor, quem alij defunctum volunt die sequenti.*

Meminere Nicolai præter Ciaconium, & alios de Romanis Pontificibus Scriptores, Fr. Lucas Vvadingus in Annal. Minoriticis, Odericus, nec non Bzouius in Eccles. Ægidius Viterbiensis in hist. 20. secul. Genebrardus, Bernardus in Chronico, S. Antoninus, Romæ subterraneæ Auctor, & alij plures.

IX. KAL. SEPTEMBRIS.

Romæ anno Dominicæ Natiuitatis 1165. fistuloso cancro percussus infelicem spiritum in schismate exhalauit Guido Cremensis, qui Frederici Imperatoris præsidio fretus, Basilicam Vaticanam, & Cathedram D. Petri contra Alexandrum III. sub nominis Paschalis III. occupauerat, & per annos circiter quinque in ea sederat. conditus post obitum in eadem Basilica.

Notæ . 24. Augusti.

Guido Cremensis. *successit Victori IV. Pseudopontifici.*

De illo Ciaconius, Baronius in Annal. Panuinius, qui Callisti III. nomen illi tribuit.

VIII. KAL. SEPTEMBRIS.

Anno Dominicæ Incarnationis 996. Pontificatus mense tertio, dieque sexto in Laterano extinctus est Ioannes huius nuncupationis decimus sextus, in ordine Pontifex quadragesimus secundus supra centesimum, patria Romanus, vir multæ doctrinæ, & seditionibus maximè agitatatus opera Crescentij Consulis Romani. sepultus apud S. Petrum, vacauit Sedes per dies sex.

Auenione anno 1330. Petrus Reinalutius, seu Raynalduccius Italus de Vico Corbario, natione

ne

ne Aprutinus, professione Minorita, à Ludouico Bauaro Romæ contra Ioannem XXI. dictum, XXII. renuntiatus Pseudopontifex, post annos duos, menses tres, & dies 12. suum detestans errorem, spontè coram ipso Ioanne Pontifice vestes cum dignitate deposuit.

Notæ . 25. Augusti.

Ioannes XVI. *Roberti filius, cum sedisset ex alijs menses quatuor obiit 5. Idus Iunij anno 995. Othone Imperatore in Vibe existente. Confundit Ioannem hunc cum XV. Ioannes Stella, dum huic annos XI. in Pontificatu tribuit.*

Est nostri Ioannis mentio apud S. Antoninum, Panuinium, Platinam, Ciaconium, eiusdemque Auctarios, Iacobum Gaullerium in Tabul. Chronol. & alios omnes, qui de Romanis Pontificibus tractarunt.

Petrus. *abdicauit ex alijs post annos tres, totidem menses, ac dies 14.*

De hoc agunt Odoricus de Foro iulio in Chronico, Fr. Lucas Vvadingus in Annal. Minorum, Panuinius, Ciaconius cum Auctarijs, & alij plures.

VII. KAL. SEPTEMBRIS.

Romæ memoria S. Zephyrini Papæ & Martyris post S. Petrum decimi sexti Pontificis patria Romani, qui sedit in Throno Pontificio L. Septimio Seuero, Antonino Caracalla, Macrino, Diadumeno & Antonino Heliogabalo Imperatoribus

ribus

ribus Augustis, annos duodeviginti, totidemque dies, & ordinationibus quatuor Episcopos xiii. totidem Presbyteros, & Diaconos septem consecrauit; multaque ad Ecclesiæ vtilitatem & ornamentum decreuit, videlicet vt adstantibus laicis, & Clericis Sacerdos Ordines sacros susciperet, vt diuinus sanguis non in ligneo, sed in vitreo calice consecraretur, vt Christiani omnes puberes quotannis publicè Eucharistiam sumerent, neue Episcopus à Superiori aliquo in iudicium vocatus, auctoritate Apostolica non prius interposita, damnaretur, vtque Episcopo celebranti Presbyteri omnes adessent. Sepultus via Appia in Cœmeterio à se constructo iuxta Catacumbas, & Zephyrini de suo nomine in præsentem vsque diem nuncupatur. ex quò ad Titulum Tigridis delatus. Vacat Sedes per dies sex.

Notæ. 26. Augusti.

Zephyrini. *Abundij filius moderatus est Rempublicam Christianam secundum Damasum, annos octo, cuius corporis partes venerantur Fideles in Vaticano, & apud S. Siluestrum de Capite.*

Martyrio sublatum volunt Martyrelogia Romanum, Bedæ, Vsuuardi, Adoris, Baronius in Notis, & in Annal. Franciscus Maria Torrigius in descript. Ecclesiæ S. Siluestri de Capite, Eusebius in Chronico, Optatus, Augustinus, Nicephori ambo, Callistus, & Episcopus, Ciaconius cum Auctarijs, & reliqui Scriptores de Romanis Pontificibus.

VI. KAL.

VI. KAL. SEPTEMBRIS.

Anno Dominicæ Natiuitatis 1181. Romæ in Lateranensi Palatio, sui Pontificatus 21. mense XI. die XI. I. mortuus est Alexander III. in ordine centesimus septuagesimus secundus Pontifex Maximus, natione Etruscus, nobili Bandinella gente Senis natus, cuius opera Soldanus Iconij sacro baptisate initiatus, Thomas Cantuariensis Archiepiscopus, Bernardus Abbas Claruallis, Helena Visigota Vidua, Canutus Danicæ, Odoardus Angliæ Reges Sanctis adscripti, Romæ Synodus Oecumenica Episcoporum 300. celebrata, Militia Calatrauæ in Hispania sub Regula S. Benedicti cum insigni Crucis rubecæ confirmata, Federicus Cæsar Fidelium communioni restitutus, Alexandria Ciuitas Longobardiæ extracta, & quinquaginta lectissimi viri Cardinalium Senatui adiuncti sunt; vir acer in primis, & in suscepta Ecclesiæ defensione constans, in inimicitijs Federici, quas non tam moderatè exercuit, quàm fortiter superauit, virtutis, memoriæque insignis, multa ad Clerum pertinentia legibus correxit, vultuque anathematis poena proposita, ne quis ferrum, ligna, cæteraque armamenta ad Infidèles comportaret. Corpus in Basilica Saluatoris, Constantiniiana appellata marmoreo pilo sepultum est. Vacauit Sedes tantum biduo.

Anno verò 1590. Pontificatus 5. mense 4. die 3. in Palatio Pontificio, quod est in Quirinali, re-

M

bus

bus humanis excessit Sixtus huius nominis V. in ordine ducentessimus trigessimus primus Pontifex, natione Italus, patria Picenus, professione Religiosus Minorum Conuentualium, qui B. Didacchi Hispanum sui Ordinis, ac Odoardum Regem Anglicum in Sanctorum numerum retulit, Italiam prædonibus purgavit, Urbem fabricis, Obeliscis, Columnis ornavit, aquisque retreavit, Pauperibus ædes extruxit, Bibliothecam Vaticanam ædificavit, Monti Pietatis propriam sedem suo aere statuit, Ianariam & fulloniam, artem paupertatis subleuandæ gratia in Urbem induxit, sacram purpuram tribus supra triginta præstantissimis viris tribuit; Montaltum patriam splendidiorum reddidit, & Ciuitatem dixit, eodemque nomine Lauretum appellauit; Quinquagies centena millia aureorum, magnum se facinus aggressurum prædicans, conegessit, fuit quidem integris, incorruptisque moribus, excessu vi animi, interritus & seuerus, adeo vt eum non tam priuati, quam Principes & colerent, & veneratione. Post obitum corpus conditum in Vaticano, inde post annum ad Basilicam Liberianam deductum, in pernobili sepulchro, quod sibi viuens erexerat cum Sacello Præsepis, repositum. Vacauit Sedes per dies decem & non ueni.

Notæ . . . 27. Augusti .

Alexander III. Rclandus Rainutij filius sedit ex Codice Vaticano annos duodeniginti, obiit que

que XII. Kal. Octobris, vel Kal. Septembris .

De Alexandro tractarunt S. Bernardus in Epistolis, Ioannes Trithemius, Rogerius Anglus, Radeuicus, Mathæus Paris, Lucas Tudensis, Ludouicus Cocus in Antimornao, Guillelmus Tyriensis de bello sacro, Guntherus Poëta de gestis Friderici, Robertus in Appendice ad Sigebertum, Chunradus Episcopus in Chronico Moguntino, Ioannes Saresberiensis, Romualdus Archiepiscopus Salernitanus in hist. Angelus Marriquer in Annal. Cisterciensium, Andreas Saussay de mysticis Gallia Scripturibus, Genebrardus, S. Antoninus, Ciaconius cum Auctarijs, alijque omnes, qui de Romanis Pontificibus scripserunt.

Sixtus V. Felix Perettus Cardinalis de Montalto, antequam Pontificium solium ascenderet, nuncupatus .

Huius Pontificis acta explicarunt Lolius Peregrinus in Oratione funebri, Io: Baptista Stella in Carmine, Fuluius Cardulus, Angelus Barzeus, Aurelius Versus, Angelus Rocca, Franciscus Bordinus, Antonius Quereagus, Baldus Cataneus, Casar Cardinalis Baronius in Notis ad Martyrologium Romanum, Michaël Mercatus de Columna Cochlide, Lud. Iacobus à S. Cayolo in Biblioth. Pontif. Dominicus Fontana de translatione Obelisci Vaticani, Franciscus Bencius de Sacello Esquilinico, Franciscus Panigarola de Stationibus Urbis à Sixto V. institutis, Franciscus Suaresius in Panegyrica oratione, Ioannes Rbò in Exemplis, Actuarj Ciaconij, & alij multi .

IV. KAL. SEPTEBRIS.

Anno Dominicæ Incarnationis 1178. Ioannes Struma, à suis dictus Callistus III. natione Vngarus, post annos septem, menses quinque, & dies aliquot apud Tusculum, coram Alexandro III. Pontifice & Cardinalibus schisma abiurando in vniuersalem Ecclesiæ Præsulem Alexandrum ipsu genuflexus veneratus est; quem Pontifex benignissimè recepit, dicens, frater gaudium est Angelis Dei super vno peccatore pœnitentiam agente; quòd suggestione diabolica vnitatem Ecclesiæ discindere voluisti, multum doluimus, & quòd inspirante Domino ad eius vnitatem redire voluisti, plurimum gaudemus. Romana Ecclesia, quæ iuxta Iesu Christi mysterium inimicos diligere consuevit, te hodie pœnitentem in filium recepit, & pro malis bona tibi retribuere procurabit. Vixit deinde Archiepiscopus Beneuentanus.

Notæ. 29. Augusti.

Ioannes. ex Monacho, & Abbate Stumensi à Victore IV. Pseudopontifice creatus Episcopus Albanus, seu Tusculanus.

De hoc plura Romualdus Archiepiscopus Salernitanus in sua hist. Ferdinandus Vghellius in Italia sacra. Baronius in Annal. Panuinius, Ciaconius cum Alarijs, & alij plures.

SEPTEM-

SEPTEMBER.

KALENDIS SEPTEBRIS.

A Magnæ anno Dominicæ Natiuitatis 1159. Hadrianus IV. Pontifex, in ordine centesimus septuagesimus primus, natione Anglus, anginæ morbo correptus obiit, cum per annum vnum, & ferè quinque Menses Pontificatum sanctissimè administrasset. hic Arnoldum hæreticum Urbem turbantem damnauit; Guillelmum Siciliae Regem ditionem Ecclesiasticam vexantem à fidelium communione disiunxit; Federicum Cæsarem in Vaticano coronauit; B. Petri Patrimonium magnis prædijs & redditibus auxit; Famianum Colonensem Ordinis Cisterciensis Monachum in Sanctorum, & 25. Virqs doctrina, & virtutibus claros in Cardinalium numerum retulit; ab Vrbe à Romanis eiectus, per Italiam errauit, Ecclesiæ Catholicæ semper intentus, posteris admirandum relinquens exemplum, quòd nec obolum quidem erogauerit in propinquos, adeò vt nec Matri aliquid impendit, sed illam reliquit alendam elemosynis Cantuariensis Ecclesiæ. Corpus Romanam delatum, conditum in Vaticano. Vacauit post huius obitum Romana Sedes per dies tres.

Notæ. 1. Septembris.

Hadrianus IV. Nicolaus Episcopus Albanensis

M 3

ante

ante Pontificatum dictus; in familiari colloquio factus est, per omnes gradus ad Summum Pontificatum ascendisse, sed nihil umquam felicitatis, aut tranquillitatis expertum, ac desiderio pristinae suae conditionis teneri, quare neminem Romano Pontifice miserrabilem in Terris inueniri affirmabat.

De Hadriano IV. tractant Nicolaus Neubrigensis Anglus historicus, Otho Saresberiensis; Otho alius, & Radenicus Frinsingenses, Dodechenius, nec non Baronius in Annal. Vvillelmus Tyrinus, Ioannes Pitsaus de Script. Angliae, Matthaus Paris in hist. Henricus Ludonicus Rupipozeus in Nomenclatore Cardinalium, Panuinius, Ciaconius cum Auctarijs, & alij quam plures, qui historiam Pontificiam descripserunt.

IV. NONAS SEPTEMBRIS.

In Mole Adriani apud Urbem anno post partum Virginis 1101. cum sedisset Pseudopontifex per menses aliquot supra annum vigesimum primum extinctus est Gibertus de Corrigia, à suis vocatus Clemens III. humili loco natus, vir tam eloquens, & satis pro temporum conditione literatus, Henrici IV. Imperatoris olim Cancellarius, & Archiepiscopus Rauennas ab Alexandro II. euulgatus, in cuius Cathedrali corpus sepultum.

Notæ.

Notæ. 2. Septembris.

Gibertus. seu Guibertus Parmensis sedit contra Gregorium VII. Victorem III. Urbanum II. & Paschalem II. Romanos Pontifices.

De illo Dominico in Epitaph. Baronius in Annal. Panuinius, Ciaconius, & alij apud eosdem.

VIII. IDVS SEPTEMBRIS.

Romæ anno salutis humanæ 972. Pontificatus sexto, mense vndecimo, die 5. extinctus est Ioannes huius nominis XIII. in ordine Pontifex centesimus trigessimus quintus, patria Romanus, qui seditiosorum opera ab Vrbe expulsus, Pandulphi Capuani Comitis armis post decem menses Romam repetijt, quare vt gratias Principibus illis debitas referret, Capuam Metropolim constituit; ab Othone Magno Rauennam cum recepisset, cumque Otho filius Theophaniam sororem Græci Imperatoris duxisset, eam Ioannes vnâ cum Viro, ex sententia Othonis Magni parentis, Occidentis imperio, & corona donauit. Post obitum sepultus in Basilica S. Pauli Via Ostiensi. Vacauit Sedes per dies 13.

Notæ. 6. Septembris.

Ioannes XIII. Sergius ante Pontificatum nuncupatus, Episcopus Narniensis, Ioannis Episcopi

M 4 pi

pi ex legitimo matrimonio filius.

Ab Vrbe eiectus, Urbis Præfæcti, Consulum, ac Tribuni plebis opera, confugit ad Pandulphum Principem Capuanum, qui illum Vrbi restituit, Consulibus Italia pulsis, Tribuno suspendio extincto, & Petro Præfæcto carcere primò, deinde exilio multato.

De hoc Pontifice tractant Chronicon Benedictinum, Historia Longobardorum, Michaël Monachus in Sanctuario Capuano, S. Antoninus, Iacobus Gualterius in Tabul. Chron. Ferdinandus Vghellius in Italia sacra, Panuinius, Ciaconius cum Auctarijs, & alij plures.

VII. IDVS SEPTEMBRIS.

Anno Domini 686. Petrus Archidiaconus à Romanis nonnullis post Ioannis V. Pontificis obitum renuntiatus Pseudopontifex, post longam altercationem ab ipsis Electoribus derelictus, è Throno descendit.

Notæ . 7. Septembris .

Petrus . contra Theodorum electus .
Meminere Petri omnes, qui de Conone Pontifice tractarunt, cum Ciaconio, & Panuinio .

VI. IDVS SEPTEMBRIS.

Anno à partu Virginis 897. Romæ obiit
Theo-

Theodorus iunior, seu secundus Pontifex, in ordine centesimus decimus septimus, vigesimo à sua creatione die, patria Romanus, qui Formosi partes suscepit, & Stephanij sectatores prosequutus est. Sepultus ad S. Petrum. Vacauit Sedes per diem tantum vnum,

Notæ . 8. Septembris .

Theodorus . Photij filius .

Huius Pontificis acta inuenies apud S. Antoninum, Panuinium, Platina, Ciaconium, aliosque Pontificios Scriptores .

V. IDVS SEPTEMBRIS.

Romæ anno 701, post Christum natum, Pontificatus 13. Mense 8. die 23. ad Superos euolauit Sergius sanctitate clarus, & inter Sanctos relatus, patria Antiochenus, natione Syrus, Pontifex in ordine octogesimus quintus, qui Ceduallam Occidentalium Saxonum Regem sacris abluuit aquis, & defunctum cum honore tumulo in Vaticano tradidit; puerique nouendialis testimonio à calumnijs liberatus, consecrauit duabus Ordinationibus Episcopos 96. Presbyteros 18. & Diaconos 4. Urbis Ecclesias plures multis locis labefactatas restituit, adiecit Missæ, Agnus Dei idque ter germinari instituit. Collacrymantibus omnibus præ dolore ob amissam Pontificem communem omnium paren-

rentem, sepelitur in Vaticano. Vacauit Sedes per dies 20. supra mensem vnum.

Notæ. 9. Septembris.

Sergius. *Tiberij Mercatoris filius, natus Panormi in Sicilia, Romæ educatus, professione Monachus, obiit ex alijs pridie huius diei.*

Huius Pontificis res gestas descripserunt Baronius in Annal. & in Notis, Beda, Vsuardus, Ado, Platina, Panuinius, Anastasius, Genebrardus, Sabellicus Ennead. 8. lib. 6. Ciaconius cum Auctarijs, & alij omnes, qui Pontificiam historiam composuerunt.

PRIDIE IDVS SEPTEMBRIS.

Auenione anno à partu Virginis 1362. Pontificatus nono, mense octauo die 23. multis animi perturbationibus afflictatus, extinctus est Innocentius VI. in ordine ducentessimus primus Pontifex, natione Gallus, mediocri genere natus, optimæ, honestissimæque vitæ, & non mediocris eruditionis fama conspicuus, diuini, humanique iuris consultissimus, qui Aulæ vitia, & laxiorem Curialium vitam correxit; beneficia Ecclesiastica non nisi probatissimis Sacerdotibus contulit; Prælatos, quibus animarum cura incumberebat, ad proprias Ecclesias remisit; domesticos sumptus diminuit; apud se nisi probatissimos viros voluit; Sacri Palatij Auditoribus

bus mensura salaria constituit, Carolum IV. Cæsarem imperiali diademate per legatos, & sexdecim præstantissimos viros sacra purpura ornauit, Ægidium Albernotium Cardinalem, in Italiam legauit, qui afflictis rebus magno & præsidio, & adiumento fuit. Corpus tumulo traditum in Cathedrali Auenionensi, inde ad Monasterium Carthusianorum translatum est. Vacauit Romana Sedes per dies 26. supra mensem vnum.

Notæ. 12. Septembris.

Innocentius VI. *Stephanus Alberti filius ante Pontificatum nuncupatus, sedit teste Panuinio dies 26. ex Platina verò, atque Genebrardo dies sex supra nouennium, & mensem octauum, obiitque ex alijs pridie huius diei.*

Debitis laudibus Innocentium exornant Auctores Gallie Christiana, & purpurata, Tritemius in Chronico Hirsaugiensi, Genebrardus, Odoricus, Brounus in Annal. Eccles. Hieronymus Garinbertus, Ciaconius cum Auctarijs, & reliqui Romanorum Pontificum Scriptores.

XVIII. KAL. OCTOBRIS.

Romæ via Appia Martyrium B. Cornelij Pape, in ordine vigesimi secundi patria Romani, qui in persecutione Galli, & Volusiani anno Christi 256. Sedis secundo, Mense quarto, die octa-

oſtaua, poſt exilij relegationem plumbatis caſus, & cum alijs viginti & vno promiſcui ſexus decollatus eſt, ordinatis Episcopis octo, & Diaconis quatuor. Corpus à B. Lucina in arenario repositum, inde ad Sanctam Mariam Tranſtyberinam translatum. Gallia habet illius partem, Caroli Calui Imperatoris dono. hoc tempore primùm in Ecclesia schismate laboratum eſt: Nouatianus enim quidam Romanæ Eccleſiæ Presbyter leui ambitione ductus, Nouato Presbytero auctore Pontificatum contra Cornelium aſſumpſit. Vacauit Sedes per dies 5. ſupra menſem vnum.

Notæ. 14. Septembris.

B. Cornelij. Caſſini filius.

Damaſus ſupra duos annos ſediſſe Cornelium in Petri Cathedra ſcribit, & martyrio coronatum ſub Decio.

Panninius ſupra duos annos menſes aliquot in Sede tribuit.

Eusebius tertium annum in ea compleuiſſe affirmat.

Ludovicus Iacobus à S. Carolo annum vnum, menſes quinque, dies 14. eidem dat.

Huius Pontificis caput venerantur Fideles Papie.

De S. Cornelio Martyrologia Romanum, Bedæ, Vſuardi, & Adonis, Baronius in Notis, & in Annalibus, Eusebius in Chronico & in hiſtor

ria,

via, Optatus, Auguſtinus, Nicephorus, Genebrardus, Bellarminus, Gretſerus, S. Hieronymus, Platina, Panninius, Ciaconius cum Auclarijs, alijsque plures.

XVII. KAL. OCTOBRIS.

Anno poſt Chriſtum natum 262. Romæ extinctus eſt Nouatianus, primus in Ecclesia Catholica Antipapa, qui ſedit contra Cornelium, eiusque ſucceſſores, annos circiter ſex, Eccleſiam Romanam turpi ſchismate ſcindendo, & Cathedram contra Cathedram erigendo.

Notæ. 15. Septembris.

Nouatianus. fuit Nouati hæretici ſectator.

De hoc agunt S. Hieronymus de Script. Eccleſ. Baronius, Ciaconius, & alij apud eodem.

XVI. KAL. OCTOBRIS.

In Monte Caſſino anno ſalutis humanæ 1087. Pontificatus menſe quarto ſupra annum primum, dyſenterix morbo extinctus eſt Victor huius nominis III. in ordine Pontifex centeſimus ſexageſimus, Beneuentani Principis filius, Monachus S. Benedicti, vir tantæ Sedis digniſſimus, quia ſummo ſtudio illam fugitauit. interfuit Synodo Beneuentanæ, quam indixerat; Henricum IV. Cæſarem ſibi inſenſum habuit, cuius

cuius fraude, vt putant, veneno sublatus est. Corpus in Capitulo eiusdem Cœnobij sepultum. Vacauit Sedes menses quinque, & dies 22.

Anno vero 1394. Auenione obiit Clemens dictus VII. Antipapa, natione Gallus, ex Comitibus Gebennensibus natus, qui per annos 16. Menses 11. dies 29. contra Urbanum VI. & Bonifacium IX. legitimos Pontifices, in Cathedram Petri intrusus, Rempublicam Christianam perturbauit, euulgatis octo supra triginta Cardinalibus suæ obedientiæ. Sepultus ibidem in Ecclesia Cœlestinorum ad Pontem Sorgiæ.

Notæ. 16. Septembris.

Victor III. in seculo Dauferius, in Monachatu Desiderius nuncupatus, ipso renitente electus, Roma egressus, Ardeam & Terracinam adiit, ibique Pontificem esse uolle professus, Crucem, Clamydem, & cœtera Pontificia ornamenta deposuit; Cleri tamen precibus, & Principum maximorum eadem denuò inuitus assumpsit, ac sedit ex Ioanne de Columna, S. Antonino & alijs menses tantum quatuor.

Victoris III. vitam, & res gestas diligentissime explicarunt Leo Marsicanus Episcopus, Card. Ostiensis in hist. Cassinensi, Otho Frisingensis, Petrus Diaconus de Viris Sanctis, & de Scriptoribus Montis Cassini, Arnoldus Vvion in Ligno vite, Baronius in Annal. Genebrardus in Chronico, Sigonius de Regno Italia, Ciaconius cum Auctarijs, Panuinius,

nus, Platina, & alij plures.

Clemens. Robertus dictus in Prouincia Gallica Arelatensi summo genere natus, coronatus ante fores Matris Ecclesiæ Fundanæ, multis Proceribus adstantibus; sedit ex alijs Menses 11. dies 28. supra annum decimum quintum.

Meminere Clementis Auctor Gallia purpurata, & Christiana, Ciaconius eiusdemque Auctarij, Panuinius, Henricus Spondanus in Annal. Theodoricus Niemus, Harpsfeldius in hist. Anglicana, & alij quamplures.

XI. KAL. OCTOBRIS.

Romæ anno post Christum natum 687. Pontificatus sui mense undecimo mortuus est Conon natione Thrax, in ordine Pontifex octogessimus quartus, ob modestiæ, sinceritatis, iustitiæ, pietatis laudem tanto munere dignissimus, forma decorus, & canitiæ venerandus, in quo præter alias egregias animi dotes, scientia rerum ac verborum, iustitia singularis, prudentiaque sine dubio humana maior elucebat, qui non tantum quod Pontifex fuerit, sed quod benè atque integrè in Episcopatu vixerit, laudandus est. Sepultus ad S. Petrum. Vacauit Sedes dies tredecim supra bimestre.

Notæ. 21. Septembris.

Conon, Benedicti filius, patria Tomitanus, quem

honorem Virginis Mariæ; marmoreis tabulis sepulchrum S. Agnetis, nec non Ecclesiam totam stravit, ornauitque; Marcellinæ Virgini Romanæ, S. Ambrosij Sorori velum dedit; Constantij Cæsaris minas non timens, pro Athanasio stetit, quam ob rem in exilium missus, Berhœam, Thraciæ Urbem per triennium incoluit. Ecclesiæ tamen iura forti pectore sustinuit per menses quatuor, diesque 27. supra annos quindecim, quo tempore Episcopos XIX. Presbyteros XVII. Diaconos quinque consecrauit. Sepultus via Salaria in Cœmeterio Priscillæ. Vacauit Sedes per Menses 4. & dies 6. seu 17.

Eadem die, eademque in Vrbe apud Lateranum anno 1143. Pontificatus 13. Mense 7. die 8. septuagenario maior, optimè de Ecclesiâ meritus obiit Innocentius II. in ordine Pontifex centesimus sexagesimus sextus, nobilis Romanus, qui Hugonem Episcopum Gratianopolitanum inter Cælites retulit; Abailardum, & Arnaldum de Brixia damnauit, Concilium Lateranense mille circiter Episcoporum, nec non Claromontense, Leodiense, ac Pisanum celebrauit; Cardinalium Collegium 59. selectissimis viris auxit, Genuam Archiepiscopo donauit; Lotharium Germanorum Regem Imperij coronauit, & contra Anacletum Pseudopontificem stetit. Corpus in Laterano conditum, inde ad Titulum Callisti translatum. Vacauit Sedes per diem vnum.

Anno verò 11523. Ibidem, Pontificatus ^{secundo,}

do, ætatis 64. è viuis abiit Hadrianus VI. Pontifex in ordine ducentessimus vigesimus secundus, Traiecti inferioris Germaniæ Vrbe natus, doctrina præditus singulari, vitæque innocentia illustris, qui Lutheranismum profligare conatus, ad Principes legatos direxit; Ecclesiasticorum moribus corrigendis incubuit; Antoninum Florentinum, ac Benonem Misnensem Præsules in Sanctorum Cœtum cooptauit. Sigismundo Malatestæ bellum intulit, Ariminoque expulit. iam morti proximus in lecto decumbens, Cardinalem vnum euulgauit. huius cadauer conditum in Vaticano, inde ad Ecclesiam S. Mariæ de Anima translatum. Vacauit Sedes post eius obitum per dies 24. supra mensem.

Notæ. 24. Septembris.

Liberius. Augusti filius, sedit teste Anastasio annos x. Menses 7. dies 4. ex Panuino verò annos 16. Menses 5. dies 16. ex alijs diem vnum, vel 17. supra annum 15. & Mensem quartum, excessitque v. Idus Septembris ex Baronio, ex Beda x. Kal. Octobris.

Laudatur Liberius à S. Ambrosio, à S. Basilio, nec non à S. Athanasio, ab Alberto Pighio, à Sanderò, Bellarmino, Stanislao Hosio, à Beda, Ciaconio, eisdemque Auctarijs, ac reliquis omnibus, qui Romanorum Pontificum historiam elucubrarunt.

Innocentius II. Ioannis, seu Guidonis filius, Gregorius ante Pontificatum nuncupatus ex nobili familia

milia Guidonia, deinde de Papa, seu Papareschis, de-
mum Mattheia dicta, emulgavit ex Ciaconio 53. et
Panuino verò 47. Cardinales, ac sedit teste Ioanne
Stella Menses 8. totidemque dies supra annos vnde-
ginti.

De Innocentio tractant S. Bernardus Abbas Clau-
uallis in Epist. Bernardus Bonauallis in Vita
S. Bernardi, Otho Frisigensis, Pandolphus Pisanus in
Vita Gelasij II. Baronius in Annal. Eccles. Petrus
Diaconus in Chronico Cassinensi, Romanus Canon-
icus in descript. Basilicæ Vaticanæ, Platina & alij apud
eosdem.

Hadrianus VI. ante Pontificatum Hadrianus
Florentij dictus, sedit annum 1. Menses 8. dies 3. vel 6.

Vitam huius Pontificis vbertim Panuinius, vber-
rimè Iouius, Ciaconius cum Auctarijs, Caius Be-
tius, Gerardus Moringus, Maximilianus Vrientius,
Ludouicus Caruaial literarum monumentis consigne-
runt.

De illo Bellintanus Franciscanus, Io: Antonius
Flaminius, Hieronymus Niger, Conradus Vigerius
in Epist. Genebrardus, Io: Pierius Valerianus in
Hieroglyphicis, Franciscus Snuertius in Achenis Bel-
gicis, Henricus Spondanus, Odericus in Annal. Ec-
cles. Openeerus Amstelrodamus, Papirius Masso-
nius, Felix Contelorius in Elencho, Ludou. Iacobus
à S. Carolo in Biblioth. Pontif. Antonius Sanderus in
Elogijs, Andreas Iacobatus, Io: Iacobus Boyssardus
Ludouicus Guicciardinus in hist. Petrus Messia in Vi-
ta Carli V. Hippolytus Marraccius in Bibliotheca
Mariana, alijque quàm plures.

VII. KAL. OCTOBRIS.

Anno Christi 1534. Pontificatus x. mense
item x. dieque septima Romæ mortuus est Cle-
mens VII. Pontifex in ordine ducentessimus vi-
gesimus tertius, patria Florentinus, Leonis X.
frater patruelis, ex familia Medicea, qui Ordi-
nes religiosos Clericorum Regularium, & Ca-
puccinorum confirmavit, Iubilæum annum cele-
brauit, Urbis excidium à Militibus Borbonij, &
à Tyberis inundatione factum non sine lacrymis
vidit, à Dauide Æthiopiæ Rege literas obedien-
tiæ græcè scriptas recepit, Moscorum Principis,
nec non duorum Procerum Indorum Oratores
ad pedes admisit, Carolum V. Imperiali corona
Bononiæ ornauit, Laurentium Iustinianum pri-
mum Patriarcham Venetum inter Beatos, multo-
rumque sententia Antoninum Archiepiscopum
Florentinum inter Sanctos retulit quique in fasti-
gio licèt supremo collocatus multarum rerum
veniam omnibus dedit, nullius petijt. Lutheri
heresim voce & scriptis impugnauit, & præcipuo
quodam cultu Deiparam Matrem toto vitæ suæ
tempore coluit, Cardinalium verò Senatuum 35.
selectissimis viris auxit. Cadauer primùm in Vati-
cano sepultum, postea cum Leonis X. cineribus ad
S. Mariæ super Mineruam Templum translatum,
Vacauit Sedes per dies 17.

Notæ . 25. Septembris .

Clemens VII. Iulius ante Pontificatum dictus , Iuliani Medicei filius , obiit teste Cabrera pridie , ex alijs postridie huius diei .

Celebrant Clementem præter Auctarios Ciaconij , aliosque qui de Romanis Pontificibus scripserunt, Laurentius Granius in Oratione funebri , Ioannes Longiacus in Panegyrico , Hippolytus Marracius in Pontificibus Marianis , Iacobus Sannazarius , Balthassar Castilioneus , Bernardus Bibiena Cardinalis , Petrus Aretinus , Io: Antonius Flaminius in Epist. Henricus Spondanus in Annal. Cæsar Cardinalis Baronius in Notis ad Martyrologium Romanum , Genebrardus , & alij multi .

VI. KAL. OCTOBRIS .

Anno Domini 312. Pontificatus post primum, mense 7. die 21. sanctitate clarus excessit e vita Eusebius huius nuncupationis primus , in ordine trigessimus secundus Pontifex , natione Græcus , qui Donatistas aliquos pœnitentes per solam manuum impositionem Ecclesiæ Catholicæ reconciliauit; Restitutæ nobilissimæ sceminæ filium sacro fonte abluuit , suoque nomine Eusebium dixit , vetuit , Episcopum à laicis in iudicium vocari , vnica verò Ordinatione Episcopos 14. Presbyteros 13. Diaconos tres sacro perunxit oleo . Post obitum sepultus in Vaticano , seu in

Cæme-

Cœmeterio Callisti . Nostra hac ætate huius Sancti corpus custoditur in Ecclesia S. Sebastiani extra muros . Vacauit Sedes per dies 7.

Notæ . 26. Septembris .

Eusebius . Patre Medico sedit ex Commentario de Rom. Pontificibus , Damaso falsò adscripto, Annos 6. Menses 1. dies 3. ex Chronico Eusebij Menses 7. ex alijs Menses 7. & dies 16. supra annos duos. ex Indice verò Cresconiano annos duos , menses 8. dies 28. Tandem teste Baronio Menses vnum & dies 25. supra biennium .

Martyrem illum faciunt sub Constantino , vel Maxentio Petrus de Natalibus , & Galestinus ; Confessionem dicunt Martyrologium Romanum , Ado , Optatus , Augustinus epist. 165. Nicephorus Episcopus in Chronico , Ciaconius cum suis Auctarijs , & alij .

V. KAL. OCTOBRIS .

Romæ anno à partu Virginis 1590. post duodecimum à sua creatione diem , antequam pontificijs insignibus coronaretur , in Vaticano Palatio de vita migravit Urbanus VII. Pontifex in ordine ducentessimus quartus , patria Romanus , Genua oriundus , moribus castissimus , ingenio mitis , prudentiæ , religionisque commendatione mirabilis , qui bona sua etiam paternam ad æstimationem multorum millium aureorum supremis tabulis Puellarum pauperum dotibus .

N 4

lega-

legavit . Cadaver in S. Petri Basilica conditum . Vacavit Sedes per dies 8. supra menses duos .

Notæ . 27. Septembris .

Urbanus VII. *Cosmi Castanei Genuensis, & Constantiæ Ricciæ Romanæ, filius.*

Urbani gesta explicarunt Pompeius Vgonius in Oratione funebri, Ferdinandus Vghellius in Italia sacra, Petramellarius, Auctarij Ciaconij, Io: Baptista Rubeus in Vita, Augustinus Valerius, Henricus Ludonicus Rupipozeus Castaneus in Nomenclatore Cardinalium, & alij plures.

III. KAL. OCTOBRIS.

Romæ hac die Anastasius III. Pseudopontifex in Schismate contra Benedictum III. post duos menses & aliquot dies è Sede descendit. hoc enim fuit XIII. in Romana Ecclesia Schisina.

Notæ . 29. Septembris.

Anastasius . patria Romanus Presbyt. Cardin. S. Marcelli .

De quo Panuinius in Epitome, & Ciaconius in Benedicto III.

OCTO.

OCTOBER.

KALENDIS OCTOBRIS .

Romæ anno salutis 1404. Pontificatus decimo quarto, mense vndecimo decessit Bonifacius IX. in ordine ducentessimus quintus Pontifex Maximus, patria Neapolitanus, genere Tomacellus Cybo, vnus insigniorum, & prudentissimorum Pontificum, quos Ecclesia Catholica habuit, commendatissimus continentia & castitate, propensissimus ad ædificia, qui annum Iubilæi tertium celebravit, S. Petri Patrimonium recuperavit, Ladislaum Neapolitani Regis filium in paternum Regnum restituit, Robertum Cæsarem confirmavit, Cardinalium Senatui octo præstantissimos viros, nec non Brigittam Viduam Suevicam Sanctis adscripsit, & Cameram Apostolicam ditissimam reliquit. Corpus solenni funere in Vaticano sepultum; Vacavit Sedes per dies quindecim.

Notæ . 1. Octobris .

Bonifacius . ante Pontificatum Petrus, seu Petrinus Tomacellus Cybo, nobilis ex Nidi Curia, Cathedralam Petri ascendit anno atatis 30. alijs 45. Christi 1389. obiitque aliorum sententia Kalendis Nouembris .

Bonifacij laudes explicant Ægidius Cardin. Viterbiensis in hist. 20. secul. Genebrardus, Boninsegnius in hist.

hist. Florentina, S. Antoninus, Sabellicus, Gobelinus, Garimbertus, Henricus, Spondanus in Annal. Eccles. Iacobus Greiserus, Philibertus Campanillis de Nobiliis Neapolitanorum stemmatibus, Ciaconius cum Auctarijs, Panuinius, Platina, & reliqui omnes, qui historiam Pontificiam descripserunt.

VI. NONAS OCTOBRIS.

Perusij anno Dominicæ natiuitatis 1264. diem clausit extremum Urbanus IV. in ordine centesimus octogesimus quartus Pastor Urbis & Orbis, natione Gallus, patria Tricassinus, cum sedisset in Petri Cathedra annos tres, mensem vnum, dies 4. Hic solemnitatem sanctissimi corporis Christi quinta feria. post octauam Pentecostes instituit, B. Richardum Episcopum, Ordinis Cisterciensis miraculis clarum Sanctis annumeravit, Synodum apud Urbem veterem celebravit, Regulam secundam S. Claræ approbavit, iniurias ante Pontificatum iniuste acceptas, facillimè dimisit, Crucis piam militiam contra Græcos Schismaticos indixit, prolationem nominis Mariæ sacris indulgentijs ditavit, nouoque Ordini Militiæ B. Mariæ formam viuendi præscripsit, interque Cardinales selectos viros quatuordecim cooptavit. Corpus ibidem in Cathedrali S. Laurentio sacra sepultum. Vacavit ab eius obitu Petri Sedes per menses 4. & dies 3.

Notæ.

Notæ. 2. Octobris.

Urbanus. Iacobus Pantaleo ante Pontificatum dictus, ex Patriarcha Hierosolymitano, casu pro Terra Sancta negotijs in Vrbe existente, promotus omnium Cardinalium suffragijs ad Pontificatum, vacavit post eius obitum teste Panuinio dies duos supra mensem quartum, ex Platina verò & Genebrardo menses quinque.

Meminere Urbani S. Thomas Aquinas in Opusc. S. Antoninus, Odericus, Bzouius in Annal. Petrus Frizonius in Gallia purpurata, Stero in Annal. Hippolytus Marraccius in Pontif. & in Biblioth. Mariana, Brichius, Vvadingus, Ciaconius cum Auctarijs, & reliqui omnes Auctores historie sacra, vel Pontificia.

NONIS OCTOBRIS.

Romæ anno Christi 336. Pontificatus mense 8. die 22. ad superos euolauit Marcus huius nominis primus, in ordine trigessimus quintus Pontifex, patria Romanus, sanctitate clarus, qui Basilicas duas extruxit, via Ardeatina vnam, alteram iuxta Palatinas in frequentiori Urbis parte; Pallium Episcopo Ostiensi decreuit, utque in sacris solemnibus Symbolum Apostolorum, iuxta sententiam Concilij Nicæni post lectionem Euangelicam decantaretur, edixit, unicaque ordinatione Episcopos septem, Presbyteros

ros quinque, totidemque Diaconos consecrauit. huius corpus iacuit aliquando in Ecclesia via Ardeatina excitata, ex qua ad aliam ad Palatinas translatum. Vacauit Sedes per dies 20.

Notæ. 7. Octobris.

Marcus. Prisci filius, sedit ex Damaso, & Platina supra biennium, ex Ludouico verò Iacobo à S. Carolo menses tantum sex & dies 24.

Huius Pontificis acta explicant quotquot descripserunt historiam seu sacram, seu pontificiam, vel prophanam. Vide Ciaconium, eiusque Auctarios, Panuinium & alios, nec non Martyrologium Romanum, Bedæ, Vsuardi, Adonis, ac Baronium in Notis, & in Annal.

VIII. IDVS OCTOBRIS.

Anno Dominicæ Natiuitatis 1241. ante coronationem, die 17. ab electione decessit Cœlestinus IV. in ordine centesimus octogessimus primus Pontifex, patria Mediolanensis, ex antiqua, ac nobili Castilionea familia genitus, vita integer, doctrina insignis, & in negotijs plurimum versatus, qui breui licet Pontificatu immortalem consequutus est gloriam. Sepultus in Vaticano, Vacauit Romana Sedes per menses octo, & dies 15. supra annum vnum; censere enim, qui in Ecclesia Dei valebant auctoritate, neminem in Pontificem, esse eligendum, donec

donec Cardinales à Federico Cæsare in carcere detenti liberi dimitterentur.

Notæ. 8. Octobris.

Cœlestinus. Galfridus, seu Gaufridus, vel Goffridus dictus ante Pontificatum, sedit ex alijs dies 18.

Huius Pontificis res gestas prosequuti sunt Antonius Nigrinus in Elogijs Castillioneorum, Stadenfis, Matthæus Paris, Odericus, nec non Bzonijs in Annal. Panuinius, Riccardus, Ciaconius cum Auctarijs, & alij plures.

V. IDVS OCTOBRIS.

Anno salutis 1303. animi dolore, ex ingenti calamitatis vi concepto potius, quam senio confectus excessit Romæ Bonifacius VIII. Pontifex verè Maximus, in ordine centesimus nonagesimus quintus, patria Anagninus, nobili genere Caietanorum natus, doctrina, prudentia, rerumque experientia præstans, ingenio, memoria, & acri iudicio præditus, magno, excelsoque animo iurium Ecclesiasticorum, eiusque libertatis constantissimus assertior; in amicos effusus, & liberalis, in hostes sæuus, qui sacram Ecclesiæ ditionem amplificauit, Præneste obsedit, captamque diripuit cum Zagaro, & Columna; Eugubium ab Ecclesia desicientem recuperauit, Cardinales vnde viginti euul-

enulgavit, quibus aliquorum sententia purpurae rei coloris vestes, omnium Pontificum primus dedit; sextum Decretalium publicavit; Annum Iubilaei celebravit; Basilicae Vaticanae Canoniorum numerum auxit; quatuor Euangelistarum, nec non quatuor Ecclesiae Doctorum natalitios dies solemnes, & festos esse iussit, Ludovicum Galliarum Regem in Sanctorum Confessorum numerum retulit, quique Imperatoribus, Regibus, Principibus, Nationibus, Populis terrori potius quam religioni fuit, toto spatio annorum octo, mensium novem, dierum duodetriginta, quo Rempublicam Christianam administravit. Sepultus apud S. Petrum recentibus feretrum Carolo II. Rege Neapolitano, aliisque illustrissimis viris. Vacavit Sedes per dies decem.

Notæ. 11. Octobris.

Bonifacius. Benedictus ante Pontificatum nuncupatus passus est, carcerem & arumnas multas ab hostibus, de quo illud memorabile accidit, quod eadem die, qua obiit, iam inde trecentum & duobus elapsis annis eius corpus integrum, atque incorruptum repertum fuit anno Domini 1605.

Huius Pontificis acta referunt Iacobus Stephaneus Diaconus Cardinalis in libro de coronatione Bonifacii. Dantes, Petrarca, Carolus Degraffalius de Regalibus Galliae, Genebrardus, Carolus Signius de Episcopis Bononiensibus, Bernardus in Chronico,

nico, Odericus, & Brounius in Annal. Marcus Guazus in Chronico, Ioannes Rubeus, Nauclerus, Paninius, Ciaconius, eiusdemque Auclarij in Vita, & alij plures.

IV. IDVS OCTOBRIS.

Romae anno à partu Virginis 530. Pontificatus quarto, mense secundo, die duodevigesimo obiit Felix III. dictus IV. Pontifex in ordine quinquagesimus quintus, patria Beneventanus sanctitate illustris, qui rei divinae curam, gerens, Patriarcham Constantinopolitanum, declinantem à fide anathemate notavit, SS. Cosmae & Damiani Templum via sacra extruxit nec non S. Saturnini via Salaria ab igne absumptum restituit, duabusque Ordinationibus Episcopos 29. Presbyteros 55. Diaconos verò 4. sacro perunxit oleo. Sepultus post obitum in Vaticano. Vacavit Sedes per dies tantum tres.

Notæ. 12. Octobris.

Felix. Castorij Fimbrij filius, sedit supra annos 4. & menses 2. dies 13. vel 15. reijciuntur tamen illi, qui scripsere Felicem per annos undecim Ecclesiam administrasse.

De hoc Pontifice tractant Baronius in Annal. Eccl. Leo Ostiensis in Chronico, Bosius in Roma subterranea, Ludou. Iacobus à S. Carolo in Biblioth. Pontificia,

tificia, Paulus de Angelis in Notis ad Canonicum Romanum de Basilica Vaticana, Ciaconius, eiusdemque Auctarij, ac reliqui omnes, qui Pontificiam historiam elucubrarunt.

III. IDVS OCTOBRIS.

Hac die Romæ anno salutis humanæ 635. Pontificatus 12. Mense xi. die 7. consecratis Episcopis 71. Presbyteris 13. & Diaconis xi. excessit Honorius I. in ordine primus supra septuagesimum Pontifex Maximus, natione Campanus, qui Monothelitarum hæresim damnauit, Clerum restituit, Tempia Urbis pleraque reparauit, ornauitque, ad Oceanum vsque Apostolicos Viros misit ad Gentium conuersionem; Eduini Regis Anglorum legatos obedientiam totius Regni nomine præstantes, benignissimè recepit, omniumque primus instituit vt singulis diebus Sabbathi à S. Apollinari ad S. Petrum Clerus cum Litanis ordinatim procederet. Sepultus post obitum in Vaticano. Vacauit Sedes vsque ad consecrationem Successoris per Menses septem & dies duos deniginti supra annum vnum.

Ibidem anno 640. Pontificatus secundo obiit Ioannes IV. in ordine septuagesimus tertius Pontifex, natione Dalmata, qui initio sui Pontificatus Captiuos omnes Ecclesiæ auro redemit, & Synodo Episcoporum in Vrbe collecta, Monothelitarum hæresim iterum damnauit. Sepulchrum

chrum post obitum habuit in Ecclesia prope fontem Lateranensem à se in honorem SS. Martyrum Anastasij, Venantij, & Sociorum erecta. Vacauit Sedes per dies nouem supra mensem vnum.

Notæ. 13. Octobris.

Honorius. *Petronij de la Mara viri consularis filius, sedit teste S. Antonino menses undecim, vel ex alijs menses quinque supra duodecimum annum.*

Est Honorij mentio apud Baronium in Annal. Panuinium, Platinam, Robertum Card. Bellarminum, Biniurn, Genebrardum, Ciaconium cum Auctarijs, & alios omnes, qui historiam Pontificiam descripserunt.

Ioannes. *Venantij Scholastici filius, sedit annum vnum, menses 9. diesque 18.*

Huius meminere iidem, qui superius laudati sunt in Honorio Auctores, & alij plures apud eosdem.

PRIDIE IDVS OCTOBRIS.

Romæ via Aurelia natalis B. Callisti Papæ, in ordine decimi septimi, patria Romani, qui constituit, vt quater in anno, Vere scilicet, Æstate, Autumno, Hyeme ieiunaretur, eosque hæresis nomine damnandos censuit, qui putant Sacerdotes in crimen lapsos, post dignam pœnitentiam, pristinam dignitatem recuperare non posse; quique Ecclesia in Transtiberina regione ad honorem B. Virginis Mariæ ædificata,

nec non Cœmeterio via Appia, Alexandri Imperatoris iussu fame in carcere cruciatus, & quotidie fustibus cœsus, tandem anno Christi 227. è fenestra domus, in qua custodiebatur, præcipitatus, atque in puteum demersus, victoriæ triumphum promeruit, cum administrasset Rempublicam Christianam per mensem vnum, & dies 12. supra quinquennium, ac quinque ordinationibus Episcopos octo, Presbyteros sexdecim, & Diaconos 4. consecrasset. Corpus tertio ab Vrbe milliario in Cœmeterio Callepodij Presbyteri sepultum, ex quo postea deductum ad Ecclesiam S. Mariæ Transtiberim, ibi magno cultu asseruatur. Vacauit Sedes Pontificia post huius obitum per dies sex,

Notæ. 14. Octobris.

B. Callisti, Domitij filius de Vico Castrorum Rauennatum, cuius corporis pars translata in Galliam, Cisonij primum, deinde Remis recondita.

De Callisto tractant Martyrologia Romanum, Bedæ, Vsuuardi, Adonis, Baronius in Notis, & in Annal. Eusebius in Chronico, & in hist. Optatus, Augustinus epist. 165. Nicephorus vterque Episcopus scilicet, & Callistus, Surius Tomo VII. hac die, Mombritius, Ciaconius, eiusdemque Auctarij, & alij omnes, qui historiam tum sanctam, tum Pontificiam elucubrarunt.

IDIBVS

IDIBVS OCTOBRIS.

Anno Dominicæ Natiuitatis 1047. Pontificatus mense nono, die decimo quinto è vita excessit in Vrbe Clemens II. in ordine Pontifex, centesimus quinquagesimus secundus, natione Germanus, vir probus, ac literis eruditus, qui ex Episcopo Bambergensi, inuitus Sutrij in Synodo electus Romanus Pontifex, Henricum cum Agnete coniuge Imperatorijs insignibus in Vaticano decorauit, Concilium in Laterano contra Simoniacos celebrauit. Corpus ex supremis tabulis ad Ecclesiam Bambergensem delatum in Choro magnificentissimè conditum fuit. Vacauit eo mortuo Sedes Romana per menses nouem, & dies septem.

Ibidem anno 1389. Pontificatus XI. mense vi. die VII. mortuus est Vrbanus VI. Pontifex in ordine ducentessimus quartus, patria Neapolitanus, in quo præclaræ quidem ante Pontificatum eluxerant virtutes, Pontifex tamen ractus, visus est eas numquam habuisse, aut vnico momento amisisse, quare Schisma in Ecclesia vidit, Cardinalium plures è medio sustulit, alios dignitate eadem orbauit, & ne se desertum videret, sexaginta nouem Cardinales, quorum viginti nouem eadem die euulgauit. Sepultus post obitum in Vaticano, paucis eius mortem, vt potè hominis inexorabilis flentibus. Vacauit Sedes per dies decem & septem.

O 2

Anno

Anno verò 1591. Ibidem apud S. Marcum acerbissimis doloribus extinctus est Gregorius XIV. in ordine Pontifex ducentessimus trigessimus tertius, patria Mediolanensis, cum Romanæ Ecclesiæ per menses decem, toridemque dies præfuisset, premente fere semper Urbem annonæ penuria, grauique morbo. Hic Cardinalium Senatam quinque probatissimis viris auxit, Regularibus verò vsum rubri pilei concessit; Regno Galliarum adfuit contra tumultuantes, Pauperibus autem largis elemosynis, rerum celestium contemplationi deditus, illi ad primam lucem vnius horæ spatio vacare solebat; Missæ sacrificium nisi ægrotus, numquam intermisit. Cadauer in Sacello Gregoriano conditum, Vacauit Sedes per dies 14.

Notæ . 15. Octobris .

Clemens II. Suidgerus ante Pontificatum dictus ex Saxonia, Prouincia Germanica.

De hoc agunt Hermannus Contractus, Leo Ostiensis in Chronico Cassinensi, Albertus Cranzius in sua Metropoli, Iacobus Gaulterius in Tabula Chronogr. S. Antoninus, Baronius in Annal. Ciacconius, & reliqui, qui de Romanis Pontificibus tractarunt.

Vrbanus VI. Bartholomeus Prignano seu Beralus Archiepiscopus Barensis extra Collegium Summus Pontifex electus.

Cardinales quinque, & alios insignes Prelatos, quia

quia, in ipsum conspirauerant capite damnauit non sine nota seneritatis.

Sedit ex Panuino in Chronico, Platina, & Genebrardo menses octo supra annum undecimum.

Huius acta referunt Petrus Boninsegnius Florentinus in hist. Frossardus, Niemus, S. Antoninus, Ægidius Viterbiensis, Henricus Spandanus, Bzouius, Odericus in Annal. Genebrardus, Marraccius in Pontif. & in Biblioth. Mariana, Auctor Nomenclatoris Cardinalium, Michael Monachus in Sanctuario Capuano, Ciacconius cum Auctarijs, & reliqui omnes Pontificiæ historiæ Auctores.

Gregorius XIV. Nicolaus Sfondratus ante Pontificatum nuncupatus, filius ex legitimo matrimonio Francisci S. R. E. Cardinalis.

Gregorij laudes explicant Vincentius Blasius Garcia in Oratione funebri, Petramellarius, Ferdinandus Vghellius in Italia sacra, Henricus Caterinus Dauila in hist. Gallica, Spondanus in Annal. Baccius in Vita S. Philippi Nerij, Ciacconius cum Auctarijs, & alij plures apud eosdem.

XVI. KAL. NOVEMBRIS.

Romæ anno post Christum natum 531. Pontificatus die secunda post annum vnum mortuus est Bonifacius huius nominis II. in ordine Pontifex quinquagesimus sextus, patria Romanus, qui in Synodo à se conuocata in Vaticano, Constitutione plurimorum manu firmata successorem in Pontificatu nominauit, ne Gothorum

Reges Italiam occupantes, electionem Pontificis vsurparent; quæ tamen euulgata ab omnibus fuit reprobata, & rescissa. huius charitas emicuit in Annonæ penuria, nam Vrbi fame afflictæ adiumento fuit, Pauperibus ac Clericis Ecclesiæ opes larga manu effundens. Corpus in Vaticano conditum, Vacauit Sedes per menses tres, & dies quinque.

Ibidem anno Christi 707. Pontificatus secundo, mense septimo, die 17. ad Superos euolauit Ioannes huius nuncupationis VII. in ordine octogesimus septimus, patria Rossanensis, vir multæ eloquentiæ & sanctitatis, qui Basilicas plures in Vrbe restituit & ornauit, vnicaque ordinatione Episcopos 15. Presbyteros 9. Diaconos 2. consecrauit. Sepultus ad S. Petrum ante Altare Sanctissimæ Dei Genetricis Mariæ, quod ipse erexit. non vacauit Sedes, nam die sequenti ab obitu electus est successor.

Notæ. 17. Octobris.

Bonifacius. Sigisvulthi, alijs S. gisbundi filius, genere Gothus, sedit teste S. Antonino annos duos, ex Anastasio verò dies 26. supra annum secundum.

Meminerit Bonifacij Baronius in *Annal. Eccles. Ciaconius, Panuinius, Platina & reliqui de Romanis Pontificibus Scriptores.*

Ioannes VII. Platonis Ianidegæ filius, post cuius obitum vacauit Romana Sedes, teste Panu-
uino

uino per dies sex, ex Baronio verò mensibus tribus.

Celebrant Ioannem Ciaconius, eiusdemque Aularij, Platina & alij.

XV. KAL. NOVEMBRIS.

Anno Dominicæ Natiuitatis 1503. Pontificatus vigesima sexta die, ætatis quartum & sexagesimum agens annu suo vlcere, quod crus exedebat, afflictus excessit Romæ Pius huius nominis III. in ordine ducentessimus vndeuigesimus Pontifex Maximus, patria Senensis, Pij II. ex Sorore nepos, vir benigni, mitis, humanissimique ingenij, qui religione, integritate, modestia, grauitate claruerat semper, cui ob singulares virtutes iamdiu communis hominum opinio summum Ecclesiasticæ dignitatis apicem augurauerat. Sepultus primò in Vaticano apud Pium patrum, inde cum eodem translatus ad Ecclesiam S. Andreæ de Valle. Vacauit Sedes per dies 14.

Notæ. 18. Octobris.

Pius III. Franciscus Picolomineus ante Pontificatum nuncupatus, filius Nani Tudeschini, & Laodemia Pij II. Sororis.

Huius acta, virtutesque referunt præter Panuinium, Ciaconium, aliosque de Romanis Pontificibus Historicos, Marcus Antonius Sabellius, Marsilius

Ticinus, Antonius Campanus, Augustinus Datus, Jacobus Amanatus, Franciscus Philelphus, Angelus Politianus, Aldus Manutius, Lippus Braudolinus, Hermolaus Barbarus, Petrus Delphinus, in Epist. alijque quamplures.

XIV. KAL. NOVEMBRIS.

Anno post Christum natum 1187. Ferrariæ, quò Veronæ discedens se receperat, Romam profecturus, cum tristem nuncium accepisset Urbem Sanctam Hierusalem, anno octavo supra octogessimum postquam à Goffredo Buliono fuerat gloriôsè recepta, Saladinum suam in potestatem adduxisse, Crucemque Domini in manus impiorum peruenisse, dolore animi potiùs, quàm morbo occubuit Urbanus III. in ordine centesimus septuagesimus quartus, patria Mediolanensis, cum rexisset Petri nauim per menses decem, diesque 15. supra annum vnum, & euulgasset vnum, aut alterum Cardinalem. Corpus honorificè sepultum in Cathedrali Ferrariensi; vacauit Sedes per diem tantum vnum.

Notæ. 19. Octobris.

Urbanus III. Lambertus antea vocatus è familia nobili & perantiqua Cribella natus, sedit teste S. Antonino annos tres, seu ex alijs dies 25. supra annum & menses decem; obiitque die 18. Octobris, seu 19. vel 20. aut 22. Nouembris.

De

De Urbano III. tractant Baronius in Annal. Gotifridus Viterbiensis in hist. Neubrigensis, Rogerius, Bernardinus Coirus in hist. Mediolanensi, Ciaconius cum Auctarijs, & reliquis.

XII. KAL. NOVEMBRIS.

Romæ anno salutis 942. Pontificatus tertio, mense 4. die 15. mortuus est Stephanus IX. alijs VIII. in ordine Pontifex centesimus trigessimus, natione Germanus, literis excultus, virtutibusque plurimis ornatus, qui à Romanis sæpiùs seditioibus vexatus, nihil memoria dignum in Ecclesiæ commodum patrare potuit. Corpus in Vaticano conditum. vacauit Sedes per dies decem.

Notæ. 21. Octobris.

Stephanus. eodem vsus nomine ante Pontificatum, quem Othonis Regis Germanorum opera legitime obtinuerat, rexit ex Panuinio per annos duos, & menses aliquot, seu ex Baronio, & Codice Vaticano annos tres, menses quatuor, ac dies quinque.

Meminere Stephani S. Antoninus, Iacobus Gaultorius, Auctor Romæ subterraneæ, Ciaconius, & alij.

XI. KAL. NOVEMBRIS.

Theodorus Presbyter Cardinalis post obitum Ioannis V. Pontificis anno salutis 686. à Militibus

bus proclamatus Pontifex, sedem Petri per aliquot dies occupauit; at electus Conon ab omnibus derelictus è Throno spontè descendit.

Notæ. 22. Octobris.

Theodorus. *sedit contra Petrum quemdam ab aliquibus Clericis ad solium vi pronectus.*

De hoc tractant auctores Cononis apud Baronium, Panuinium, Ciaconium, & alios.

X. KAL. NOVEMBRIS.

Hac die in Vrbe anno à partu Virginis 928. Pontificatus Mense sexto die 15. obiit Leo huius nominis sextus, patria Romanus, qui integrè, modestèque viuens, rei diuinæ mirificè consuluit, conatusque semper est Ciues ad concordiam redigere, res Italiæ componere, externum pacare hostem, barbarosque ab Italia propulsare. Sepultus ad Sanctum Petrum, vacauit Sedes per diem tantum vnum.

Notæ. 23. Octobris.

Leo VI. Christophori Primicerij S.R.E. ex legitimo matrimonio filius, ex familia Gemina, qua Sanguinea postea dicta est, sedit, teste S. Antonino Menses tres. Hunc Panuinius post Ioannem XI. alij & melius post X. inter Pontifices collocant.

Est Leonis mentio apud Leonem Ostiensem in Chronico

nico Cassinensi, Iacobum Gaullerium in Tabula, Ciaconium, & alios.

VIII. KAL. NOVEMBRIS.

Romæ anno Christi 423. Pontificatus quarto, mense 9. die 24. ad superos euolauit Bonifacius I. in ordine quadragesimus tertius Pontifex Maximus patria Romanus, sanctitate, nec non miraculis clarus, qui ex Sotheri sententia, vetuit, ne mulieres altaria aut thura attererent, neque seruus, aut aere alieno grauatus in Clerum reciperetur, vnicaque ordinatione Episcopos 36. Presbyteros 13, Diaconos tres consecrauit. Sepultus via Salaria in Cœmeterio S. Felicitatis Martyris, inde ad Vaticanam Basilicam translatus cessauit Episcopatus per dies nouem.

Ibidem anno 622. mortuus est Bonifacius V. in ordine Pontifex septuagesimus, patria Neapolitanus natura mitissimus, singularis humanitatis, & clementiæ, magnaque in omnes benignitate & gratia vtens, nullum genus officij prætermisit, quod bonum deceret pastorem, hic immunitatem Ecclesijs concessit, ordinauitque Episcopos 29. Presbyteros 26. Diaconos 4. quinque annorum, mensiumque decem spatio, quo Rempublicam Christianam administrauit. Sepulchro conditus in Vaticano. Vacauit Sedes per dies 12.

Anno verò 935. Ibidem extinctus in carcere Ioannes XI. in ordine centesimus duodetrigesimus

mus Pontifex Maximus, patria Romanus ex Comitibus Tusculanis, qui à suis vexatus, nec non è folio deiectus post quintum suæ sedis annum, vti inuaforem Cathedræ alij è numero Pontificum Ioannem reijciunt. Post obitum conditus in Laterano, vacauit Sedes per diem vnum.

Notæ . 25. Octobris .

Bonifacius I. *Iucundi presbyteri ex legitimo matrimonio filius, sedit ex Anastasio annos 3. Menses 4. dies 13. ex Platina verò menses 8. diesque 7. ex Genebrardo Menses 4. dies 7. supra annum 3. ex Panuino annos quinque, minus mensibus duobus, & diebus tribus.*

Celebrant Bonifacium I. Martyrologium Romanum, Baronius in Notis, & in Annal. Gretserus in examine myst. Pless. Ciaconius cum Auctarijs, & alij plures.

Bonifacius V. *Ioannis Fummini filius, sedit ex alijs annos septem, menses decem, & dies undecim.*

De illo Baronius in Annal. Panuinius, Platina, Ciaconius, cum Auctarijs, & reliqui qui historiam Pontificiam descripserunt.

Ioannes XI. *Vridonis Thuscie Marchionis potentia, & Marotie maris Romanam Sedem obtinuit, seu in illam intrusus sedit aliorum sententia annos 4. Menses & dies 15.*

De illo Ciaconius, Baronius, Panuinius, & alij Scriptores omnes, qui acta Pontificum Romanorum pertractarunt.

VII. KAL.

VII. KAL. NOVEMBRIS.

Romæ memoria S. Euaristi Pontificis, in ordine sexti, natione Syri, qui Romanam Urbem in Titulos diuisit, & Presbyteris illos attribuit, vt vnusquisque suæ paroeciæ terminis, certisque limitibus distingueretur; septem quoque Diaconos custodiæ Episcopi prædicantis perpetuo addixit, Deique Ecclesiam sub Hadriano Imperatore anno salutis 118. suo sanguine purpurauit, cum illi præfuisset menses duos, diesque duodeviginti supra annos octo, atque in ea ordinasset Episcopos quinque, Preebyteros sex, seu decem & septem, Diaconos duos. Sepultus iuxta B. Petri corpus in Vaticano, vacauit Romana Sedes per dies 19.

Notæ . 26. Octobris .

Euaristus. *Iudæ Iudæi filius, sedit affirmante Platina annos decem, & menses septem, ex Eusebio autem annos tantum octo, ex Mariano Scoto annos decem & menses duos, ex Baronio annos nouem & menses tres.*

Est Euaristi mentio in Martyrologijs Romano, Bedæ, Vsuardi, Adonis, apud Irenæum, Epiphanium, Eusebium in Chronico, Optatum, Augustinum, Nicephorum, Panuinium, Ciaconium, & alios.

PRIDIE

PRIDIE KAL. NOVEMBRIS.

Anno salutis humanæ 1003. Pontificatus mense quarto, dieque 25. in Vrbe è viuis sublatus Ioannes huius nominis XVII. in ordine Pontifex centesimus quadragesimus quintus, patria Romanus, qui Defunctorum commemorationem in Ecclesia confirmauit. Conditus post obitum in Ecclesia S. Sabæ. vacauit Cathedra per dies 15.

Notæ . 31. Octobris .

Ioannes . Sicò ante Pontificatum nuncupatus, genere ignobilis sedit Panuino scribente, menses quinque, ex Baronio verò dies aliquot supra menses quinque .

De hoc agunt Platina, Blondus, Genebrardus, Ciaconius cum Auctarijs, alijque multi .



NOVEM-

NOVEMBER.

KALENDIS NOVEMBRIS.

ROmæ anno post Christum natum 827. Pontificatus 4. Mense 11. dieque 12. extinctus est Hadrianus iunior, seu secundus, omnium plausu, se tamen repugnante, ad Pontificatum assumptus, locum centesimum octauum inter illos occupauerat, patria Romanus, qui cum aliquando Sergio Pontifici familiaris esset, & quadraginta ab eo nummos dono tulisset, cui-dam domestico tradidit, vt in pauperes erogaret; is cum multitudini pauculos nummos nequaquam satisfacturos videret, rem omnino retulit; tum Hadrianus ipsemet pecunia accepta, singulis ternos denarios distribuit, quorum totidem sibi reseruauit, quot erogauerat, quod diuino miraculo factum putarunt familiares, vt quàm magnus pauperum numerus, eò magis aucti & multiplicati fuerunt nummi. Hic Synodum Constantinopolitanam octauam indicxit, in qua Photius Patriarcha, trecentorum & octoginta trium Episcoporum suffragio tanquam factiosus deiectus, & Ignatius restitutus; Ludouicum Cæsarem coronauit; Aragonensibus sanctarum legum numerum, & nouam constituendi Regni formam dedit. Sepultus post obitum ad S. Petrum, vacauit Sedes per dies 12. supra mensem vnum.

Notæ.

Notæ . 1. Nouembris .

Hadrianus II. *Calari*, alijs *Talari* Episcopi ex legitimis nuptijs filius, sedit affirmante S. Antonino, annos quinque & menses vndecim, ex Baronio verò Menses 10. diesque 17. supra annum decimum, obiitque teste Panuino Kalendis Octobris.

Huius laudes explicant Auctor *Roma subterranea*, Ioannes de *Columna*, Panuinius, Ciaconius cum Auctarijs, alijsque plures.

VIII. IDVS NOVEMBRIS.

Anno Christi 707. Pontificatus die 22. Romæ subita morte correptus est Sisinius, quem alij Zosimum vocant, natione Syrus, in ordine Pontifex octogesimus octauus, qui vnico tantum consecrato Episcopo pro Insula Cygni, reliqua quæ parauerat in Ecclesiæ commodum, perficere non valuit; multa tamen edidit signa virtutis suæ, & licet chiragra & podraga laborans, manuum ac pedum usum prorsus careret, numquam tamen diuinarum rerum cultum intermisit. Sepultus post obitum ad S. Petrum, vacauit Sedes per dies sexdecim supra mensem vnum.

Ibidem anno 1406. obiit Innocentius VII. in ordine Pontifex ducentessimus sextus, natione Aprutinus, patria Sulmonensis, cui Scriptores

res triplex tribuunt elogium, pacifici nimirum, mitis, & probi, adduntque iurisconsultissimum fuisse, & delectari solitum colloquijs doctorum virorum, singularemque facundiam & venustatem in dicendo obrinuisse, vexatus ferè semper tum à Gibellinis, tum à Guelphis, Ecclesiam, rexit per dies 21. supra biennium, quo tempore vndecim, aut duodecim euulgauit Cardinales, quorum tres, Angelus videlicet Corarius, Petrus Philargus, & Otho Columna Petri solium ascenderunt, sub nomine Gregorij XII. Alexandri V. & Martini III. vulgò V. post obitum conditus in Vaticano; vacauit Cathedra per dies 24.

Notæ . 6. Nouembris .

Sisinius. Ioannis filius, obiit ex alijs die 7. Februarij anno 708. & vacauit post eius obitum Sedes per dies 29.

Dictus etiam est Sosinus.

De hoc agunt Panuinius, Ciaconius cum Auctarijs, & alij multi.

Innocentius. Cosinatus Melioratus ante Pontificatum vocatus.

Celebrant Innocentium Leonardus Aretinus in Commentario rerum suo tempore gestarum; Ægidius Viterbiensis, Severinus Binius, Baptista Campofulzosus in dictis, & factis memorabilibus, Hippolytus Marraccius in Pontif. Marianis, Ferdinandus Vghellius in Italia sacra, Henricus Spondanus

in Annal. Eccles. Ciaconius cum Auctarijs, & reliqui omnes, qui de Romanis Pontificibus ex professo scripserunt.

VI. IDVS NOVEMBRIS.

Romæ anno Christi 616. Pontificatus tertio, dieque vndeagesimo animam Deo reddidit S. Deudedit Pontifex, in ordine sexagesimus nonus, patria Romanus, qui tanti meriti fuit, vt leprosum osculo à lepra sanauerat, quique Clerum & Populum Romanum impense dilexit, & auxit, dum vixit, moriens autem vitrim nummos diuidendos eidem reliquit; vetuit solùm, ne filius cum puella quem Pater à sacro fonte receperat nuptias vlla ratione contraheret. Corpus in Basilica Principis Apostolorum digno cum honore sepultum; vacauit Sedes vsque ad consecrationem Successoris dies sexdecim supra mensẽ vnũ.

Ibidem anno 1032. Pontificatus sui octauo, mense nono, die decimo mortuus est Ioannes huius nuncupationis XIX. alijs XX. in ordine Pontifex centesimus vndequinquagesimus, patria Romanus; ex Comitibus Tusculanis, Benedicti VIII. Prædecessoris germanus frater, professione Monachus S. Benedicti, qui à Romanis expulsus, Conradi Imperatoris opera restitutus, illum Imperiali corona solemniter cinxit. Conditus post obitum in Vaticano inter portam argenteam & Romanam; vacauit Sedes per dies duos.

Notæ.

Notæ. 8. Nouembris.

Deudedit. alijs Deodatus, vel Theodatus, Petri, seu verius Stephani filius sedit scribente S. Antonino dies 20. supra annos duos, ex Panuinio vero annos tres, & totidem supra 20. dies, ex Anastasio, & Baronio annos tres, minus dies quinque.

Huius Pontificis Ossa tum Romæ, tum Neapoli venerantur Fideles.

Tantum Pontificem celebrant Martyrologium Romanum, Ciaconius, eiusque Auctarij, & reliqui omnes, qui historiam sanctam, vel pontificiam scriptis consignarunt.

Ioannes XIX. Gregorij filius ante Pontificatum Ioannes nuncupatus, sedit ex alijs annos decem.

De hoc agunt Glaber, Rodolphus, Leo Marsicanus in hist. Cassinensi, Ciaconius cum Auctarijs, Panuinius, Platina, Io: Stella, & reliqui omnes de Romanis Pontificibus Scriptores.

IV. IDVS NOVEMBRIS.

Romæ anno Dominicæ Natiuitatis 1549. ætatis 82. Pontificatus xv. Mense primo, die septima, excessit Paulus III. in ordine Pontifex ducentesimus trigessimus quartus, patria Romanus, gente Farnesia genitus, prudentia insignis, & in explorandis hominum studijs, & sensibus de-

P 2

tegen-

tegendis solerti perspicacia dotatus, vir magni consilij, doctrinæque qui Concilium Mantuanum, & Tridentinum indixit, bellum inter Carolum V. Cæsarem, & Franciscum Galliarum Regem sedauit, fœdus contra Turcas, & Hæreticos iniuit, Capuccinorum Ordinem, & Societatem Iesu confirmauit; Henricum VIII. Angliæ Regem anathemate damnauit, Carolum V. benignissimè recepit, viros septuaginta & vnum pietatis, prudentiæ, doctrinæque laude clarissimos, vndique conquisitos inter Purpuratos retulit, ex quibus quatuor, Iulius videlicet III. Marcellus II. Paulus IV. & Pius IV. ad supremum Ecclesiasticæ dignitatis fastigium peruenerunt; ad expeditionem Tuneti à Carolo V. susceptam duodecim Triremes Virginio Vrsino Duce instruxit, Ecclesias aliquas in Cathedralibus erexit, Equitum Ordines plures instituit, Urbem & Vaticanam Basilicam ornauit maximè, in hac iacet in Tumulo, publico aere, Cardinalium decreto erecto. Vacauit post eius obitum Sedes per dies vndetriginta supra menses duos.

Notæ . 10. Nouembris.

Paulus III. *Alexander ante Pontificatum nuncupatus, Petri Aloysij Farnesij & Ioannelle Caietane de Sermoneta, Bonifacio VIII. sanguine coniunctæ filius.*

Pauli acta referunt Romulus Amaseus in oratione

ne funebri, Henricus Spondanus in Annal. Hippolytus Marraccius in Pontif. Marianus, Bosius in Roma subterranea, Iacobus Gaddius de Script. non. Eccles. Mutius Pansa in Biblioth. Vaticana, Sfortia Cardin. Pallavicinus in hist. Concilij Trident. Felix Contelorius in Elencho, Ciaconius cum Auctarijs, & reliqui omnes, qui historiam Pontificiam descripserunt.

III. IDVS NOVEMBRIS.

Ceræ in Tuscia à Constantino Imperatore Ariano ob Catholicæ fidei defensionem è Sede, quam occupauerat contra Liberium gladio necatus gloriosè occubuit Felix huius nominis secundus, patria Romanus, cum per annum, vnum, menses tres, & dies duos administrasset Rempubicam Christianam, cuius natalis dies ab Ecclesia anniuersaria celebritate recolitur 4. Kal. Augusti, quæ licèt eius Pontificatum non probet, complectitur tamen martyrium. Corpus à Clericis raptum via Aurelia secundo ab Vrbe lapide conditum in Basilica, quam ipse construxerat.

Notæ . 11. Nouembris.

Felix. *Patre Anastasio genitus ex Diacono Cardinali, octo annis aliorum testimonio præsuit Ecclesie.*

De illo Martyrologium Romanum, Baronius in

Notis, & in Annal. Anastasius Bibliothecarius, Ado Viennensis, Beda, Noikerus, Vsuardus, Giacomius, Panuinius, & alij quamplures, quorum aliqui illum non expungunt à numero Pontificum Romanorum.

PRIDIE IDVS NOVEMBRIS.

Hac die in Vrbe anno post Christum natum, 530. extinctus est Dioscorus, patria Romanus, electus in schismate contra Bonifacium II. Dei beneficio factum fuit, vt citò morte præuento Schismatico, extingueretur & Schisma, non enim sedit nisi per dies vndetriginta; Sepultus post obitum in Vaticano.

Anno verò Christi 606. Ibidem obiit post ordinatos Episcopos XXI. alijs XI. Bonifacius huius nominis III. in ordine Pontifex sexagesimus septimus, patria Romanus, iurium Ecclesie defensor acerrimus, vita, fide, moribus probatissimus, qui breuem sortitus vitam in Pontificatu, non enim peruenit ex aliquibus ad mensem nonum, conuocatis ad Synodum duobus & septuaginta Episcopis, triginta Presbyteris, tribusque Diaconis, constituit proposita delinquentibus graui anathematis poena, vt post triduum in locum demortui Episcopi vel Pontificis alius subrogaretur, ne quis occultò, aut circumuentione aliqua Pontificatum, aut Episcopatum appeteret, Sepultus ad S. Petrum in Vaticano, vacauit Sedes per dies quinde-

cim

cim supra menses sex.

Anno 654. Pontificatus 6. mense 4. die 17. rerum omnium difficultatibus afflictus, virtutibus omnibus ornatus decessit Martinus huius nominis primus, in ordine Pontifex septuagesimus quintus, natione Tuscus, patria Tudertinus, qui Romæ coacta Synodo, cum Sergium, Paulum, & Pyrrhum hæreticos damnasset, iussu Constantis Imperatoris hæretici per fraudem captus, & Constantinopolim in vinculis perductus, in Cherfonestum relegatus, ibi ob Catholicam fidem ærumnis confectus, ac miraculis clarus, cum Episcopos 33. Presbyteros 11. Diaconos 5. consecrasset, vitam sanctissimè terminauit, cuius corpus postea Romam translatum iacet in Titulo Equitij. Post huius obitum vacauit Romana Sedes per menses 8. & dies 28. quia nihil certi de sanctissimi viri morte in Vrbe habebatur.

Notæ. 12. Nouembris.

Dioscorus. ex Presbytero S.R.E. electus Pseudo-pontifex.

De quo Baronius in Annal. Panuinius, Giacomius cum Auctarijs, & alij apud eosdem.

Bonifacius. Ioannis Catadiocis filius, sedit Panuino teste annum vnum, menses duos, & dies 28. obiitque ex alijs die 2. Maij.

Est Bonifacij mentio apud Giacomium, eiusdemque Auctarios, Baronium in Annal. Panuinium,

uinum, Platinam & alios.

Martinus. Fabricij filius obiit ex alijs hac die anno 653. cum sedisset ex Baronio Menses tres, & dies 12. vel ex S. Antonino, Panuino, ac Breuiario Romano mensem unum, dies 26. supra sextum annum.

Plures præclarissimis laudibus Martinum celebrant. Vide Martyrologium Romanum, Bedæ, Vsuardi, Adonis, Menologium Græcorum Idibus Aprilis, & 16. Kal. Octobris; vide acta apud Surium, Anastasium, Panuinum, Ciaconium, & alios.

IDIBVS NOVEMBRIS.

Romæ anno Christi 867. Pontificatus nono, mense 6. die 20. è vita excessit Nicolaus huius nominis primus, cognomento Magnus, quia Gregorium, & Leonem gloria æquauit, in ordine Pontifex centesimus septimus, patria Romanus, vir tantæ reuerentiæ, maiestatis, eloquentiæ, ac doctrinæ vt ab omnibus tanquam numen coleretur. hic absens renunciatus est Pontifex, fugiens ac latitans, nolensque collocatus in folio, Ignatij Patriarchæ Constantinopolitani partes contra Photium sustinuit, Ioannem Archiepiscopum Rauennæ ad Sedem Apostolicam vocatum, propter obiecta crimina venire recusantem, dignitate priuauit, Saracenos Beneuentum vsque peruagatos repulit, Lotharium Lotharingiæ Regem iniuste vxorem repudiantem, anathemate perculit, Bulgaros, eorumque

que Regem ad fidem perduxit Christianam, quibus instruendis sanctissimos viros dedit, Urbis Basilicas plures restaurauit, ornauitque, Episcopos 65. Presbyteros 7. Diaconos 7. ordinauit, Sardis pro contrahendis nuptijs leges dedit, Rotadum Sueffonicæ, & Seufredum Placentinæ Urbis Episcopos iniuste ab illis expulsos, per legatos tuos restituit, Imperatoris minas contemnens, Ecclesiæ iura forti pectore tutatus semper est. Sepultus post obitum ante fores Basilicæ S. Petri. vacauit Sedes per dies septem.

Notæ. 13. Nouembris.

Nicolaus. Theodori filius, sedit ex S. Antonino menses duos, & dies 20. ex alijs menses 7. ac nonnullos dies supra annum nonum; Hic Ioanne Diacono affirmante receptus in Sanctorum gloria, unâ cum S. Gregorio cuidam apparuit.

Tantum Pontificem summis laudibus prosequuti sunt Hadrianus II. Pontifex literis ad Orientales datis, Gratianus in Decret. Annales Fuldenses, Anastasius Biblioth. Miræus, Io: Baptista Egnatius, Bossius in Roma subterranea, Giacchetus in hist. Eccles. & Monasterij S. Siluestri de Vrbe, Baronius in Anal. Panuinius, Ciaconius cum Auctarijs, alijque quamplures.

XIII. KAL. DECEMBRIS.

In Sardinia Insula anno Dominicæ Natiuitatis

tis 237. fustibus mactatus Martyrium consumauit Calpurnius Pontianus, patria Romanus, in ordine Pontifex vndeagesimus, qui sanctitatis laude clarissimus, per annos quinque, totidem menses, diesque duos, quibus Rempubli- cam Christianam administrauit, nil magis Ciui- bus suis, & reliquis persuadere nixus, quam vt ab antiquis superstitionibus recederent, & veri- tati acquiescerent Catholicæ; quare falsis dela- tionibus apud Alexandrum Imperatorem accu- satus, Vrbe eiectus, in Insulam Sardorum rele- gatus, cohorte Militum stipatus, martyrij pal- mam assequutus est. Corpus à B. Fabiano Ro- mam relatum, in Cœmeterio Callisti sepultum; Vacauit Sedes per diem tantum vnum.

Romæ verò anno salutis 499. eadem die, cum sedisset annum vnum, menses vndecim, totidemque dies, ac ordinasset Episcopus 16. Presbyteros 12. è vita migravit Anastasius II. iunior nuncupatus, patria Romanus, in ordi- ne Pontifex quinquagesimus primus. Sepultus in Basilica S. Petri Apostoli, vacauit Sedes per dies duos.

Notæ. 19. Nouembris.

Calpurnius Pontianus. *Calpurnij filius sedit ex Ferrario, & Baronio annos 4. totidem menses & dies 25. ex Damaso verò Eusebio, Mariano Scoto, & Platina menses quinque supra nouennium, ex Anastasio Menses duos, & dies duos supra quinquennium.*

De

De Pontiano agunt Martyrologium Romanum, Vsuarius, Ado, Beda, Optatus Mileuitanus, Au- gustinus epist. 165. Nicephorus Episcopus in Chronico, Nicephorus Callistus in hist. Ciaconius cum Auctarijs, & alij plures.

Anastasius II. Petri filius de regione Esquilina, obiit ex alijs 16. Kal. Decembris, contra quem multa facta, ac si communicasset hereticis.

De Anastasio tractant Baronius in Annal. Alber- tus Pigbius in hierarch. Eccles. Ciaconius cum Aucta- rijs, ac reliqui omnes, qui historiam Pontificiam, pertractarunt.

XI. KAL. DECEMBRIS.

Annus Christi 496. nouissimus fuit S. Gela- sio huius nominis primo, in ordine quinquage- simo, genere Africano, sanctitate & doctrina illustri, qui Concilia duo Romæ congregauit, vnum septuaginta, alteram quinquaginta quin- que Episcoporum pro primatu Romanæ Ecclesiæ aduersus Constantinopolitanos Episcopos; qui in illam cornua erexerant, & contra Manichæos, quos ab Vrbe expulit, & exilio damnauit. Cle- rum vnice dilexit, & auxit, Pauperes semper mira beneuolentia, & caritate complexus est, Romam inopia, & fame laborantem subleuauit, Anastasium Imperatorem & Vandalorum Re- gem, quod Hæreticis fauerent, à Fidelium communiione segregauit, & hæc spatio annorum quatuor, Mensium octo, dierum vndeiginti, quo

quo præfuit Romanæ Ecclesiæ . Post obitum
conditus in Vaticano ; vacauit Sedes per dies
quinque .

Notæ . 21. Nouembris .

Gelasio . fuit Valerij Episcopi Africani ex legi-
timo matrimonio filius , obiitque ex alijs die 13. De-
cembris .

Gelasij acta explicant Martyrologium Roma-
num , Baronius in Notis & in Annal. Bedæ ,
Vsuuardus , liber de Romanis Pontificibus , Panuinius,
Platina , Ciaconius cum Auctarijs , & alij plures .

IX. KAL. DECEMBRIS .

Hac die natalis S. Clementis Papæ , patria Ro-
mani , B. Petri Apostoli in virtute discipuli , iasu-
læque hæredi , qui tertius inter Pontifices Maxi-
mos numeratus , Rempublicam Christianam ad-
ministravit per annos 9. Menses 6. dies 4. & in exi-
lium actus vltra Euxinum Pontum , munere suo
nec in ea quidem fortuna oblitus est fungi , do-
cuitque bis mille Fideles ad latomias damnatos,
eisdemque aquæ penuriæ laborantibus miraculo
succurrit , quare Proconsul Aufidius Pontificem
anchoræ illigatum in mare præcipitavit . Cuius
Corpus Nicolao I. Pontifice Romam translatum
in Ecclesia , quæ eius nomine antea fuerat extructa
in paternis domibus in Cœlio Monte , reconditum
est . Vacauit Romana Sedes per dies 22 .

Notæ .

Notæ . 23. Nouembris .

S. Clementis . Faustini , & Matidia filius ad Cæ-
sarum gentem ortum suum referens , in regione secunda
Cælij Montis natus est .

Celebrant S. Clementem Martyrologia Romanum ,
Bedæ , Vsuardi , Adonis , S. Hieronymus , & Bellar-
minus de Script. Eccles. Baronius in Notis , & in An-
nal. Panuinius , Platina , Ciaconius , & reliqui omnes,
qui historiam Pontificiam , vel sanctam descripserunt .

VII. KAL. DECEMBRIS .

Veronæ , quo ad Concilium à se indictum ac-
cesserat , mortuus est anno salutis 1185. Pontifi-
catus 4. Mense secundo , die duodetrigesima , Lu-
cius huius nuncupationis tertius , in ordine cen-
tesimus septuagesimus tertius , natione Etruscus ,
patria Lucensis , vir optimus , pietatis & pacis
cultor obseruantissimus , qui Vaticanam Basili-
cam , ac Mutinensem Cathedralem consecrauit ,
Vvilielmum Scotiæ Regem ab excommunicatio-
ne absoluit , & Regnum ab interdicto relaxauit ;
Regem Armenorum cum Episcopis ; ac Populo
Apostolicæ Sedi se subdentem , benignissimè re-
cepit , sexdecim præstantes viros Cardinalium
Senatui adscripsit , inter quos plures Romanos ,
licet ab Incolis illius Urbis male habitus semper
fuisset . Corpus in Cathedrali Veronenfi hono-
rificè marmoreo sepulchro conditum . post
huius

huius obitum non vacauit Romana Sedes, neque per diem, nam sequenti à morte electus est successor.

Notæ. 25. Nouembris.

Lucius. *Hubaldus Allucingolus ante Pontificatum nuncupatus, Bonaginta Morli filius.*

Meminere Lucij Auctores Chronicorum Lucensium, Guillelmus Tyrius de Bello sacro, Ptolomæus Lucensis, Stephanus Damaleuick in Vitis Episcoporum Vladislauiensium, Martinus Cromerus, S. Antoninus, Panuinius, Ciaconius cum Auctarijs, & alijs multis.

IV. KAL. DECEMBRIS.

Anno Domini 741. Pontificatus sui decimo, mense octauo, die quarta, & vigesima Romæ migravit in Cælum Gregorius III. in ordine Pontifex nonagesimus primus, natione Syrus, vir singularis doctrinæ, & humanitatis, præcipue græca atque latina lingua eruditus, diuinas ita callens scripturas, vt nemo tunc disertior prædicatione atque interpretatione haberetur. ne autem verbo tenus & cohortationibus Populos ad pietatem excitaret, omnia, quæ exemplo mouere possunt, ita assidue obibat, vt iudicare difficile sit promptior ne lingua, au opere fuerit. Orthodoxam fidem acriter defendit semper, vt eam ob rem maximorum Principum graues simultates, & inimicitias incurrere non dubitauerit,

rit, numquam armis, numquam potentia, minisque cuiuspiam, è gradu suæ constantiæ deiectus. Synodos duas in Vrbe celebrauit, in causa legati Apostolici vnam, alteram pro cultu sacrarum imaginum. Huius liberalitatis id argumentum est, quod erga Pauperes præstitit, quod in captiuis redimendis, in subleuandis aere alieno oppressis, in viduis ac pupillis regendis effudit, vt ea ratione communi voce Pater Patriæ vocaretur, quare collacrymantibus omnibus, tamquam communi parente orbatis, sepultus in Vaticano. Vacauit Sedes per dies octo.

Notæ. 28. Nouembris.

Gregorius III. *Ioannis filius sedit ex alijs menses nouem, diesque 12. supra annum decimum, obiitque hac die, male alij die 13. Februarij.*

De Gregorio inter Sanctos adscripto agunt Martyrologia, Romanum, Bedæ, Vsuardi, Adonis; Baronius in Notis, & in Annal. Anastasius Biblioth. Ciaconius cum Auctarijs, & alij quamplures.

III. KAL. DECEMBRIS.

Viterbij anno 1268. extinctus est Clemens huius nominis IV. in ordine centesimus octogessimus quintus Pontifex Maximus, natione Gallus, doctrina, prudentia, moribus, & vitæ sanctitate præstantissimus, qui Heduuigem Poloniæ Ducissam viduam, miraculis claram in Sanctis adnu-

adnumeravit, & Bernardum Aiglerium Cardinalium Senatui adscripsit, & quamdiu Pontificatum gessit, nempe per annos tres menses 9. dies 25. perpetuò hoc à se obseruari voluit, nihil nempe inconsultis Cardinalibus facere aut aggredi, & Agnatos suos in Italiam ad conspectum suum venire vetuit, quibus præter exiguam pecuniæ quantitatem nihil largitus est. Sepultus marmoreo tumulo ad Prædicatores in Ecclesia S. Mariæ ad gradus. Vacauit post eius obitum Sedes per annos duos & Menses nouem.

Notæ. 29. Nouembris.

Clemens. Guido Grossus, Fulcodij filius ante Pontificatum dictus, sedit, ut placet Platina, dies 21. supra annum tertium, ut Genebrardo totidem dies supra quintum.

De Clementis virtutibus tractant S. Antoninus, Fulgosius, Gissens, Trithemius, Odericus, Bernardus Guido in Chronico, Petrus Frizonius in Gallia purpurata, Hieronymus Garimbertus, Claudius Clemens in Vita, Ciaconius cum Auctarijs, & alij plures.

DECEM-

KALENDIS DECEMBRIS.

Romæ anno salutis 1521. ætatis suæ 47. Pontificatus octauo dieque 21. animam emisit Leo X. Pontifex Maximus, in ordine, ducentissimus vigesimus primus, patria Florentinus, Laurentij Medicei filius, iudicij in rebus cognoscendis peracuti, in audiendo patiens, aditu facilis, in dicendo elegans, prudens in sententijs, altæ indolis, munificentia, & liberalitatis incredibilis, qui extinctis bellorum incendijs, quibus Orbis ferè vniuersus conflagraret, totum se paci componendæ dedit, & ad Principes legatos misit ad pacem tranquillitatemque Reipublicæ constituendam. Cardinales à Iulio dignitate spoliatos restituit, Synodum ab eodem Laterani inchoatam, & agi, & perfici iussit; Tres in Vaticano Porticus Orientem respicientes edificauit, figuris, laquearibusque expoliuit; Templum ipsum Vaticanum à Iulio II. decessore mole maxima inceptum promouit, octo vicibus quinque & quadraginta Cardinales euulgauit, in Sanctis annumeravit Franciscum Paulensem Minimorum institutorem; Lutherum, hereticum piorum cœtu amouit, & in puenendis saltarijs, grassatoribus, proditoribus, pacisque publicis euersoribus acerbus, in reliquorum criminum animaduersione humanus & benignus. Post obitum tumulum in Vaticana Basilica habuit

buit vilem, sed qui affixis Poëtarum preciosis, & numquam interituris carminibus eius obitum deplorantium per aliquot annos nobilitatus fuit. è Vaticano ad S. Mariam super Mineruam tempore Pauli III. cadauer translatum, iuxta Clementis VII. corpus marmoreo & eleganti mausolæo conditum. Vacauit Sedes per dies septem, supra Mensem vnum.

Notæ. 1. Decembris.

Leo X. Ioannes Medices ante Pontificatum nuncupatus, triginta septem annos nazus, Petri Cathedram Cardinalium iuniorum opera ascendit, obiitque ex Panuino 4. Nonas Decembris.

Leonem scriptis celebrant Paulus Iouius, Felix Contelorius, Ludouicus Dominici, Panuinius, Platina, Ciaconius, eiusdemque Auctarij in Vita, Angelus Politianus, Petrus Bembus, Albertus Pighius in Epistolis, Ianus Damianus, Io: Baptista Garghas, Io: Camillus Zaccagninus, Io: Martinus Aurelius, Ioseph Carpanus, Mattheus Herculanus, Hippolytus Marraccius in Elogijs, Brounius, Spondanus, alijque omnes, qui historias seculi decimi sexti enulgarunt.

III. NONAS DECEMBRIS.

In Patriarchio Lateranensi hac die anno post Christum natum 1154. extinctus est Anastasius huius nuncupationis IV. in ordine centesimus septua-

septuagesimus Pontifex, patria Romanus, pacis & quietis publicæ amantissimus, Pauperumque Patronus singularis, qui plura ad dignitatem Ecclesiæ, tum ad ornatum Urbis mente destinauerat, si ei viuere diutius contigisset, obiit enim duobus euulgatis Cardinalibus, die 24. post mensem quartum, & annum vnum Pontificatus. Corpus in Basilica Constantiniana porphyretico sepulchro conditum. Vacauit Sedes per diem vnum.

Notæ. 3. Decembris.

Anastasius IV. Conradus de Suburra, Benedicti Patritij filius anno non completo obiit ex S. Antonino; post annos duos, menses 4. diesque 24. scribit Ioannes Stella.

Plura de hoc Romano Pontifice habuit Otto Frisingensis in Vita Federici Imperatoris, Genebrardus, Baronius in Annal. Panuinius, Chronicon Congregationis S. Ruffi, Iacobus Gaultierius in Tabula, Codex Vaticanus, Ciaconius cum Auctarijs, & alij plures.

NONIS DECEMBRIS.

Auenione anno salutis 1338. Pontificatus duodeuigesimo, mense tertio, die 28. nonagenario maior ex hac vita migravit Ioannes XXI. dictus XXII. in ordine Pontifex centesimus nonagesimus octauus, natione Gallus, paruus cor-

Q 2 pore,

pore, animo tamen magnus, & acer ingenio, prudentia, & doctrina insignis, qui Clementinas in quinque libros diuisit, festum Sanctissimæ Trinitatis in Ecclesia instituit, duos Thomas, Episcopum scilicet Herfordiensem, & Aquinatem, nec non Ludouicum Siciliae Regis filium, Ordinis Seraphici, Episcopum Tolosanum Sanctorum Catalogo inseruit, & quatuor supra triginta viros inter Cardinales cooptauit. Ecclesiam Tolosanam ac Tarraconensem Metropolim constituit, nouas dignitates, & Collegiorum Ordines decreuit; Ordinem Grandimontensem restituit, nouas Militum centurias disposuit, quæ pro Christo in Lusitania dimicantes Saracenis resisterent. Cortonæ in Etruria Episcopum tribuit, Vicecomites Mediolano uictos, Ludouicum Bauarum, uti Auctorem calamitatum Italiae, Nicolaum Estensem, & Passerinum Bonacassium, quia Ecclesiasticam dittonem armis vexabant, excommunicauit, Expeditionem Cruce signatorum in Saracenos promulgauit. Sepultus magna cum funeris pompa in Cathedrali eiusdem Urbis. Vacauit tum Sedes per dies 15. reliquit hic Pontifex in Ecclesiae commodum numeratò decem & septem auri milliones cusos, & septem, seu octo rudes & inelaboratos, in ostentationem Pontificiae potestatis in Republica Christiana.

Notæ.

Notæ. 5. Decembris.

Ioannes. *Iacobus Ossa antea dictus, Caturcensis in Aquitania, patre Arnaldo ex humili genere ortus, cognomine Deiisa, seu de Ossa, obiit ex Platina pridie Nonas Decembris, & vacauit Sedes per dies 17.*

Est Ioannis mentio apud Egidium Viterbiensem in Annal. S. Antoninum, Oldradum Bononiensem, Genebrardum, Odericum, & Brouium in Annal. Ptolomeum Lucensem, Hippolytum Marraccium in Pontif. Marianis, Alberinum Mussatum in hist. Augusta, Io. Baptistam Egnatium de exemplis illustrium virorum, Petrum Frizonium in Gallia purpurata, Ciaconium, eiusdemque Auctarios, & alios omnes, qui de Romanis Pontificibus scripserunt.

VIII. IDVS DECEMBRIS.

Auenione anno post Christum natum 1352. Pontificatus decimo, Mense 7. decessit Clemens huius nominis sextus, in ordine ducentessimus Pontifex, natione Gallus, professione Monachus, vir multæ doctrinæ, compositæque eloquentiæ, liberalis in omnes, officiosus & perhumanus, qui Iubilæum à centesimo ad quinquagesimum astrinxit annum, ipseque primus celebravit, inter Sanctos Confessores Iuonem Presbyterum Gallum, Aduocatum Pauperum, & Elzearium de Sabran Ariani Comitem recensuit;

Q 3

Car-

Cardinales vndetriginta instituit, hæresim Flagellantium in Vngaria aboleuit, indixit sacram expeditionem in Turcas, Auenionem à Regina Ioanna mercatus est, cuius Maritum Tarentinum Principem cum Vngariæ Rege pacauit, Vicecomesque cum Florentinis composuit, Sepultus in Cathedrali Auenionensi, inde translatus ad Monasterium Casæ Dei, in quo quondam Monachus & Abbas vixerat. Vacauit Sedes per dies XI.

Notæ. 6. Decembris.

Clemens. Petrus Rogerius ante Pontificatum nuncupatus, Presbyter Cardinalis SS. Nerei & Achillei sedit ex Platina & Genebrardo Menses sex, diesque duodeviginti supra annum decimum.

Summis sed debitis laudibus Clementem celebrant Trithemius in Chronico Hirsaugiensi, Augustinus Patritius de ritibus S. R. E. Sabellicus, Ægidius Viterbiensis, S. Antoninus, Odericus, Papyrius Massonus, Hocsemius, Rebdorsius, Petrus Frizonius, Panuinius Ciaconius, eiusdemque Auctarij in Vita, & alij plures.

VI. IDVS DECEMBRIS.

Romæ anno Dominicæ Natiuitatis 283. Pontificatus 8. Mense 6. die 4. sub Numeriano Imperatore martyrio coronatus est Eutychianus Pontifex

tifex, in ordine duodevigintus, natione Etruscus, patria Lunensis, qui trecentos & quadraginta duos Sanctos Martyres manibus suis sepulchro condidit, consecrauitque Episcopos nouem, Presbyteros 14. Diaconos 6. sepultus post obitum in Cœmeterio Callisti. Cessauit Sedes Pontificia per dies nouem.

Ibidem anno 930. extinctus est Stephanus VIII. dictus VII. in ordine Pontifex, centesimus vigesimus septimus, patria Romanus, qui per annos duos, mensem vnum, diesque 15. quibus Rempublicam Christianam administrauit, ita seditionibus vexatus est, vt nihil memoria dignum toto sui Pontificatus tempore agere potuerit, imò in seditionibus mutilatus turpiter in publicum prodire deinde semper erubuit. Sepultus ad Sanctum Petrum. vacauit Sedes per dies duos.

Anno verò 1124. Cœlestinus II. Patria Romanus, ex Presbytero S. Anastasiæ, omnium votis electus Pontifex ad euitandum Schisma, quod præuidebat, eadem die sponte è Throno descendit; cuius exemplo motus Honorius II. æmulus post 12. dies coram Cardinalibus Pontificatum, quem occupauerat & ipse deposuit, dicens se malle iurè Ostiensem, quam iniuria Romanum Episcopatum retinere, quare Cardinales humilitatis eius rationem ducentes factum emendarunt, & de nouo illum in Pontificem legitimum nominarunt. Cœlestinus verò obiit Cardinalis sub eodem Honorio II Pontifice.

Notæ . 8. Decembris .

Eutyechianus . *Marini filius , cuius Pontificatum Anastasius Bibliothecarius ad annum nonum extendit , & Luitprandus ad annum unum , mensem unum , diemque unum coarctat .*

De Eutyechiano Vide Martyrologia Romanum , Bedæ , Vsuardi , Adonis , Baronium in Notis , nec non in Annal. Eusebium , Optatum , Augustinum , Nicephorum in Chronico , Ciaconium cum Auctarijs in Vita , & alios plures .

Stephanus . *Tendemundi filius .*

De illo Pauvinius , Ciaconius , & reliqui omnes qui historiam Pontificiam descripserunt .

Cœlestinus . *Theobaldus Buccapecus antea dictus .*

De quo Ciaconius cum Auctarijs in Hono-rio II.

V.IDVS DECEMBRIS .

Romæ anno salutis 1565. Pontificatus 5. Mense 11. die 15. ritè susceptis Ecclesiæ Sacramentis per manus Caroli Borromei Nepotis ex Sorore , his paulò ante prolatis verbis . *Nunc dimittis seruum tuum Domine , secundum verbum tuum in pace ,* decessit Pius huius nuncupationis IV. in ordine Pontifex ducentessimus duodecimesimus , patria Mediolanensis , qui Concilio Tridentino reuocato finem imposuit ; Abdisu Orientalium trans Euphratem Christiano-
rum

rum Patriarcham obedientiam præstantem , benignissimè excepit , & post instauratos Christianorum mores , ad Romanæ Urbis ornamenta conuersus , vias restituit antiquas , muniuit nouas ; Saloniam aquam , olim Virginem appellatam , in Urbem reduxit , Leoninam Urbem muro cinxit , Hadriani arcem propugnaculis fulsit , Palatium Vaticanum triclinijs , testudine , laquearibus exornauit ; Capitolijs Prætorium ædificauit , Cardinalium Senatuum sex supra quadraginta selectissimis viris ditauit ; Melitam Insulam Turcarum obsidione vexatam , non pijs solum precibus , sed milite , comeatu , omnique subsidij genere inuit : Collegium Germanicam , & Vngaricum in Vrbe instituit , Lauretanum pro Patribus Societatis Iesu stabiluit , & Thermas Diocletiani Virgini Mariæ , Angelorum Reginae consecrauit . Post obitum Corpus lateritio tumulo in Vaticana Basilica sepultum , ex ea post aliquot annos ad S. Mariam Angelorum translatum . Vacauit Sedes per dies 26.

Ibidem anno seculi decimi septimi 69. cum Rempubicam Christianam pijsimè administrasset per annos duos , menses quinque dies vndeviginti , extinctus est Clemens huius nominis nonus , in ordine Pontifex ducentessimus quadragesimus secundus , natione Etruscus , patria Pistoriensis , qui Venetos militibus , pecunia , precibusque firmatos animauit ad Cretæ defensionem , bella inter Principes Christianos sedauit ,

uit, Gallum Regem Ludovicum XIV. armavit in Traces; subiectos populos imminutis vestigalibus releuauit; & inducta annonæ laxitate refecit, Pauperum miserias liberalitate in via, præsentia in Xenodochijs sæpè recreauit, illisque sæpius ministravit in mensa; Rosam Virginem Peruanam Beatis, Sanctis verò Mariam Magdalenam de Pazzis Monialem Florentinam, Carmelitici Ordinis, & Petrum de Alcantara Hispanum Minoritam adscripsit, sacraque purpura duodecim viros ex multis selectos ornauit; Sepultus post obitum in Vaticano; vacauit Sedes per Menses quatuor, & dies vnde- uiginti.

Notæ. 9. Decembris.

Pius IV. Angelus Medicus, Presbyter Cardinalis S. Priscæ, ante Pontificatum nuncupatus cuius acta in longum explicant Panuinius in Chronico, Syluius Antonianus in oratione fidebit, Genebrardus, Hippolytus Marraccius in Biblioth. & in Pontif. Marianis, Auctor Romæ subterraneæ, Ludovicus Iacobus à S. Carolo in Bibliotheca Pontificia, Ferdinandus Vghellius in Italia sacra, Hippolytus Capilupus, Ioannes Tonsus, Cornelius Amaltheus in Carminebus, Ciaconius cum Auctarijs, & alij plures apud eosdem.

Clemens IX. Iulius Rospigliosus, Presbyter Cardinalis S. Sixti antea dictus.

Plura habent de tanto Pontifice Auctarij Ciaconij, Patres Soc. Iesu in Opusculo prænotato, Sacra & profana

fana Romæ obsequia Clementi representata in Collegio Romano, Augustinus Fauoritus in Oratione funebri, & alij multi.

IV. IDVS DECEMBRIS.

Anno Christi 315. Pontificatus 3. Mense 2. die 21. Romæ spiritum Deo reddidit Miltiades Pontifex, in ordine trigessimus tertius, natione Afer, qui in persecutione Maximiani multa passus, pacem Ecclesiæ restituit sub Constantino Cæsare, aras Deo struendo, aris thura, & quæ thure suauius olent apud Superos, preces effundendo in gratiarum actionem. Synodo Romæ celebrata Donatum hæreticum damnauit, Episcopis xii. Presbyteris xiv. & Diaconis v. consecratis morti iam proximus, in hæreditatem miseris, quos uti filios toto vitæ suæ tempore vnice dilexerat, euocauit. Corpus sepultum via Appia tertio ab Vrbe milliario in Cæmeterio Callisti; vacauit Sedes per dies 17.

Notæ. 10. Decembris.

Miltiades. alijs Melchiodes natione Hispanus, sedit teste Anastasie menses septem, dies 12. supra annum tertium; ex Baronio verò annos duos, totidemque menses, & dies septem, cuius corpus è Cæmeterio, in quo primò conditum, translatum ad Titulum S. S. Iustri in Campo Martio.

Huius Sanctissimi Pontificis vitam descripsit S. Ber-

wardus Abbas Clarenallis, nec non Panuinius, & Ciaconius. est eiusdem mentio apud Martyrologium Romanum, Bedam, Vsuardum, Adonem, Eusebium in Chronico, Optatum Mileuitanum, Augustinum, Nicephorum, & alios,

III. IDVS DECEMBRIS.

Anno salutis 384. Pontificatus xvii. Mense tertio, minus tribus diebus decessit Romæ Damasus huius nominis primus, in ordine Pontifex duodequadragesimus, cui Hispania cunas dederat, Roma sanctissimos mores, quibus hodie etiam velut lucidissimum sydus Respublica Christiana suspicit propitium, nam qui Christi virtutes dum vixerat, post obitum eiusdem miracula imitatus est. Hic Apollinarem, & alios hæresiarchas in Synodis Romæ, & Constantinopoli celebratis damnauit, Petrum Episcopum Alexandrinum fugatum restituit, Sanctorum plurimorum memorias versibus exornauit, contra Vrsicinum Sedis Apostolicæ inuasorem stetit, Hieronymum doctrina præstantem, & sanctitate illustrem virum inter Cardinales cooptauit, sacro oleo Episcopos 62. Presbyteros 31. & Diaconos xi. perunxit. Sepultus via Aredeatina; nostra tamen ætate huius Sancti corpus iacet ad Theatrum Pompeij in Ecclesia S. Laurentij. Cessauit post eius obitum Pontificatus per dies vnum supra triginta.

Nota.

Notæ. 11. Decembris.

Damasus. Antonij filius, sedit ex Anastasio Menses 2. dies 10. ex Panuino dies 11. supra annum duodeuigesimum, ex Platina verò ex Genebrardo Menses tres, diesque undecim supra undeuigesimum annum, ex Baronio tamen annos tantum duodeuiginti, obiitque ex Ciaconio 4. Idus Decembris.

Est Damasi sanctissimi viri mentio apud Martyrologia omnia, apud Prudentium, Binium, Beljarninum, & alios.

PRIDIE IDVS DECEMBRIS.

Romæ anno post Christum natum 827. extinctus est Eugenius iunior, seu secundus, in ordine Pontifex centesimus primus, patria Romanus, qui Pauperum, Viduarumque causas, & vitam, ita tutatus est, vt ab omnibus merito illorum Pater, & misericors subuentor nominaretur. huius etiam opera captiui omnes vbiqueerrarum patriam lati repetiere, quos verò fortunis omnibus spoliatos inuenerat, suis facultatibus sustentauit. Cum itaque his præclaris artibus in Pontificatu tres annos, menses sex, diesque 24. egisset, Synodo in Vrbe celebrata ad corrigendos Ecclesiasticorum mores, collacrymantibus omnibus, & suam vicem potius quam mortem sanctissimi viri dolentibus, cum mors ei ad felicitatem via optatissima esset, abiit è terra.

Sepul-

Sepultus in Basilica Vaticana, vacauit Sedes per diem vnum.

Notæ . 12. Decembris .

Eugenius . *Bœmundi filius, sedit teste Genebrardo, & Panuino annos 4. Menses 6. dies 24. vel Baronio affirmante, Anastasio, ac Annalibus Francorum, menses duos, diesque 20. supra annum tertium, oculis verò captus martyrij palmam in Vrbe accepit teste S. Antonino.*

Summis laudibus extollunt Eugenium Ciaconius cum Auctarijs, Platina, & alij omnes, qui Pontificum acta explicarunt.

IDIBVS DECEMBRIS.

Romæ in Patriarchio Lateranensi anno Dominicæ Natiuitatis 1124. Pontificatus 5. Mense x. die 13. de Deo, deque hominibus benemeritis obiit Callistus II. in ordine Pontifex centesimus sexagesimus quartus, natione Gallus, professione Monachus, Vir planè Apostolicus, qui Ecclesiam, Imperatorum Tyrannide seruitutis iugo depressam vindicauit in perpetuam libertatem, Cardinalium Senatum sex & viginti selectissimis viris auxit, Remensem & Lateranensem Synodos celebrauit, virtutibusque omnibus, ac miraculorum signis enituit. Corpus sepulchrum habuit in Basilica Lateranensi; vacauit Sedes per diem vnum.

Nea-

Neapoli anno salutis 1254. Innocentius IV. in ordine centesimus octogesimus secundus Pontifex Maximus, patria Genuensis, multis egregiè factis clarissimus, & ob vendicatum, asseratamque libertatem omnibus seculis laudatissimus, extinctus est, cum sedisset annos xi. menses 5. dies 14. relicta apud omnes fama non modò excellentis scientiæ, sed etiam integritatis vitæ, admirabilisque prudentiæ; nam incendijs bellorum in Italia extinctis, relatisque in Sanctorum numerum Edmundo Anglo Cantuariensi Archiepiscopo, Stanislao Cracouiensi Martyre, Guillelmo Episcopo Briocensi, ac Petro Ordinis Prædicatorum Martyre, Cardinalium sedes tres supra viginti iam pridem vacuas optimis viris repleuit, Ordineque vti proprium insigne pileum rubrum dedit: Fridericum II. in Concilio Lugdunensi cui adfuit, Imperio priuauit, Natiuitatis B. Mariæ octauam instituit, & triginta Sacerdotia in sola Basilica Vaticana de nouo erexit. Pontificum Romanorum primus rosam auream sacrauit, Cruciferorum Ordinem ad antiquum splendorem restituit, ac Placentiæ nobilem Academiam fundauit. Corpus in Ecclesia Cathedrali ibidem conditum. Vacauit eo mortuo Sedes per dies 13.

Notæ . 13. Decembris .

Callistus . *Guido Guillelmi filius, Stephani Burgundie Principis frater, Balduini Flandriæ Comitis*

duxit.

auunculus, qui affinitatis gradu Reges Francorum, Angliæ, & ipsum Imperatorem attingebat, ex Archiepiscopo Viennensi renuntiatus Pontifex.

De Callisto tractant Guido Monachus Cisterciensis, Petrus Burgianus in hist. Monastica, Trithemius, Petrus Venerabilis, Petrus Cassinas, Suggestus Abbas in Ludouico Crasso, Guillelmus Tyrius de bello sacro, Auctores Gallia Christiana & purpurata, Guillelmus Malesberiensis, Vincentius Belluacensis, Eginus Abbas, Baronius in Annal. Ciaconius cum Auctarijs, Panuinius, & reliqui omnes Auctores Vitæ Romanorum Pontificum.

Innocentius. Simibaldus Fliscus ex Lauania Comitibus, Vgonis, seu Obizonis filius, diuini, humanique iuris consultissimus, sedit auctore Platina menses sex, diesque 12. supra annum undecimum, obiitque ex Vadango 7. ex Parisio verò 8. Idus Decembris.

Tanti Pontificis laudes non tacuerunt Augustinus Instinianus in hist. Genuensi, Ioannes Fichardus in Vitis Iuriconsultorum, Hippolytus Marraccius in Biblioth. de Pontif. Marianis. S. Antoninus in Chronico, Nauclerus, Federicus Federici de familia Flisca, Antonius Sanderus in Elogijs Cardinalium. Paulus Panza, Ciaconius cum Auctarijs, Panuinius, & alij plures.

XIX. KAL. IANVARII.

Hæc die anno post partum Virginis 896 Pontificatus 5. mense 6. die octaua è vita excessit in Vrbe

Vrbe Formosus Pontifex, in ordine centesimus decimus tertius, Ciuis & Episcopus Ostiensis, virtutum, doctrinaeque elegantia ac morum probitate commendatus, cuius Pontificatus assiduis Sergij Pseudopontificis sectatorum contentionibus fuit ferè semper vexatus; Sepultus post obitum in Vaticano, cuius ossa inde extracta ab Æmulis in Tyberim proiecta, sed à Piscatoribus inuenta in Basilicam Vaticanam deportata, ipsæ parietum sacrae imagines capitis inclinamento omnes ad vnam illa salutarunt. Vacauit Sedes per dies duos.

Notæ. 14. Decembris.

Formosus. Leonis filius, omnium primus qui ex Ordine Episcopali Petri Cathedram ascenderit, cum ante ipsum nemo nisi ex Presbytero, vel Diacono Cardinalibus Pontifex Summus factus fuisset. Sedit ex alijs menses 6. diesque 8. supra annum quartum.

De Formoso tractant præter Ciaconium, eiusdemque Auctarios, Luitprandus Ticinensis, Flodorardus, alijque omnes, qui scripserunt de Romanis Pontificibus.

XVIII. KAL. IANVARII.

Anno salutis humanæ 882. Pontificatus die secunda post decennium è vita excessit in Vrbe Ioannes VIII. in ordine Pontifex centesimus nonus, patria Romanus, qui inter Pontifices singularis Carolum Caluum in Vaticano, & post

R

eius

eius obitum Ludouicum Balbum filium in Trecenti Synodo, ac Carolum Crassum defuncto Ludouico parente in Vrbe Imperatores Occidentis inunxit, quorum armis fretus Saracenos à Romanis littoribus eiecit, Tusulanos Comites in Pontificem coniuratos fidelium commune priuauit, qui irati concitato tumultu Ioannem in carcerem contruserunt, à quo suorum ope elapsus Gallicis Militibus Comites, eorumque Sectatores in ordinem redegit. Post obitum sepulchrum habuit in Vaticano, vacauit Sedes per dies tres.

Eadem die Pisis quò se Ferrara relicta expeditionem in Infideles pro recuperanda Vrbe Sancta Hierusalem paraturus contulerat, anno salutis 1187. diem clausit extremum Gregorius huius nominis VIII. in ordine Pontifex centesimus septuagesimus quintus, natione Italus, patria Beneuentanus, sapientia, & vitæ sinceritate conspicuus, cum præfuisset Ecclesiæ vniuersali per dies 25. supra mensem vnum. Sepulchro conditus in Cathedrali Pisana; vacauit Sedes per dies 20.

Notæ. *MAI* 15. Decembris.

Ioannes VIII. Gundi filius ex Diacono Cardinali renuntiatus Pontifex dictus est Ioannes octauus, non-nonus, ut scribit Platina, obiitque ex Panninio 8. Idus Octobris.

De hoc Pontifice tractant Eginhardus in Annal.

Anna-

Annales Fuldenses, Fragmenta historiae Franciae, Albertus Miræus in Biblioth. Baronius in Annal. Eccles. Ciaconius cum reliquis.

Gregorius VIII. Albertus ante Pontificatum nuncupatus, filius Sertorij à Mora, alijs Spanadrionis Monachus Benedictinus, ex Presbytero Cardinali, & Apostolica Sedis Cancellario electus Pontifex, obiit ex Baronio 17. ex Panninio verò 8. Kal. Ianuarij.

Huius acta enlgarunt Gregorius Polydorus, Gerardus Vossus, Petrus Blessensis, Ciaconius, cum Auctarijs, S. Antoninus, & alij plures.

XVII. KAL. IANVARIJ.

Apud arcem Fumonis anno salutis 1128. in carcere extinctus est Mauritius Burgundinus, Hispanus, alijs Gallus, qui Henrici Imperatoris opera Petri Sedem inuaserat, & sub nomine Gregorij VIII. annos plurimum, minimumque quatuor Ecclesiam affixerat contra Gelasium, Callistum, & Honorium, horum nominum secundos.

Notæ. 16. Decembris.

Mauritius. ex Archiepiscopo Conimbricensi ab Episcopis Henrici Casaris fautoribus electus post iniustam priuationem Gelasij secundi.

De hoc Panninius, Baronius in Annal. Ciaconius, & alij.

R 2

XIV. KAL.

XIV. KAL. IANVARII.

Anno à partu Virginis 972. in Vrbe extinctus est Donus, alijs Dominus II. in ordine Pontifex centesimus trigessimus sextus, patria Romanus, qui tantæ modestiæ fuit, vt, etsi nihil in Pontificatu breui gesserit, non enim sedit nisi per menses tres, omnium tamen amorem, beneuolentiamque assecutus sit. post cuius obitum neque per diem vacauit Sedes, postridie enim euulgatus est successor.

Eadem die anno 1370. Auenione cessit è Vita Urbanus huius nominis V. in ordine secundus supra ducentessimus Pontifex Maximus, natione Gallus, Sedis suæ mense secundo, dieque 23. supra annum octauum, vir singularis virtutis, & ingentis animi doctrina, & pietate clarus, cuius innocentissimam vitam miracula plurima post obitum patrata illustrarunt. hic euulgatis quindecim Cardinalibus, SS. Apostolorum Petri, & Pauli capita in argenteis stauis inclusa in Laterano collocauit, Ordines Monachorum S. Hieronymi in Hispania, Iesuatorum Senis à Ioanne Columbino, Oliuetanorum, ac Mulierum à Brigitta Sueciæ Principe, institutos, confirmauit. cuius ossa iacent Massiliæ in Ecclesia Monasterij S. Victoris, in quo olim vixerat Monachus, & Abbas. Vacauit Cathedra per dies nouem.

Notæ.

Notæ. 19. Decembris.

Donus. ab aliquibus Dominio nuncupatus, sedit ex Ioanne Stella contra omnes Scriptores, menses sex supra annum unum. Alij hunc inter Pontifices non numerant, cum re vera legitima electione rexit Ecclesiam.

Meminere huius Pontificis Panuinius, Ciaconius, Baronius, & alij plures apud eosdem.

Urbanus V. Guillelmus Grisatus, Grimaldi viri militaris filius, electus absens, & extra Collegium Cardinalium, sedit ex Panuinio, ac S. Antonino annos tantum octo, ex Platina verò menses 4. supra annum octauum, ex alijs annos septem, menses duos, & dies 24. seu mensem unum, dies 13. vel 23. supra octennium.

Est mentio sanctitatis Urbani apud Martyrologium Benedictinorum, Gallicanum, Philippi Ferrarj, Baronium in Annal. Panuinium, Ciaconium cum Auctarijs, Platinam, Petrarcam, & alios.

XIII. KAL. IANVARII.

Anno Domini 1046. Sutrij in Synodò Gregorius VI. nobilis Romanus, vir magnæ religionis, & feueritatis post annum unum, menses septem, & dies 20. vt Accusatorum insidias euitaret Pontificatum deposuit, & exul in Germaniam se recepit; in eius electione pecuniam intercessisse, ideoque vitiatam Aduersarij affirmabant.

R 3

Notæ.

Notæ. 20. Decembris.

Gregorius. Ioannes Gratianus antea, & postea dictus, reijcitur ab aliquibus è numero Pontificum, ab alijs uti legitimus recipitur, quare non sine iniuria è Sede eiectum volunt illi, qui inter Pontifices Gregorium recensent.

Vide Baronium, Panuinium, Platinam, Ciaconium, eiusdemque Auctarios, Leonem Marsicanum, Guillelmum Bibliothecarium, & alios plures.

XI. KAL. IANVARI.

Florentiæ anno post Christum natum 1419. obiit Balthassar Costa patria Neapolitanus, Episcopus Cardinalis Tusculanus, & sacri Collegij Decanus, qui sub nomine Ioannis XXII. alijs XXIII. per annos 5. diesque 15. Republica Christiana administrata, ad extinguendum Schisma in Ecclesia, Pontificatum abdicauerat, ibique in Baptisterio S. Ioannis sepulchro marmoreo eleganti sepultus; vir maximo fortunæ ludibrio vexatus, & ingens vicissitudinis humanæ exemplum.

Notæ. 22. Decembris.

Balthassar. post abdicationem Pontificatus. vixit Episcopus Cardinalis annos 4. Menses 6. dies 24. in publicis functionibus ob memoriam Romani Pontificatus, quem iustè possederat, sedebat prope Pontifi-

cem

cem in sede eminentiori, omnium Cardinalium primus.

Meminit Ioannis Ciaconius cum Auctarijs, & reliqui omnes, qui de Romanis Pontificibus scripsere.

IX. KAL. IANVARI.

Anno post partum Virginis 907. Christophorus huius nominis primus, patria Romanus, qui pulso Leone V. Petri Cathedram inuaserat, septimo mense à Throno vi exturbatus, in Claustum relegatus est, ex quo à Sergio III. extractus, atque in carcerem inclusus. paulò post diem supremum obiit, Post mortem in Vaticana Basilica conditus.

Notæ. 24. Decembris.

Christophorus. ex Patre Leone natus Presbyter Cardinalis.

Est huiusce mentio apud Panuinium, Ciaconium, Baronium, & alios.

VII. KAL. IANVARI.

Romæ anno virginæ partus 272. Pontificatus xi. mense 3. die 14. beatò fine quieuit Dionysius Pontifex, in ordine vigesimus sextus, natione Calaber, qui Parochias in Vrbe, & foras dioceses diuisit, Romæ Synodum celebravit, Episcopos 7. Presbyteros 12. Diaconos sex sacro

R 4

inun-

inunxit oleo, multisque pro Ecclesia impensis, laboribus, fidei documentis clarus effulfit. Sepultus in Cœmeterio Callisti via Appia, tertio ab Vrbe milliario, ex quo ad Ecclesiam S. Siluestri de Capite progressu temporis translatus. Vacauit Sedes per dies quinque.

Ibidem anno 418. cum sedisset annum vnum, menses 4. dies 6. extinctus est Zosimus Pontifex in ordine quadragesimus secundus, natione Græcus, vir sanctitate clarus, & in purgandis hæresibus Pelagianorum admirabilis prudentiæ, qui consecratis Episcopis 8. Presbyteris 10. Diaconis 3. vetuit, ne Serui in Clerum reciperentur, statuitque vt Diaconi læuas Linostinis tegerent. Post obitum sepultus via Tiburtina, in Basilica SS. Martyrum Laurentij, & Stephani extra muros. Vacauit Sedes per diem vnum.

Anno verò 795. Ibidem viuendi finem fecit Hadrianus huius nominis primus, in ordine nonagesimus septimus Pontifex, patria Romanus, magnitudine animi, consilio, doctrina, & sanctitate vitæ cum quouis optimo Pontifice conferendus. Nemo post Petrum diutius in Pontificatu, quàm Hadrianus hic vixit, sedit enim annos 23. Menses x. dies 17. quo tempore nihil prætermisit, quod ad bonum & optimum Principem pertineret, nam & religionem Christianam, & libertatem Ciuium, & vitam pauperum, pupilulorum, ac viduarum accerrimè semper tutatus est. ordinauit 185. Episcopos, Presbyteros 24. Diaconos 7. hac etiam in re inter reliquos felicissimus

simus quia Merciorum, Gallorum, Bulgarorum, Saxonumque Regna, Ecclesiæ Romanæ non modo subiecta, sed tributaria viderit. Corpus B. Pauli laminis argenteis inclusum condidit, eiusdemque Ecclesiæ atrium sectis marmoribus strauit; Aquæ ductus quàm plurimos sumptu propè immenso restaurauit, Alsietinum via Claudia, Iulium via Latina, Claudium via Sublacensi, Aquæ virginis via Collatina, aquam etiam ex lacu Sabatino via Aurelia ex Ianiculo in Vaticanum deduxit. Præterea instituit vt centum Pauperes singulis diebus in Aula Lateranensi accumberent. Carolus Cæsar tanti Pontificis obitum molestissimè tulit atque desleuit ac si fratrem, aut amatissimum filium, patremue amisisset, eique scripsit Epitaphium in Vaticano. die sequenti electus est successor.

Notæ. 16. Decembris.

Dionysius. ex Monacho Presbyter Romanæ Ecclesiæ, atque ex Presbytero Pontifex, sedit ex Damaso, & Platina annos sex, menses duos, ex Panuinio annos decem & menses nonnullos, ex Anastasio verò Bibliothecario menses tres, & dies septem supra annos duos.

Præter laudatos celebrant Dionysium Martyrologium Romanum, Vsuardus, Beda, Eusebius in Chronico, Optatus, Augustinus epist. 165. Hieronymus de Script. Eccles. in Dionysio Alexandrino, Nicephorus Episc. in Chronico, Baronius in Notis ad Martyrologium, & in Annal. Ciaccenius cum

Aufla-

Auctarijs, & alij quamplures.

Zosimus. Abrahami filius ex Magna Græcia, rexit Ecclesiam teste Anastasio, Menses octo, dies 25. ex Platina menses tres diesque 12. supra annum unum.

De hoc Martyrologium Romanum, Beda, Baronius in Notis, & in Annal. Ciaconius cum Auctarijs, & reliqui, qui tractarunt de Romanis Pontificibus.

Hadrianus I. Theodori filius de regione via Late ex Diacono Cardinali renuntiatus Pontifex.

Leander Albertus in descriptione Italia narrat Hadrianum in Nonantulana Abbatia iacere, illumque Incolas eiusdem venerari ut Sanctum, eiusque festiuitatis diem singulis annis celebrare 8. Idus Iulij.

Meminerit Hadriani Tabula Nonantulana, Baronius in Annal. Anastasius Bibliothecarius, Ciaconius, eiusdemque Auctarij, & alij multi.

VI. KAL. IANVARIJ.

Anno Dominicæ Natiuitatis 955. Pontificatus mense sexto, die decima supra nouennium Romæ è vita excessit Agapetus, alijs Agapitus II. seu iunior, in ordine Pontifex centesimus trigesimus secundus, patria Romanus, innocentis vitæ vir, & gregis sibi commissi vigilantissimus Pastor, qui Basilicas Urbis restaurauit, Monachis præcipuè Cassinensibus priuilegia plura concessit, Synodum in Vrbe celebrauit, in qua Hugonis Principis Francorum damnationem confirmauit, illumque è piorum numero eie-

eiecit, donec Ludonico Regi Gallico satisfactum esset. Apostolicæ enim Sedi hoc in more, semper fuit ab afflictis Regibus stare, & causam miserorum, plerumque suam facere. Huius corpus sepulturæ traditum in Laterano, vacauit Sedes per dies undecim.

Notæ. 27. Decembris.

Agapetus. sedit affirmante Baronio, annos decem, menses & dies item decem, seu ex alijs, Menses decem, totidemque dies supra nouennium.

De hoc plura habent Flodoardus in Annal. Saxo Grammaticus in hist. Danica, Hugo Abbas Flauiniatensis in Chronico Virdunensi, Auctor vite Ioannis Garzæ Abatis, Ioannes Stella, Panuinius, Platina, Ciaconius cum Auctarijs, & alij multi.

V. KAL. IANVARIJ.

Hac die Romæ anno salutis 914. Pontificatus Mense 6. die 22. mortuus est Landus, patria Sabinus, in ordine Pontifex centesimus vigesimus quartus, qui illicò auctoritatem suam interposuit, quò minus Berengarius, & Rodolphus Comitis Guidonis filij decertarent. Sepultus apud Vaticanum, vacauit Sedes per dies 26.

Notæ. 28. Decembris.

Landus. Trani filius sedit Menses quatuor, & non-

Et nonnullos dies ex alijs.

De illo Ioannes Stella, Panuinius, Auctor Romæ subterraneæ, S. Antoninus, Iacobus Gaultierius, Ciaconius, & alij.

III. KAL. IANVARII.

Anno post Christum natum 1590. Pontificatus Mense secundo in Vrbe mortem obiit Innocentius IX. in ordine ducentessimus trigessimus quartus Pontifex Maximus, patria Bononiensis, doctrina clarus, & incorruptæ vitæ laude omnibus notus, qui altero post creationem die concilium habuit annonæ consulturus, & renouato pristino more ad Patriarchas, Archiepiscopos, & Primates literas dedit, quibus suam ad Pontificatum promotionem significabat, vtque pijs cum precibus apud Deum iuuarent, precabatur. ad seditiones sedandas, ciuilesque controuersias componendas animum applicuit, de Ethnicis ad Catholicam fidem conuertendis, de hæresibus euellendis, de succurrendo Regi Gallico contra hæreticos singulis diebus cum Cardinalibus egit, quorum Senatum duobus viris selectissimis auxit. Corpus sepulturæ traditum in Vaticano, vacauit post eius obitum per dies 30. Sedes.

Notæ. 30. Decembris.

Innocentius. Io. Antonius Facchinettus ante Pontificatum nuncupatus, Antonij nobilis Bononiensis

sis filius, obiit ex alijs Kal. Ianuarij.

Celebrant Innocentium Auctarij Ciaconij, Antonius Ceccarellus, Io. Antonius Petramellarius, Seuerinus Binius Tomo ultimo Conciliorum, Innocentius Mendozius in oratione obedientiæ, Possuinus, Andreas Dufchenius, Antonius Sanderus libro de claris Antonijs, Benedictus Iustinianus in Oratione funebri, Laurentius Berlinck in opere Chronologico, & alij plures.

PRIDIE KAL. IANVARII.

Romæ anno Christi 335. Pontificatus 21. die prima, seu quarta summa senectute, cum esset sanctitatis, sanctæque factorum & virtutum admirandarum laude clarus, deque Ecclesia optimè meritus, corporis vinculis solutus ad præmium euolauit æternum Silvester huius nominis primus, in ordine trigessimus quartus Pontifex Maximus, patria Romanus, qui baptismatis fonte lustrauit Constantinum Magnum, & nobilissimam Virginem Calpurnij Urbis Præfecti filiam, Romanam nomine, cuius natalis dies Tabulis ecclesiasticis adscriptus anniuersaria commemoratione in Ecclesia recolitur. Synodum Romæ conuocauit, & Nicænam confirmauit, ordinauitque Episcopos 65. Presbyteros 42. Diaconos 26. nec non decreuit, vt Chrisma ab Episcopo tantum consecraretur, vtque Presbyter instante morte, oleo sancto Christianos liniret; vetuit etiam, ne laicus in iudicium vocaret Clericum, neue

neue Clericus coram seculari Iudice litem agita-
ret, vt Diaconus ad celebrandum Dalmatica &
palla læua imposita vteretur, vtque Sacerdos ce-
lebraturus lineas vestes, easque candidas adhibe-
ret. Cuius corpus post obitum conditum in
Cremeterio Priscillæ via Salaria tertio ab Vrbe
milliario, inde à Sergio II. ad Titulum Equitij ab
ipso Siluestro erectum, translatum est. Vacauit
Sedes per dies 15.

Nucerinæ in Vmbria circa annum Christi 500.
in schismate obiit Cœlius Laurentius Episcopus
Nucerinus, qui Festi Patritij opera in gratiam
Anastasij Imperatoris Petri Sedem per annum
vnum, & menses aliquot occupauerat.

Anno verò 895. Romæ extinctus est Bonifa-
cius VI. in ordine Pontifex, centesimus decimus
quartus, cum sedisset in Petri Cathedra quin-
decim tantum dies; quare ob Pontificatus breui-
tatem nihil de eo memoria dignum inuenitur.
Sepultus apud S. Petrum, vacauit Sedes per dies
quinque.

Hac eadem die Aversæ in Campania, in Mo-
nasterio S. Laurentij anno salutis humanæ 1102.
moritur Albertus Pseudodiaconus Cardinalis,
qui inuadens Petri Cathedram per menses quin-
que contra Paschalem II. dictus fuit Aposto-
licus.

Anno verò 1012. incertum; quo die, menseue
Gregorius quidam, qui Romanorum fretus po-
tentia, contra sacros Canones Petri Sedem in
Benedictum VII. dictum VIII. occupauerat, post

ali-

aliquot menses ad euitandas Henrici Cæsaris iras
occupatam Sedem & Urbem dereliquit.

Notæ. 31. Decembris.

Siluester. *Rufini, ac Iusta sanctissima mulieris
filius, sedit ex Panuino in Chronico annos 23. Men-
ses 10. dies 12. vel ex Anastasio 11. ex Adone verò
Kiennensi, Platina, & Genebrardo dies 4. supra
20. annum, ex Nicephoro annos 28. ex alijs Men-
ses & dies aliquot supra 24. annum; vel denum ali-
quorum sententia annos 19. cuius pars corporis repo-
sita est à Paulo I. Pontifice in Ecclesia SS. Stephe-
ni, & Siluestri Pontificum à se erecta in Campo
martio.*

*Memoriam tanti Pontificis celebrant Martyrologium
Romanum, Menologium Græcorum, Beda, Vsuar-
dus, Baronius in Notis, & in Annal. Eusebius in
Chronico, Optatus, contra Parmen. Augustinus
epist. 165. Ciaconius cum Auctarijs, & alij plures
apud eosdem.*

*Cœlius Laurentius. electus in Basilica Liberia-
na contra Symmacum Pontificem.*

*De quo S. Gregorius in Dialogis lib. 4. Baro-
nius in Annal. Ciaconius, & Panuinius, alijque
plures.*

*Bonifacius. Hadriani Episcopi ex legitimo ma-
trimonio filius.*

*Cuius meminere S. Antoninus, Panuinius, Ciaco-
nius; alij tamen vt Baronius, Bonifacium reiiciunt à
numero Pontificum.*

Alber-

Albertus. natus Atellis, quæ hodie Aversa dicitur, eunlgatus Pseudocardinalis à Clemente III. Antipapa, a Militibus Paschalis Pontificis captus, dum ad Urbem accederet, Pontificatu se abdicare coactus, relegatus est in Monasterium S. Laurentij.

De hoc agunt Ciaconius, Pandulphus Pisanus, & alij in Vita Paschalis II.

Gregorius. cuius præter nomen nulla extat memoria.

Vide Ciaconium, Panuinium, Ranuccium Picum in Speculo Principum & alios.

LAVS DEO.

I N D E X
SVMORVM PONTIFICVM
SERIE LITERARVM.

A

- S. A** Bundius Eleutherius. 26. Maij.
Abundius Zephyrius vide Zephyrinus
Adeodarus. 26. Iunij.
S. Agapetus I. 21. Maij.
Agapetus II. 27. Decembris.
S. Agatho. 10. Ianuarij.
S. Alexander I. 3. Maij.
Alexander II. 22. Aprilis.
Alexander III. 27. Augusti.
Alexander IV. 25. Maij.
Alexander V. 3. Maij.
Alexander VI. 18. Augusti.
Alexander VII. 22. Maij.
S. Anacletus. 13. Iulij.
S. Anastasius I. 27. Aprilis.
Anastasius II. 19. Nouembris.
Anastasius III. 4. Iunij.
Anastasius IV. 3. Decembris.
S. Anicetus. 17. Aprilis.
S. Anthærus. 3. Ianuarij.

SVMMORVM PONTIFICVM.

Pseudopontificum .

Anacletus II. 7. Ianuarij .
Anastafius . 29. Septembris .
Apostolicus . 31. Decembris .

B

Pontificum.

S. Benedictus I. 31. Iulij .
Benedictus II. 15. Maij .
Benedictus III. 26. Februarij .
Benedictus IV. 9. Aprilis .
Benedictus V. alijs VI. 4. Iulij .
Benedictus VI. alijs VII. 30. Martij .
Benedictus VII. alijs VIII. 10. Iulij .
Benedictus VIII. alijs IX. 1. Maij .
Benedictus X. alijs XI. 7. Iulij .
Benedictus XI. alijs XII. 25. Aprilis .
S. Bonifacius I. 25. Octobris .
Bonifacius II. 17. Octobris .
Bonifacius III. 12. Nouembris .
S. Bonifacius IV. 25. Maij .
Bonifacius V. 25. Octobris .
Bonifacius VI. 31. Decembris .
Bonifacius VII. 21. Iulij .
Bonifacius VIII. 11. Octobris .
Bonifacius IX. 1. Octobris .

Pseu-

I N D E X

Pseudopontificum .

Benedictus VII. 10. Iunij .
Benedictus IX. dictus X. 24. Ianuarij .
Benedictus XII. dictus XIII. 23. Maij .
Bonifacius VII. Vide Pontifices sub eodem no-
mine .

C

Pontificum.

Cælius Hormisda , vide Hormisda .
Cælius Siluerius , vide Siluerius .
Cælius Symmachus , vide Symmachus .
S. Cælestinus I. 6. Aprilis .
Cælestinus II. 8. Decembris .
Cælestinus III. dictus II. 9. Martij .
Cælestinus IV. dictus III. 7. Ianuarij .
Cælestinus V. dictus IV. 8. Octobris .
S. Cælestinus VI. dictus V. 19. Maij .
S. Caius . 22. Aprilis .
S. Callistus . 14. Octobris .
Callistus II. 13. Decembris .
Callistus III. 6. Augusti .
S. Calpurnius Pontianus . vide Pontianus .
Christophorus I. 24. Decembris .
S. Clemens I. 23. Nouembris .
Clemens II. 15. Octobris .
Clemens III. 25. Martij .
Clemens IV. 29. Nouembris .

S 2

Cle-

SVMMORVM PONCIFICVM.

Clemens V. 20. Aprilis.
 Clemens VI. 6. Decembris.
 Clemens VII. 25. Septembris.
 Clemens VIII. 7. Martij.
 Clemens IX. 9. Decembris.
 S. Cletus. 26. Aprilis.
 S. Concordius Soter. 22. Aprilis.
 Conon. 21. Septembris.
 Constantinus I. 11. Februarij.
 Constantinus Marinus. vide Marinus.
 S. Cornelius. 14. Septembris.

Pseudopontificum.

Callistus III. 29. Augusti.
 Christophorus I. vide Superius.
 Clemens III. 2. Septembris.
 Clemens VII. 16. Septembris.
 Clemens VIII. 26. Iulij.
 Coelius Laurentius. 31. Decembris.
 Constantinus. 15. Augusti.

D

Pontificum.

S. D Amasus. 11. Decembris.
 Damasus II. 10. Augusti.
 S. Deusedit. 8. Nouembris.
 S. Dionysius. 26. Decembris.
 Donus siue Domnus I. 11. Aprilis.
 Donus vel Domnus II. 19. Decembris.

Pfeu-

INDEX

Pseudopontificum.

Dioscorus. 12. Nouembris.

E

Pontificum.

S. E Leutherius. vide Abundius Eleutherius.
 S. Euaristus. 26. Octobris.
 S. Eugenius I. 2. Iunij.
 Eugenius II. 12. Decembris.
 Eugenius III. 9. Iulij.
 Eugenius IV. 23. Februarij.
 S. Eusebius. 26. Septembris.
 S. Eutychianus. 8. Decembris.

Pseudopontificum.

Eulalius. 2. Aprilis.

F

Pontificum.

S. F Abianus. 20. Ianuarij.
 S. Felix I. 30. Maij.
 S. Felix II. alijs III. 25. Februarij.
 S. Felix III. alijs IV. 12. Octobris.
 Formosus. 14. Decembris.

S 3

Pfeu-

SVMMORVM PONTIFICVM.

Pseudopontificum.

Felix . 11. Nouembris .
Felix IV. dictus V. 13. Ianuarij .

G

Pontificum .

S. G Elafius I. 21. Nouembris .
Gelafius II. 29. Ianuarij .
S. Gregorius I. 12. Martij .
S. Gregorius II. 11. Februarij .
S. Gregorius III. 28. Nouembris .
Gregorius IV. 25. Ianuarij .
Gregorius V. 18. Februarij .
Gregorius VI. 20. Decembris .
S. Gregorius VII. 25. Maij .
Gregorius VIII. 15. Decembris .
Gregorius IX. 22. Augusti .
Gregorius X. 11. Ianuarij .
Gregorius XI. 27. Martij .
Gregorius XII. 4. Iulij .
Gregorius XIII. 10. Aprilis .
Gregorius XIV. 15. Octobris .
Gregorius XV. 8. Iulij .

Pseudopontificum.

Gregorius . 31. Decembris .

Gre-

I N D E X

Gregorius VIII. 16. Decembris .
Guido Cremensis . vide Paschalis III.

H

Pontificum .

H Adrianus I. 26. Decembris .
Hadrianus II. 1. Nouembris .
Hadrianus III. 9. Maij .
Hadrianus IV. 1. Septembris .
Hadrianus V. 21. Augusti .
Hadrianus VI. 24. Septembris .
S. Hilarus . 17. Augusti .
Honorius I. 13. Octobris .
Honorius II. 16. Februarij .
Honorius III. 18. Martij .
Honorius IV. 3. Aprilis .
S. Hormifda . 6. Augusti .
S. Hyginus . 11. Ianuarij .

Pseudopontificum .

Honorius II. 13. Aprilis .

I

Pontificum .

S. I Ginus . vide Hyginus .
S. Innocentius I. 28. Iulij .

S 4

Inno-

SVM MORVM PONTIFICVM .

Innocentius II. 24. Septembris .
 Innocentius III. 20. Iulij .
 Innocentius IV. 13. Decembris .
 Innocentius V. 22. Iunij .
 Innocentius VI. 12. Septembris .
 Innocentius VII. 6. Nouembris .
 Innocentius VIII. 25. Iulij .
 Innocentius IX. 30. Decembris .
 Innocentius X. 7. Ianuarij .
 S. Ioannes I. 27. Maij .
 Ioannes II. 26. Iunij .
 Ioannes III. 13. Iulij .
 Ioannes IV. 13. Octobris .
 Ioannes V. 3. Augusti .
 Ioannes VI. 7. Ianuarij .
 Ioannes VII. 17. Octobris .
 Ioannes VIII. 15. Decembris .
 Ioannes IX. 23. Septembris .
 Ioannes X. 7. Aprilis .
 Ioannes XI. 25. Octobris .
 Ioannes XII. 14. Maij .
 Ioannes XIII. 6. Septembris .
 Ioannes XIV. 16. Martij .
 Ioannes XV. 10. Februarij .
 Ioannes XVI. 25. Augusti .
 Ioannes XVII. 31. Octobris .
 Ioannes XVIII. 18. Iulij .
 Ioannes XIX. 8. Nouembris .
 Ioannes XX. dictus XXI. 16. Maij .
 Ioannes XXI. dictus XXII. 5. Decembris .
 Ioannes XXII. dictus XXIII. 22. Decembris .

S. Iu-

INDEX

S. Iulius I. 12. Aprilis .
 Iulius II. 21. Februarij .
 Iulius III. 23. Martij .

Pseudopontificum .

Ioannes XVII. 3. Iunij .
 Ioannes . 24. Aprilis .
 Ioannes Stumienfis. vide Callistus III. Pseudo-
 pontifex .

L

Pontificum .

L Andus . 28. Decembris .
 S. Leo I. 11. Aprilis .
 S. Leo II. 28. Iunij .
 Leo III. 12. Iunij .
 S. Leo IV. 27. Iulij .
 Leo V. 24. Maij .
 Leo VI. 23. Octobris .
 Leo VII. 6. Maij .
 Leo IX. 26. Aprilis .
 Leo X. 1. Decembris .
 Leo XI. 27. Aprilis .
 Liberius . 24. Septembris .
 S. Linus . 23. Septembris .
 S. Lucius I. 4. Martij .
 Lucius II. 25. Februarij .
 Lucius III. 25. Nouembris .

Pseu-

SVMMORVM PONTIFICVM.

Pseudopontificum.

Leo VIII. 17. Martij.

M

Pontificum.

SM Arcellinus. 26. Aprilis.
 S. Marcellus I. 16. Ianuarij.
 Marcellus II. 30. Aprilis.
 S. Marcus. 7. Octobris.
 S. Marinus I. 18. Ianuarij.
 Marinus II. 15. Maij.
 S. Martinus I. 12. Nouembris.
 Martinus II. 29. Martij.
 Martinus III. dictus V. 21. Februarij.
 S. Melchiades. 10. Decembris.



N

Pontificum.

S.N Nicolaus I. 13. Nouembris.
 Nicolaus II. 3. Iulij.
 Nicolaus III. 22. Augusti.
 Nicolaus IV. 4. Aprilis.
 Nicolaus V. 24. Martij.

Pfeu-

I N D E X

Pseudopontificum.

Nicolaus V. 25. Augusti.
 Nouatianus. 15. Septembris.

P

Pontificum.

S.P Aschalis I. 14. Maij.
 Paschalis II. 21. Ianuarij.
 S. Paulus I. 28. Iunij.
 Paulus II. 28. Iulij.
 Paulus III. 10. Nouembris.
 Paulus IV. 18. Augusti.
 Paulus V. 28. Ianuarij.
 Pelagius I. 2. Martij.
 Pelagius II. 8. Februarij.
 S. Petrus Apostolus. 29. Iunij.
 S. Pius II. 11. Iulij.
 Pius II. 16. Augusti.
 Pius III. 18. Octobris.
 Pius IV. 9. Decembris.
 Pius V. 1. Maij.
 S. Pontianus. 19. Nouembris.

Pseudopontificum.

Paschalis I. 17. Ianuarij.
 Paschalis II. 21. Ianuarij.

Pascha-

SVMORVM PONTIFICVM.

Paschalis III. 24. Augusti.
Philippus. 1. Iulij.
Petrus Romanus. 7. Septembris.

R

Pontificum.

Romanus. 19. Augusti.
Rusticus Agapetus. vide Agapetus.

S

Pontificum.

Sabinianus. 19. Februarij.
S. Sergius I. 9. Septembris.
Sergius II. 12. Aprilis.
Sergius III. 9. Aprilis.
Sergius IV. 29. Maij.
Seuerinus. 2. Augusti.
S. Siluerius. 20. Iunij.
S. Silvester I. 31. Decembris.
Silvester II. 12. Maij.
S. Simplicius. 2. Martij.
Sifinius. 6. Nouembris.
S. Sixtus I. 6. Aprilis.
S. Sixtus II. 6. Augusti.
S. Sixtus III. 28. Martij.
Sixtus IV. 12. Augusti.
Sixtus V. 27. Augusti.

S. So-

SVMORVM PONTIFICVM

S. Soterus. vide Concordius Soter.
S. Stephanus I. 2. Augusti.
Stephanus II. 31. Martij.
Stephanus III. 26. Aprilis.
Stephanus IV. 31. Ianuarij.
Stephanus V. 25. Ianuarij.
Stephanus VI. 21. Maij.
Stephanus VII. 24. Martij.
Stephanus VIII. 8. Decembris.
Stephanus IX. 21. Octobris.
Stephanus X. dictus XI. 29. Martij.
S. Symmachus. 19. Iulij.
S. Syricius. 22. Februarij.

Pseudopontificum.

Sergius. vide superius Sergius III.
Silvester III. 11. Martij.
Silvester IV. 9. Februarij.

T

Pontificum.

S. Thelephorus. 5. Ianuarij.
Theodorus I. 14. Maij.
Theodorus II. 8. Septembris.

Pseudopontificum.

Theodorus. 22. Octobris.

Theo-

I N D E X

Theodoricus . vide Clemens III. Pseudopont.
Theophylactus . 23. Aprilis .

V

Pontificum .

Valentinus . 23. Ianuarij .

S. Victor I. 28. Iulij .

Victor II. 28. Iulij .

Victor III. 16. Septembris .

Vigilius . 10. Ianuarij .

S. Vitalianus . 27. Ianuarij .

S. Urbanus I. 25. Maij .

Urbanus II. 29. Iulij .

Urbanus III. 19. Octobris .

Urbanus IV. 2. Octobris .

Urbanus V. 19. Decembris .

Urbanus VI. 15. Octobris .

Urbanus VII. 27. Septembris .

Urbanus VIII. 29. Iulij .

Pseudopontificum .

Victor IV. 13. Aprilis .

Vigilius . Vide superius Vigilius .

Vrficinus . 12. Februarij .

Pon-

SVMORVM PONTIFICVM.

Z

Pontificum .


S. Zacharias . 15. Martij .
S. Zephyrinus . 26. Augusti .
S. Zosimus . 26. Decembris .


Pseudopontificum .

Zinzinus . 28. Maij .

F I N I S .

TWR





LIBRARY OF THE
UNIVERSITY OF
TORONTO

11

